

ჩვენი მწერლობა

გამოდის თვეში ორჯერ პარასკეობით

ფასი 1,50 ლარი

27 ოქტომბერი 2006

№22



პრეზიდენტები და ჟურნალისტები
ვნებანი ვარდობისთვისანი
ეშმაკური დაფიცება
სოკრატე ჰელსინკში
რა ხდება საიქიომდე
დეფილე მესტიაში



შინაარსი

რედაქტორის გვირგვინი	2	საფლავთა პოეტიკა (ამირან არაბულის ფოტოგამოფენა „შენდობით მომიხსენიეთ“)
ჩვენი ყოფა, ნუთისოვანი	4	მაია დე გრაფი ნადარეიშვილი ეჭვმიტარებულის დიდებულება
აინსტოლა	7	ნოდარ აფხაძე ვირტუალური სივრცის მნარჩები
ღებულები	9	ლაშა იმედაშვილი შავი ჭირის საკი
პოეზია	20	იზა ორჯონიკიძე ვნებანი ვარდობისთვისანი და სხვა ლექსები
ესეისტიკა	26	ლევან ბრეგაძე ეშმაკური დაფიცება
ანონსი	28	თეიმურაზ დოიაშვილი ინფორმაცია განსჯისათვის
ღიაღობი	31	სამგაოს დასაფიცარი (საუბარი მარინე რჩეულიშვილთან)
შიქრი და განსჯა	34	ირაკლი ბათიაშვილი პირველსაწყისის შემოტევა
რეპორტაჟი	37	საბა სულხანიშვილი „მაშა თუ ვითარ გვინოდავენ მხნეთა ივერთა“ (გიორგი ერისთავის ხსოვნის საღამო)
ნაყარული სულისა	39	მაია ჯალიაშვილი MEMENTO MORI
ქრიტიკა	42	ნუგზარ მუზაშვილი არჩევანი
გვაქვს უთვალავი ფართი	48	შორენა ლებანიძე „დალოდის“ დაფილე მისტიის ხედავისა და სპანური ყოფის ფონზე
ვნებანი აქვეყნიურნი	50	გივი გამრეკელი „ტულატის სტრატეგია“ თუ ფსიქოლოგიური საშუალებები?!
უხსოვარი ნოველა	53	მარტი ლარნი სოკრატე ჰელსინკში
ნაყარული	61	მანვილსიტყვაობის ნიშნები
მოზაიკა	63	კინოში – ცოლთან ერთად

დამფუძნებელი „ილიონი“

მისამართი: თბილისი,
ჩუბინაშვილის №41

რედაქცია – (995 32) 95-23-24

რეკლამა – (995 77) 48-12-24

გავრცელება – (995 99) 93-18-52

ფაქსი: (995 32) 96-20-62

E-mail: info@mtserloba.ge



დაბეჭდილია საბაბოში "ომეგა ტეგი" PRINTED BY "OMEGA TEGI" PRINT HOUSE
საქართველო, თბილისი, სარაქიშვილის 17 TBILISI, GEORGIA, 17 SARAJISHVILI STREET
ტელეფონი: +995 32 53 03 62 TELEPHONE +995 32 53 03 62

მთავარი რედაქტორი – როსტომ ჩხეიძე

პროზის რედაქტორი – მაკა ჯოხაძე პოეზიის რედაქტორი – გიორგი ლობჯანიძე

კრიტიკისა და თარგმანის რედაქტორი – თამაზ ნატროშვილი

დიზაინერი – მალხაზ იაშვილი მხატვრული რედაქტორი – კარლო ფაჩულია

კორექტორი – ნინო დეკანოიძე დაკაბადონება – ლევან ჩხეიძე

ოპერატორი – თამარ ჩიხლაძე სარეკლამო მენეჯერი – მაკა ჯაფარიძე

გავრცელების სამსახური – ლევან ბინაძე

გარეკანზე: დევილე მესტიაში, ფოტოგრაფიული გოგა ჩანადირისა
გურამ რჩეულიშვილი

„ჩვენი მწერლობის“ მომდევნო ნომერი გამოვა 10 ნოემბერს

საფლავთა პოეტიკა

*

ამირან არაბულის ფოტოგამოფანა „შენდოხით მომისხანიით“

პერსი ბიში შელი არასოდეს ყოფილა გატაცებული ლიტერატურულ-ფილოსოფიური სენტენციების შექმნით, თუმცა ზოგიერთი მხატვრული ფორმულა მაინც გამოჩნდა მის ესეისტურ-ესთეტიკურ პროზასა თუ ეპისტოლეებში და, მათ შორის, ესეც: თუ დიდი პოეტი არა ხარ, დიდი მეცნიერიც ვერ იქნები.

შეუძლებელია შელი რაიმეში ცდებოდეს, როდესაც პოეზიას ახსენებს – იგი სულაც პოეტისა და პოეზიის სიმბოლოდ შემორჩებოდა კაცობრიობის ხსოვნას, მოქანდაკეს შესაძლოა სწორედაც მისგან გადაეღო პოეზიის განზოგადებული სახეა და ეს ლიტერატურული სენტენცია ამიტომაცაა ასეთი სარწმუნო.

თუ დიდი პოეტი არა ხარ, დიდი მეცნიერიც ვერ იქნები...

და თუ პოეტი არა ხარ, მეცნიერი საერთოდაც ვერ იქნები.

შელის შეგონება გულისხმობს იმავეს, რასაც მოგვიანებით გიორგი ლეონიძე პოეტური სულით გასხივოსნებას უწოდებდა და მიიჩნევდა, რომ პოეტები მხოლოდ ქალაქებში რითმით მოლაპარაკენი კი არ იყვნენ, არამედ ამ სულით ანთებული სხვაც ბევრი დაიარებოდა ქვეყანაზე.


და ეს საწყისი ჰკრავდა და ჰკრავს სამყაროს, რათა უამრავ ფრაგმენტად არ განიზნეს უსაზღვროებაში.

ეს საწყისია შთამაგონებელი იმ ბედნიერად ნაპოვნი იდეებისა, ასე რომ ამრავალფეროვნებს და ამშვენიერებს ნუთისოფელს და ერთი გამოსხივების მონმენი დღესაც გავხდით – რალაც დიდი და ახალი სამყარო აღმოვაჩინეთ, ჩვენს თვალწინ არსებული, მაგრამ ჯერაც მიუკვლეველი.

მიუკვლეველი თავისი ათასფერადობითა და შინაგანი სივრცით, თორემ ჟამიდან ჟამად ჩვენთვისაც მოუტაცია თვალი საფლავის ქვებს, დიდრონსა თუ მომცროს – ზოგჯერ წარწერას, ზოგჯერ გამოსახულებას... მოუტაცია და სადღაც კუნჭულშიც მტკიცედ ჩაბეჭდილა ჩვენი სულისა, მაგრამ სამყაროდ ვერ მთლიანდებოდა და ვერც წარმოვიდგენდით მის სამყაროებას.

მხოლოდ მაშინ ვიგრძნობდით საფლავთა ფოტოანბეჭდების თავმოყრის განსაკუთრებულობასა და აუცილებლობას, როდესაც პირველად ვიხილავდით ამ ორიგინალურ

ნალური იდეის გამჟღავნებას – ამირან არაბულის ფოტოხელოვნების ამ კიდევ ერთ რკალს, თურმე ერთგვარ ჭაშნიკს, კარის ოდნავ შეღებას უსაზღვროების ამ ხილულ მხარესთან, ორ სამყაროს – სააქოსა და საიქიოს – რომ ბლანდავს ერთიერთმანეთზე.



ამირან არაბული (შუაში)

ჯერ ის ჭაშნიკიც როგორ მოგვხიბლავდა. შეძვრით რომ შეგვძრავდა, ეს თავისთავად, მარადისობასა და წარმავლობაზე რომ შეგვიჯარავდა ფიქრს, ამა-საც რა მიხვედრა უნდა... ის გვიკვირდა მხოლოდ – ეს რამხელა სილამაზე შემალულიყო ხშირად ბალახ და შამბგადავილ ლოდებქვეშაც, მიმობნეულიყო, დაშორიშორებოდა ერთმანეთს და ელოდა, ელოდა იმ მადლიან ხელს, რომელიც ბალახსაც და შამბსაც გამოგლეჯდა, ყველაფერს მოასუფთავებდა ირგვლივ და ფოტოობიექტივზეც აღბეჭდავდა იმ გამორჩეულ ხიბლს, რაც გამქრალ ქვის ოსტატთა ხელოვნებად გამთლიანდებოდა.

მადლიანსა და... პოეტურ ხელს.

ამირან არაბული პოეტი გახლდათ მეცნიერებაშიც, პოეტი გახლდათ პუბლიცისტიკაშიც, პოეტი გახლდათ პირად ურთიერთობებშიც – რომანტიკული ეპოქის შვილს რომ მოგაგონებდათ, და საქართველოს მთა-ბარში თავგამეტებული ხეტილის დროსაც ამ საწყისსა თუ პიროვნულ ნერვს შეინარჩუნებდა.

ის საჭაშნიკო გამოფენა უკვე ასხივებდა ამ პოეტურ შუქს, რაც კიდევ უფრო უნდა აბრდღვიალებულიყო, გაცილებით რომ შეივსებოდა. და, ცხადია, ესეც ერთ მცირე ნაწილად უნდა ვიგულისხმოთ იმ ვეება პანორამისა, რომელიც თანდათან ყველა ლოდს უნდა გადაწვდეს, სადაც ქართველთა სამარე გაჭრილა.

ჯერ მარტო საფლავის ლოდების ოსტატებს რამხელა კულტურისათვის მიუღწევიათ.

ეს სწორედაც თავისთავადი და არაჩვეულებრივი კულტურაა, ხელშესახები დასტური ვაჟა-ფშაველას პოეტური ფორმულისა; შენი ჭირიმე, სიკვდილო, სიცოცხლე შენობს შენითაო; და აღარც უოლტ უიტმენის სიკვდილის საგალობელი გაკრთობს და გეუცხოება, რაკილა ის შინაურული გარემო და იდუმალი ინტიმი ამ ფოტოციკლშიც ასეთი ხელშესახებია. და უიტმენის იმ დიდი რეკვიემის – „როცა ეზოში, გაზაფხულზე“ – ის ფრაგმენტი თითქოს ეპიტაფიაცაა და ამ საფლავის ლოდთაგან ერთი-ერთზეც ამოტიფურულია:

სტატიას საფუძვლად დაედო ავტორის გამოსვლა ამირან არაბულის ფოტოგამოფენაზე 2005 წლის 1 დეკემბერს საქართველოს პარლამენტის ეროვნულ ბიბლიოთეკაში.

**შენ, მოალერსე და ტკბილო სიკვდილო,
ქვეყნის გარემოვლით შემოქცეულო,
შენ, სხივოსანო, მოდიხარ, მოდიხარ,
დღისითა და ღამით, ყველგან და ყველასთან,
ადრე თუ გვიან – სათნო სიკვდილო.**

ეს ერთ-ერთზე ამოტივფრული, ედგარ ლი მასტერსის „სფუნ რივერის ანთოლოგია“ კი მთლიანი პანორამით ენაცვლება ქართველი შემოქმედის – პოეტისა და ფოტოხელოვანის – აღმოჩენილ სამყაროს და მისი თვითეული ეპიტაფია თავით ბოლომდე ჩამოურიგდება ქართული სამარის ლოდებს. თუ ჩაუკვირდებოდი, რამხელა ტრაგედიები და კომედიები ამოდიოდა „სფუნ რივერის ანთოლოგიიდან“, რა სასონარკვეთა და ვნებათაღელვა, რამხელა დრამატიზმი და სიუჟეტური მრავალფეროვნება. ყველას, ყველას ეძინა გორაკზე და აღარც აპირებდნენ წუთისოფელში მობრუნებას, პოეტის თავგამოდება რომ არა, ვინც მათთან ერთად შედგებოდა სიკვდილ-სიცოცხლის მიჯნაზე და მხოლოდ ასე შეიცნობდა საფლავთა იდუმალებასა და მომწესხველობას.

გარეგნულად ყოფითია მასტერსის ეპიტაფიების საფანელი და ცალკეული რეალიები, ზედმეტად ყოფითი და დაწვრილმანებულები კი, მაგრამ ერთ-ერთი მიზანიც ეს გახლდათ ამერიკელი კლასიკოსისა – ათვალწუნებით არ შეეხებდა ცხოვრებისეული წვრილმანებისათვის ვითომდა მარადისობის გადმოსახედიდან და დაეფასებინა მათი სიდაიდეც და მშვენიერებაც.

ყოფითი სურათები თუ ფრაგმენტები არიალდებოდნენ თვალწინ და ვერც გაიგებდი, თუ როგორი ძალდაუტანებლობით მიაღწევდნენ ღრმა სიმბოლურ განზოგადებას.

ეს ყოფითობა შემოგვყურებს ამირან არაბულის ფოტოსურათებიდანაც, ლოდების მხატვრობის ავსება ყოფითი დეტალებითა და წვრილმანებით ძალდაუტანებლად გადავიდოდა ქაღალდზეც.

რა უცნაურად შერევა ერთმანეთს – ეს კაციო, ეს ქალიო, ეს ბავშვიო, ეს ცხვარიო, ეს ცხენიო, ეს თოფიო, ეს ხანჯალიო, ეს ვაზნებიო, ეს ყვავილიო, ეს ანგელოსებიო, ეს ჯვარიო, ეს თევზიო, ეს მტრედიო, ეს მაგიდაო, ეს სკამიო, ეს დოქიო, ეს ბოთლიო, ეს ჭიქებიო, ეს ვაზიო, ეს ყურძნის მტევანიო, ეს სახლის სვეტებიო, ეს თალიო, ეს გუთანო, ეს საკერავი მანქანაო, ეს მაკრატელიო, ეს უროო, ეს ჩაქუჩიო, ეს ხარებიო, ეს ჯიხვიო, ეს ურემიო, ეს გარმონიო, ეს ბორჯღალიო...

უცნაურად თუ იმ იდუმალი კანონზომიერებით, რომელსაც ჩანვდომით თუ ვერ ჩავწვდებით, ვიგულისხმობთ მაინც მისი არსებობა და, ჭეშმარიტებასთან ერთად ფარული მშვენიერება.

საფლავის ლოდებმა მაინც შეგვახვედროს.

და ეპიტაფიებიც სულ სხვაგვარად დავავასოთ, მწერალთა შექმნილი ის ნაკადიც და უცნობ მელექსეთა მახვილგონივრული თუ გულუბრყვილო სტრიქონები, მინის სიღრმიდან რომ შემოგვღალადებენ. მწერალთა ეპიტაფიებისა ცალკე ანთოლოგიაა შესადგენი, ხალხური ეპიტაფიებიც ცალკე უნდა გამოიცეს, ვიდრე რჩეული ნიმუშები გვერდიგვერდაც მოიყრიან თავს.

ამირან არაბულის მიერ შეგროვებული ეპიტაფიები ძვირფას მასალად ჩაერთვის იმ კრებულს, თუ სულაც მან არ შექმნა მთავარი ძარღვიც და ქარგაც.

**იძინე დიდებულო მოხუცო წიაღთა შინა
ჩვენც დაგვიდგება დრო სანეტარო და
შენთან ერთად გვექნება ბინა.**

ასე დუშელები დაამშვიდებდნენ ნემტს, ნინონმინდლები კი გულისტკივილს გაუხარელი ცხოვრებით თვითონ მიცვალებულს დაატირებინებდნენ:

**ამ წუთისოფლითგან არა მხვდა წილი
არც ქმარი მყვანდა არც თუ ყმანვილი
ზეცათ ინდომეთ ჩემი ქორწილი.**

ბოგველი მშრომელი დ მოქიფე არც საფლავში დაიშლიდა ხალისსა და სუფრის ჟინს:

**მშრომელი კაცი ვიყავი
მიყვარდა ჰურ-მარილია
უკანასკნელად პატივს მცემს
სიძე და ჩემი შვილია.**

გუდალეთელი სიკვდილს ყვედრიდა უდროოდ გამოცხადებას:

**ამ ოხერმა სიკვდილმა
რა უდროოდ მიგდო მახე
მომაშორა წუთისოფელს
შავ მინაში დავიმარხე.**

და ორბეთელიც მის სატკივარს გააგრძელებდა, იმ სამარიდან შემოეხმინებოდა:

**ბედია თვითონ ბუნება
ვისგან კაცს ნიჭნი ხვდებიან
ზოგი იფურჩქენის ზოგნი კი
კოკორშიავე ჭკნებიან.**

გივი შადური მუშტრის თვალთ გაზომავდა და შეაფასებდა ყველა ამ ეპიტაფიას. მიხეილ ჯავახიშვილს სასაფლაოს ბინადრად ექცია თავისი გმირი სიცოცხლეშივე, აკლამაში მიეჩინა ბინა გარიყულისა და უთვისტომოსათვის და ეპიტაფიების შეთხზვაც გაეხადა იმის ხელობად – თავის სარჩენი სხვა არც არაფერი მოეპოვებოდა. ამ ჟანრს არარაობის კვილადა და მარადიულობის წყურვილად იხსენიებს გივი შადური და თავისი ქვის წარწერად ეს ეგულება: ავარა და არაფერიო. ხოლო ვიდრე ამ ახალ საქმეს მოჰკიდებდეს ხელს, სასაფლაოს დაივლის და წარწერების კილოსა და ხერხს შეისწავლის. მალე გაიგებს, მუშტარს რა საქონელი უნდა და, სამ დღეში ოთხ დიდ სასაფლაოს რომ მოიბრუნეს და ერთ რვეულს ყოველწლიური წარწერით აავსებს, ხან მკვდარს რომ მიმართავენ, ხან მკვდარი მიმართავს საკუთარ თავს, ხან ცოცხალთ, ხან გამველელს, ჭირისუფლებთან იოლად პოულობს საერთო ენას, ყველას თავთავის შესაფერისს ურჩევს:

– მე ჩავედი, შენც მოდიხარ.

ან:

– მე უკვე შინა ვარ, შენ კი ჯერ სტუმრად ბრძანდები და მალე შენც დაბრუნდები.

ანდა:

– მოვედი, ვიცხოვრე, ვიგემე, ვნახე, გავიგე და წავედი.

საფლავთა პოეტიკა საგამოფენო დარბაზის კედლებზე გადმონაცვლებულა და ყოფითი დეტალები და წვრილმანებიც შეუნარჩუნებია.

ისევე, როგორც ეთერ თათარაიძის ლირიკული ხილვებიც, ერთი შეხედვით, საკმაოდ გადატვირთულა ყოფითი დეტალებით, იმ წვრილმანებით, რაც თითქოს არც უნდა იყოს პოეზიის თემა; და მხატვრულ ენადაც თუშურ კილოკავს გამოიყენებდა და არა ზოგადენობრივ კოინეს, იდუმალი ხმა უკარნახებდა, საშინაო-სალაპარაკო ენა თავის დიდ გამომსახველობას ინახავს და ვილაცამ უნდა გაუხსნას კარი მწერლობაში შემოსასვლელად. და ეს ენობრივი გარსი აამეტყველებდა ყოფით საგნებს, და ვერც გაიგებდი, ისეთი ძალდაუტანებლობით მიაღწევდნენ ღრმა სიმბოლურ განზოგადებას.

ეს სულიერი საერთოც, მხატვრული აზროვნების თავისებურებაც არის ნიშანდობლივი ამ ორი შემოქმედისათვის და ეთერ თათარაიძის პოეტური კრებულები თითქოს წინდანნივე მიგანიშნებს, რომ ამირან არაბულის ეს ფოტოციკლიც ყოფითი წვრილმანებიდან სიმბოლურ განზოგადებამდე უნდა ამაღლდეს.

მხოლოდ მასალად რომ შეეგროვებინა, მაშინაც ძვირფასი მონაპოვარი იქნებოდა იმ ესთეტის ხელში, ვინც ამ მასალას სულს შთაბერავდა მოხდენილი კომპოზიციური განლაგებით, მაგრამ პოეტური შეგნება პოეტური ხელოვნებითვე დაგვირგვინდებოდა და ისე დალაგდებოდა სამართის ლოდთა იდუმალი ბიოგრაფიები, ისეთ ვრცელ სიუჟეტურ ქარგაში მოექცეოდა, რომ პოემასავით წასაკითხი და შესაცნობი გახდებოდა, თავისთავადობაც არ მოაკლდებოდა და თუნდ მასტერსის ეპოსის კანთიელ ფონადაც წარმოისახებოდა.

გადადინდებოდნენ, ჩაიბნეოდნენ ერთიერთმანეთში ამერიკული ეპოსი და ქართული ფოტოპოემა, იდუმალად განმსჭვალავდნენ ერთიმეორეს და ეს კი ველარ გაგეგო, საიდან იჭრებოდა მასტერსის მელოდიებში ის ხმაც, ამერიკელი პოეტისა რომ არა ყოფილა და ალბათ ჩვენს თანამედროვე ინტერპოლატორს ჩაემატებინა, თანაც არა თავისი, არამედ სხვისაგან წასესხები სტრიქონები: მიწავე, შენ გებარებოდე ეს ჩემი ტურფა იაო, შენ უპატრონე, ემშობლე, როგორაც შენი ზნეაო.

ჩვენი ყოფა, ნუთისოვლი

მაია დე გრაფი ნადარეიშვილი

ეჭიერულობის დიდებულება

თანამედროვე სამყაროსთვის კვლავ აქტუალურია 1980-იანი წლების ბრიტანულ სერიალში „დაიხ, მინისტრო“ ერთ-ერთი დიალოგის პათოსი:

„ჯეიმს ჰაკერი: რა საშინელი ცინიზმია.

სერ ჰამფრი ეფლბი: ამას დემოკრატიას ვუნოდებთ, მინისტრო.“

მითი, რომ დასავლეთში ჟურნალისტებს ყველაფრის უფლება აქვთ და თუ არა – მაინც თავისის გატანის საშუალებას გამოიხატავენ ხოლმე, თანდათან ზეზუნებრივ ელემენტებს იშორებს და რეალურ სახეს იძენს. სულ უფრო ცხადი ხდება, რომ ისინიც ადამიანები არიან და მათაც ისევე უწევთ ყოველდღიურობასთან გამკლავება, როგორც საქართველოში. ზოგი პრობლემა საერთო გვაქვს, ზოგიც ლოკალური. ჩვენთან თუ ყოფითია გამწვავებული, დასავლელი ჟურნალისტები საქართველოში ისტორიულად მოგვარებულ სირთულეებს აწყდებიან. განსხვავებული მენტალიტეტის, გემოვნების, აზროვნების, განვითარების, ცხოვრების წესისა და ყოველდღიურობის მქონე საზოგადოებებს დღეს მართვისა და შემოქმედების იდენტურ მოდელს არგებენ – დემოკრატიის სახელით, გლობალიზაციის მიზნით.

მეოთხე ხელისუფლება, როგორც მმართველობის განუყოფელი ნაწილი, ოფიციალური თუ სასურველი კურსიდან ნაირგვარი გადახვევებისგან თავს ყოველთვის ვერ იზღვევს. ჟურნალისტიც ჩვეულებრივი მოქვდავია. ზოგს

შინაგანი თავისუფლება არ ასვენებს. ზოგს სახელი და კარიერის კიბეზე სხვაზე მაღლა არბენა ხიბლავს. ზოგი ყველაფერს ანაზღაურების ხარისხით ზომავს და საბანკო ანგარიშ(ებ)ზე ნულების გამრავლებითაა დაკავებული. ჟურნალისტს მხოლოდ პატარა დეტალი განასხვავებს კარის მეზობლისგან – სამყაროს მართვის, საზოგადოებაზე ზემოქმედების, ერთი სიტყვით, უზარმაზარი ცვლილებების გამოწვევის ამბიცია. არცთუ იშვიათად, იგი რესპონდენტის ჩრდილქვეშ ექცევა, მაგრამ შესანიშნავად იცის, რომ ეს მხოლოდ აუდიტორიაზე გათვლილი ფანდია. საკუთარი როლის ამგვარ პირობითობასაც მიზნის განხორციელებისთვის იყენებს ჟურნალისტი.

„ნიუ-იორკ თაიმსის“ სახელ ქვეული, ლეგენდარული ჯეიმს ბარეტ რესტონი, მეტსახელად „სკოტი“, XX საუკუნის ხანგრძლივი პერიოდის განმავლობაში ლამის ყველაზე გავლენიანი ამერიკელი ჟურნალისტი იყო. მის სიტყვას იმხელა ძალა ჰქონდა, რომ ხალხი მასობრივად და რეგულარულად კითხულობდა რესტონის პუბლიკაციებს, ხოლო ხელისუფლება ანგარიშს უწევდა მის აზრსა და პოზიციას. კოლეგები ამბობდნენ, ჯეიმს რესტონს ისეთივე პოლიტიკური წონა აქვს, როგორც აშშ-ის სამ სენატორს ერთად აღებულსო. სცენარისტმა კარლ მეიერმა ერთხელ იუმორით შენიშნა: რესტონის დონის პუბლიცისტს აშკარა უპირატესობა აქვს სენატორებთან შედარებით – კონგრესის წევრს ირჩევენ, ჟურნალისტი კი ბრიტანეთის ლორდთა პალატის წარმომადგენელივით მარადიულიაო.

ჯეიმს რესტონის ხანგრძლივი და უშრეტი წარმატების საიდუმლო მარტივია: პროფესიონალიზმი და ეთიკის ნორმების ერთგულება. თუმცა ჩავარდნაც ჰქონდა დიდ ჟურნალისტს, სწორედ იმ მიზეზით, რასაც „სკოტის“ პრივილეგიას უწოდებდნენ და ფარულად საყვედურობდნენ კონკურენტები „ვაშინგტონ პოსტიდან“: რესტონმა არაერთ მნიშვნელოვან პოლიტიკოსთან მოახერხა დაახლოება და მერე თავის საინფორმაციო წყაროდ აქცია ისინი.



ჯემის ბარეტ რესტონი



უოლტერ ლიპმანი



ჯოზეფ ოლსოპი

პატიოსნად ლავირებდა ხელისუფლების მაღალ ეშელონებსა და მედიის მოთხოვნებს შორის. ამიტომ სხვაზე მეტად ენდობოდნენ მმართველებიც და მართულებიც. თუმცა ერთხელ თვითონ რესტონი დააღალატეს. ეს მის მიერ გულიანად ნაქებმა ჰენრი ალფრედ კისინჯერმა ჩაიდინა. ნიქსონის ადმინისტრაციაში აშშ სახელმწიფო მდივნის პოსტზე მყოფმა კისინჯერმა არასწორი ინფორმაცია მიანოდა ჟურნალისტს 1972 წელს ვიეტნამის დაბომბვის თაობაზე. მოგვიანებით პოლიტიკოსმა თეთრი სახლი შეიყვანა შეცდომაში, როცა რესტონთან საუბრისას გამოთქმული კომენტარი შეცვალა. სიმართლის გასარკვევად კისინჯერის სატელეფონო საუბრების ჩანაწერების გამოყენება გახდა საჭირო. ახლა უკვე ზედმინევით ცნობილია კისინჯერის უპატიოსნო თამაშის პერიპეტეიები, მაგრამ რესტონის კარიერაში მაინც შავ ლაქად დარჩა აღნიშნული ინციდენტი.

ჟურნალისტიკა ქრისტოფერ ჰიჩინსმა 2002 წელს გამოცემულ წიგნში „ჰენრი კისინჯერის სამსჯავრო“ დაუნდობლად გააკრიტიკა პოლიტიკოსის დანაშაულებრივი მოღვაწეობა. მოგვიანებით დოკუმენტური ფილმიც გადაიღეს ამავე წიგნის მიხედვით. რესტონი ვერ მოესწრო 21-ე საუკუნეს, ვერ იხილა, როგორ უნია მსცოვან პოლიტიკოსს ძველმა ცოდვებმა ახალგაზრდა ჟურნალისტის კალმით.

რადიკალი ეკონომისტი და მედიაანალიტიკოსი ედუარდ ჰერმანი „შეერთებული შტატების საგარეო პოლიტიკის აპოლოგეტს“ უწოდებს ჯემის რესტონს და თანამოაზრეებს იმონებს. „ნიუ-იორკ თაიმსის“ ჟურნალისტი რ.უ. ეფლი გაზეთის ფურცლიდან გამოეჭომა კოლეგას და მის ოპონენტთა გასაგონად განმარტა: „ბატონი რესტონი ჯარისკაცებს, პოლიტიკოსებსა და პარტიებს სისუსტეებს პატიობდა. როგორც მისი ზოგიერთი კრიტიკოსი ამტკიცებს, იგი გადამეტებულ მიმტევებლობას იჩენდა ხოლმე, მაგრამ ეს იმიტომ მოსდიოდა, რომ ზედმეტად ახლოს იყო იმ ხალხთან“.

გონებადაბინდულ ნერონს არასდროს ავინყდებოდა საკუთარი სიგიჟეების მოდიფიცირება. რომი ისე გადაწვა, ხელი არ აკანკალებია, მაგრამ დანაშაულის სიმძიმე ვერ იტვირთა და ქრისტიანებს გადააბრალა. ისტორიულად ჩამოყალიბდა გაგება, რომ იმიჯი უმნიშვნელოვანესია. მედიამ აიტაცა ეს ხერხი თუ წინა სამი ხელისუფლებისგან ერგო მემკვიდრეობით, საკმაოდ საკამათო თემაა. ფაქტია, რომ მედიის გავლენა ყოველთვის დიდი იყო ამერიკაში და თვით ქვეყნის პირველი პირები ცდილობდნენ პრესის კეთილგანწყობის მოპოვებასა და შენარჩუნებას.

„ფიქრთა მპყრობელი“ საზოგადოებრივი აზრის ფორმირებაზე განსაკუთრებულად მძლავრად ახდენენ ზემოქმედებას. ამავე დროს, არც თვითონ არიან დაცულნი გარეშე ძალების გავლენისგან.

სულით ხორცამდე ჟურნალისტი უოლტერ ლიპმანი არასოდეს აიგივებდა მედიით გავრცელებულ ინფორმაციას სიმართლესთან. მისი აზრით, „ნიუსის ფუნქციაა მოვლენის შეტყობინება, სიმართლის დანიშნულება კი – დაფარული ფაქტების გამომზეურება, მათი ერთმანეთთან დაკავშირება და რეალური სურათის წარმოჩენა, რომლის მიხედვითაც შესაძლებელია სწორად ქმედება“.

ლიპმანი თვლიდა, რომ სიმართლის ჟურნალისტიკური ვერსია პირადული შეხედულებებითაა ნასაზრდოები. ამიტომ იგი გარკვეულწილად შეზღუდულია, რადგან ერთი ადამიანის თვალით დანახულ რეალობას გამოსახავს. ვერასდროს მოხერხდება ინფორმაციის სრულყოფილად გადაცემა და სწორედ ამიტომ, მედია არ შეიძლება იყოს „ღირეტიული დემოკრატიის ორგანო“.

ჟურნალისტიკის დანიშნულებას „ინტელექტუალურ საქმიანობაში“ ხედავდა ამერიკის ერთი-ერთი ძლევა მოსილი პუბლიცისტი, ჟურნალისტი და პოლიტიკური კომენტატორი. მისი რწმენით, ჟურნალისტები პოლიტიკოსთა

და ხალხის მეკავშირის ფუნქციას უნდა ასრულებდნენ. ლიპმანის მოდელით, ჟურნალისტი პოლიტიკოსისგან მოიპოვებს ინფორმაციას და აწვდის მოქალაქეებს, რომლებიც საზოგადოებრივ აზრს ქმნიან.

ბრწყინვალე ჟურნალისტური ოსტატობის შეთავაზების დროსაც, „მკითხველ საზოგადოებას, რომელიც საკუთარი ცხვირის იქით არ იხედება, არ აინტერესებს რაიმეს შესწავლა, გაანალიზება ან გაგება“. უოლტერ ლიპმანი პირველი იყო, ვინც დაადგინა, რომ ჟურნალისტს ახასიათებს მოვლენების განზოგადებულად შეფასება და პიროვნებებზე გარკვეული იდეაფიქსების შესაბამისად მსჯელობა. ამავდროულად ლიპმანი ამტკიცებდა, რომ ზოგადად ადამიანი (აგრეთვე, ჟურნალისტი) მიდრეკილია ირწმუნოს „მის გონებაში არსებული ხატება“, იმის ნაცვლად, რომ კრიტიკული აზროვნების საშუალებით გარკვეულ დასკვნამდე მივიდეს. უოლტერ ლიპმანმა შექმნა ტერმინი „სტერეოტიპი“ და ადამიანის თვისებას – იდეების სიმბოლოებად დაკონდენსირებას, სტერეოტიპული აზროვნება უწოდა. მანიპულირება ორმხრივად შეიძლება. სტერეოტიპული აზროვნება ზემოქმედებს კონკრეტული პოლიტიკოსის იმიჯზე და პირიქით – მისი იმიჯი გარკვეულწილად განსაზღვრავს, თუ რომელ სტერეოტიპს მოარგებენ მის პოლიტიკურ პორტრეტს. დემოკრატიის ძირეულ პრობლემად ლიპმანი ინფორმაციის უზუსტობასა და წყაროს დაუცველობას მიიჩნევდა.

უოლტერ ლიპმანი მოაზროვნე ანუ საშიში ჟურნალისტის ტიპს განეკუთვნებოდა. საგაზეთო სვეტიმა რუბრიკით „დღეს და ხვალ“ პულიცერის პრემია მოაპოვებინა. იგი კვირაში სამჯერ ერთდროულად 200-ზე მეტ გაზეთში იბეჭდებოდა და ბევრ პოლიტიკოსს აატყვივა თავი. ლიპმანის სტატიებს უშრეტი ინტერესით კითხულობდა და აანალიზებდა ამერიკის ელიტა, მისი თანამედროვე ყველა პრეზიდენტი. ლიპმანი არ ყოფილა მხოლოდ პოლიტიკური მიმომხილველი. ზოგჯერ მრჩეველის როლშიც უწევდა ყოფნა. მას ეკუთვნის ტერმინი „ცივი ომი“, რომელიც 1947 წელს გამოცემული მისივე წიგნის სათაურია. თერთმეტი წლის შემდეგ უოლტერ და ელენ ლიპმანები ურალში, თავის მონადირის სახლში მიიწვია ნიკიტა ხრუშჩოვმა. საბჭოთა ლიდერისა და ამერიკელი ჟურნალისტის არაოფიციალური შეხვედრისას მათი საუბრის მთავარი თემა „ცივი ომი“ და ამ გაჭიანურებული კრიზისიდან გამოსვლის გზები იყო.

1964 წელს თეთრ სახლში პრესკონფერენცია გაიმართა. რეპორტიორთა შორის პრეზიდენტმა ლინდონ ჯონსონმა ლიპმანს მოჰკრა თვალი, მივიდა, ხელი მაგრად ჩამოართვა და საჯაროდ განაცხადა: „აი, მსოფლიოს უდიდესი ჟურნალისტი. იგი ჩემი მეგობარია“. ჯეიმს რესტონისგან განსხვავებით, უოლტერ ლიპმანი უკომპრომისო პიროვნება აღმოჩნდა. მან დაუნდობლად გააკრიტიკა პრეზიდენტი ჯონსონის აკვიატებული იდეა „მსოფლიო წესრიგის დამყარების“ თაობაზე. როცა კონსერვატიული შეხედულებების ჟურნალისტიკა თეთრი სახლის არასწორი პოლიტიკა ამხილა ვიეტნამის საკითხთან დაკავშირებით, საზეიმოდ გაცხადებული „მეგობრობა“ დასრულდა. ამერიკამ ვერ დაიტია ორივე – პრეზიდენტიც და ჟურნალისტიც. საბოლოოდ, ლიპმანს ქვეყნის დატოვება მოუხდა. ძვირად დაუჯდა უოლტერ ლიპმანს საკუთარი აზრის დაცვა. მძიმე

აღმოჩნდა „პოლიტიკურ მიმომხილველთა იერარქიაში რომის პაპის“ ქუდის ტარება.

ლიპმანის ნასვლის შემდეგ ამერიკის პოლიტიკური ჟურნალისტიკის ლამის ერთპიროვნული მმართველი გახდა მისი ძველი კონკურენტი ჯოზეფ ოლსოპი. ჰარვარდის უნივერსიტეტის კურსდამთავრებულმა ოლსოპმა თავბრუდამხვევი კარიერა გაიკეთა გაზეთ „ნიუ-იორკ ჰერალდ ტრიბიუნის“ რეპორტიორობიდან ჯორჯტაუნის ჯგუფის აქტიურ წევრობამდე. ჯეიმს რესტონის თანაგუნდელი და თანამოაზრე სრულიად განსხვავებული ტაქტიკით მოქმედებდა. ძალიან ხშირად ოლსოპი ინფორმაციას კი არ იღებდა, არამედ თავს ახვევდა პოლიტიკოსებს. რადგან ინდოჩინეთში საომარი მოქმედებების მომხრე იყო, ჯო განუწყვეტლივ ჩასჩინებდა ამერიკის პრეზიდენტებს, მსოფლიო წესრიგის დამცველთა როლი ეკისრათ. ვიეტნამში 50 ათასი ჯარისკაცის გაგზავნის შემდეგ ლინდონ ჯონსონის მიერ გაკეთებული არაოფიციალური კომენტარი მოარულ ფრაზად იქცა: იმედია, ეს ცოტა ხნით მაინც დაამოშმინებს ჯო ოლსოპს.

ურთიერთ სიმპათიით განმსჭვალული ჟურნალისტი და ჯონ კენედი საინტერესო ტანდემს წარმოადგენდნენ. ავტობიოგრაფიულ წიგნში „პერსონალური ისტორია“, რომლისთვისაც 1998 წელს პულიცერის პრემია მიენიჭა, „ვაშინგტონ პოსტის“ თანამშრომელი კატერინ გრევი მნიშვნელოვან მოგონებებს აწვდის მკითხველს კენედისა და ოლსოპის ურთიერთობის შესახებ. იგი წერს: „ოლსოპის მეოხებით, სენატორ კენედის იმაზე ბევრად უკეთ ვიცნობდი, ვიდრე ეს თავისთავად მოხდებოდა. ჯომ რატომღაც მაშინვე მხარი დაუჭირა მას. დიდ წვეულებებზე ხშირად ვხედავდი კენედების მომხიბლავ და ლამაზ წყვილს, მაგრამ სერიოზულ პოლიტიკოსად ჯონი არასდროს აღმიქვამს. კარგად მახსოვს ოლსოპის მიერ 1958 წელს ნათქვამი ფრაზა, რომ ერთ დღეს კენედი ამერიკის პრეზიდენტად მოგვევლინებო. მაშინ შევეპასუხე, ალბათ, მეზუმრები, შენ ამას სერიოზულად როგორ იფიქრებ-მეთქი. ჯომ მიპასუხა: ჩემო კარგო, დაარწმუნებულნი ვარ, რომ მის კანდიდატურას წამოაყენებენ და არჩევნებში გამარჯვების დიდი შანსიც ექნებაო“.

ბოლომდე გაურკვეველი დარჩა, პიროვნული თვისებებით მოხიბლა კენედიმ ჟურნალისტი თუ გამოცდილმა ოლსოპმა იოლად სამართავი კანდიდატურის მხარდაჭერა საკუთარი სამომავლო მიზნების განხორციელებისთვის განიზრახა. ფაქტია, რომ ჯონ კენედისთან მეგობრობის შედეგად ჯო შეერთებული შტატების ადმინისტრაციის კულისებში შინაურ კაცად მიიღეს.

გაქნილი კარიერისტი ხშირად მანიპულირებდა პრეზიდენტით. მამის მკაცრ მარწმუნებს შეჩვეული კენედი, შესაძლოა, ვერც კი ხვდებოდა, როგორ იყენებდა ერთი შეხედვით ფანატიკურად მისი ერთგული ჟურნალისტი. სწორედ ოლსოპმა დაარწმუნა სენატორი კენედი, თითქოს აშშ ძალზე ჩამორჩებოდა საბჭოთა კავშირს ბალისტიკური რაკეტების წარმოებაში და ეს სასიკვდილო საშიშროებას უქადდა ამერიკას. უშედეგოდ აპროტესტებდა წარსულში გამოცდილი გენერალი, იმ დროს – ამერიკის პრეზიდენტი დუაიტ ეიზენჰაუერი ჟურნალისტის მტკიცებულების უაზრობას, ოლსოპის აზრმა გაიმარჯვა. დაიწყო გამაღებელი შეიარაღება, რაც მალე მთელ მსოფლიოს მოედო.

მხოლოდ 1961 წელს მიხვდა კენედი წინამორბედი პრეზიდენტის პროტესტის მართებულობას, მაგრამ აგორებული სამხედრო შეიარაღების შეჩერება უკვე შეუძლებელი გამხდარიყო.

მბრძანებლური ხასიათის მქონე ოლსოპის კარიერაც ვერ გადაურჩა შავ ლაქას. მოსკოვში პირველი და უკანასკნელი ვიზიტისას ჟურნალისტს სუკ-ის ფოტოგრაფმა სკანდალური სურათები გადაუღო, თუმცა საბოლოოდ ისინი არ გამომზეურებულა. ათიოდე წლის შემდეგ მოსკოვმა მაინც გადაუგზავნა ფოტოები ვაშინგტონს, მაგრამ ეს ქმედება უკვე დაგვიანებული და არაეფექტური გამოდგა. სამაგიეროდ, ოლსოპის შესახებ თითქმის არ დანერვილა სტატია და გამოკვლევა, მისი მაკომპრომეტირებული სურათები მსჯელობის საგანი რომ არ ყოფილიყო.

ამერიკული მედიის სამასწლიანი გამოცდილება თვალნათლივ წარმოაჩენს გრძელ და ურთულეს გზას, რომელიც მხარდამხარ გამოიარეს პოლიტიკოსებმა და ჟურნალისტებმა. ბუნებრივია, მათ მომავალშიც მოუწევთ მჭიდრო თანამშრომლობა. პრაქტიკამ აჩვენა, რომ არამხოლოდ პრესა ქმნის პოლიტიკოსის იმიჯს ან სტერეოტიპს არგებს ამა თუ იმ სახელმწიფო მოღვაწეს. ჟურნალისტებიც იმიჯის „ტყვეობაში“ ვარდებიან. მათაც სტანჯავთ აუდიტორიის სტერეოტიპული აზროვნება. ფრთხილი რესტონისა და თავნება ოლსოპის გამოცდილება გვარწმუნებს, რომ ჟურნალისტიკა რისკიანი პროფესიაა და მშვიდად ცხოვრების მსურველებმა არ უნდა აირჩიონ ასეთი ასპარეზი. აქ ყოველი დღე ჭიდილით იწყება. ყოველდღე თავიდან გაცემთ პასუხი კითხვას „ვინ ვის?“ რადგან პოლიტიკური ჟურნალისტის ცხოვრება მუდმივი „ცივი ომის“ მინიატურული განსახიერებაა.

მედიის წარმომადგენლები განსხვავებულად მოქმედებენ. ზოგი ჟურნალისტი პოლიტიკოსებთან თანამშრომლობის ტაქტიკას იყენებს ექსკლუზიური ინფორმაციის მოსაპოვებლად. ზოგი მუდმივად ჩასაფრებულის პოზიციას იკავებს და უკომპრომისო ოპოზიციონერად გვევლინება. მცირე ნაწილი მეგობრობის სახელით იმდენად დაუახლოვდება რომელიმე მაღალჩინოსანს, თვითონაც რომ აღარ სურდეს, მაინც ახდენს გარკვეულ ზეგავლენას.

კარლ მაიერი საგაზეთო სვეტს ადარებს სამრეკლოს, ისეთს, რომლიდანაც 30 წელი ქადაგებდა მეზუთე საუკუნის სირიელი წმინდანი სვიმეონ მესვეტე. უწყინარი თეთრი თაბახი ფართო ასპარეზად გადაიქცევა პუბლიცისტის ოსტატობის შესაბამისად. ამიტომ დასანაყარო, როცა დილეთანტი ჩაიგდება ხელში ასეთ მძლავრ იარაღს. დემოკრატიის პირობებში აზრის თავისუფლად გამოხატვის საშუალება მართლაც ყველას შეიძლება ჰქონდეს, თუნდაც გონებასუსტს. მთავარია, ვის მიმართავს და რამდენად ეძლევა აუდიტორიის მანიპულირების უფლება. გიჟისთვის ეს სამედიცინო დაწესებულების მედპერსონალი უნდა იყოს, გონიერი ადამიანისთვის – მედიასაშუალებები.

ჩვენ, ჟურნალისტები, ვარსკვლავები არ ვართ, ჰოლივუდის მსახიობებისგან განსხვავებით. არც იმგვარი სიძლიერით ვკაჟაშვებთ, არც მათსავით ხანგრძლივად ვბრწყინავთ დიდებითმოსილნი. თანამედროვე სამყაროს თავზე კომეტასავით გავიეღვებთ და მედიალეგენდად შემოვრჩებით ხოლმე. ისიც, ასი ათასიდან ერთი ან ორი ჩვენგანის სახელს თუ შემოინახავს საზოგადოება მეხსიერების ბნელ ხვეულებში. სამაგიეროდ, პუბლიცისტის სიტყვით გამოწვეული რეზონანსი ამახსოვრდება ხანგრძლივად. ასეთია ჟურნალისტის პროფესიის ეფემერულობის დიდებულება.

ეპისტოლე

ვირტუალური სივრცის მწერლები

მოგესალმებით!

ამჯერად ჩემი გულისტკივილი მსურს გაგიზიაროთ, ფიქრები, რომელიც ამირან (პაკო) სვიმონიშვილის ლიტერატურულ სალამოზე აღმეძრა და დღემდე არ მასვენებს. თქვენთან მოწერა კი იმიტომ გადავწყვიტე, რომ, ვფიქრობ, სწორედ თქვენ შეგიძლიათ პასუხი გასცეთ ჩემს კითხვებს და ჩემი გულისტკივილიც მიიტანოთ გულთან...

მოგესხენებათ, პარასკევს, 6 ოქტომბერს საქართველოს ეროვნული ბიბლიოთეკა პოეტ ამირან სვიმონიშვილს მასპინძლობდა. სალამო მართლაც კარგი გამოვიდა, მაგრამ სალამოს წამყვანსა და დარბაზს შორის გამართულმა მცირე საუბარმა დამაფიქრა. კერძოდ, ბატონმა ემზარ ჯგერენაიამ დამსწრეთ 11 ოქტომბრის ანონსი გააცნო და იკითხა, იცნობდნენ თუ არა „ვარდისფერი ავტობუსის“ პოეტებს, ვისთვისაც უნდა ემასპინძლა ამ დღეს ბიბლიოთეკას.

დამსწრეთაგან არავინ აღმოჩნდა ისეთი, ვისაც ეს ახალგაზრდები სცნობოდა. მეტიც, როცა ითქვა, რომ ისინი (და არა მარტო ისინი) ვირტუალურ სივრცეში აქვეყნებენ თავიანთ ქმნილებებს, დარბაზიდან ირონიული შეფასებებიც გაისმა. შემდეგ სალამო გაგრძელდა, მე კი, როგორც ალვინშენე, დღემდე მაშინდელი ფიქრების ტყვეობაში ვარ.

რამ გამოიწვია ჩემი გულისტკივილი? პირველ რიგში იმან, რომ ოთხშაბათს გამართულ სალამოებზე, როდესაც ეროვნული ბიბლიოთეკა ახალგაზრდა მწერლებს მასპინძლობს, დამსწრენი მხოლოდ ახალგაზრდები არიან. ისინი, ვინც ისედაც კარგად იცნობს ერთმანეთის შემოქმედებას ზემოხსენებული ვირტუალური სივრციდან. აი, „უფროსთაგან“ კი არავინ მოდის.

6 ოქტომბრის სალამოს უმეტესად სწორედ ეს „უფროსები“ ესწრებოდნენ, ოთხშაბათის შეხვედრების დამსწრე ახალგაზრდათაგან კი არავინ ჩანდა. არ ვიცი რა არის ეს: იქნებ თაობათა ბრძოლის გამოვლინება? იქნებ თქვენ შეძლოთ ამ კითხვაზე პასუხის გაცემა (თქვენი ჟურნალის ფურცლებზე ხომ არაერთხელ გამოქვეყნდა რეპორტაჟი ალვინშენის შეხვედრებისა, ოღონდ მაშინ, როდესაც „ცნობილი სახეები“ იყვნენ სალამოს მასპინძლები). მე მაინც „მამების“ თაობას დავადანაშაულებდი, მათ ხომ მეტი მოეთხოვებათ...

რაც შეეხება ვირტუალურ სივრცეს, აქ ორი ლიტერატურული გვერდი არსებობს, სადაც ახალგაზრდები (და არა მხოლოდ...) თავიანთ შემოქმედებას ამბუერებენ, ერთმანეთისას მიმოიხილავენ და ა.შ. აქ ცნობილი ავტორების ქმნილებებიც იბეჭდება, მათ შორის ვანო ჩხიკვაძისა, ლელა სამნიაშვილისა, რეზო გეთიაშვილისა და სხვ. მაგრამ არიან ნიჭიერი ახალგაზრდა შემოქმედნი, ვის ნაწერებსაც მკითხველი საზოგადოების დიდი ნაწილი არ იცნობს (შესაძლოა ეს შედარება გადაჭარბებულიც იყოს, მაგრამ ის, რომ ემილი დიკინსონის ქმნილებათაგან მის სიცოცხლეში თითქმის არაფერი გამოქვეყნებულა, ვისი „პრობლემა“ იყო უპირატესად: ავტორისა თუ მკითხველის?).

ასე, მაგალითად, „ვარდისფერი ავტობუსის“ პოეტები, ვინც ანარქისტული იდეებისადმი სიმპათიამ გააერთიანა და უტოპიის რეალობად ქცევას ისახავენ მიზნად, საინტერესო და ნიჭიერი ახალგაზრდები არიან, მათ შორის ერთი კი, დავით ყანჩაშვილი (ვინც „იორიკისა“ და „ზენონის“ ფსევდონიმით აქვეყნებს თავის ნაწერებს ვირტუალურ სივრცეში), ვფიქრობ, უკვე ჩამოყალიბებული პოეტია და, ასაკის მიუხედავად, უკვე ნაპოვნი აქვს თავისი გზა და ხელწერა. არიან სხვებიც, მაგრამ გაგონილს თვალით ნანახი სჯობსო, თქმულა (იქნებ ვცდებოდე, ვინ იცის?).

მე მაინც ვფიქრობ, რომ ეს „ვირტუალური სივრცე“ ჩვენი, ქართული მწერლობის განუყოფელი ნაწილია და ამ ახალგაზრდების „გარიყულ თაობად“ ქცევა ნამდვილად არ ნაადგება ქართულ ლიტერატურას.

ახლა იმასაც დავაზუსტებ, თუ რატომ მოგწერეთ სწორედ თქვენ. პირველ რიგში, ჟურნალის სახელწოდებიდან გამომდინარე; იმიტომაც, რომ „ჩვენი მწერლობა“ მარ-

თლაც გამორჩეული გამოცემაა და ნამდვილად შეგტკივთ გული ქართულ ლიტერატურაზე.

მსურს მოკრძალებული წინადადება შემოგთავაზოთ: „ჩვენს მწერლობას“ აქვს ასეთი რუბრიკა: „ახალგაზრდებო, ან კი თქვენ“, სადაც დამწყებ შემოქმედთა ნაწარმოებები იბეჭდება ხოლმე. სამწუხაროდ, მე-11 ნომრის შემდეგ ამ რუბრიკით აღარაფერი დაგიბეჭდავთ (აღნიშნულ ნომერში კი ლიტერატურულ საიტებზე ერთ-ერთი უსაყვარლესი მწერალი გოგონას ნინო თარხნიშვილის (ამელი) მინიატურები გამოქვეყნდა). ახალგაზრდებთან კავშირის განსამტკიცებლად კი, ვფიქრობ, ცუდი არ უნდა იყოს, თქვენ თვითონ დაუკავშირდეთ მათ შორის საუკეთესოებს და თქვენი ჟურნალის ფურცლები დაუთმეთ. ვისურვებდი, ის „პირველი შთაბეჭდილება“, ზოგიერთი ავტორის ქმნილებას რომ ახლავს ხოლმე, უცნობი მწერლების ნაწერებისთვისაც დაგერთოთ (მახსოვს, „ალტერნატივაში“ იყო ასეთი, ჩემი აზრით, მისაბაძი ტრადიცია). მათ ხომ ყველაზე მეტად სჭირდებათ გამხსენება, შეფასება და მეგობრული თუ გონივრული რჩევები.

აქვე ხსენებული ლიტერატურული გვერდების მისამართებსაც მოგანვდით. ვიმედოვნებ, გაეცნობით ახალგაზრდათა შემოქმედებას და, შესაძლოა, ჩემი წინადადებითაც დაინტერესდეთ. მოხარული ვიქნები, თუ ასე მოხდა.

www.literatura.ge და klimi.pvt.ge ლიტერატურული ჟურნალებია, www.nplg.gov.ge/culture გვერდზე კი იმ ავტორთა ქმნილებებია გამოქვეყნებული, ვისაც უკვე უმასპინძლა ეროვნულმა ბიბლიოთეკამ.

ახლა კი ბოდიშს მოგიხდით ესოდენ ვრცელი წერილი-სათვის და დაგემშვიდობებით საუკეთესო სურვილებით...

ნოდარ აფხაძე

ქრონიკა

გარეთ ათასი... შიგნითაც ათასი... თუმცა შეიძლება გამოცანა გამოცანადვე გვეგულისხმება, მითუმეტეს, ატლასის ელვარებასაც მოიხდენს პოეზია.

სიმართლე ითქვას, შენობის გარეთ თუ ფოიეში, ლექსის სიყვარულით შეკრებილ საზოგადოებას ვერც მთლად ათასამდე მოითვლიდით, მაგრამ სიმრავლე მაინც ეთქმოდა, თანაც ჩვეულებრივზე მეტი. დათქმულ დროს ნამდვილად ერთბაშად შეივსო სავარძლები და დარჩა ბევრი, ფეხზე დგომას რომ უნდა შეჰკუეებოდა.

ერთი სიტყვით, 6 ოქტომბერს, ეროვნული ბიბლიოთეკის საკონფერენციო დარბაზს ამირან (პაკო) სვიმონიშვილის პოეზიის თაყვანისმცემლები სტუმრობდნენ.

ჩინებულად ორგანიზებული დარბაისელი საზოგადოების მნიშვნელოვან ნაწილს თვალის ერთი გადავლებითაც მიუსადაგებდით ელიტარულს, თუმცა პირდაპირ იატაკზე, კედლის გაყოლებით, მიფენილი თინეიჯერობაც გულისყურს აყოლებდა მოლოდინს...

ტრადიციით აქაური ღონისძიებებისა, პირველი სიტყვა მასპინძელმა, ემზარ ჯგერენაიამ ირგუნა და ვიდრე პოეტს წარუდგენდა შეკრებილთ, ვალდებულად მიიჩნია თავიანთი ნეს-განგება შეეხსენებინა, რომ ყოველი შეხვედრა იწერება დიქტიოფონზე, იშიფრება და სათანადო რედაქტირებით ინტერნეტში ვებ გვერდზე თავსდება. და აგრეთვე დასძინა, რახან საკონფერენციო დარბაზი საკუთრებაა ეროვნული ბიბ-

ლიოთეკისა, ბიბლიოთეკა კი – პარლამენტისაა, ყოველთვის მზად არიან უმასპინძლონ ნებისმიერ მსურველს უანგაროდ, ოღონდ მეცნიერული და კულტურული შეხვედრების ორგანიზებისათვის.

და საღამომაც ცხადყო სიმართლე ამ სიტყვებისა. მთელი ორი საათის განმავლობაში კითხულობდა პაკო სვიმონიშვილი საკუთარ ლექსებსა და თარგმანებს გერმანული კლასიკიდან. კერძოდ, გეორგ თრაქლის, კლემენს ბრენტანოს, გოეთეს, გოტფრიდ ბენის, ფრიდრიხ ჰელდერლინის პოეზიის ნიმუშებს.

ორიგინალური ლექსების მეტი წილი მიძღვნილი იყო და შესაბამისად გარკვეულ სეგვიდან მოგონებთა მატარებელიც. თანაც ცალკეული ნიმუში ავტორს დაუწერია სხვადასხვა, ერთმანეთისაგან საკმაოდ დაცილებულ, გეოგრაფიულ არეალში – შუაგულ ევროპასა თუ აზიაში, მესხეთსა თუ სვანეთის მთებში... ასეთი პოეტური ბიოგრაფია სანატრელიც კი დარჩებოდა მრავალ კალმოსანს.

პაკო სვიმონიშვილი, შიგადაშიგ, მოკრძალებითა და სისადავით გამორჩეულ პასუხებს შეაგებებდა ხოლმე მეტისმეტად პათეტიკურ და გარაფინირებულ მკითხველებს, ხოლო დაინტერესებულად „ჩამჭრელებს“ – უწყინარ იუმორს.

გადაუჭარბებლად შეიძლება აღინიშნოს, ამირან (პაკო) სვიმონიშვილმა მეტად საინტერესო ლექსებით, დახვეწილი თარგმანებითა და, აგრეთვე, პიროვნული მომხიბლობითა თუ გულწრფელობით, მსმენელის გული იმ საღამოსაც მოიგო.

ლაშა იმედაშვილი

შავი ფერის საკი

გამომძიებელი პეტრე ევტუშევსკი, ვგონებ, ერთადერთი ადამიანი გახლდათ მთელ თბილისსა და, ასევე, მის შემოგარენში, რომელმაც დანამდვილებით იცოდა, რომ სიტყვათშეთანხმება სკოტლანდ-იარდი, თავდაპირველად, გეოგრაფიულ ადგილს აღნიშნავდა და არა გამოცდილ მძებართა თავყრილობას. რომ არა ორწლიანი მივლინება ინგლისში, კერძოდ კი ქალაქ ლონდონში, სადაც პეტრე ბრიტანელთა მიღწევათა თუ გამოცდილების გასაზიარებლად გააგზავნეს, ისიც იმ უცოდინარ მოქალაქეთა რიცხვში აღმოჩნდებოდა, რომელთა რაოდენობაც იმდროინდელ თბილისში სამოცი ათასს აღწევდა.

ინგლისში ჩასულ პეტრეს გაუმართლა. ჯერ ის, რომ კარგი მასწავლებლის ხელში მოხვდა. ფრედერიკ ჯორჯ ებერლინის ხელმძღვანელობის ასამდე მადლობა ჰქონდა მიღებული, რაც მოწესრიგებული და სიტყვაძუნჩი ინგლისისათვის პატარა საქმე ნამდვილად არ იყო. მეორე ის, რომ სწორედ იმ დროს ჯექ მფატრავმა, ბრიტანეთის უპირველესმა მკვლელმა, ნადირობის სეზონი გახსნა და საზოგადოებას თუ პოლიციას გამოწვევა ესროლა. საზარელი დანაშაულის გამოძიება სწორედ რომ ჯორჯ ებერლინის დაევალა, ასე რომ, ყოველივე ევტუშევსკის თვალწინ ხდებოდა.

მიუხედავად სამხილებისა, მონემებისა და უამრავი ეჭვმიტანილისა, რომელთა შორის რამდენიმე სამეფო გვარის წარმომადგენელიც კი მოხვდა, დანაშაული მაინც გაუხსნელი დარჩა, რაც დღემდე სამარცხვინო ლაქად აჩინია საქვეყნოდ განთქმულ პოლიციელთა თავყრილობას.

საკუთარი ეჭვმიტანილი პეტრე ევტუშევსკისაც ჰყავდა, ინგლისელი მხატვარი უოლტერ სიკერტი. უცნაური კაცი იყო ეს სიკერტი, მხატვრობის გარდა მსახიობობაც ეხერხებოდა, გარეგნობასაც ადვილად იცვლიდა და ხელწერასაც, ხეტილიც უყვარდა და ისტ ენდის ბნელ-ბნელი ქუჩებიც, სადაც ჯექ მფატრავი უბედურ ქალებს ყელს ჭრიდა, ხოლო მათ შინაგან ორგანოებს გაურკვეველი მიმართულებით მიაქანებდა.

ჯორჯ ებერლინმა, მიუხედავად ძალზედ უცნაური ვერსიისა, მაინც ყურადღებით მოუსმინა საკუთარ შეგირდს, მაგრამ იქვე ურჩია, რომ არავისთვის არაფერი ეთქვა, რითაც საკუთარ თავსაც გადაირჩინდა და არც მასწავლებელს ჩააგდებდა უხერხულ მდგომარეობაში.

პეტრე ევტუშევსკი ასეც მოიქცა.

უოლტერ სიკერტს მეგობრებიც ჰყოლია: ჰენრი ჯეიმზი, ოსკარ უაილდი, პისარო, კლოდ მონე, ოგიუსტ რენუარი, როდენი, ამათ ემატებოდნენ პარლამენტისა და მთავრობის წევრები, მეფის კართან დაახლოებული პირები და იმდროინდელი საზოგადოების სხვა გავლენიანი წევრები. ასე რომ, ვიქტორიანულ ეპოქაში ამ წრის ადამიანზე ყოველგვარი ეჭვის მიტანა სრულიად გამორიცხული გახლდათ.



სწორედ იმ დროს, როდესაც ჯექ მფატრავი, საკუთარი სახელიდან გამომდინარე, ფატვრას განაგრძობდა, ხოლო ებერლინი და ევტუშევსკი მფატრავლის ვინაობასა და ფატვრის მიზეზებს ადგენდნენ, ქალაქ თბილისში, რომელიც ნისლიანი ლონდონიდან კარგა გვარიანი მანძილით გახლდათ დაშორებული, ერთი რამ მოხდა, რომელსაც უცნაურს ნამდვილად ვერ დაარქმევდა ადამიანი: გაზეთ „ცნობის ფურცელში“ ასოთამწყობის შეგირდად მუშაობა ვინმე დიმიტრი ჯაშმა დაიწყო და წარმატებით დაეუფლა ამ პროფესიას, ასევე ვინმე დიომიდე კილაძის ხელმძღვანელობით.

მართლაც და რა კავშირში უნდა იყოს ერთმანეთთან ერთი მხრივ, მკვლელი ჯექი მფატრავი, მძებარი ებერლინი და ევტუშევსკი, ხოლო მეორე მხრივ, დიმიტრი ჯაშმა და დიომიდე კილაძე? ერთი შეხედვით არაფერში, მაგრამ თუ იმას გავიხსენებთ, რომ ყოველივე ერთმანეთს უკავშირდება და ერთმანეთისგან გამომდინარეობს, ყველაფერი წამსვე თავის ადგილას დადგება.

ორი წელი მიილია.

პეტრე ევტუშევსკი რუსეთში დაბრუნდა, თუმცა ექვსი თვის შემდეგ, ყველასთვის მოულოდნელად, სამუშაოდ საქართველოში გადაიყვანეს. იმპერიაში შექმნილ იმდროინდელ პოლიტიკურ მდგომარეობას, ევტუშევსკის ლიბერალურ შეხედულებებსა და მის ჯინიან ხასიათს თუ გავითვალისწინებთ, ეს გადმოყვანა საქართველოში, რომელიც რუსეთისთვის ღრმა თუ მიგდებულ პროვინციად ითვლებოდა, ასე გასაკვირი აღარ უნდა ჩანდეს.

თბილისის საპოლიციების-ტეროს სამძებრო ნაწილის გამგე, პეტრე ევტუშევსკი, დასახლდა სასტუმრო „კავ-

სამშაბათს, 31 ოქტომბერს უურნალ „ჩვენი მწერლობის“ დარბაზში გაიმართება განხილვა ელისო კალანდარიშვილის წიგნისა

„ქრისტიანული მქადაგებლობა და სულსან-საბა ორბელიანის ჰომილიები“

მომხსენებელი
მაია ჯალიაშვილი

დასაწყისი 14 საათზე
ჩუბინაშვილის №41

კაზში“, რომელიც ერევნის მოედანზე გახლდათ განლაგებული, აშხარუმოვისა და ჯანიონოვის ირანული მალაზიის თავზე. პროფესიიდან და იმ დატვირთვიდან გამომდინარე, რაც ამ პროფესიას ახლდა თან, ევტუშევსკი მთელ დღეს, ზოგჯერ კი მთელ ღამეს, სამსახურში ატარებდა, ასე რომ, სასტუმროს ნომერში იშვიათად ხვდებოდა, და თბილისის ხალისიანი ცხოვრებაც უიმისოდ მიედინებოდა.

სანახავი კი მართლაც ბევრი რამ იყო.

თამამშევის ქარვასლა ასზე მეტი მალაზიითა, ევროპული თუ აზიური საქონლითა და, თქვენ წარმოიდგინეთ, შიგ განთავსებული თეატრითაც კი. კაცს თვალი ახალი ხიდებისკენაც გაექცოდა: კუკიის, მიხაილოვის, მნაცაკანოვის. ამას ემატებოდა უამრავი დუქანი თუ ჩაიხანა. ყველაზე განთქმული, „ნე უეჟაი გოლუზჩიკი მოი“, რომელიც დილოში, ქალაქის გასასვლელში, თუ გნებავთ შემოსასვლელში, დიღმის ხიდთან გახლდათ განთავსებული. მას მოჰყვებოდა სხვა დანარჩენი: „თეთრი დუქანი“, ყავახანა „საიათ-ნოვა“, საჩაიე „როდინა“, წასახემსებელი „ჰამლეტი“ და სხვა წვრილ-წვრილი, რომელთა ჩამოთვლა მადალძრულ მკითხველს შორს წაიყვანს და მთავარ სათქმელს მიაფინყებს.

მოკლედ, თბილისი შენდებოდა თუ მშვენდებოდა და, როგორც ქალაქში გავლით მყოფი სტუმრები აღნიშნავდნენ, ჯერ პირად საუბრებში, შემდეგ კი მოგონებებში, თბილისი ნელ-ნელა, თუმცა კი ჯიუტად, პარიზს ემსგავსებოდა.

პეტრე ევტუშევსკის პარიზი არ ენახა, ამიტომაც საქართველოს მთავარ ქალაქს, პატარა, ვინრო ქუჩებითა, ამ ქუჩებში დატყული უამრავი უთქმელი საიდუმლოთი და ჭრელი მოსახლეობით, უფრო ლონდონის ერთ-ერთ უბანს, ისტ-ენდს ამსგავსებდა. სწერდა კიდეც ამის შესახებ თავის მასწავლებელს, ჯორჯ ებერლაინს, რომელთანაც მიმონერა მას შემდეგ აღადგინა, რაც თბილისში რამდენიმე საზარელი მკვლელობა მოხდა, რომელთა ხელნერა ძალიან ჰგავდა ჯეკ მფატრავის, ევტუშევსკის თეორიის მიხედვით, სიკერტის დანაშაულთა ხელნერას, მითუმეტეს, რომ მხატვარი სიკერტი თბილისშიც გახლდათ ნამყოფი. ამის დასტურად ის ნახატიც გამოდგება, რომელიც სიკერტს თავად უჩუქებია ვაჭარ ასლან ჩარვადაროვისთვის. ეს ნახატი, „ჯეკ მფატრავის საძინებელი“, დღესაც ინახება ქალაქის მუზეუმში, ოღონდ თანდართულ ფირნიშზე სიკერტის გვარ-სახელის მაგივრად, უცნობი, უფრო სწორედ, ანონიმი ავტორი გახლავთ მინიშნებული. ისიც სათქმელია, რომ ორასი თუ მეტი წლის შემდეგ ამერიკელმა მკვლევარმა, პატრისია კორნუელმა, ხუთას-გვერდიანი ნიგნი მიუძღვნა ევტუშევსკის თეორიას, ებერლაინთან მიმონერაც გამოიყენა და უოლტერ სიკერტის დანაშაული დაადასტურა, თუმცა ევტუშევსკის შესახებ სიტყვაც არ დასცდენია. ადვილად მისახვედრი და სრულიად გასაგები მიზეზების გამო, პეტრე ევტუშევსკის, არც მანამდე და არც შემდეგ, ამ გამოკვლევის შესახებ გაგონილიც კი არ ჰქონდა, ამიტომაც თავის საქმეს აკეთებდა და იმ ჩახლართულ თუ ნაკლებ ჩახლართულ დანაშაულს იძიებდა, რომელიც თბილისში დროდადრო მაინც ხდებოდა ხოლმე.

მართალია, თბილისის საპოლიციისტიეროს სამძებრო ნაწილის გამგეს დაცვაც ეკუთვნოდა და გადაადგილების საშუალებაც, მაგრამ მაინც ფეხით სიარული ერჩია, მითუმეტეს, რომ პოლიციის შენობა ერევნის მოედანთან ახლოს, გოლოვინის პროსპექტზე იდგა და სასტუმრო „კავკაზიდან“ იქამდე მისვლას ფეხმარდი ადამიანი ათიოდე წუთს მოანდომებდა.

საიდუმლო შეხვედრიდან დაბრუნებულ პეტრე ევტუშევსკის ოთახში წესიერად ფეხი არც კი ჰქონდა შედგმული, რომ მაგიდაზე, რომელსაც ყოველთვის მოწესრიგებულსა და მოვლილს ტოვებდა, ტელეგრამას მოჰკრა თვალი. გამომძიებელმა შავი ფერის საკი მაგიდის კუთხეში ჩამოსდო და ქალაქს დააცქერდა, რომლის ნაკითხვასაც, ტექსტის სიმოკლის გამო, მხოლოდ რამდენიმე წამი დასჭირდა: მოკლულია საგურამოში ჭაჭაჭაძე. გაემგზავრეთ შემთხვევის ადგილას. პროკურორი ტკაჩოვი.

ძიებისთვის სამსუხაროდ თუ სავალალოდ გარდაცვლილი, იმ დროისთვის, სათათბიროს წევრად ირიცხებოდა, რაც მომხდარს სულ სხვა ელფერს სძენდა და დანაშაულის მარტოდმარტო კრიმინალურ ხასიათს ყველასთვის დაუჯერებელს ხდიდა.

პეტრე ევტუშევსკი საქმის გადადებას ჩვეული არ იყო, ამიტომაც თანამგზავრი, აბელ იაშვილი, გაიყოლა და დაუყოვნებლივ გაემართა შემთხვევის ადგილისკენ, როგორც მითითებული იყო კიდეც ხსენებულ დეპეშაში.

აბელ იაშვილმა ამ ბოლო დროს პოლიციასთან თანამშრომლობას მოუხშირა. იაშვილი არც აგენტი გახლდათ და არც ინფორმატორი, ექიმი იყო და პროფესიულ მოვალეობას ასრულებდა. გვამებს კვეთდა, ჭრილობის სიგრძესა თუ სიღრმეს აზუსტებდა, მკვლელობის იარაღს ადგენდა და გარდაცვალების მიზეზს, თითქმის ყოველთვის, უტყუარად აღნიშნავდა ოფიციალურ დოკუმენტში. გარდა კერძო პრაქტიკისა, რომელსაც იაშვილი თბილისსა და მის შემოგარენში ეწეოდა, დასატაქარს სხვა ინტერესიც გააჩნდა, იგი იყო ცნობილი შემკრები ხალხური ნამულები, ნიგნიც გამოუცია სათაურიოთ: „სახალხო მედიცინა ამიერკავკასიის მხარეში“, რაც მთავარია, ეს მისი გატაცება მთავარ საქმეს ხელს არ უშლიდა და, მიუხედავად დროის გამუდმებული ნაკლებობისა, ნამოწყებული კვლევა ყოველთვის ბოლომდე მიჰყავდა.

პეტრე ევტუშევსკის უყვარდა, უფრო მართებული იქნება, უადვილდებოდა აბელ იაშვილთან მუშაობა. სხვა ბევრ თვისებასთან ერთად, ექიმს ორი უმთავრესიც გააჩნდა, მოკლე ენა და თავშეკავება, რაც ასეთ დროს, იგულისხმება მკვლელობა, სასიცოცხლო მნიშვნელობას იძენდა. ამას ისიც ემატებოდა, რომ იაშვილი ქართველებს კარგად იცნობდა და, საჭირო დროს, სასარგებლო რჩევის მოცემაც შეეძლო, ხოლო, ხშირ შემთხვევაში, დაკითხვისას თარჯიმნის მოვალეობასაც ასრულებდა, რაც რუსი მაძებრისთვის, ქართველ ექიმს სრულიად შეუცვლელს ხდიდა. მოკლედ, ეს ყოველივე ძალიან ჩამოგავდა ბრიტანელი კონან დოილის უკვდავი წყვილის თავგადასავალს, რომლებიც, ჩვეულებრივ მოკვდავთაგან განსხვავებით, დღესაც ცოცხლები არიან.

რამდენიმე დეტალი და დანაშაულის ზოგადი სურათი გზაშივე გახდა ცნობილი, კერძოდ: მოუკლავთ თავადი

ჭავჭავაძე, მძიმედ დაუშავებიათ მისი მეუღლე, ოღლა, ასევე მოუკლავთ თავადის ერთგული ლაქია იაკობი, გადარჩენილა მხოლოდ მეეტლე თედო, რომელის გადარჩენაც, თავისთავად, შესაძლოა არაფერს ნიშნავდა, მაგრამ რამდენიმე კითხვის დასმის უფლებას მაინც აძლევდა პეტრე ევტუშევსკის.

გზაში სასაუბრო მიზეზიც მალევე გამოჩნდა.

პირველივე დღეს ხალხში ხმა გავარდა, რომ თავადი ჭავჭავაძე გამწარებულ გლეხებს მოუკლავთ, გადამეტებული სიმკაცრისა და მომეტებული უსამართლობის გამო. ამას დაემატა ისიც, რომ მკვლელობამდე ცოტა ხნით ადრე, ნაძალადეგში, საჯაროდ დაუნვავეთ თავადის წიგნები, მოგვიანებით გაფიცულან მისივე კარ-მიდამოს მუშები და ეს ყოველივე მოუთავებია გაზეთ „მოგზაურში“ დაბეჭდილ კორესპონდენტისას, რომელშიც დაინტერესებული მკითხველი შემდეგს ამოიკითხავდა: „საგურამოს სოფლები უკიდურეს გაჭირვებას ითმენენ მემამულეთაგან. ერთმა საგურამოელმა გლეხმა შემომჩივლა, ყველა გლეხი გაჭირვებულ მდგომარეობაში არის, მაგრამ ჩვენი შავბედი ენით გამოუთქმელია. ჩვენ თავადი ჭავჭავაძე ერთი საჟენი შემის ბაჟათ თუმანს გვახდევინებს. თითო ხარის საბალახოთ წლიურად სამ მანეთს ვიხდით. რაც შეეხება პურის მოსავალს, ამისას ნურას მკითხვამთ, შენი ჭირიმე, იმდენს გვახდევინებს, რომ სათესლე აღარ გვრჩება“... იქვე სხვა ბევრი რამეც ეწერა, თითქოსდა თავადს გლეხებისთვის წყალი არ მიუცია, ხოლო ვისთვისაც მიუცია, უკანასკნელი გროშები დაუყრევინებია და ამდაგვარი სხვა მრავალი. წერილის ავტორს გვარ-სახელის გათქმა ვეღარ გაუზღვდავს და კორესპონდენტისაზე მხოლოდ ინიციალები, ვ და ნ, მიუწერია, თუმცა ძიებამ მოგვიანებით დაადგინა თუ ვინ იმალებოდა ანბანის ამ ორი ასოს უკან. ეს აღმოჩნდა ვინმე ვასილ ნაცვლიშვილი, რომელსაც ბევრ ადგილას უმუშავია, ბოლოს კი ავჭალის ქუჩაზე ღვინის სარდაფი გაუხსნია, სადაც ჟანდარმერიის დავალებით შემთვრალი სტუმრების თამამ საუბარს ყურს უგდებდა და აჭერინებდა. ასე მოქცევია ვაჟა-ფშაველასაც, რომელმაც ნაცვლიშვილის დაგებულ ხაფანგის შესახებ არაფერი იცოდა.

აბელ იაშვილი, როგორც გონიერი ადამიანი, ჭორებს ყურს არ უგდებდა, მაგრამ ვერც ქართველ გლეხებზე დადებდა თავს, მითუმეტეს, რომ ქართველებს, მათ შორის გლეხებსაც, ჩვევად ჰქონდათ გამორჩეული ადამიანის დაკორტნა, თუმცა ქართველ იაშვილს, რუსი ევტუშევსკისთვის მშობლიური ერის ამ თვისებაზე არაფერი დასცდენია, მითუმეტეს, რომ დარწმუნებული გახლდათ, გლეხების გამოკითხვა ყველაფერს თავის ადგილს მიუჩენდა და ამ ვერსიას ძიების დასაწყისშივე გააქარწყლებდა.

საგურამოში ჩასულ მგზავრებს სახლის ბინადარი ისე დახვდნენ, როგორც უნდა დახვდებოდნენ — დაბნეულები, შეშინებულები, გაურკვეველ მდგომარეობაში მყოფნი მთვარეულებივით დაბორილობდნენ მთელს ტერიტორიაზე და ერთმანეთს ხმას არ სცემდნენ.

აბელ იაშვილი, როგორც ჩვეული იყო, საქმეს გადაუდებლად შეუდგა, მითუმეტეს, რომ გამოცდილება ჰქარნახობდა, ასეთ დროს ყოველ წუთს ოქროს ფასი ედო და

დაკარგულის თუ გაცდენილის აღდგენა სრულიად შეუძლებელ საქმეს წარმოადგენდა.

გაკვეთას, გამომძიებელთან ერთად, ესწრებოდა თავად ჭავჭავაძის მეფუტკრე, დანიელ მასლოვი, რომელსაც, სხვებისგან განსხვავებით, მიცვალებულის არ ეშიონოდა და საკმაოდ მარჯვედ ეხმარებოდა აბელ იაშვილს. გაკვეთის შედეგად, რა თქმა უნდა, გულიშემძრავი დეტალების გამოტოვებით, დადგინდა შემდეგი: „თავად ჭავჭავაძის სხეულზე სამი ჭრილობაა. ერთი ნატყვიარი, გამჭოლი, მკერდზე გავლით. ჭრილობის არხსა აქვს მიმართულება წინიდან უკან და მარჯვნიდან — მარცხნივ. ნასროლია წინიდან, სიკვდილი გამოწვეულია ამ ჭრილობით. ორი ჭრილობა შუბლის ძვლის უთმო ნაწილზე მიყენებულია ბლაგვი იარაღით. ერთი განეკუთვნება მძიმე, სიცოცხლისთვის სახიფათო დაზიანებათა რიცხვს, მეორე ჭრილობა უნდა მიეკუთვნებოდეს მსუბუქ დაზიანებათა ჯგუფს.

თავად ჭავჭავაძესთან ერთად მოკლული მსახურის, თარაშვილის სხეულიდან ამოღებული ტყვია სიდიდით უახლოვდება თავადის სხეულიდან ამოღებულ ტყვიას, ხოლო ნატყვიარი ჭრილობების ხვრელები ორივეს ერთნაირი აქვთ. იაკობ თარაშვილს აქვს ორი ნატყვიარი და ოცდაერთი ნასაფანტარი ჭრილობა. ეს უკანასკნელი მიყენებულია პირდაპირ, მიჯრით გასროლით, რასაც ვერ ვიტყვით ნატყვიარებზე“.

ბევრი ფიქრი აღარ უნდოდა, ძიებისგან შორს მდგარი ადამიანიც ადვილად მიხვდებოდა, რომ ორივენი, თავადიცა და მსახურიც, ერთი და იგივე იარაღით იყვნენ დახოცილები. სრულიად ადვილად მოხვდა ამას პეტრე ევტუშევსკიც და ისიც ჩაინიშნა, რომ თარაშვილს საფანტი მოგვიანებით ჰქონდა დახლილი კვალის ასარევედ თუ ძიების მცდარ გზაზე დასაყენებლად. რა თქმა უნდა, ბევრ რამეზე პასუხის გაცემა თავადის მეუღლეს შეეძლო, რომელიც სრულიად შემთხვევით, ძლიერი ჯანმრთელობის წყალობით გადაურჩა სიკვდილს, მაგრამ ამჟამად იგი მიხეილის სახელობის საავადმყოფოში იმყოფებოდა და უმცროსი ორდინატორი, მიხეილ კამოტი ქალბატონის ტანჯვის შემსუბუქებას ცდილობდა.

სტატსკი სოვეტნიკი, თავადი ზაალ ჭავჭავაძე, მცხოვრები ქალაქ თბილისში, ანდრევის ქუჩაზე, ზუგდიდის მახრის მომრიგებელი შუამავალი, ასე გაეცნო გამომძიებელს სამოცდათორმეტი წლის მოხუცი, რომელიც, ადვილი მისახვედრია, რომ გარდაცვლილის ნათესავი უნდა ყოფილიყო. მოხუცთან საუბარი დროის გარდა უსაზღვრო მოთმინებასაც მოითხოვს. ძიებისთვის საბედნიეროდ და დამნაშავეთათვის საუბედუროდ ევტუშევსკის თავშეკავება იმაზე მეტი აღმოაჩნდა, ვიდრე საჭირო იყო. ზაალ ჭავჭავაძე, სხვა არასაჭირო რამესთან ერთად, ბევრ საინტერესო ინფორმაციასაც აწვდიდა ძიებას. სწორედ მისგან შეიქნა ცნობილი დოკუმენტებით საფუძველზე საკოოაჟის, იგივე საკის ისტორია და მუქარით აღსავსე წერილების ამბავი.

– მაინც რა უნდა ყოფილიყო იმ ჩანთაში? – იკითხა პეტრე ევტუშევსკიმ და ის უბის წიგნაკი მოიმარჯვა, რომელიც ჯერ კიდევ ინგლისიდან ჩამოყვანა და რომელშიც, ასეთ დროს საინტერესო რაღაც-რაღაცეებს ინიშნავდა ხოლმე.

– საბუთები, მგონი რალაც მოხსენება, მოხსენებას ვინღა ჩივის, არაფერი შეარჩინეს გარდაცვლილს, ყველაფერი ნაპვლიჯეს, ფული, საათი, პენსნე და, თქვენ წარმოიდგინეთ, ჩექმებიც კი, სიკვდილის პირას მისული კნეინაც არ დაინდეს, უგონო მდგომარეობაში მყოფ ქალს საყურეები აართვეს. – აღშფოთებას ვერ მალავდა ზაალი და კიდევ კარგა ხანს ისაუბრებდა, გამომძიებელი რომ არ ჩარეულიყო.

– მითუმეტეს რაში სჭირდებოდათ მძარცველებს საბუთებით სავსე საკი, რა ხეირი ექნებოდათ ამ ქალაღებობისგან? – ძნელი სათქმელია, ვის ეკითხებოდა გამომძიებელი, საკუთარ თავს თუ მის წინ მჯდარ მოხუცს, ევტუშევსკის ტონალობიდან გამომდინარე ამის თქმა საკმაოდ ძნელი გახლდათ, მაგრამ იმის გამო, რომ ოთახში მათ მეტი არავინ იმყოფებოდა, თავადმა ჩათვალა, რომ დასმული შეკითხვისთვის მას უნდა ეპასუხა.

– მაგ დოკუმენტების ამბავი ნოდარ წინამძღვრიშვილს უფრო ეცოდინება, თბილისის გუბერნიის თავადაზნაურთა წინამძღოლს, სწორედ მასთან მიემგზავრებოდა თავადი.

– მამ, თქვენი აზრით, გლეხების ჩადენილი არ უნდა იყოს ეს დანაშაული?

– სხვა ხალხი უნდა იყოს გარეული, ეშინოდა კიდეც, მაგრამ არ ტყდებოდა, ბოლო დროს ბალშიც აღარ გადიოდა, იარაღს ატარებდა და მეც მომიტანა, მოსე მემარნიშვილის მკვლელობის შემდეგ მამულში სტრაჟნიკები ჩააყენეს, სამწუხაროდ, ვერც ამან უშველა.

ევტუშევსკის ზედმეტი კითხვა აღარ დაუსვამს, მითუმეტეს, რომ ამ საქმეს კარგად იცნობდა, მიუხედავად იმისა, რომ ძიებაში თავად არ მონაწილეობდა. მართალია, ზაალ ჭავჭავაძემ გლეხების მონაწილეობა ამ დანაშაულში კატეგორიულად გამორიცხა, მაგრამ ევტუშევსკიმ მაინც გადანყვიტა, რამდენიმეს დაკითხვა საქმეს არ წაახდენდა.

ამირხანაშვილი კოლა, სოსანას ძე, ოცი წლის, სოფელი გალავანი: თავადი ყველასთვის საყვარელი ადამიანი იყო. არც სიცოცხლის დროს და არც მისი მოკვლის შემდეგ მე არასდროს ერთი სიტყვაც არ გამიგია მის სანაშაულმდეგოთ, პირიქით, ყველა კმაყოფილი და მაღლიერი იყი მისი.

მოძმანაშვილი ნუშა, სანდროს ასული, ორმოცდაშვიდი წლის, სოფელი არაშენდა: ჩვენი კუთხის ხალხი დიდად აფასებდა თავად ჭავჭავაძეს და გულწრფელად უყვარდა ის, როგორც მათი მფარველი და დამხმარე.

ლაბაური გაბო, სვიმონის ძე, ოცდაათი წლის, სოფელი საგურამო: მამაჩემის სიკვდილის შემდეგ თავადის მოურავმა, მოსე მემარნიშვილმა, ჩვენი კუთვნილი მიწები ჩამიგვართვა და თავის ნათესავს, სიმონ მოძღვრიშვილს გადასცა. ნავედი თავადთან სათხოვნელად, მოუყვები როგორ წავგართვა მოსემ მიწები და გადასცა თავის ნათესავს. თავადმა დაუძახა მოურავს და უთხრა, როდის დაგავალე, სანყალ კაცს ჩამოართვი მიწები და შეძლებულს მიეციო. მოურავმა ვედარაფერი თქვა, მიწები მალე დაგვიბრუნდა.

დაახლოებით ამას ადასტურებდნენ გლეხები, ნაგლაძე სანდრო, ყელაურიძე ალექსანდრე, მოძმანაშვილი მი-

ხელი, სისაური ბასილა, მჭედლიშვილი მიხელი, ბიჩინგაური გორა, ჭინჭარაული ვასილი, ისმელაშვილი ვასილი და სხვა მრავალი, რომელთა ჩვენებანი, პედანტურად, ჩვეული სიზუსტით აღწერა და შეიტანა კიდეც ევტუშევსკიმ საკუთარ დავთარში, რომელსაც პოლიციაში დღემდე საქმეს ეძახიან.

ჯერი სტრაჟნიკებზე მიდგა.

საინტერესო კაცი აღმოჩნდა დაცვის ურიადნიკი ვასილ ემეცი. ნასწავლი, წიგნიერი, გონებაგახსნილი, გასაკვირიც კი იყო დაცვის სამსახურში მისი განწესება, სადაც, ძირითადად, საშუალოზე დაბალი შესაძლებლობების ადამიანები ხვდებოდნენ ხოლმე, ასე რომ, ემეცის კარიერის უკან რალაც საიდუმლო იმალებოდა, რასაც მისი სევდიანი გამოხედვა და გულჩათხრობილი ხასიათიც ადასტურებდა.

უცხო ენის ცოდნას რა სჯობს, ყველამ იცის და ჩამოთვლაც არ ღირს იმ უპირატესობების შესახებ, რაც ამ საქმეს ახლავს თან, მაგრამ ზოგიერთ შემთხვევაში, ეს ცოდნა გადამწყვეტ მნიშვნელობას იძენს და ისტორიის შეცვლას თუ ვერ შეძლებს, ამბის გარკვევაში მაინც დაეხმარება ადამიანს. ეს სწორედ ის შემთხვევა გახლდათ, რადგან უკრაინელმა ვასილ ემეცმა, საკუთარი ნიჭის წყალობით, ქართული ენა კარგად შეისწავლა, რაც პეტრე ევტუშევსკისთვის სასიამოვნო მოულოდნელობა აღმოჩნდა.

ძნელი წარმოსადგენია, რომ ურიადნიკს, საკუთარი თანამდებობიდან გამომდინარე, რამე დაემალა ან დაეინყებოდა, ამიტომაც ყოველივე, რაც საკუთარი თავით ნახა, იგრძნო თუ ყური მოკრა, ევტუშევსკის დაუფარავად უამბო. იმ დღეს, რა თქმა უნდა, იგულისხმება მკვლელობის დღე, ემეცს სტრაჟნიკთან ერთად თბილისში წამოსვლა გადაუწყვეტია. ეს გაუგია ჯაშს, თავადის ახალ მოურავს და ისიც ადევნებია პოლიციელებს, ყოველივე კი გახშირებული ყაჩაღობითა და მგზავრობის შიშით გაუმართლებია. ემეცი დათანხმდა, თუმცა მოურავი აბარგებას არ ჩქარობდა და წასვლას აგვიანებდა. ასე გასულა ოცი თუ ორმოცი წუთი, ეს მეფუტკრე მასლოვსაც შეუმჩნევია და ხეზე ასულ ჯაშისთვის, რომელიც რატომღაც კაკალს ამგვარი უცნაური ხერხით კრეფდა, დაუძახია თუ დაუჩქარებია. მხოლოდ ამის შემდეგ იკადრა მოურავმა ხიდან ჩამოსვლა და სტრაჟნიკებს აედევნა. გზაში მხოლოდ ჯაშის საუბრობდა, თავად ჭავჭავაძეს ახსენებდა და სულ იმას გაიძახოდა, საცა თავადის ეტლი გამოჩნდებო. ტყიდან გამოვედით თუ არა ეტლიც გამოჩნდა. ახლოს მივედით, ჩვენს თვალწინ საზარელი სურათი გადაიშალა: ეტლს მიყუდებული ცოცხალ-მკვდარი კნეინა ოდნავ არხევდა სხეულს, სახე ჰქონდა დასისხლიანებული, მის გვერდით, გზაზე, პირაღმა იწვა თავადი, მთლად დასისხლიანებული სახით, არც ირხეოდა და აღარც სუნთქავდა, ოციოდე ნაბიჯის მოშორებით, ბუჩქებში წავანყდით ლაქია იაკობის გვამს, სამივე მსხვერპლს ეტყობოდა გაძარცვის კვალი, ყველაფერი, რაც გააჩნდათ, წაღებული დაგვხვდა. ამ დროს გამოჩნდა მეეტლე თედო, რომელიც ყაჩაღებს რატომღაც ცოცხალი დაუტოვებიათ. მეეტლე არეულად ყვებოდა თავდასხმის ამბავს, ერეოდა ყაჩაღთა რაოდენობა, ხან ოთხს ასახელებდა, ხან შვიდს, ხან რუსებად მოიხსენიებდა, ხანაც

სომხებად, თუმცა ერთი რამ არასოდეს ავინწყებოდა და გამუდმებით იმეორებდა, თავში ჩამცხეს, კოფოდან ჩამოვვარდი და ბუჩქებისკენ გავიქეციო. ასეთი ქცევა ურიადნიკს უჩვეულოდ მიუჩნევია, მაგრამ მეეტლესთან ხანგრძლივი საუბრის დრო აღარ ჰქონდა, რადგან ტყე-ღრეში ყაჩაღების ძებნას შედგომია, თუმცა კი უშედეგოდ. კიდევ უფრო უცნაურად გამოიყურებოდა მოურავის ქცევა. ჯაშს, სამწუხაროდ, წარმოდგენაც კი არ ჰქონდა ურიადნიკის ნიჭიერების შესახებ და არც იმის შესახებ იცოდა რამე, რომ ემეცი ქართულ ენას იმდენად კი ფლობდა, ჯაშის ნათქვამი კარგად გაეგო. მოურავს ჯერ თავადისთვის დაუხედავს, შემდეგ კნეინასთვის და ასეთი რამ ამოუთქვამს: „მადლობა ღმერთს, რომ ესეც მოკლეს“, რა თქმა უნდა, ეს სიტყვები თედოს გასაგონად იყო ნათქვამი, რადგან ერთადერთი ქართველი იმ დროსა და იმ ადგილას, მოურავს თუ არ ჩავთვლით, მეეტლე თედო გახლდათ.

სხვა გამოძიებელი, იგულისხმება ევტუშევსკის რომელიმე კოლეგა, ურიადნიკის ჩვენების შემდეგ წამსვე დააპატიმრებდა ჯაშსა და ლაბაურს, ნესტიან საკანში უკრავდა თავს და შესაძლოა საქმე გახსნილადაც გამოცხადებინა, მაგრამ პეტრე ევტუშევსკი ევროპაში, კერძოდ კი ინგლისში განსწავლული გახლდათ და ყველაფერთან საკუთარი მიდგომა ჰქონდა, მეთოდს რომ ეძახიან, სწორედ ისეთი, რომელსაც დღემდე წარმატებით იყენებდა. ამგვარი ხერხით ორივე ეჭვიმტანილი, გარკვეულ დრომდე, თავს უზრუნველად გრძნობდა, სიტყვა-პასუხს სწონდა, დაკითხვისთვის ემზადებოდა და ერთმანეთთან მოლაპარაკებისა თუ შეხვედრის საშუალებასაც იყენებდა, რა თქმა უნდა, ეს ყოველივე პოლიციელთა თვალთვალის ქვეშ მიმდინარეობდა, რის შესახებ ეჭვიმტანილებს წარმოდგენაც კი არ ჰქონდათ. დღე დღეს მისდევდა, ევტუშევსკი ჯაშისა და ლაბაურის გამოტყვევას არ ჩქარობდა. ამის შემდეგ იწყებოდა ნერვიულობა, უნდობლობა ერთმანეთის მიმართ და შეცდომას შეცდომა მოსდევდა, ასე რომ, მოურავისა და მეეტლის ალაპარაკება მხოლოდ და მხოლოდ დროის საქმე იყო. გამოცდილ გამოძიებელს სხვა რამ უფრო აინტერესებდა, კერძოდ, ჭავჭავაძის საკის, იგივე საკვოიაჟისა და მასში მოთავსებული დოკუმენტების ბედ-იღბალი, რადგან გუმანით, ანუ გამოცდილებით გრძნობდა, რომ ძაღლის თავი სწორედ აქ უნდა ყოფილიყო დამარხული.

ეს საჩოთირო საქმე აბელ იაშვილს უნდა მოეგვარებინა. რაც უნდა იყოს, ნოდარ წინამძღვრიშვილი თბილისის გუბერნიის თავადაზნაურთა წინამძღოლი გახლდათ და მისი განაწყენება არც ძიებას წაადგებოდა და არც პეტრე ევტუშევსკის კარიერას, მეგობრული საუბარი კი, რაც სხენებულ შემთხვევაში, ანუ ძიების დროს, იგივე დაკითხვას ნიშნავდა, ოღონდ ოფიციალური ქალაქის გარეშე, ამ უხერხულობას ოდნავ მაინც გააქარწყლებდა, მითუმეტეს, რომ ექიმი წინამძღვრიშვილს კარგად იცნობდა, მასთან სახლშიც იყო ნამყოფი და რამდენჯერმე დაეხმარა კიდევ, როდესაც წინამძღოლის მსუნაგმა მწვეარმა მოზრდილ ძვალს ვერაფერი მოუხერხა, ველარ ამოისუნთქა და, რომ არა იაშვილი, ვინ იცის, იქნებ ველარასოდეს ენადირა კიდევ.

აბელ იაშვილი იმ თაობის ადამიანებს ეკუთვნოდა, რომლებსაც ავლაბრის მინურებიც კარგად ახსოვდა და ის უკაზიც, რომლითაც, მთელ თბილისში, ამ მინურების მშენებლობა აიკრძალა. ქალაქი შენდებოდა, მშვენივრად და მის მიხვეულ-მოხვეულ ქუჩებს ორსართულიანი თუ მეტი, ქვის შენობები ემატებოდა. მირზოვეის სახლი, რომელიც სასამართლოსა და დავიდოვის ქუჩის კუთხეში იდგა, ანდა შტაბის შენობა, სომხური სასწავლებელი, თბილისის გიმნაზია, რაც იმას ადასტურებდა, რომ თბილისი ევროპის ფეხისხმას თუ არა, სუნთქვას მაინც გახლდათ აყოლილი.

თბილისის გუბერნიის თავადაზნაურთა წინამძღოლს, ნოდარ წინამძღვრიშვილს ერთ-ერთი ასეთი შენობა ეკავა მიხეილის ქუჩაზე. სახლი თათუგა პერსეგოვს აუშენებია, რამდენიმე წელი უცხოვრია და ასატურ ნარინოვისთვის მიუყიდა. ასატურას თამაში ყვარებია, ყომა-რი და მისთანები, ამასვე დაუღუპავს, მევალებებს უჩივლიათ, სასამართლოს აღმასრულებელი გამოუგზავნია და ასატურას საცხოვრებელი, ავეჯიანად, აუქციონზე გაუტანია, სწორედ აქ შეუძენია იგი არუტუნ აკოფოვს, მეუღლესთან, ნატალია ასტვაცატუროვასთან ერთად, ცოტა რამ შეუკეთებია და საცხოვრებლადაც გადასულა. ოჯახური ბედნიერება დიდხანს არ გაგრძელებულა, არუთინი ყველასთვის მოულოდნელად გარდაცვლილა და მარჩენა-ლის გარეშე დარჩენილ ქვრივს სახლის გაყიდვა განუზრახავს. ვაჭრობამ რამდენიმე თვეს გასტანა. ასტვაცატუროვა, როგორც თავისი ერის ღირსეული წარმომადგენელი, გასაყიდ ფასს კაპიკს არ უკლებდა და საკუთარ სიტყვაზე მყარად იდგა. სწორედ ამ დროს გამოჩენილა ქართველ თავადაზნაურთა ამხანაგობა, რომელსაც ქვრივთან საერთო ენა გამოუნახავს და სახლი საკუთარი მიზნებისთვის შეუძენია. ასე რომ, ნოდარ წინამძღვრიშვილს ეს შენობა დროებით ჰქონდა დაკავებული, თუმცა საცხოვრებლადაც იყენებდა, მაგრამ, ამავე დროს, საქმიან შეხვედრებსაც მართავდა ორსართულიანი სახლის გალერეაში, რომელიც, იმდროინდელი თბილისისთვის, აუტანელი სიციხისგან თავის დასაცავად ერთადერთი და უღალატო თავშესაფარი გახლდათ.

წინამძღოლს დარდისა და უძილობის კვალი დატყობოდა.

– თქვენთან ყოფილა გამგზავრებამდე. – შეხედა აბელ იაშვილმა.

– საქმეს ვინ იძიებს? – კითხვა შეუბრუნა წინამძღოლმა.

– პეტრე ევტუშევსკი. – სიამაყით აღნიშნა ექიმი.

– ბრძანდებოდა. – ამოთქვა წინამძღოლმა და ეს პასუხი იმის დასტური გახლდათ, რომ წინამძღვრიშვილი მადებრის გვარ-სახელით კმაყოფილი ჩანდა და გამოძიებას ყველაფერს თუ არა, თითქმის ყველაფერს ეტყოდა. – საქმეზე იყო ჩამოსული.

– რამე თუ ჰქონდა თან?

– შავი ფერის საკი. – დააზუსტა წინამძღვრიშვილმა.

– რაზე ისაუბრეთ, თუ საიდუმლო არ არის?

– დასამალი რა მაქვს, ქვეყანამ იცის, მოხსენება ჰქონდა ჩამოტანილი, სიკვდილით დასჯის გაუქმებას ითხოვდა.

თავადაზნაურთა წინამძღოლი არ ცრუობდა. იმ დროისთვის, თავადი ჭაჭავაძე უკვე იყო სახელმწიფო საბჭოს წევრი, როგორც ქართული თავადაზნაურობის რჩეული. ექიმობის მიუხედავად, აბელ იაშვილი განათლებულ ადამიანად ითვლებოდა, თანამედროვე ცხოვრების რიტმსაც უწყობდა ფეხს და პოლიტიკაშიც კარგად ერკვეოდა, ასე რომ, იმდროინდელი ცხოვრების შესახებ, შეიძლება ითქვას, ყველაფერი იცოდა. კერძოდ, კარგად ჰქონდა შესწავლილი სათათბიროსა თუ სახელმწიფო საბჭოს ძველი და ახალი ამბები, თუმცა ეს მხოლოდ ექიმის მომეტებული ინტერესის გამო არ მომხდარა. აბელ იაშვილი შესაბამისი ასაკის დადგომისა და პრაქტიკის დასრულების შემდეგ პოლიტიკაში გადაბარგებას აპირებდა, გულის სიღრმეში კი, ბედის სასიკეთოდ შემოტრიალების შემთხვევაში, სათათბიროსა თუ სახელმწიფო საბჭოს წევრობას ლამობდა, რომელიც იმდროისთვის, დანიშნულთა და ამორჩეულთა ერთიანობით, ორას სამოცდაათი წევრისგან შედგებოდა. ვის არ ნააწყდებოდა ამ თავყრილობაში: გრაფებს, სტატსკი სოვეტნიკებს, დეისტვიტელნი სტატსკი სოვეტნიკებს, გენერლებს, დიპლომატებს, იურისტებს, კრიმინალისტებს, იურისტ-კრიმინალისტებს და, თქვენ წარმოიდგინეთ, კომპოზიტორსაც კი, გვარად ტანევეს. ასევე ჭრელი იყო მათი ეროვნული კუთვნილება: რუსები, გერმანელები, პოლონელები, ლატვიელები, ესტონელი, სომეხი და ერთი გარუსებული ჩვენი ერის შვილი, გოფმაისტერი, ნიკოლაი ნიკოლაევიჩ ჩოლოკაევი, ხოლო რაც შეეხება პარტიების რაოდენობას, ამაში გარკვევა პოლიტიკურად განსწავლული აბელ იაშვილისთვისაც სრულიად შეუძლებელ საქმეს წარმოადგენდა. სახელმწიფო საბჭოში, თავად ჭაჭავაძის გარდა, სხვა ქართველებიც ყოფილან. თბილისის გუბერნიიდან — ნოე ჟორდანი, ოსიკო ბარათაშვილი და სვიმონ წერეთელი, ქუთაისის გუბერნიიდან — ივანე გომართელი, სერგი ჯაფარიძე და ისიდორე რამიშვილი, ბათუმის ოლქიდან — გენერალი პროკოფი შერვაშიძე. სწორედ ამ ჭრელ აბანოში უნდა წაეკითხა თავად ჭაჭავაძეს საკუთარი მოხსენება, რაც ძნელი წარმოსადგენი არ უნდა ყოფილიყო, თუ როგორ დაამთავრდებოდა. თუმცა, ექიმის ღრმა რწმენით, თავად ჭაჭავაძის მკვლევლობის მიზეზად ეს ამბავი არ გამოდგებოდა, რადგან საბჭოში სიკვდილით დასჯის გაუქმებას ლიად სხვა წევრებიც უჭერდნენ მხარს, რომელთა შორის არაქართველებიც იყვნენ, მაგალითად, მოსკოვის უნივერსიტეტის პროფესორი ვლადიმერ ვერნადსკი და ასევე პროფესორი, კრიმინალისტი ნიკოლოზ ტაგანცევი.

მიზეზი სხვაგან უნდა ეძებნათ.

– ჩემი აზრი აინტერესებდა, მოსმენა მთხოვა, ასე მითხრა: გუშინ დავასრულე ჩემი მოხსენება სიკვდილით დასჯის შესახებ, ამ დღეებში წაუყუთხავ ჩვენს წრეს, მერმე კი – სახელმწიფო საბჭოს.

– მოუსმინეთ? – ჩაეძია ექიმი.

– რომ გაცოცხლდეს, არც მაშინ მოვუსმენ. – იფეთქა წინამძღვრიშვილმა. – მონინალმდევე ვარ და იმიტომ.

– როგორ? – მეტი ვერაფერი მოახერხა დაბნეულმა ექიმმა.

– სიკვდილით დასჯა უნდა მოისპოს, მაგრამ ერთი რამ არ მომწონს, რალა მაინცა და მაინც ქართველმა უნდა

იკისროს სახელმწიფო საბჭოში ამ მოხსენების წაკითხვა?! განა იქ რუსები ცოტანი არიან, პროფესორები, მეცნიერები, რატომ ისინი არ იკისრებენ, დარწმუნებული ვარ, ასეთი დაუფიქრებულობით მთელ საქართველოს საქმეს გადაუჭებთ, ისევ რუსმა წაიკითხოს.

ახლა ყველაფერი გასაგები გახდა, აბელ იაშვილს შერცხვა კიდეც, რომ თბილისის გუბერნიის თავადაზნაურთა წინამძღოლის პატიოსნებასა თუ ქართველობაში უნებურად ეჭვი შეიტანა.

– ეს კიდევე არაფერი, სხვა მოხსენებაც ჰქონდა. – წინამძღვრიშვილი სტუმრისკენ გადაიხარა და ჩურჩულზე გადავიდა, რაც იმას მოასწავებდა, რომ წინამძღოლს განსაკუთრებით მნიშვნელოვანი რამ, საიდუმლოს რომ ეძახიან, ისეთი უნდა ეთქვა. – საქართველოს ავტონომიას ითხოვდა, არც ამას მოვუსმინე, რადგან ვერაფერს მიაღწევდა, კარიერას კი საბოლოოდ დაისამარებდა, ვერაფერი შეეკამინე, მაინც აპირებდა სიტყვით გამოსვლას

რაც წინამძღვრიშვილს საიდუმლო ეგონა, აბელ იაშვილისთვის კარგა ხანია ცნობილი იყო. საქართველოს უნდა წამოეყენებინა რუსეთის მთავრობის მიღებული, შემდეგ კი მის მიერვე დარღვეული მფარველობითი ტრაქტატის გადახედვის პირობები, რაც თავდაპირველად ფართო ავტონომიის მოთხოვნას გამოიწვევდა, მოგვიანებით კი მოიტანდა სრულ დამოუკიდებლობას. მისანვდომი ჩანდა ქართული ეკლესიის ავტოკეფალიის აღდგენაც, რაც მსოფლიო ეკლესიის სამართლებრივ ნორმებს ემყარებოდა.

ერთ-ერთ ასეთ საუბარს, სრულიად შემთხვევით, აბელ იაშვილიც შეესწრო. თუ როგორ მოხვდა ამ თავყრილობაზე ყველასთვის პატივსაცემი ექიმი, ძნელი სათქმელია. შეხვედრა სასტუმრო „ვეროპის“ ცალკე ოთახში გამართულა, საბჭოში ამორჩეულ ყველა ქართველ დეპუტატს მოუყრია თავი, ნადიმს გრიგოლ დიასამიძე უძღვებოდა, სუფრის დანახარჯი, როგორც იმ დროს მიღებული იყო, დავით სარაჯიშვილს დაუფარავს.

ბევრი ილაპარაკეს. ქართული წესის თანახმად ერთმანეთი აქეს, დიასამიძეს უთქვამს თავადისთვის, შენ საპრეზიდენტო კაცი ხარო, რითაც სხვები გაულიზიანებია და ჯერ არდანყებულ საუბარი თავიდანვე ჩიხში შესულა. ამ ამბით შეწუხებულმა დავით სარაჯიშვილმა შამპანური გახსნა. ისიდორე რამიშვილს ძალიან მოეწონა შუშხუნა სითხე, ცოტა იხუმრეს კიდეც, თითქმის ყველამ დალია და ნელ-ნელა საქმეც დაიძრა. პროფესორმა ცაგარელმა ლექცია წაიკითხა და საბოლოო აზრი გამოთქვა ავტონომიის შესახებ, თუმცა მისმა განმტკიცებულ რწმენაზე აშენებულმა სიტყვებმა ვერაფრით შეარყიეს ისიდორე და სხვა მისნაირები.

– ჩვენ ახლა ამ კითხვაზე სათათბიროში ლაპარაკი მეტად მიგვაჩნია, ჯერ სხვა საერთო კითხვებია გასარჩევი. – ყველას ამას პასუხობდა, წყნარად და აულელვებლად.

ცაგარელმა დაამთავრა და რამიშვილმა დაიწყო, ახლა მისი ლექციის დრო დადგა. აბელ იაშვილი თვალს არ აცილებდა თავად ჭაჭავაძეს, რომელიც ისიდორეს ყველა სიტყვას საცერში ატარებდა და თავის იქ ყოფნას მხოლოდ იმით გასთქვამდა, რომ დროდადრო დარბაისლურად შეირხეოდა ხოლმე.

ისიდორე რამიშვილი საუბარს აგრძელებდა.

თავადმა ჭავჭავაძემ, ყველასგან მალულად, ისე რომ არავის გაეგო, რა თქმა უნდა, თუ არ ჩავთვლით სანდო ექიმს, დავით სარაჯიშვილს გადაულაპარაკა:

– მე მაგათი ვერსიას შევაცვლევი, რაც რამიშვილმა თქვა, ის მაგათი მტკიცე გადანყვებილებაა, ჩვენ სხვა რამ უნდა ვიფიქროთ, ფანატიკოსები არიან დალოცვილნი!

მოკლედ, ამ საქმიდან არაფერი გამოვიდა.

ნათელი გახდა, ყველაფრის გათვალისწინებით, იგულისხმება წინამძღვრიშვილისა და თავადის ახლანდელი საუბარი, ყოველივეს გაანალიზებით, გვახსენდება სარაჯიშვილისა და გარდაცვლილი ჭავჭავაძის გადალაპარაკება, ისე გამოდიოდა, რომ ჭავჭავაძე ამ მოხსენების გამო უნდა ყოფილიყო მოკლული, უფრო ზუსტად კი მისი დაწერისთვის, სულ მთლად ზუსტად კი მისი წაკითხვის ჩანაფიქრისთვის. რადგან თავადი ჭავჭავაძე, იმდროინდელ და ასევე დღევანდელ საქართველოში, ერთადერთი ადამიანი გახლდათ, ვისაც ამგვარი მოხსენების დანერა, დასაბუთება, მოგვიანებით კი სხვებისთვის წაკითხვა-დარწმუნება შეეძლო, შეთქმულთა განზრახვა მთლად გაუგებარი აღარ უნდა გამხდარიყო, რადგან ძველადაც და ახლაც წინააღმდეგობის დაძლევის ეს უტყუარი საშუალება კარგად მოქმედებს, განსაკუთრებით მაშინ, როდესაც მოკამათესთან მოლაპარაკება სრულიად შეუძლებელ საქმეს წარმოადგენს.

აბელ იაშვილი ექიმი იყო და, სხვებისგან განსხვავებით, კარგად ესმოდა, რომ მიცვალებული არსად გაიქცეოდა, ცოცხალ ადამიანს კი, დროდადრო მაინც, კვება და ენერჯისა თუ ძალის აღდგენა ესაჭიროებოდა. ევროპულად მოაზროვნეს სამოსიც ევროპული უყვარდა და საქმელიც. ვისაც არ ახსოვს, ასეთები კი ბევრნი არიან, იმათ გასაგონად ითქმება, ეს ის დროა, როდესაც თბილისში ევროპული ყაიდის რესტორნები იხსნება და ამ რესტორნებში შეძლებულ მოქალაქეებს სრულიად განსხვავებული გემოვნების საკვების შეძენა შეუძლიათ, განსაკუთრებულ ინტერესს, შეგრძნებისა და უცნაური ფორმის წყალობით, იტალიური მაკარონი ინვევდა, რომლის გასასინჯად მისულ თბილისელებს ხშირად რიგშიც კი უწევდათ დგომა.

დავინწყების ხავსით იმოსებოდა ქართულ-სომხურ-თათრული, ერთ დროს ყველასთვის საყვარელი საქმელები: ხაში, ბოზბაში, ყაურმა, დომხალი, სპასი, ყაიმაყი, ალვანაზი, ცინდალი, მახობი, ბასილა, ქადა, შილაფლავი, აგანცი, ნაბათი, ფაშლიყი, შარბათსა და ღვინოს არაყი ცვლიდა, იკარგებოდა თამადა, ტულუმბაში და პირველი დარდიმანდი, აღარ ისმოდა ალავერდი და მისი აუცილებელი პასუხი, იახში იოლ, ყოველივე ეს მინისქვეშეთში ინაცვლებდა და იქ იმალებოდა, რასაც დუქანი ერქვა.

სულ სხვა იყო ცხოვრება მინის ზემოთ. რესტორნები „ანონა“, „იუჟანე“, „ვ საკოლიკახ“, „სან-სუსი“, ევროპულად შემოსილი ოფიცინტებით, იგივე გარსონებით, სულ სხვა, ჯერ არნახულ კერძებს სთავაზობდნენ სახეშეცვლილი ქალაქის მაცხოვრებლებს.

აბელ იაშვილს, ყველაზე მეტად, „სან-სუსი“ იტაცებდა, რომელიც მოშორებით, მდინარის მეორე ნაპირზე იყო განთავსებული, მაგრამ რა მოსატანია მანძილი იმ სიამოვნებასთან, რაც მოშიებულ ადამიანს აღნიშნულ რესტორანში ელოდა.

გაბედული და ახალგაზრდა ადამიანი ფეხითაც გაუყვებოდა გზას, მაგრამ რესტორნის სიშორის გამო ექიმმა იმ ხუთას ოცი ფაიციონიდან ერთ-ერთის დაქირავება გადანყვიტა, რომელიც იმდროინდელ თბილისში დაქროდა ხოლმე.

– გარეკე! – ბრძანება გასცა ექიმმა და მეეტლეს ის მისამართი მიუთითა, რომელიც მან აბელ იაშვილის დაუხმარებლადაც კარგად იცოდა.

ექიმს აქაც კარგად იცნობდნენ, ამიტომაც, მიუხედავად ხალხმრავლობისა, მისთვის ცარიელი მაგიდის გამონახვა მაინც მოხერხდა. მენიუს, ანუ საქმელთა ფას – ჩამონათვალი საკმაოდ გრძლად გამოიყურებოდა:

- მოსკოვის კატლეტები.
- სევასტოპოლის კიბოები.
- სხვადასხვა სალათები.
- რუსული ბლინები.
- ათასგვარი ხილი.
- არაყი.
- ღვინო.
- შამპანური.



მხატვარი მალხაზ იაშვილი

და რაც მთავარია, ყელის კოკლოზი, დახვეული მაკა-რონი პირდაპირ იტალიიდან. ძნელი მისახვედრი არ უნდა იყოს, რომ ეს უცნაურად დაკლანკილი კერძი გვარიანი ფასიც ღირდა. აქვე დღისით რუმინული ორკესტრი უკრავდა, სალამოს კი ორკესტრს ხმაურიანი ბოშები ცვლიდნენ.

თუკი საქმელი გემრიელია, ხმაურიც არ განუხებს და მოსაუბრეც ხელს არ გიშლის, ფიქრს არაფერი სჯობს და, ძნელი სათქმელია, უფრო მეტ სიამოვნებას კერძის გემო ანიჭებს ადამიანს თუ ამ კერძის ჭამის დროს გონებაში მობრძანებულ საღ აზრთა რაოდენობა.

ეხლა სწორედ ის დრო იყო.

აბელ იაშვილი ჩაფიქრდა.

რა გამოდიოდა: თავადი ჭავჭავაძე თბილისს მიემგზავრება, თან, როგორც დადგინდა, ორი მოხსენება მიიქვს, გამგზავრების, და ასევე მოხსენების, შესახებ რამდენიმე კაცმა იცის, ზაალ ჭავჭავაძემ, რომელიც სათვალავში არ ჩაიგდება, გარდაცვლილის მეუღლემ, რომელზეც ეჭვის მიტანა ასევე შეუძლებელ საქმეს წარმოადგენს, მეეტლე ლაბაურმა და მოურავმა ჯაშმა, რომელთა საქციელი თუ საუბარი დაეჭვების საფუძველს ნამდვილად იძლევა. თუმცა რჩებოდა კიდევ ერთი შემსწრე ამ ყველაფრისა, რომელმაც სხვებივით ზუსტად იცოდა თავადის მოხსენებისა და გამგზავრების შესახებ, არეულ დროსა და ქართველების ხასიათს თუ გავითვალისწინებთ, შეთქმულებაში მონაწილეობა, თეორიულად, მასაც შეეძლო, მაგრამ ნოდარ წინამძღვრიშვილის განვლილი ცხოვრების გზა ამგვარი დაეჭვების საფუძველს ნამდვილად არ იძლეოდა, ასე რომ, უხერხულიც კი გახლდათ ამ საქმეში მისი გარევა, რაც აბელ იაშვილის კარიერასა თუ ოცნებას საბოლოოდ დაუსვამდა წერტილს და არც რუს მაძებარს დააყრიდა კარგ დღეს.

ეს, და სხვა ბევრი რამ, ექიმს არ დაუმალავს და საგურამოში დაბრუნებულმა ჩვეული პირდაპირობით მოახსენა თავის კოლეგას, რომელსაც, მიუხედავად სხვადასხვა პროფესიისა, ერთად გატარებული დროისა თუ გახსნილი საქმეების გამო, უკვე კარგა ხანია ასეთად თვლიდა.

დრო არც პეტრე ევტუშევსკის დაუკარგავს. მან უკვე იცოდა, რომ მოურავი ჯაშში, წინა წლებში, პოლიციას რამდენჯერმე ჰყავდა დაკავებული პოლიტიკური საქმიანობისა და რამდენიმე წვრილმანი ქურდობის გამო, რაც გამოცდილი პოლიციელისთვის ბევრი რამის მანიშნებელი იყო. გაკვირვებას სხვა რამეც იწვევდა, როგორ უნდა მოხვედრილიყო ასეთი ბიოგრაფიისა თუ რეპუტაციის მქონე ადამიანი თავადის სახლში, მითუმეტეს, რომ ჯაშს მოურავობის არც გამოცდილება ჰქონდა და არც მინის მოვლა-პატრონობის გაეგებოდა რაიმე. ევტუშევსკის სხვა ბევრი რამეც ჰქონდა შესწავლილი. კერძოდ, არ დაიზარა და, სხვა პოლიციელებისგან განსხვავებით, შემთხვევის ადგილი ყურადღებით დაათვალიერა, სქემაც ჩახატა და ჩანაწერებიც დაურთო: „სქემაზე გამოსახულია საგურამოში მიმავალი შარაგზის ხელმარჯვნივ ბუჩქებით დაფარული მთა, გზის ხელმარცხნივ მიმართულია დაღმართი, მოჩანს ორი სისხლის გუბე, ერთი ზედ გზაზე, თავადისა, მეორე უფრო მარცხნივ, ლაქია იაკობისა, ამ გუბეზე ყრია დამწვარი ასანთის ლერები და ათი ცალის შემცველი პაპი-

როსის კოლოფები“. არც ჯაშში და არც, მითუმეტეს, წერაკითხვის უცოდინარი ლაბაური პაპიროსს არ ენოდნენ, ასევე არამწველები იყვნენ სტრაჟნიკები და მათი მეთაური ემეცი, სავარაუდოდ, თამბაქო თუ მისი ნარჩენები ჩასაფრებული მკვლელის, ან მკვლელის კუთვნილება უნდა ყოფილიყო, რომლებიც, მათთან დაახლოებულ თანამზრახველებთან ერთად, მეეტლეს გამოჩენას მოუთმენლად და ნერვიულად ელოდნენ, ასე რომ, ჯაშისა და ლაბაურის დაკითხვა, როგორც პოლიციაში ამბობენ, მომნიშვნელოვან საქმეს წარმოადგენდა.

დაკითხვას, როგორც მოსალოდნელი იყო, აბელ იაშვილიც დაესწრო.

მეეტლე ქართულად ნათარგმნ ყველა კითხვას ხელახლა იმეორებდა, პასუხს აჯანჯლებდა, მზერას მალავდა, თვალებს დაბლა და მარჯვნივ ხრიდა, მოკლედ, ისე იქცეოდა, როგორც მატყუარა ადამიანი.

– გამომძიებელი გეკითხება, როდის გამოხვედით თბილისიდან? – იაშვილმა კითხვა გაიმეორა და მეეტლეს მიაჩერდა, რომელიც მუჭში მომწყვედი ქუდს ისე ებრძოდა, როგორც დაუნდობელ მტერს.

– ჩვენა? – ჩვეულ ხერხს მიმართა მეეტლემ.

– ჰო, თქვენა, თქვენა. – ლამის იყვირა ექიმმა.

– თერთმეტი საათი იქნებოდა, ნელა მოვდიოდით...

– როგორ ისხედით?

– ჩვენა? – ისევ იკითხა მეეტლემ, რომელსაც, თუ მისი ფეხათრეული პასუხებით ვიმსჯელებთ, ნებით თუ უნებლიეთ, საკუთარი მოკლე ჭკუით, ჩაფიქრებული ჰქონდა ექიმისა და გამომძიებლის წყობიდან გამოყვანა, რაც, ადვილი მისახვედრია, რომ უპირობოდ გამოიწვევდა დაკითხვის ჩაშლას, რითაც მეეტლე ლაბაური რამდენიმე დღეს თუ არა, რამდენიმე საათს მაინც მოიგებდა, ეს კი მას ახალი ტყუილის მოფიქრების საშუალებას მისცემდა. – ჩვენა, თქვენი ჭირიმე, როგორც გვეკუთვნოდა ისე ვიჯექით... კნინა იჯდა მარცხნივ, თავადი მარჯვნივ...

– შენ სად იჯექი?

– მე?... სადაც მევალეობოდა იქ, კოფოზე, იაკობიც ჩემთან იყო.

– იარალი გქონდა?

– იარალი?... მეეტლეს იარალი სად გაგონილა, შენი ჭირიმე, ლაქიას ჰქონდა, ერთი რევოლვერი და ერთი თოფი, ცენტროვკა.

– თოფი რალად უნდოდა? – ჩაერთო ევტუშევსკი, რომლის სახის გამომეტყველებით თუ ვიმსჯელებთ, ამ ფაქტის გამო, ვგონებ, გარდაცვლილ იაკობის პატიოსნებაშიც შეჰქონდა ეჭვი.

– მებალესთვის მიჰქონდა. – ეჭვები გაფანტა მეეტლემ და, ამავე დროს, თავად ვერაფერს მიხვდა.

– განაგრძე! – ბრძანება გასცა ევტუშევსკიმ, რომელიც საქმის დიდი ცოდნით წამსვე იქნა გადათარგმნილი, ექიმ-თარჯიმნის, აბელ იაშვილის მიერ.

– სახატეს გავუსწორდით და ბუჩქებიდან ოთხი კაცი გამოხტა, სტოიო, დამიძახეს. – დაიწყო დაზეპირებული ჩამონათვალი თედო ლაბაურმა. – ეცვათ დიდი ჩექმები, თეთრი კიტელები ოფიცრის სამხრეებით, ეხურათ თეთრი ფაფახები, შავგვრემანები იყვნენ, ორს ჰქონდა წვერ-ულვაში, დანარჩენებს მხოლოდ ულვაში, სომხები იყვნენ...

– მაგას როგორღა მიხვდი?
 – ლაპარაკით. – გაიკვირვა მეეტლემ და ოთახში მყოფ მამაკაცებს შეხედა, რომელთაგანაც ამდაგვარ მიუხვედრელობას ნამდვილად არ ელოდა.
 – რა ენაზე ლაპარაკობდნენ?
 – რუსულად...
 – რუსული თუ იცი, რაღას გვანვალე, მასხრად გვიგდებ?! – გაბრაზდა აბელი და ევტუშევსკის გადახედა, რომელსაც ქართული გადალაპარაკების არაფერი ესმოდა.
 – როგორ უნდა ვიცოდე, შენი ჭირიმი. – კითხვა დაუბრუნა მეეტლემ. – რუსულის არაფერი გამეგება, მაგრამ ხალხის გარჩევა კი შემიძლია ერთმანეთისგან.
 – დაკვირვებული კაცი ჩანხარ, თედო, იარაღსაც ადვილად შეამჩნევდი. – დაუყვავა ექვმიტანილს აბელ იაშვილმა.
 – დავინახე, აბა, როგორ ორს ბერდანიკა ეჭირა, ერთს ცენტრალკა, ერთსაც კიდევ ფისტონიანი თავადმაც დაინახა იარაღი და აჩქარებაც ამიტომ მიბრძანა.
 – მერე? რატომ არ გარეკე ცხენები?
 – მინდოდა, როგორ არ მინდოდა, მაგრამ მარჯვენა განაპირა ცხენი სუსტი იყო, რამდენჯერ ვუთხარი თავადს, მოურავიც დამპირდა დახმარებას, დღე-დღეზე უნდა გამოეცვალათ, მაგრამ ველარ მოასწრეს, ესლა ვინღა გამომიცვლის, ცხენი რომ ფეხმარდი ყოფილიყო, ეგ უბედურება არ დაგვემართებოდა. – მეეტლემ ნაიტირა და დასველებული უბეები დაჭმუჭნული ქუდით შეიმშრალა, თუმცა ტანჯვით გადმოგდებულ ცრემლს დამსწრე საზოგადოებაზე არანაირი გავლენა არ მოუხდენია.
 – კარგი, კარგი, ცხენების ამბავი მერე იყოს, სხვა რა მოხდა კიდევ?
 – სუსტი ცხენი რომ იყო, იმიტომაც გადაგვასწრო იმ მეხუთემ...
 – აკი ოთხნი იყვნენ? – შეახსენა ექიმმა.
 – ის ოთხი თოფიანი იყო, მეხუთე კიდევ უთოფო. – არ დაიბნა ლაბაური. – მეხუთემ სტაცა ხელი სადავეს და ცხენი შეაჩერა, ეგრე მითხრა, შე მამაძაღლო, რატომ არ ჩერდები, როდესაც დაგიძახესო.
 – მამაშვილურად კი დაუყვავებია. – თავი გააქნია იაშვილმა.
 – რა მამაშვილურად, შენი ჭირიმი, ხელი მტაცა და კოფოდან ჩამომაგდო, დავეცი და თოფის ლულა გვერდში ჩამკრა. – თავი მოისანყლა მეეტლემ.
 – სხვები?
 – დახოცეს და ეგ არის...
 – ეგ ჩვენც ვიცით, შენ ის გვითხარი, როგორ დახოცეს.
 – აბელ იაშვილი ცრუპენტელა მეეტლეს უკან დასახევე გზას უფინროვებდა.
 – ერთი იაკობს გამოუდგა, დანარჩენები თავადს მივარდნენ, ასე ხუთი ნაბიჯის დაშორებით, ჯერ გვერდიდან ესროლეს, მერე წინიდან, თავადი მაშინვე გადმოვარდა ეტილიდან გზაზე, რადგან კნენა ჯერ კიდევ ეტლში იჯდა, იმის შიშით რომ ცხენებს არ გაეტაცათ, ეტლს წინიდან შემოვურბინე და ხელი სადავეებს ვტაცე, ამ დროს კნენასაც ხელი ჰკრეს და ეტილიდან ჩამოაგდეს, მეტი არაფერი დამინახავს, ცხენებს თავი მივანებე და ჩემთვის ვიდექი.
 – გამომძიებელი გეკითხება, სულ რამდენჯერ გაისროლესო?

– ოთხჯერ... ერთხელ თავადს ესროლეს, სამჯერ კი იქით გაისროლეს, საითაც იაკობი გაიქცა.
 – აკი თავადს ორჯერ ესროლესო? – ადრე ნათქვამი შეახსენა იაშვილმა.
 – ერთი დააცილეს და, აბა, ეგ რა ჩასაგდებია სათვალავში.
 – ხუთი ნაბიჯიდან დააცილეს? – ისევ შეახსენა იაშვილმა.
 – მეც გამიკვირდა, შენი ჭირიმი
 – რა ნაილეს თავდამსხმელებმა?
 – პატარა ჩემოდანი გააყოლეს ხელს, თავადიც გაჩხრიკეს, ღმერთი მაგათ როგორ გაახარებს.
 – ესლა არ თქვი, არაფერი დამინახავსო? – არ მოეშვა იაშვილი.
 – ეგ მერე დავინახე, ეტლს რომ გაცილდნენ. – თავი იმართლა მეეტლემ.
 – ერთი ეს მითხარი, ყველა გაიმეტეს და რაღა შენ დაგინდეს? – იკითხა იაშვილმა იმის იმედით, რომ ამჯერად მაინც დააბნევდა ლაბაურს, მაგრამ ექიმის გასაოცრად მეეტლემ საოცარი ბუნებრივი გამჭრიახობა გამოავლინა და ექიმს იმგვარი პასუხი გასცა, რომელიც სულ მთლად თუ არა, ნაწილობრივ მაინც ამართლებდა მის ცოცხლად გადარჩენას.
 – გაჭირვებულ ადამიანთან ყაჩაღს რა ხელი აქვს, ჩემი მოკვლით რა ხეირი ექნებოდათ
 – შენი ლაპარაკით ისე გამოდის, რომ ლაქია იაკობი არც გაჭირვებული ყოფილა და მისი მოკვლით ხეირიც უნახავთ?
 – იყო, განა არ იყო, მაგრამ ჩემსავით ლაქაკი და ღვთის ანაბარა მიტოვებული არ ყოფილა, ხანდახან თავადიც ეხმარებოდა და კნენაც ხელს უმართავდა. – მეეტლეს სახე ეცვალა და მის თვალებში შურისა და, როგორც ამ დროს ხდება ხოლმე, ბოროტების ნაპერწკალმა იელვა.
 – მამ კოფოდან ჩამოგაგდეს? – იკითხა იაშვილმა, რომელმაც მეეტლეს სახეცვლილება ნამსვე შენიშნა და რომელსაც გვარიანად მობეზრდა ლაბაურის ტყუილები, ამიტომაც გადანყვიტა ერთი ხელის დაკვრით დაესრულებინა ეს კატა-თავგოზანა და ორპირი მეეტლე, ყოველგვარი დარდის გარეშე იქით გაეშვა, საითკენაც გამგზავრებას ულაპარაკოდ იმსახურებდა.
 – ეგრე იყო. – ამოიოხრა ტკივილისგან შეწუხებულმა მეეტლემ.
 – პერანგი აინიე. – მტკიცედ განაცხადა ევტუშევსკიმ, რომელსაც ეტლის კოფოსა და მინას შორის თითქმის ორმეტრიანი მანძილი უკვე გაზომილი ჰქონდა და იმაშიც დარწმუნებული გახლდათ, რომ ამ სიმაღლიდან ძალით ჩამოგდებული ადამიანი რამეს თუ არ მოიტეხდა, დაიზინებდა მაინც.
 – რაო? – დაინტერესდა ლაბაური, რომელსაც დაკითხვა დასრულებული ეგონა და ექიმისა თუ გამომძიებლის დაგებულ ხაფანგს აღარ ელოდა.
 – პერანგი აინიე, ვნახოთ, რამე ხომ არ დაგიზინავს ავაზაკებმა. – დაამშვიდა ექიმმა.
 თედო ლაბაური წამოდგა, გაზინტლული პერანგი ზევით ასწია და ბანჯგვლიანი მუცელი გამოაჩინა.
 – ზურგი გვაჩვენე!

განწირული მეეტლე დაემორჩილა, შეტრიალდა და ოთახში მყოფთ ასევე ბანჯგვლიანი ზურგი მიუშვია.

მამაკაცებმა ერთმანეთს გადახედეს. თედო ლაბაურს სხეულზე არც დაცემისა და, მითუმეტეს, არც ლულის ჩარტყმისა არაფერი ეტყობოდა. ნათელი გახდა ის, რაც ისედაც გასაგები იყო, მეეტლეს ბრალი მიუძღოდა ყაჩაღური თავდასხმის ხელშეწყობაში. მართალია, თავს დამნაშავედ არ ცნობდა, უარზე იდგა, ათას რამეს ბლანდავდა, მაგრამ მას არ შეეძლო მხოლოდ ცრუ ჩვენების მიცემა, თუნდაც იმიტომ, რომ მის შეზღუდულ გონებას ამბების მოსაგონებლად არც შეძლება ჰქონდა და არც გაქანება, ამის გამო, ზოგჯერ, ძალაუნებურად, სიმართლის თქმა გამოსდიოდა, თუმცა ამ მცირე სიმართლემ ევტუშევსკის გული ვერ მოალობო, ამიტომაც გამოძიებელმა ერთადერთი, და, ამავე დროს, მართებული გადაწყვეტილება მიიღო: შეეფარდოს თედო ლაბაურს წინასწარი პატიმრობა, რათა აღკვეთილ იქნას სასამართლოსა და გამოძიებისათვის თავის არიდება.

მეეტლე მეტეხის ციხეს ჩაბარდა, როგორც სხვა, ათასი მისნაირი და ნაბიჯ – ნაბიჯ განვლო სახრჩობელისკენ მიმავალი გზა, რასაც თითქმის ორი წელი დასჭირდა.

ჯერი თავად ჭაჭაყვადის მოურავზე, დიმიტრი ჯაშზე მიდგა. კაცმა რომ თქვას, ჯაშზე გამოძიებას თითქმის არაფერი გააჩნდა, თუ არ ჩავთვლით კენინას უსულო სხეულთან ნათქვამ სიტყვებს, რომელიც, თავისმხრივ, ბევრნაირად შეეძლო გაეგო ადამიანს, მათ შორის, გამოძიებელსაც. რა თქმა უნდა, პეტრე ევტუშევსკი, როგორც მას დიდ ბრიტანეთში ასწავლეს, გარკვეული ხრიკებისა თუ გამოცდილების წყალობით მოურავს აუცილებლად ააღაპარაკებდა და იმ თავდამსხმელთა გვარ-სახელებსაც ათქმევინებდა, რომელიც უკვე მეტეხში გამოკეტილმა ლაბაურმა, დიდი მცდელობის მიუხედავად, არაფრით არ გათქვა, მაგრამ ამ ყველაფერს გვარიანი დრო ესაჭიროებოდა, რომელიც გამოძიებას არ გააჩნდა და რომელიც, ნებით თუ უნებლიეთ, დამნაშავეების ნისქვილზე ასხამდა წყალს, რადგან მათ მიმალვის საშუალებას აძლევდა. ასე რომ, ევტუშევსკის მხოლოდ იღბალის იმედიღა უნდა ჰქონოდა, რომელიც კარგ გამოძიებელს ისევე სჭირდება, როგორც ბანქოს თავგადაკლულ მოთამაშეს.

არაფერი იმალება.

არაფერი იმალება და არც დაიმალება, მითუმეტეს, საქართველოში, სადაც ჭორი და მითქმა-მოთქმა ისეთივე აუცილებელია ადამიანისთვის, როგორც შიშველ სხეულზე სამოსის გადაცემა. ასეთ სამოსად, თუ ღვთის შვილზე ასეთი რამ ითქმება, კოტე აბხაზი აღმოჩნდა.

მართლაც დიდი ძალა აქვს შემთხვევითობას, გაიფიქრა პეტრე ევტუშევსკიმ და აბელ იაშვილს გახედა, რომელიც, როგორც მაძებარს ეჭვად ჰქონდა, იგივეს ფიქრობდა.

საქმე ასე ყოფილა: მკვლელობიდან ორი დღის შემდეგ კოტე აბხაზი საგურამოდან შინ, თბილისში ბრუნდებოდა. მატარებელი არ ჩანდა, კოტეს საქმე არაფერი ჰქონდა, ბაქანზე დაიარებოდა და მისნაირ, მომლოდინე მგზავრებს აკვირდებოდა. დაკვირვება - დაკვირვებაში თავად ხიმშივეს მოჰქრა თვალი, რომელსაც შვილი მიჰყავდა გიმნაზიაში. მართალია, დიდი ნაცნობ-მეგობრობა არ ჰქონდათ ერთმანეთში, მაგრამ ამგვარ ადგილებს, იგულისხმება სად-

გური და მისთანები, საკუთარი კანონები აქვს, რომელსაც, მიუხედავად ჩინისა თუ წარმომავლობისა, უნდა თუ არა, ყველა მაინც განუყრელად იცავს. ამ კანონებს აბხაზიცა და ხიმშივეიც იცავდნენ, ასე რომ, მათ საუბარს წინ ველარაფერი დაუდგებოდა. სიტყვას სიტყვა მოჰყვა, რა თქმა უნდა, არც თავად ჭაჭაყვადის მკვლელობა დაუტოვებიათ უყურადღებოდ. ხიმშივემა ამ საკითხში საოცარი განსწავლულობა გამოამჟღავნა და კოტე აფხაზს მკვლელობის შესახებ უცნაური ამბები უამბო. თითქოსდა თავდამსხმელები ყოფილან ათ კაცამდის, თითქოსდა თავდამსხმელებს მთიდან ვიღაც ხელმძღვანელობდა, რომელსაც განკარგულება გაუცია, რომ თავადი მოეკლათ, ხოლო კენინასთვის ხელი არ ეხლოთ, თავადი თითქოსდა გადმოსულა ეტილიდან და ეუბნებოდა მათ, თუ ძარცვა გაქვთ ჩაფიქრებული, მკვლელობა რაღა საჭიროაო, თითქოსდა ლაქია იაკობს უსვრია ყაჩაღებისთვის და რომელიღაც მათგანი დაუჭრია ფეხში, მათ კი სწორედ ამისთვის მოუკლავთ ლაქია, ხოლო საკუთარი დაჭრილი ნაუყვანით. ამ ყველაფერს თავადი ხიმშივეი იმგვარი სიზუსტით ყვებოდა, კაცი იფიქრებდა, სულაც თავადის მოკლული ხომ არ იყო ჭაჭაყვადი. ამ აზრმა კოტე აბხაზსაც გაუელვა, მაგრამ წამსვე დაწყნარდა, რადგან ხიმშივემა იმ ადამიანთა გვარები დაასახელა, ვისგანაც ეს ისტორია მოსმენილი ჰქონდა.

კოტე აბხაზი გარდაცვლილი თავადის დისწული იყო, გარდა ამისა, კანონმომბოში ადამიანიც გახლდათ, ეს ორი მიზეზი სრულიად საკმარისი აღმოჩნდა იმისთვის, რომ კოტე აბხაზი ევტუშევსკისთან გამოცხადებულიყო და ეს დაუჯერებელი ამბავი ეამბნა.

თავადმა ხიმშიაშვილმა არც ამჯერად დაიხია უკან და ერთხელ მონათხრობი ევტუშევსკის სიტყვა-სიტყვით გაუმეორა. ჯერი მეურმეებზე მიდგა. ისინიც მალე გამოჩნდნენ და ევტუშევსკის საქალაქში, რომელიც ნელ-ნელა წონაში იმატებდა, ამგვარი ჩვენებები გამოჩნდა.

აბრაამ გაცოს ძე ბაიაშვილი, მცხოვრები სოფელ სიმონიანთხევში: ნახშირი მიგვქონდა თბილისში, იმ დროს მივედით, როცა თავადს კლავდნენ. რვა ყაჩაღი ჩოხებში იყვნენ გამოწყობილები, ერთს ეცვა ოფიცრის ფორმა, ერთს კიდევ ჯარისკაცის, მაღალი და გამხდარი პირველი მივარდა ეტლს, წაიღო რაღაც ფუთა და გადაისროლა ქვევით ბუჩქებში, თავადის მკვლელობის შემდეგ ყველა გაეკიდა ლაქიას, ისიც მოკლეს და წავიდნენ მდინარე არაგვისკენ.

გიგლა გიგლას ძე ბეკურაშვილი: იმ დღეს მე სხვებთან ერთად თბილისში მივდიოდი, როდესაც მივედით მცხეთის მოპირდაპირე მხარეს მდებარე დუქნებამდის, გამოვუშვით პირუტყვი და ვისვენებდით, ამ დროს გაგვიარა თავადმა ჭაჭაყვადიმ, ჩვენც შევავით პირუტყვი და გავწინეთ მის კვალდაკვალ, მივედით თუ არა სოფელ წინამურთან, ატყდა თოფების სროლა, მივედით და ვიხილეთ მომხდარი ამბის ადგილას მოკლულები თავადი ჭაჭაყვადი, მისი ლაქია და დაჭრილი კენინა, აქვე იყვნენ სტრაჟნიკები, ჩაფრები, მეურმეები და თავადის მეეტლე. ყველამ იცის, შეთქმულება მოწყობილია მოურავ ჯაშის მიერ და მეეტლეს გარეულია ამ საქმეში. ამის მეტი ამ საქმეზე ჯერჯერობით არაფერი ვიცი და რასაც შევიტყობ, ყველაფერს დანვრილობით ვაცნობებ სასამართლო და ადმინისტრაციულ ხელისუფლებას.

თუმცა ესეც საკმარისი იყო.

გადანყდა, ჯაში უნდა დაეპატიმრებინათ. არადა, კაცმა რომ თქვას, ბევრი არაფერი გააჩნდათ მის წინააღმდეგ, თუ არ ჩავთვლით კაკლის ხეზე ასვლასა თუ დაგვიანებას და გაუფრთხილებლობით თუ უტვინობით გამჟღავნებულ დაკვირვებას, რომელიც მან, ანუ მოურავმა, უგონოდ მყოფი კნინას დანახვისთანავე წარმოთქვა: მადლობა ღმერთს, რომ ესეც მოკლეს! მიუხედავად ამისა, ჯაშის დაპატიმრება, გარკვეული მიზეზების გამო, მაინც რთულ საქმეს წარმოადგენდა. ხეზე ასვლას, თუნდაც კაკლის იყოს, ვერავის დაუშლი, დიდი-დიდი მეურნეობის უცოდინარობა დასწამო, რომელიც ჯაშს არასოდეს დაუმაღლავს. ვერც ენას დაადებ კლიტეს, ბოლო-ბოლო ყველა პასუხი აღზრდისა და განათლების ამბავია. კაცი რომ დაფიქრდეს, თავისებურად მოურავი შესაძლოა მართალიც იყო, აბა, როგორღა უნდა ეცოცხლა კნინას საყვარელი მეუღლის გარეშე? ხომ გაათავებდა დარდი? ხომ გამოჭამდა ხსოვნისა თუ მოგონების დაუნდობელი ჭია? მამ არ ერჩინა მომკვდარიყო? ასეთი სიკვდილი ხომ ყველა ერთგული მეუღლის ხმამალალი ნათქვამი თუ არა, ჩუმი ნატვრა მაინც უნდა იყოს? ასე ფიქრობდა ჯაში და ამბობდა კიდეც, რითაც ძიება, სრულიად შეგნებულად, გამოუვალ ჩიხში შეჰყავდა

პეტრე ევტუშევსკი ამას გრძნობდა. გრძნობდა, მაგრამ თავს ზემოთ ძალა არ გააჩნდა, ემოციას, თუნდაც მართებულს, ვერ ჩასტევედა იურიდიული ენით გაფორმებულ მშრალ საქმეში. ვინ იცის, მწერალი რომ ყოფილიყო, იქნებ დაჭერილიც კი ჰყოლოდა მოურავი საკუთარი რომანისა თუ მოთხრობის ფურცლებზე. სხვა მხრივ ჯაშს ვერაფერი მოუხერხებდა, რადგან მოურავი მკვლელობის ადგილას არ იმყოფებოდა და ამის მონშეებიც კი არსებობდნენ გამოძიების ერთგული სტრაჟნიკების სახით.

ასეთ დროს, იგულისხმება დროის უკმარისობა და გამოძიების სირთულე, ექვმიტანილის დაპატიმრება სწორედ რომ წამალია. მეტეხის ციხის ნესტიანი საკანი მთავარ საქმეს თავადვე გააკეთებდა. ეს ხერხი ყოველთვის უღალატოდ ჭრიდა და ძნელი წარმოსადგენია, მოურავზე არ ემოქმედა.

ასეც მოხდა.

კმაყოფილმა პეტრე ევტუშევსკიმ, ამის გამო, თავის უშუალო უფროსს, თბილისის პოლიცემისტერს, პოლკოვნიკ ვიაჩესლავ ციხოვსკის მადლობის წერილი მისწერა: „მაქვს პატივი მოვახსენო თქვენს მაღალკეთილშობილებას, რომ მე გამაჩნია გარკვეული სამხილები მოურავ ჯაშის წინააღმდეგ და საჭიროდ ვცნობ სასწრაფოდ გაგაცნოთ იგი. სახელდობრ, ადგილობრივი საერო და ციხის ურიადნიკის ჩვენება, გარდა ამისა, მომხდარი დანაშაულის შემდეგ ჯაში ერთთავად საეჭვოდ იქცეოდა, ხშირად მიდიოდა მამულიდან და სად იმყოფებოდა, ამის შესახებ არავის არაფერს ეუბნებოდა. ამასთანავე ძალიან მოხარული ვარ და გმადლობთ, რომ თქვენ ინებეთ სასწრაფოდ გაგეცათ განკარგულება ჯაშის დაპატიმრების შესახებ. ღამის ორ საათზე ჩამოვიდნენ სტრაჟნიკები და დააპატიმრეს იგი, რითაც თავიდან ამცილდა აქტიური მონაწილეობა მის დაპატიმრებაში, საქმის მსვლელობის მიხედვით კი ჩემთვის ძალიან მნიშვნელოვანია, რომ პირადად მე არ მომიხდა მისი დაპატიმრება“.

ახლა, როცა ორივენი, დიმიტრი ჯაშიცა და თედო ლაბაურიც, მეტეხის ციხეში იყვნენ გამომწყვდეულები და პეტრე ევტუშევსკის მცდელობით ერთმანეთთან დაკავშირების არანაირი საშუალება არ გააჩნდათ, მოურავის პიროვნების შესწავლა სრულიად წყნარ ვითარებაში გახლდათ შესაძლებელი, რადგან, ეს უკანასკნელი, დიდი მცდელობის მიუხედავად, გაქცევას მაინც ვერ შეძლებდა. გარდა ამისა, ყველა ის პირი, ვინც კი ჯაშის შესახებ რაიმე იცოდა, სამძიმრისა თუ დარდის გასაზიარებლად თავადვე ჩამობრძანდა საგურამოში და უხერხულიც კი იყო ასეთი შემთხვევის ხელიდან გაშვება.

მაინც ვინ იყო დიმიტრი ჯაში და როგორ მოხვდა იგი თავად ჭავჭავაძის მამულში?

როგორ და, თავადის დის, ელისაბედ საგინაშვილის წყალობით. ხომ უცნაურია? ევტუშევსკისაც ასე მოეჩვენა და რამდენიმე კითხვის დასმა განიზრახა, თუმცა ამ ყველაფრისთვის ოფიციალური დაკითხვის სახე არ მიუცია, რაც უნდა იყოს, მგლოვიაჩე დასთან ჰქონდა საქმე.

ყველაფერი წერილებით დაიწყო.

სასიყვარულო ბარათები არაფერ შუაშია, საუბარი მუქარის წერილებზეა. ელისაბედს რამდენიმე ასეთი წერილი მიუღია კიდეც, სადაც ანონიმი ავტორი ორი ათას მანეთს ითხოვდა, წინააღმდეგ შემთხვევაში ოჯახის განადგურებით ემუქრებოდა. ქალი დაფრთხა, თუ იმას გავითვალისწინებთ, რომ ასეთი რამ, არეულ დროში, ყოველ ფეხის ნაბიჯზე ხდებოდა, შიშის მიზეზი უფრო გასაგები გახდება. ელისაბედს, ამავე შიშის გამო, პოლიციელთათვის არაფერი უთქვამს და ეს ამბავი მხოლოდ თავის მეგობარს, ქალაქის გამგებობის მდივანს, ჭრელაშვილს გაუხშილა. ეს ჭრელაშვილი, იგივე ჭრელაშვილი, საბრალო ქალს დახმარებას დაჰპირდა და ამ საქმის მოსაგვარებლად საიდანღაც დიმიტრი ჯაში მოიყვანა, რომელმაც დამფრთხალ ქალბატონზე სანდო ადამიანის შთაბეჭდილება დატოვა. როგორ და რანაირად, დღემდე უცნობია, მაგრამ ჯაშმა პირობა შეასრულა, მუქარის წერილები შეწყდა, ოჯახმა ამოისუნთქა, მადლიერმა საგინაშვილმა უმუშევარი ჯაშის დასაქმებას მიჰყო ხელი. ჯერ სათავადაზნაურო ბანკში სცადა მისი მოწყობა, მაგრამ ეს ცდა, უცნობი მიზეზის გამო, მარცხით დასრულდა. სწორედ ამ დროს თავად ჭავჭავაძის მოურავს კლავენ, ისიც იძულებული ხდება ახალი მოურავი ეძებოს. ჯაში თანახმაა ამ ადგილზე იმუშაოს, თუმცა ბალ-ვენახის მოვლის არაფერი გაეგება. ელისაბედ საგინაშვილი თხოვნით მიმართავს ძმას, ისიც იძულებულია დათანხმდეს და ჯაში სამსახურში მიიღოს. მოვლენათა ამგვარ განვითარებას, კერძოდ, ამ საუბარსა თუ თხოვნას ასევე ადასტურებს საგინაშვილისა და თავადის მამულების გამგე, მიხეილ ჩიკვაიძე. ის ამბავი, რომ ჯაშმა მათი, იგულისხმება საგინაშვილი და ჭრელაშვილი, რეკომენდაციით შეძლო მოურავად მოწყობა, ფრიად საჩოთირო ამბავი გახლდათ და ეჭვის საფუძველს თუ არა, რამდენიმე კითხვის დასმის უფლებას მაინც აძლევდა ევტუშევსკის, თუნდაც საკუთარ თავთან.

გაგრძელება შემდეგ ნომერში



ინა ორჯონიკიძე

რამხელა ცვლილებებსაც უნდა განიცდიდეს პოეტის შემოქმედებითი გზა სიღრმისა თუ სრულყოფილების თვალსაზრისით, როგორც უნდა განსხვავებოდეს სტილისტიკით ცალკეული ლირიკული რკალები, არსებობს რამდენიმე ზოგადი ნიშანი, რაც უცვლელად მოსდევს მის მხატვრულ წარმოსახვებსა თუ პოეზიასთან მიმართების კულტურას.

როდესაც გურამ ასათიანი აღნიშნავს:

„ინა ორჯონიკიძე მხოლოდ მაშინ იწყებს ლექსს, როცა ის პირთამდეა სავსე გრძნობით. ზოგიერთი მისი ლექსი შეკავებულ კვილს ჰგავს და თითქოს ამ კვილის ჩასახშობად ან დასამალავად არის დანერვილი“.

ან:

„ინა ორჯონიკიძე კი განსაკუთრებული გულისხმიერებით ეპყრობა უსახელო, დავიწყებულ სიტყვებს (მოთმინებით რომ ელოდნენ თავიანთ დღეს), სათუთად აცლის მტვერს, ეფერება, ჩუმი ცრემლით ნამავს და ეს უსახური, უჩინო სიტყვები, როგორც წვიმის შემდეგ აკაშკაშებული ფერადი კენჭები, მოულოდნელი სხივით ავსებენ მის სტრიქონებს.“

ყოველივე ამას ის აკეთებს ზომიერად. ზოგჯერ მთელ ლექსში ერთი ასეთი სიტყვა გვხვდება, მაგრამ ის განსაზღვრავს მთელი ლექსის ფერწერულ ტონალობას“.

ანდა საგანგებოდ იხსენიებს მის პოეტურ ფესვებს, მიწის ნიალიდან, სიცოცხლის პირველსაწყისებიდან დაბადებას მისი ხილვებისა, ახალგაზრდა მკითხველს ისეთი შთაბეჭდილება შეიძლება დარჩეს, რომ ეს სიტყვები უშუალოდ ამ პოეტური რკალის ანალიზის შედეგია, ჩვენი ყურნალის მკითხველს რომ ვთავაზობთ ჭეშმარიტ პოეზიასთან კიდევ ერთხელ შესახვედრად.

არადა, მათი წარმოთქმიდან სამი ათეული წელია ჩავლილი.

ციკლიდან: „წვიმიანი გაზაფხულის ქრონიკა“

თმენა, ვაგლახი, გადარევა,
ტრფობის ხალისი –
შენ იცი ყველა –
უტკბილესიც და უმწარესიც...
და მაინც ცოდვილს,
მაინც ყოველ მთვარის ავსებას,
გინდა ის წამი,
როს მოკვდავი ღმერთს ემსგავსება!

ცრუპანტულა წვიმა

წამოწინწკლა. წამოცვარა.
გააჟრჟოლა ჟოლოს...
ცრემლად სხვაგან დაიღვარა,
სამი სოფლის ბოლოს...
გამოუდგა ცხელი ქარი,
დაენია, ალბათ,
ახლა ვითომ წაწვიმარი
იმშუშნება ბალბა...
ავარდნილი შარას ბღღვირი
ჯდება ნება-ნება,
იქ აბია ლურჯი ვირი,
სადაც წელან ება...
ნეტა ერთი მაცოდინა,
არ მოვიდა აქ რად?!
მომეჩვენა, როგორც წინათ,
დამცეცხლა და... გაქრა!

შეუსმენალი თხოვნა

რა კარგია სიყმანვილე!
მე ვუხილავ მურას რწყილებს,
მურაც – რაც აქვს – მიწაწილებს...
სამხრის დროა, სამხრის...
ცა მერცხლებით არის სავსე,
ჩემს მზეს ველი წამისწამზე,
ველი მზეს და მერე რა მზეს –
საკოცნელად დახრილს...

ინვის ცა და ინვის მიწა.
ჩემს ჰამაკში ჩრდილი მიწვა.
სანატრელი – ხმაზე ვიცან –
ჩამჩურჩულებს სიო:

„– ქარს თუ მისცემ უფლის არჩევს,
უმაღლოა გულის ხარჯი...
ნურსად ნახვალ, – ჩემთან დარჩი,
უცნაურო იო...“

ქველი მებოზრის მცირე აპოლოგია

ვუძღვნი ბაჩანა ბრეგვაძეს

დიდ, სამსხვერპლო კოცონს უზის, –
ლურჯი კვამლი ადის ზეცას...
ნებიერი ცხრავე მუზის
უყვარს კაცს და უყვარს ღმერთსაც.

მაგან იცის აქ რა უნდა,
იცის იქ რა წაიყოლოს...
თვალი კი არ გაუხუნდა,
ცოტა მოელრუბლა მხოლოდ...

დაგვიანებული გამოქანული

დამიკორდდნენ იარები,
იმათ ცრემლით ველარ მობან!
დარდს ნუ შემეზიარები,
ორად აღარ გაიყოფა...

ლექსად გეტყვი აღსარებას,
თუ ვიპოვე სიტყვა ღირსი...
ხომ ხედავ, რომ გულს არ მხვდება, –
ტყვიას ნულარ გამოისვრი...

მონატრება

რეზის და თამაზს

ერთხელ ერთად უნდა ვნახო
საყვარელი ბებრები!
ჩემი ძმები – ძველისძველი
დარდის შემგროვებლები...

მინდა სევდის თბილი კალთა
ტაბლას გადავაფარო,
გავახსენო ოდინდელი
ლალობა და ლაფარო...

მინდა შავი ღვინო ვასვა
ქამრიანი ჭიქებით,
გავიხარო მათთან ყოფნით,
მღერა-შეჭიკჭიკებით...

ჩუმად ცრემლსაც მოვიწურავ,
მარტოდ როცა მივრჩები...
აღარ მოვა სხვა თაობა
ოთხმოცი წლის ბიჭების.

გლოზის გასულს

დიდუდისა და პაპის მონატრება

მიწურა ვარდობისა.
ბალს იმცვრევენ ბელურები.
აღარა მაქვს ყრმობის სახლი –
შინ არავინ მეგულებით.

აშრილებს ზენა ქარი
ხეხილს სიყვარულით ნარგავს,
უცრემლოც ვარ, უნუგემოც –
მოვალ, საფლავს გაგიმარგლავთ...

არსად შრება ჩემი წილი
აღარც ჩირი, აღარც კერკი...
რად, რად იყო უფრო ტკბილი
ბალი ჩიტის ანაკენკი?!

„ვერ ვნახე, დაკარგულიყო...“

დავეკარგე ერთხელ მშობელს...
წყარო მახსოვს, მახსოვს შარაც...
ახლად გავლბულმა ლობემ
უცნობივით ამიარა...

ძლივს ვაკავებ ღრუბელს თვალის,
მინდვრებს ვეძებ ფერად-ფერადს...
აქ ჩავლილი თითქო წყალი
მობრუნდა და მომეფერა,

თითქო სიყმაწვილის ლალა
საიდანღაც მიწვდის ხელებს...
ახლა არც ცრემლს დამიმალავს,
აღარც ჭინჭრით ამაჭრელებს...

მზისა და მთვარისა

ჩვეულებრივი დღეა,
ჩიტი აჩქეფებს გუბებს.
ვითომ საავდროდ აშლილს
მზე ეფარება ღრუბელს.

არ გაავდრდება, არა!
რომ არ ჩამორჩეს მოდას,
მანათობელიც ცრუობს, –
ჩვეულებრივად სცოდავს,

ჩვეულებრივი მზეა!
ვიდრე ამინდებს არევს,
ჯერ აივსება, მერე –
გამოიცვლება მთვარე...

აბარაკზა

მომეჩვენა – გამთენიას
რალაც გაკრთა თეთრად შარას...
ნისლი იყო... მოდიოდა,
მერე ხევში დაიცარა.

ანკმუტუნდა თითქო ძაღლიც,
თითქო ფრთხილად კარიც იღო,
გაშრილდა ნამიანში –
ქარი, ქარი... ქარი იყო,

აღბათ, კვამლი, ნუხანდელი,
აქიაქა ჩერო-ჩერო...
იცის გულმა! მაგრამ უნდა
დავაცადო, დაიჯეროს...

დაუპატიჟებელი სტუმრისა

ძუძუნანყვეტი ბალღივით
ისევე ჭუჭყუნებს ამინდი...
ჩაი მივართვი... გააბა...
ლაპარაკობს და... არ მიდის!

მე ჩემი დარდიც მეყოფა,
რა ვიცი სხვისი ურვისა...
დილიდან ამყვა უჟმური,
ღრუბელმაც გამაგულისა,

მიიზღაზნება, მიცოცავს,
მთებს როსლა გადაეგება?
შორით რომ მოსჩანს ნათელი,
ჩემთვისაც ენთოს ეგება...

ნუ მოხვალ!

ნუ მოხვალ! პასუხს მე გავცემ
შინაურსაც და გარესაც...
ვინც მიყვარს – ყველა თან მახლავს,
ცოცხალიცა და მკვდარიცა...

ნუ მოხვალ! გამოვატანე
ქარს შენი საბან-გობანი...
რალა დროს სიყვარულია
და ბებრის ყვავილობანი?!

რატომ გათენდა ის ღამე,
ან ის დღე რალად დაღამდა?!
მეგონა, ისე ვკვდებოდი,
ვერავინ დაინახავდა...

**კიდევ სამი ესკიზი
ძველი ალგომიდან**

გზაში

გადაინმინდა ანაზღად –
ცამ თვალში გამოიხედა.
მაყვლის საკრეფად მივდივართ
სოფელი, მე და დიდედა...
დაფხავებულმა ფოშფოშმა
აკრიფა სველი კალთები...
ბირკასაც ბლომად ავიკრავ,
ბარდებშიც გავიხლართები,
ვიცი ამათი ამბავი –
არ უყვართ კობტაპრუნები...
ნეტავი თავსხმამ მოგვისწროს,
აუ, რას გავინუნები!

ტყეში

„– აბა, რას ებლოტებოდი
ხამი და გაუჩვეველი?!“ –
დამცინის შემოსწრებული
მყრალი თუთუნის მწვეველი...
ვითომც არ გამიგონია!
მიდის, თავის თხებს მიდენის...

ფეხქვეშ შრაშუნებს უსულო
ფოთოლი შარშანწინდელი...
ცა არ ჩანს, არც მზის ნათელი,
თითქო თვლემს ბინდი გრძნეული,
თითქო საცრიდან იფრქვევა
სხივი აქ შემოღწეული...
რატომ არავინ მეძახის?!
გზას ვეძებ – შვავში ვიფლები...
მენვის ნაკანრი მკლავები,
სულს მიბერავენ ნიფლები...

ნასამხრევს

შინა ვარ. არაყს მისვამენ.
ესეც ზაფხულის დამლევი!..
ვარიებს ველარ იყოფენ
მარტის წითელი მამლები...
ალაგ – მზე, ალაგ – ღრუბელი, –
ნელთბილი იალ-კიალი...
ნეტავ რად მასევედიანებს
ბუდეში ბარტყის წრიალი?!

კაკლუცი მდინარისა

ჩემი ჩხრიალა მდინარე
ელუკლუკება ტყის პირებს,
არც სიღრმე ჰყოფნის, არც ძალა,
თორემ დახრჩობას მიპირებს.

ქვიშით ამივსო თვალები,
ქვაც მომაყოლა შორიდან,
რამდენი ზეცამ იჭექა,
იმდენი მღვრიე მოვიდა...

ახლა ძლივს მიიკლაკნება,
დარდმა დააშრო ვითომდა,
მაგას რომ სურვილი ჰკლავდეს,
ნაპირებს გადმოვიდოდა...

საჩუქარი

ალარ მაშფოთებს, ალარ,
თითქო ფინალი დრამის –
გუშინ ჩავლილი თქემის
დატოვებული ღამი...

არც ახლა ცდება გული,
არც ახლა სტყუის სარკე.
არ ვემდურები ამინდს,
ალარც ხვალისას ვარკვევ...

დადგა ასეთი წამი –
დროც აღარ არის დავის –
შემოგთავაზო მინდა
უკანასკნელი ზავი

და სახსოვარიც მცირე –
(ძლივს ვარჩიე და ვჩხიბე!)
ჩემს აივანზე, ზეცად,
ამოსასვლელი კიბე...

ნედლი შეშისა და ჩაი პუსრისა

უალოდ იწვის, შიშინებს,
ჩუის და წვალობს წიფელი,
წვეთიც ისე სდის, ვით ნისლებს,
დილით წარაფზე მიფენილს...

აბა, რა ბუხრის ბრალია,
ნედლი თუ შემომპარეს...
წავალ, გამომშრალს მოვძებნი,
მადლია ცეცხლის ზღაპარი,

დილამდე შემეყოლიებს,
ალი სიტყვასაც ედება!
რას მიზამს ავი ზამთარი,
თუ თავი მეიმედება...

ფერისცვალებისა

დღეს იკურთხა შემოსული ხილი...
თითქო ხატავს ნაირ-ნაირ ნაყშებს
შემოდგომის უჩინარი ჩრდილი,
მოარული მიტოვებულ ბაღში...

მეც აქა ვარ. ცოტას კიდევ ვშველი
და გადაღვრილს ერთმანეთში ფერებს,
რბილი ფუნჯით, განაფული ხელით
ვნერ და... ჩემი აკვარელიც მღერის...

წამით ვხარობ! დრო /ვინ მომცა მეტი!/,
უცებ იცვლის გუნებას და – ფერსაც...
რასაც ახლა უხილავი მეტყვის,
იმას ველარ გავიგონებ ვერსადა...

ზაფხულის მისთატხისა

გადაიგრვინა. აქვე,
ახლოს გავარდა მეხი...
ხედავ? დარგული ჩემი
შუა გადატყდა ვერხვი!

ხრჩის ნამეხარი ახლა
და გულს მიწყლულებს აზრი,
რომ აჩეხავენ საწყალს,
სიოს ალერსით გაზრდილს...

სულ ცახცახებდა, ტანზეც
სულ მოვერცხლილი ეცვა...
რამ განარისხა ზევსი?
რას მიმანიშნებს ზეცა?

არ გადავხერხავ ძირში!
მე ჩვეული ვარ ლოდინს...
გაზაფხულდება! იქნებ
ამოიყაროს ყლორტი...

ათი ციტატა „ვეფხისტყაოსნიდან“

დაღლილისა

ალარას დაგემდურები,
არც ძველებს შემენალვლები,
ეჭვისაც მოკლედ დავაბი
ბალანაშლილი ძაღლები,

ავყვები მე შენს თამაშას,
ვითომ წრფელსა და გულიანს...
ისე ლამაზად მატყუებ,
ისეთი გაზაფხულია...

რა ვიცი, როდის რა მომდის,
ან ჭკუას მოვალ გაისად?
ქუხილმაც გადაიარა –
„თქმა სჯობს სიტყვისა წყნარისა...“

არაულ ამინდში სტუმრად ყოფნისა

მზის ნატეხივით ლამაზი
ბიჭი მიცინის ნამცეცა,
შემაკრთო კიდევც,
ისეთი თვალები შემომაცეცა,

კაცივით მათვალაიერა,
წამოველ – სარკმლით მიცქირა...
რა იყო, რა მოეჩვენა?!
ღმერთმანი, არა ვიცი რა...

რა უცნაური დღე არი,
რა უცხვირპირო დარია...
მოვიდა მარტი სულელი
„და წვიმა თოვლში არია...“

სავდიანი თიგათვისა

წელს უჩემოდ ჩაატარა
გაზაფხულმა ზიზილები...
ხსოვნის მძიმე ფარდის უკან
ვზივარ... სარკმლით ვიმზირები...
არავინ ჩანს მომავალი
მტვერში ასვრილ ქარის მეტი,
ჩიტი აჭიკჭიკდა უბის –
აბდალი და აბუეტი,

აჩემებულ ჰანგზე უსტვენს!
ვიდრე ჩაშავდება ილი,
რა იქნება მზეს ამოწყვეთ,
„განმინათლო გული ჩრდილი?!“

თვალთმაქცი მთვარისა

საცაა ღრუბელს წაუვა,
აბა, რა ვიცი, სად მიდის,
ვარსკვლავს მოგინწყვეტს,
თუ თავად არ აურია ამინდი...

ნეტავ აქამდე სად იყო?!
რალა უკლია თენებას...
თუ გაბადრული მობრძანდა,
უმანკოც მოგეჩვენება...

ღმერთმა მშვიდობით ატაროს!
აქ გული არ დარჩენია...
მე კი... რით ველარ „დავლიენ
სიყმანვილისა დღენია?!“

ჰნეგანი ჰარღოზისთვისანი

დაიქუხა და დასჭექა
გაუგონარი რიხითა,
ცას კალთა ჩამოახია,
სარკმელთან ჩამომიკიდა,

ხელით მატარა ცისკრამდე,
პირს თაფლი შემომადირსა,
დადგა ბული და აღმური
მაგის ფუხის და ფახისა...

მერე... რა ვიცი... დაყარა
ვარდმა ფურცელი პირველი,
მოლიც გაყვითლდა მოვლილი...
რა არის გასაკვირველი,

ყმანვილი ვიყო, გავძლებდი
აღმა და აღმა ფრენითა...
„ყველაი ნახდა, არ ვიცი,
აქა მოვსულვარ მე რითა...“

გვალვისა და გირანისა

ინვიან ნანვერალეები.
წვეთი სწყურიათ ჭალაკებს.
ჩრდილშიც არ დამედგომება,
თუ გული ვალაპარაკე,

თუ ერთი თავი ჩავკიდე,
თუ მივწექ, საცა ძნებია,
როგორც შარაზე დავარდნილს
პირშიაც ჩამიძვრებიან

საქონლის მწვანე ბუზები,
წვრილი, წივანა ქინქლები...
გოგირდიც უნდა ვახრჩოლო –
უფრო გულმშვიდად ვიქნები...

ინვიმებს, აბა, რას იზამს!
შინა ვართ მეც და გერანიც...
აბა, რა საკადრისია
„ჩემგან მი და მო რბენანი“.

**წარილი მემოზრისადმი
(მინერილი წერაქვიდან)**

მომნატრებია ეს სახლი!
(ცრემლს ღარი გადავუკეტე!)
მარტოსულისთვის სამყოფელს
ვერც ინატრებდი უკეთესს...

სარკმლიდან მოსჩანს უღრანი,
ტყის პირას ნისლი წრიალებს...
ისმის გულდაგულ ნალესი
დიდრონი ხერხის ხრიალი...

ისმის თიკნების კიკინი,
მამლების გადაძახილი...
აქ მზეა დროის საზომი
და კიდევ... სოფლის ნახირი...

თუ გადაბმულად ინვიმა,
ციდან ჩამოდის ნალველი,
აქ ჟამი ისე მილოლავს,
სულ გახსოვს მისი სახელი...

აქ აივნიდან უმზერენ
ველობს სიმშვიდემოფენილს,
არსად ჩანს ზღუდე – სამანი –
ერთია ორთავ სოფელი...

აქ მარტივია სიცოცხლე,
უხანოც – ვითა ენძელა,
მახსოვს, უჩვევი სიჩუმე
მეუცხოვა და მეძნელა...

უკვე გამოშრა ალერდი,
მალე დადგამენ ზვინებად...
ზოგსაც ხვალ გეტყვი,
საცაა ნანერზე ჩამეძინება...

გაახლე ღამის ფრინველი
და გრილი სიო ტყე-ველის –
„უსტარი შესანახავი,
არ ცუდად დასახველი...“

შლეპი მარტისა

დღეში სამ-სამჯერ ირთვები,
სამ-სამჯერ მოილუშები...
არ შეარჩინე ზიზილებს
მაქმანები და რუშები...

აუქროლ-ჩამოუქროლებ,
მერე შორს გაენახები...
სულ ღობე-ღობე ფრიალებს
ნუშის ქათქათა კაბები...

რა გინდა, რას ემართლები,
რისთვის ამდენი ცივ-ცხელი?!
რა სულელივით მიცინი,
რა შეთქმულივით მიცქერი?!
თუ რამე იცი გულისა
ან მოგ ზავნილი მკვლელისა
არ გიკვირს „ჩემი სიცოცხლე,
ასრე დარჩომა მრთელისა?“

**დიდედაჩემის უცნობი წერილი
ქველი მეგობრისადმი**

*შუალამის ექსპრომტი,
ჩემგან ოდნავ სახეცვლილი*

ჩამოდი, ჩამომიარე,
გამოაჯავრე რაყიფებს,
ალალ რძეს დაგაღვივინებ,
ამინდის თივას დაგიფენ,

სთვლობას აჯობებს,
საარყე ჩამწიფდებიან შინდები,
თალარაც სავსე მექნება,
სტუმარს არ შევუშინდები.

გრძელ ვახშობამდე თუ მოხვალ,
(მჭირს ძილისპირის შიშები!)
წინასწარ შემატყობინე,
ყველანი წამოვიშლებით –

ჩემი ბომბორა ძაღლები,
კატა და ჭრელი კნუტებიც –
ჭიშკართან მოგეგებებით,
ძმასავით ჩაგეხუტები...

ახლა წვიმს, დარი ირევა,
ვტირი და ნუ გაოცდები...
ეს ჟინჟული გასტანს კარგა ხანს,
შევბეზრდები და მოვცდები –

შეშა მაქვს ჩამოსატანი,
ვიდრე წამონწენენ დათვები...
არ შეგანუხე, არ მოთქვამს –
მომიკვდა ცეცხლის დამნთები...

სიტყვას ვეძებ და ვაწყდები –
ის არის გადამრჩენელი!
„დიდი ლხინია ჭირთა თქმა“ –
მაგრამ არ ვიცი მსმენელი...

ჩამოდი, ჩამომიარე,
წვიმამ სარკმელიც შეღობა...
მწუხრის ერთგული ცოლი ვარ,
ერთი ნუგეშიც მეყოფა...

**ქველი სახლის აივნისა და
დიდედაჩემის სკამლოგინისა**

ცა იჩადრება. ღრუბლებში
მზემ მაინც გამოიხედა...
ამ აივანზე ოდესღაც
ვისხედით მე და დიდედა,

ცხვირზე სათვალე ეკოსა
ლამაზს და ნატიფხელიანს...
მეტყოდა: „შენ ხარ ახალი!
სხვა ყველაფერი ძველია,

ისევ ის ყრუა ქვეყანა,
სევდა კი მეტისმეტია –
ხან ჟინჟულს და ბურუსს მოჰყვება,
ხან ქარებს – შარახვეტიას...

რა ბავშვის სადარდელია
ფერფლი დამწვარი ძნებისა,
ან დედამინა – მწუხარე
ყოველი შებინდებისას?!

დრო მოვა, ელვის ნატეხო,
არც შენ დაჰყვები დინებას...
გულმა რაც იცის,
გონებას არასდროს ეცოდინება...“

ახლა მე ვზივარ იმ სკამზე
ჭირისუფლად და მრჩეველად...
ვიცი... და მაინც, ღვთის მადლით,
„მიეფინების მზე ველად“.

ლევან ბრეგვაძე

ემმაკური დაფიცება

მხატვრულ ლიტერატურასა და ცხოვრებაში

გავიხსენოთ ერთი ეპიზოდი „ტრისტან და იზოლდა-დან“: მეფე მარკის ყურს მისწვდა, რომ მისი მეუღლე, იზოლდა, ტრისტანს ჰყვარობდა. მეფეს სურს, დარწმუნდეს ამ ამბის სისწორეში. იმ ქვეყანაში თავის მართლების ასეთი წესია: ეჭვმიტანილმა „თეთრ მინდორზე“ დავანებული წმინდა ნაწილების წინაშე უნდა დაიფიცოს, რომ უდანაშაულოა და ამის შემდეგ ხელით გავარჯერებული რკინა აილოს; თუ მისთვის წაყენებული ბრალდება უმართებულოა, გახურებული ლითონი არავითარ ზიანს არ მიყენებს. დაფიცებაზე უარის თქმა დანაშაულის აღიარების ტოლფასი იქნებოდა, ამიტომ იზოლდა დათანხმდა, ოღონდ სასწრაფოდ შიკრიკი აფრინა ტრისტანთან, ეს ამბავი ამცნო და სთხოვა: მწირის (პილიგრიმის) ტანსაცმელი გადაიცვი, რომ ვერავინ გიცნოს და როცა ფიცის წარმოსათქმელად „თეთრ მინდორზე“ გამოვცხადდები, იქ დამხვდი, მდინარესთან – ნაპირს ნავით მოვადგები მხლებლებთან ერთად. ტრისტანმა შეასრულა სატრფოს დავალება. როცა იზოლდას ნავი ნაპირს მიადგა, დედოფალმა მხლებლებს განუცხადა: ფეხის დასველება არ მინდა, აგე, იქ წმინდა კაცს ვხვდავ, იმან გადამიყვანოს ნაპირზე. მოუხმეს პილიგრიმად გადაცემულ ტრისტანს (რომელიც, რასაკვირველია, ვერ იცნეს) და უბრძანეს, დედოფალი აეტატებინა და ხმელზე გაეყვანა. „მწირი“ დამორჩილდა. ნაპირს რომ მიუახლოვდნენ, იზოლდამ ტრისტანს ყურში ჩასჩურჩულა, სილაში წაიქეციო. ტრისტანმა წაიბორძიკა, წაიქცა და ზემოდან გადაემხო დედოფალს. აღშოთებული მსახურნი მისცივიდნენ და ცემა დაუწყეს „მწირს“. იზოლდა გამოექომაგა – დაეხსენით, დასუსტებულია ხანგრძლივი მოგზაურობით და ამიტომ წაიფორხილაო.

ამ ინციდენტის შემდეგ მეფისა და დიდებულთა თანდასწრებით იზოლდამ ასეთი ფიცი წარმოთქვა: „ამ წმინდა ნაწილებს და დედამინის ყველა წმინდანის ნაწილს ვფიცავ, რომ არასოდეს ქალის ნაშობი მამაკაცი არ მომხვევია, გარდა ჩემი მბრძანებლის მარკ მეფისა და იმ ბეჩავი მწირისა, რომელმაც თქვენ თვალწინ წაიბორძიკა და ძირს დამცა“ (გერონტი ქიქოძის თარგმანი).

ამის შემდეგ მან ცეცხლიდან შიშველი ხელით ამოიღო გავარჯერებული შანთი, რომელსაც მისთვის არავითარი ვნება არ მიუყენებია.

ასე გააცურა იზოლდამ ზეგარდმო ძალა, ანუ განგება, ემმაკური დაფიცების მეშვეობით.

ამის მსგავს ეპიზოდს ვხვდებით „თიმსარიანშიც“ („სინდბად-ნამეში“), რომელიც სპარსულიდან მეფე თეი-

მურაზ მეორემ თარგმნა. აქაც ქმრის მოლაღატე ცოლი საყვარელს ატყობინებს: „ჩემი საქმე ასე მოხდა, რომე ფიცსა მიპირობენ და შენის გულისათვის მომკვლენ; ანე თუ ჩემი სიყვარული გაქვს და ან ჩემი სიკვდილი არ გინდა, აბდლის ტანისამოსი ჩაიცვი, თავი მოიმცდარე, გზაში დამხვდი, როცა იასაულებს მიყვანდე, და შემცდარულად წამომეჭიდე და მაკოცე; მე იმას ფიცში ჩავიტან და ეგების მოვრჩე ამისთანა საქმითაო“.

დაფიცებით კი ამ ქალბატონს ერთ წყაროსთან უნდა დაეფიცა. ვინც ამ წყაროსთან ცრუ ფიცს წარმოთქვამდა და მერე წყაროს წყალს დალევდა, იმ წამსვე გასკვებოდა.

კაცმა ყოველივე ისე მოიმოქმედა, როგორც მიჯნურმა დაარიგა: აბდალივით გადაცმული დახვდა გზაში, მივარდა ჩადრწამოსხმულ ქალბატონს და აკოცა. დიაცმაც ვითომ დიდად იწყინა ეს ამბავი. იასაულებმა ცემით გააძევეს მომხდურნი.

ქმრის მოლაღატის ფიცი ამ არაკუმი ასე ჟღერს: „ჩემს ქმარს გარეთად, რაც ეხლა ამ გზაში ერთი შემცდარი კაცი არ წამომეჭიდა – თვითვან ამ თქვენმან იასაულმან გამაგდებინა – თუ იმის მეტის კაცის ხელი მომხლებოდეს, ღმერთმან და ამ წყალმან ანვე გამხეთქოსო“.

დალია წყალი და უვნებელი დარჩა.

სერვანტესის „დონ კიხოტში“ ერთი ასეთი ამბავია მოთხრობილი: სანჩო პანსასთან მისი „გუბერნატორობისას“ სამართლის საძიებლად ორი კაცი გამოცხადდა. ერთი ირწმუნებოდა, ათი დუკატი ვასესხე და აღარ მიბრუნებსო. მოპასუხე კი აცხადებდა, ვალი დავუბრუნე და ხელმეორედ მთხოვსო. მოპასუხემ ჯვარზე უნდა დაიფიცოს, რომ მართლა დააბრუნა ნასესხები ათი დუკატი. ვალის ამლებს ხელში ჯოხი ეჭირა და დაფიცების წინ ეს ჯოხი მევალეს გაუნოდა – ცოტა ხანს დამიკავე, ფიცის წარმოთქმისას ხელს შემეშლისო. მევალემ გამოართვა ჯოხი და მოპასუხემ დაიფიცა, მართლა ვისესხე მისგან ათი დუკატი, მაგრამ დავუბრუნე, ხელიდან ხელში გადავეცი და რაღას მემართლებო. ამის შემდეგ მომჩივანს თავისი ჯოხი გამოართვა. სანჩო დააეჭვა ამ ჯოხის გადაცემა-გამორთმევის ამბავმა. მართლაც, აღმოჩნდა, რომ ჯოხი შიგნიდან ღრუ ყოფილა და ის ათი დუკატი მასში ეწყო. როდესაც მოვალემ დაიფიცა, დუკატები დავუბრუნე, ხელიდან ხელში გადავეციო, იმ მომენტში იგი სიმართლეს ამბობდა, თუმცა მომჩივანმა ამის შესახებ, ბუნებრივია, არაფერი იცოდა.

„ტრისტან და იზოლდას“ ეპიზოდში ძლიერია ზღაპრული ელემენტი (გავარჯერებულმა ლითონმა ხელი არ დასწვა დამფიცებელს), „თიმსარიანში“ ზღაპრულობა შესუსტებულია (აქ ეჭვმიტანილს დაფიცების შემდეგ წყაროს წყლის შესმა ევალეობა და ზღაპრული მხოლოდ ამ წყაროს მაგიურობის რწმენაა), „დონ კიხოტში“ აღწერილი ამბავი კი სინამდვილეშიც შეიძლებოდა მომხდარიყო (მომხდარი კიდეც – ამაზე ქვემოთ ვიტყვი).

ეს ეპიზოდები ღრმა შთაბეჭდილებას ახდენს მკითხველზე იმის გამო, რომ *მახვილგონიერების*, *მზაკრობისა* და *ღვთისმოშიშობის* უცნაურ ნაზავს წარმოადგენს.

სიტყვის პოლისემიაზე დამყარებული ემმაკური დაფიცებით დიდ საფრთხეს დააღწია თავი სულხან-საბა ორ-

ბელიანის ერთი არაკის („ჭაბუკი და მეკობრენი“) პერსონაჟმა. ყაჩაღებმა ცოლთან ერთად მიმავალი ჭაბუკი შეიპყრეს და გაძარცვეს. ერთ ყაჩაღთაგანს ამ ჭაბუკის ხმალი მოეწონა და ტყვეს გაურიგდა: „საჭურველსა და სხვა ქონებას შენ გაგაყოფინებ. შენი ხრმალი მე მომახვედრე და შენს ცოლს მოგცემ და გაგიშვებო. მან კაცმან ფიცი მისცა: თუ მე გამაყოფინებ, ჩემს ხრმალს შენ მოგახვედრებო“.

გაყოფისას ჭაბუკმა „ერთ წილად თავისი ცოლი დასვა და ერთ წილად ერთი ფარი და ზედ შიშველი თავისი ხრმალი. ანაზად დაავლო ხელი, უწინ, რომელსაც ხრმალი უქადა, სცა მას და მოკლა. ერთი სხვაც მოკლა“, დანარჩენები გაიქცნენ.

სულხან-საბას პერსონაჟს შეუძლია გული დაიმშვიდოს, რომ ფიცი არ გაუტეხავს, ვინაიდან, როცა ყაჩაღს შეჰფიცა, „ჩემს ხრმალს შენ მოგახვედრებო“, ამ სიტყვის მეორე მნიშვნელობა იგულისხმა – „მოგარტყამ“ (გატაკებ, გაძვრებ) და არა „გარგუნებ“. (ეს სიტყვის თამაში შემჩნეული აქვთ „სიბრძნე სიცრუისას“ გერმანულად მთარგმნელს მიხეილ წერეთელს და რუსულად მთარგმნელს ელენე ლოღობერიძეს – ისინი ამას სქოლიოში აღნიშნავენ. მაგრამ შეუმჩნეველი დარჩენიანთა ამავე არაკში მეორე სიტყვის თამაში, პირველის ჩინებული გაგრძელება. საბა გვეუბნება: როცა ჭაბუკმა თავის ხმალს ხელი დაავლო, პირველად იმას აძგერა, „რომელსაც ხრმალი უქადა“. „უქადა“ აღთქმასაც ანუ დაპირებასაც ნიშნავს და დამუქრებასაც). სულხან-საბას ეს არაკი განზე დგას განხილული ეპიზოდებისაგან იმის გამო, რომ აქ ეშმაკურ დაფიცებას დანაშაულის დასაფარავად კი არ მიმართავენ, არამედ ავკაცთაგან თავდახსნის მიზნით.

ახლა ვნახოთ ეშმაკური დაფიცების რამდენიმე ნიმუში რეალური სასამართლო პრაქტიკიდან, რომლებიც მოხმობილი აქვს გიორგი დავითაშვილს წიგნში „სასამართლო მტკიცებულებანი ქართულ ჩვეულებით სამართალში“ (თსუ გამომცემლობა, 2003). ოლონდ ჯერ რამდენიმე ციტატას მოვიტან ამავე წიგნიდან, სადაც ლაპარაკი იქნება ფიცის, როგორც სასამართლო მტკიცებულების, შესახებ.

პირველი თავის დასაწყისში, რომლის სათაურია „ექვმიტანილის (მოპასუხის) ფიცი“, ვკითხულობთ: „ფიცი, როგორც სასამართლო მტკიცებულება, უძველესი დროიდან გამოიყენებოდა სხვადასხვა ხალხის სამართალწარმოებაში. (...) საუკუნეების მანძილზე ხალხს უდიდესი რწმენა ჰქონდა ფიცისადმი. საქართველოში ხატის შიშითა და რიდით მის წინაშე ტყუილად დაფიცებას ვერავინ გაბედავდა. ხოლო თუ ტყუილად ფიცს მაინც ექნებოდა ადგილი, ხალხის რწმენით, ტყუილად დამფიცებელს ღმერთი აუცილებლად დასჯიდა...“.

ამავე თავის მეორე პარაგრაფში („ექვმიტანილის ფიცის, როგორც მტკიცებულების, ზოგადი დახასიათება“) ვკითხულობთ: „დავების უმრავლესობა ქართული ჩვეულებითი სამართლის მიხედვით ფიცით ნყდებოდა“, ხოლო დასაფიცებლად დგინდებოდა ფიცის ფორმულა: „ის სიტყვები, რომელიც დამფიცებელს უნდა წარმოეთქვა, ზუსტად იყო დადგენილი, სასამართლო ზედმინეწით ზუსტად განუსაზღვრავდა დამფიცებელს ფიცის სიტყვებს. თუ ეს უკანასკნელი შეცვლიდა ფიცის დროს ამ სიტყვე-

ბის შინაარსსა და თანამიმდევრობას (ამას შეიძლება აზრის შეცვლა მოჰყვეს), ფიცი დადებულად არ ითვლებოდა“.

საგულისხმოა წიგნის ავტორის თვალსაზრისი იმის თაობაზე, თუ რატომ ექცეოდა ასეთი დიდი ყურადღება ფიცის ფორმულის ზუსტად დაცვას: „მიზეზი ალბათ ის იყო, რომ არ მომხდარიყო სიტყვების თამაში, რომლის მეშვეობითაც დამფიცებელს საშუალება მიეცემოდა ფორმალურად ყველაფერი თითქოს სწორად ეთქვა ფიცის დროს, ფაქტობრივად კი ტყუილად დაეფიცა, რაც, ხალხის რწმენით, პასუხისმგებლობისაგან თავის დაღწევის საშუალებას მისცემდა“.

ამის შემდეგ წიგნში მოყვანილია ეშმაკური დაფიცების რამდენიმე მაგალითი ჩვეულებითი სამართალწარმოების პრაქტიკიდან.

თითქმის მთელ საქართველოში, მინაზე დავისას, გავრცელებული ყოფილა ასეთი ეშმაკური დაფიცება: „დამფიცებელი ქალამნებში თავისი მამულიდან აღებულ მინას ჩაიყრიდა, დადგებოდა სადავო მამულზე, რომელიც მისი არ იყო, და დაიფიცებდა: „ფვიცავ, რომ ჩემს მინაზე ვდგავარ“, რაც ფორმალურად სიმართლე იყო (იგი ხომ მართლაც ქალამნებში ჩაყრილ საკუთარ მინაზე იდგა), ფაქტობრივად კი ტყუილად იფიცებდა“.

მეორე შემთხვევა: „ძვაბავამ თავად ჩიქოვანს მოპარა ხარი... თავადმა ეჭვი ძვაბავაზე აიღო. თავადმა ძვაბავას ხატზე დაფიცება მოსთხოვა. ძვაბავა შევარდა სახლში, ცოლს აკვნიდან ბავშვი ამოაყვანიდა, თვითონ ჩანვა შიგ და აკვანი ცოლს დაარწმუნა. შემდეგ წავიდა ეკლესიაში და დაიფიცა ხატზე ასე: „რაც აკვნიდან ავდექი, თუ მომეპაროს ვინმესთვის ხარი, ჩემი ოჯახი ამოწყდეს“. საქმე ამით დამთავრებულა“.

გიორგი დავითაშვილი გურიაში დაფიქსირებულ ზუსტად ისეთ შემთხვევასაც იმონებს, როგორც „დონ კიხოტშია“ მოთხრობილი.

მოკლედ, ეშმაკურად დამფიცებელთა ფანტაზია და გამომგონებლობა განსაცვიფრებელია.

ფაქტია, რომ ეშმაკურად დამფიცებელს სწამს ფიცის და სწამს ზეგარდმო ძალისა, მაგრამ იმაშიც დარწმუნებულია, რომ ზეგარდმო ძალის გაცურება შეუძლია. ზეგარდმო ძალა მას ისეთ ინსტანციად წარმოუდგენია, რომელიც დანაშაულის არსებობას ვერ შეამჩნევს, თუკი **ფორმალური** მხარე მოგვარებულია (სიტყვა **ფორმალური** ასეა განმარტებული მ. ჭაბაშვილის „უცხო სიტყვათა ლექსიკონში“: „რაც მხოლოდ ფორმას იცავს და საქმის ნამდვილ ვითარებას არ შეესაბამება“). ზეგარდმო ძალა ეშმაკურად დამფიცებელს ერთგვარ ავტომატად, მანქანად ესახება, რომელიც საქმის არსს არად დაგიდევს, თუკი გარეგნულად, მოჩვენებითად ყველაფერი რიგზეა.

ქართული სინამდვილე იცნობს ეშმაკური დაფიცების და მისი მართებული შეფასების ერთ საგულისხმო შემთხვევას. იგი აღწერილია თხზულებაში, რომლის სათაურია „სოლომონ მეორე დიდი, იმერეთის მეფე“, და გახლავთ „ზეპირ-გადმოცემული თანამედროვისაგან, რომელიც იყო სიკო კანდელაკის პაპა და ჩანერილი მისი შვილიშვილის სიკო კანდელაკისაგან“ (ეს უაღრესად მნიშვნელოვანი ისტორიული ხასიათის ნაშრომი აკაკი წერე-

ჯანიტიკა

თელმა აღმოაჩინა და გამოაქვეყნა. იგი დამატების სახით შესულია მწერლის თხზულებათა თხზომეტიკომეულის VIII ტომში). მასში დიდი ადგილი უჭირავს თხრობას სოლომონ მეფისა და მისი ურჩი ვასალის როსტომ რაჭის ერისთავის ურთიერთობის შესახებ. სოლომონის რამდენიმე მცდელობა, დაესაჯა განდგომილი ფეოდალი, უშედეგოდ დამთავრდა. ბოლოს მან ასეთ ხერხს მიმართა: თავი ისე დაიჭირა, თითქოს ერისთავის შემორიგებას აპირებდა და შუამავლად თავისი ძმა, კათალიკოსი იოსები მიუგზავნა. როსტომმა თავიდან სიფრთხილე გამოიჩინა და არ გაჰყვა ქუთაისში კათალიკოსს. „ცხადია, რომ მხოლოდ სიკვდილის ეშინიაო“, – მოახსენა მეფეს რაჭიდან დაბრუნებულმა კათალიკოსმა. ამაზე მეფემ მიუგო: „გაძლეე სიტყვას და ვფიცავ შენს ხახულის ღვთისმშობელს, არც ის და არც მისი შვილები არ მოვკლა და ისეთი პატივისცემითაც მივიღო, რომ საარაკოდ დარჩესო“. ამ ფიცით დაიმედებული კათალიკოსი ხელმეორედ წაბრძანდა რაჭას. იქ ბარძიშზე ხელის დადებით დაარწმუნა ერისთავი, სოლომონს შენს მიმართ გულში ცუდი არაფერი უდევსო. ამის შემდეგ როსტომი შვილებიანად ეახლა მეფეს. იქ ისინი სანადიროდ გაიტყუეს, შეიპყრეს და თვალები დათხარეს.

ეს რომ იოსებ კათალიკოსმა გაიგო, განრისხებული მიეჭრა მეფეს სასახლეში: „სად არის შენი ალექსა და რად გამატეხინე ფიცი მე ცოდვილსო!“

სოლომონმა თავი ასე იმართლა: „მე დილაც ავასრულე ჩემი სიტყვა. როგორც ალგითქვი, სიკვდილით არ მომიკლავს და საარაკოდაც მოვექეციო“.

თითქოსდა, მართლაც, რას ვერჩით ხელმწიფეს – მას ხომ ფიცი არ გაუტეხავს: არ მოვკლავო და არ მოუკლავს – მარტო თვალები დათხარა და მოდინახეს ციხეში გამოამწყვდია; ისეთი პატივით მივიღებ, რომ საარაკოდ დარჩესო და როსტომ ერისთავისა და მისი შვილების საარაკოდ დასჯის ამბავი სამუდამოდ შემორჩა ჩვენს ისტორიას. რა პრეტენზია შეიძლება მის მიმართ ჰქონდეს ხახულის ღვთისმშობელს! მაგრამ კათალიკოსმა ძმამ მარტივი ჭეშმარიტების შესენებით გაუქარწყლა სოლომონს ცრუ იმედი, რომ ეშმაკური დაფიცებით განგების გაცურებას შეძლებდა. მან მეფეს ასეთი ღირსშესანიშნავი ფრაზით მიმართა:

„არა, ბატონო მეფე, ღმერთთან სიტყვის ჭახრაკობა გამოსადეგი არ არის!“

კათალიკოსზე უკეთ ვის მოეხსენება, ღმერთი რომ გულთამხილავია და არა საქმის ფორმალურ მხარეს მიჩრებული ბიუროკრატი.

ეშმაკური ფიცი და ცრუ ფიცი რომ სხვადასხვა რამეა, ვფიქრობ, აშკარაა. დიახ, ეშმაკური დაფიცება ცრუ დაფიცება არ არის – ის რაღაც უარესია.

ანონსი

ბატონო როსტომ!

მკითხველი მალე მიიღებს ჩემს წიგნს „ორნი ერთ ნავში: ლალანძის „კინი წიგნი“ და რეცენზენტი კიკნაძე“.

იმედი მაქვს, მისი შესავალი ნაწილის გამოქვეყნებაში ხელს არ შეგიშლით ის გარემოება, რომ თქვენ ხართ მ. ლალანძის წიგნის რედაქტორი და ზ. კიკნაძის რეცენზიაც გაზეთ „ჩვენს მწერლობაში“ დაიბეჭდა.

თეიმურაზ ღოიაშვილი

ინფორმაცია ბანსჯისათვის

თავდაპირველად ერთი პიკანტური პასაჟი მინდა გაგახსენოთ დავით გურამიშვილის პოემიდან „მხიარული ზაფხული“, სადაც მთავარი პერსონაჟის – ქაცვიას მომავალი მშობლების ხორციელი ლტოლვის ამბავია მოთხრობილი.

ვნებამოძალებული თექვსმეტი წლის ბიჭი ქორწინებად ვეღარ ითმენს და ღვთისმომიშ, „შჯულის“ მორჩილ გოგოს, ბოლოს და ბოლოს, ეშმაკობით დაითანხმებს, სურვილი დაიკმაყოფილონ. სისხამ დილით ჭალაში რომ

გავიდნენ: „არ დაიხედა მან ნდომით წინა, / საჩქაროდ გოგო წამოაწვინა; / სადაცა ეყარა / მრავლადა ეკალა, / დასცა მაზედა“.

ადვილი წარმოსადგენია, რაც დაემართებოდა გოგოს:

**საბრალომ გოგომ ტიტველა ნაცი
ზედ დანახივა, სად იყო ქაცვი.
რა რომ ის ეტკინა,
გოგომ იმწვიტინა
გამწოებულმან.**

გოგომ სულსწრაფ ბიჭს წიხლი ჰკრა, ეკლის გორაზე „გარდააგორა“ და ორივემ სიმწრით ტირილ-ყვირილი მორთო. იქვე, ჭალაში კაცი შეშას ჭრიდა. ყვირილი მოესმა თუ არა, მათკენ გაეშურა. ეკლისგან ნაცდარჩვეტილ, ნაძრახ საქმეზე წასწრებულ, შიშისა და სირცხვილისაგან ენაჩავარდნილ ყმანვილებს კაცმა მუნათი არ დაუგვიანა:

**დაგმო და დასძრახა,
ორნივ დალანძლა!**

აი, ამბავი, რომელიც ჭალაში მოხდა და რასაც სხარტად, იუმორით გვიყვება გურამიშვილი.

ახლა ერთი კითხვა მინდა დავსვა: ვინმემ სერიოზულად რომ ამტკიცოს, ტიტველა ნაცში შერწყმული ეკალი – ქაცვი უბრალო რამ არ გეგონოთ, მასში „სალმრთო კანონზომიერებაა“ გამოვლენილი და, საერთოდაც, გოგო-ბიჭი

ჭალაში ბულრაობისას თეოფანიის – ღვთისგამოცხადების აქტის შემსწრე და მონაწილეაო, რას იფიქრებთ?

ბიბლიამ თეოფანიის სულ რამდენიმე შემთხვევა იცის – რამდენიმე უზენაესი სასწაული მოკვდავთა წინაშე ღვთის მოვლინებისა.

აქ კი – „მხიარულ ზაფხულში“ ქაცვი თურმე „სალმროთ ნების“, „უზენაესი ნების“ მაცნეა, ხოლო ნაცში ქაცვის შერჭმა, – უფალო, შემინდე! – არც მეტი, არც ნაკლები, თეოფანიაა!!!

ძნელი დასაჯერებელია, არა? მაშინ ერთ უმნიკვლო ლიტერატურათმცოდნეს მოუსმინეთ, მორალური და ესთეტიკური უმნიკვლობა ამ პროფესიის აუცილებელ თვისებად რომ მიიჩნია:

„აქვე გათამაშდება პოემის ერთ-ერთი მნიშვნელოვანი ეპიზოდი – ქაცვიას დედ-მამის ერთმანეთთან ვერდანოლის სცენა, სადაც ასე დაიტვირთება აზრით ქაცვი (სწორედ ამ ადგილზე გახდნენ პოემის გმირები თეოფანიის შემსწრენი და მხილველნი).“

ოდეს მირეკვს ცხვარი ჭალაკად, ბიჭმა გახადა გოგო მალაყად“.

ეს ისეთი უნიკალური მიგნებაა, ძნელია, თავი შეიკავო, კიდევ ერთხელ არ გაახშიანო, არ გაიმეორო:

„მღვდელი... აკურთხებს ქაცვს, აკურთხებს იმ ადგილს, სადაც უმალღესი რეალობის მარჯვენა გამოვლინდა, სადაც ღმრთისგამოცხადების, თეოფანიის მისტიკური აქტი განხორციელდა“.

ამ „ალმოჩენის“ ანუ უპრეცედენტო მკრეხელობის ავტორი, მიზეზთა გამო სხვათა და სხვათა, უცნობი არ გახლავთ საზოგადოებისათვის. უცნობი კი არა, თანამზრახველთა და ხელშემწყობ გარემოებათა წყალობით იგი – ეს უმნიკვლო შარლატანი! – ქართული ლიტერატურათმცოდნეობის ლიდერობას ლამობს და განათლების სისტემის რეფორმირებაშიც აქტიურად მონაწილეობს.

ის, ვისაც ნაცში ქაცვის შერჭმა თეოფანია ჰგონია, წესით, მედიკოსთა ყურადღებას უნდა იქცევდეს, მაგრამ ჩვენს ორიენტაციადაკარგულ დროში ასეთი ტიპები საშიშ სოციალურ ძალას იხვეჭენ, მეტიც – არც მაქებარ-მეგუნდრუეკენი აკლიათ. და იმართება უსაქციელო, ზნეობასთან შემომწყრალ ფუჭმეცნიერთა ალღუმები, სადაც დაბერებული მამლები უნაყოფო, დაბადებითვე დაშრეტილ ყვინჩილებს „ყიყიყოს“ უქებენ...

ამჯერად, ერთი მხრივ, იმ ნიგნზე მექნება საუბარი, რომელშიც ქაცვ-ნაცის „მისტიკური“ აზრი გაცხადდა, პარალელურად კი – მასზე დაწერილ ერთ ზეალმატაც რეცენზიაზეც. ნიგნის ავტორია უცხოეთიდან მშობლიურ სანახებს შემოფარებული მერაბ ლაღანიძე, სათაური ნიგნისა, რომელიც ეკლესიური სიმდაბლის ნიშნად ავტორის მიერ არაერთგზის მოიხსენიება „კნინ ნიგნად“, – „სინამდვილე და წარმოსახვა დავით გურამიშვილის „მხიარულ ზაფხულში“ (თბ., 2002).

რეცენზენტი? რეცენზენტიც საფერი ჰყავს – სულიერი მოძღვარი, პროფესორი ზურაბ კიკნაძე – საეჭვოდ მრავალდარგოვანი ფილოლოგოსი და საეჭვოდ ჭრელი შეფერილობის „სამოქალაქო მოაზროვნე“!

ლაღანიძე-კიკნაძის ხმაშეწყობილმა დუეტმა სულ რაღაც სამი-ოთხი წლის წინათ გაიჟღერა და აგერ, ჩვენს თვალწინ აქტიურ სამოქალაქო-ექსტრემისტულ „ცენტრად“ გაფორმდა.

2003 წელს მერაბ ლაღანიძემ საყვარელ მოძღვარს – საიუბილეოდ! – წერილი-შესხმა უძღვნა – „სივრცეთა ძახილის მოყურადე“. ეს იყო მადლიერი შეგირდის საპასუხო „ხუტბა“ იმ რეცენზიის გამო, რომელიც კიკნაძემ ზუსტად ერთი წლით ადრე გამოაქვეყნა ლაღანიძის ნიგნზე თვალისმომჭრელი სათაურით – „სამოთხის სიცილი „მხიარულ ზაფხულში““.

თავისი მადლიერება, მონივნება და აღტაცება ლაღანიძემ მეტაფორულ-ჰიპერბოლურ მხატვრულ სახედ ჩამოქნა, წერილს ფოტო დაურთო, ისე, რომ შესხმის ობიექტი ტექსტში ერთხელაც არ უხსენებია – უხსენებლად დააქარაგმა და „სივრცეთა ძახილის მოყურადე“ უწოდა!

ვის აღარ აყურადებდა ანუ უსმენდა თურმე კიკნაძე, რომელიც, ლაღანიძის მოქარგული ენით, თან ნათებას დაატარებდა, ნათელს გამოსცემდა, თან – როგორც შორეულ სივრცეთა შიკრიკი – უცხო სივრციდან მიღებულ უწყებებს აგროვებდა.

ვისი ხმა აღარ აღმოაჩინა ათეული წლების მანძილზე სივრცეთა ძახილზე მონადირე ამ ფართო დიაპაზონის მეცნიერ-რადისტმა – გილგამეშიდან და ოდისევსიდან ვიდრე... მერაბ ლაღანიძემდე!

შეგირდის ნიგნში მოძღვარმა „სამოთხის სიცილი“ მოისმინა და რა გული გაუძღვებდა, სივრცეებისთვის, – ყოველ შემთხვევაში, მკითხველისათვის, – არ გაენდო თავისი აღტაცება იმის გამო, თუ როგორ მოიხილა ლაღანიძემ ზესთასოფელი და ჩვენ, მოკვდავთ, „სამოთხის სიცილი“ დაგვიბრუნა!

რა სიცილიც ისმის სამოთხეში, ეს აუცილებლად გაირკვევა, სასაცილო და საქილიკო კი ლაღანიძის ნიგნშიც და კიკნაძის რეცენზიაშიც იმდენია, შეიძლება გულყრა დაგვემართოს.

ჯერ კი წინ გზა გვაქვს გასავლელი: ერთ ნავში მსხდომ ავტორს და მის რეცენზენტს – ყოფიდან ზესივრცეებისაკენ, ჩვენ კი – აკადემიურობის პრეტენზიის მქონე, სტილურ-ტერმინოლოგიურად ბუნდოვანი, გაფუყული ნაშრომიდან იმ დასკვნამდე, რომ კვაზიმეცნიერულ, აღვირმიშვებულ სისულელეს საზღვარი არა აქვს!

ზემოთ ნავი რომ ვახსენე, უბრალო, „ემპირიული“ მცურავი ობიექტი არ გეგონოთ, „არქეტიპულ-მითოლოგიური“, „უნივერსალური ნავია“. მისი ნეტარი მგზავრები – ლაღანიძე და კიკნაძე, ორნი ერთ ნავში, პრივატიზებულ ედემისაკენ მიცურავენ – „განსხვავებულ სტატუსს იძენენ, ახალი ქცევის ნორმებს ემორჩილებიან!“ რაც მთავარია, „სამოთხის სიცილი“ ესმით!

აბა, რაღას გაიგებენ ეს სტატუს და ნორმაშეცვლილი „რეფორმატორები“ სხვების – კოლეგების! – მოთქმა-გოდებას...

პროფესორი კიკნაძე რეცენზიას საგულისხმო ინფორმაციით იწყებს: „საუბარი გვაქვს 15 წლის წინათ დაწერილ

ნიგნზე, რომელიც თავის დროზე, არ ვიცით, რა მიზეზით, არ გამოქვეყნებულა. იგი, როგორც ავტორი გვარწმუნებს, უცვლელი სახით ქვეყნდება“.

ლალანდიის ნაშრომი – საკანდიდატო დისერტაცია, მართლაც, 1987 წელს დაინერა და ტრიუმფით იქნა დაცული თბილისის სახელმწიფო უნივერსიტეტში. რადგან სამეცნიერო-საზოგადოებრივი საქმეებით დიდად დატვირთულმა კიკნაძემ ამ ძველი ნაშრომის სარეცენზიოდ მოიცავლა, ჩანს, დიდი რამ გადანახული საგანძური აღმოაჩინა შიგ და მისი ცოცხალ სააზროვნო პროცესში ჩართვა გადაუდებელ აუცილებლობად მიიჩნია (ცხადია, ქართული ლიტერატურათმცოდნეობის სასიკეთოდ!).

ეტყობა, არც ლალანიძე მთლად დაბალი წარმოდგენის თავის „კნინ ნიგნზე“ – ლიტერატურათმცოდნეობითი აზრის განახლებისა და მოდერნიზაციის ხანაში ნაშრომის დიდი დავიანებითა და თანაც უცვლელად გამოქვეყნება მთლად უპრეტენზიო საქციელად ვერ ჩაითვლება. ასეთი საქციელი „შესაძლოა, გაუმართლებელ სითამამედ იქნეს მიჩნეული“, – თვითონვე აღნიშნავს, მაგრამ იქვე თავმდაბლურად განმარტავს ქცევის ზნეობრივ მოტივებს – პასუხისმგებლობას „დროისა და თაობის წინაშე“, იმის ისტორიული სიზუსტით დაფიქსირებას, „თუ როგორ ფიქრობდა იმდროინდელი ახალგაზრდა თაობა ლიტერატურის შესახებ, როგორ ესახებოდა ამ თაობას ლიტერატურის კვლევისა და ლიტერატურული კვლევის მიმართულებანი“.

„კნინ ნიგნის“ თავმდაბალ ავტორს ერთი მოკრძალებული არგუმენტიც აქვს: „ნიგნში ასახული სათქმელი, მიგნებული თემები და მიმართებანი მას შემდეგ, როგორც ჩანს, არც გახმოვანებულა იმ არცთუ მრავალრიცხოვან ლიტერატურაში, რაც უკანასკნელ ხანს დავით გურამიშვილის შესახებ დაინერა და დაიბეჭდა“.

დროისა და თაობის წინაშე უმნიკვლო კაცი, იმდროინდელი ახალგაზრდობის ფიქრთამპყრობელი, ჩემის შეტყობით, კოლეგებს საყვედურობს, „მიგნებული თემები და მიმართებანი“ რატომ არ აიტაცეთ ჩემი დისერტაციიდან, რატომ არ გაახმოვანეთ, ან ცანით, ნიგნის გამოცემით როგორ აღვადგენ განყვეტილ დროთა კავშირსო!

რეცენზენტმა კიკნაძემ ბოლოთქმაში მოყვანილი ეს არგუმენტები გამოტოვა, სამაგიეროდ, უფრო გლობალურ, დიდ საგანს ჩასჭიდა ხელი – იგი თანაგრძობით იმონმებს ლალანიძის სიტყვებს: „შესაძლოა, წინამდებარე ნიგნი იმის მოწმობადაც გამოდგეს... – თუ იმპერიის ყოველმხრივ ჩაკეტილი საზღვრები როგორ შემოსაზღვრავ-

და და განსაზღვრავდა იმის აკადემიურ თვალსაწიერსაც, – თვალსაწიერსა და არჩევანს, – ვინც არასოდეს ცდუნებულა იმპერიული მასშტაბების (მით უმეტეს რეჟიმის) ხიბლით“.

რეცენზენტის შეფასებით, ეს არის „შესანიშნავი, შეიძლება ითქვას, ეპოქალური სიტყვები“!

ეპოქალური ლალანიძის ამ ციტატას უფრო ეპოქალური კიკნაძე ასეთ ჰეროიკულ კომენტარს ურთავს: რეჟიმმა კი დააზარალა ავტორის აკადემიური – და არა ინტერესთა – თვალსაწიერი, – „მაგრამ, რაც უფრო მნიშვნელოვანია ამ თხუთმეტწლიანი დისტანციიდან, მასში ჩანს არჩევანი, არჩევანი ზოგადად პიროვნულ-ეკსისტენციალური და არჩევანი ყბადაღებული, თავშესაფრად ქცეული ხარკის გაღებაზე უარისთქმისა, როგორც რეჟიმის ინდივიდუალურად ძლევის ფორმა“.

ამ შეფასებას „პიროვნულ-ეკსისტენციალური“ ბუნდოვანებისაგან თუ გავათავისუფლებთ, უცებ წამოიმართება ლალანიძე-გმირის ფიგურა, რომელმაც, უბრალოდ, დისერტაცია კი არ დაწერა გურამიშვილზე, არამედ „ეკსისტენციალური არჩევანი“ მოახდინა, უარი თქვა „ხარკის გაღებაზე“ და ინდივიდუალურად დაამარცხა რეჟიმი!

წარსულის ფაქტებისადმი პატივისცემა ჩემთვისაც არ არის უცხო, სინამდვილე კი აი, ასეთი იყო: რეჟიმის ინდივიდუალურად მძლეველი ლალანიძე კომკავშირის ცენტრალური კომიტეტის შუამდგომლობით და პირადად ე. შევარდნაძის დასტურით უგამოცდოდ ჩარიცხეს თბილისის სახელმწიფო უნივერსიტეტში!

მოტყუდნენ გულუბრყვილო კომუნისტები, ამოდ რომ აცდუნებდნენ მომავალ „მძლეველს“ „იმპერიული მასშტაბის... ხიბლით“. იმპერიულ მასშტაბებს რას დაგიდედათ ლალანიძე, როდესაც სიჭაბუკითვე მცირე მასშტაბის ცდუნებებს ისე იყო დაჩვეული, დღემდე ვერ მოიშალა...

გახსოვთ, ალბათ – „გმირს წინა-უძღვის ყოველთვის უძღური წინამორბედი“! ეს წინამორბედი, – მაგრამ არა უძღური! – კიკნაძე იყო, ვინც – ლალანიძის ჩვენებით! – უცხო სივრცეებს აყურადებდა, ვინც იმპერიის „პირქუშ კედლებს“ ბზარი გაუჩინა, ე. ი. უფრო ადრე მოძებნა „რეჟიმის ინდივიდუალურად ძლევის ფორმა“!

დაე, სჯეროდეთ კიკნაძე-ლალანიძეს, რომ მათი დისერტაციები ანგრევდა იმპერიას, მე კი ისლა დამრჩენია, ჩავინება როდესაც ლალანიძის „კნინ ნიგნში“ და გაჩვენოთ, როგორ ხდება გურამიშვილის ტექსტის მოუწყინარი გაყალბება, ქართული ლიტერატურათმცოდნეობითი ტრადიციის ჩანაცვლება ინფანტილური ინტელექტუალიზმით.

ქრონიკა

გამართა საქართველოს მწერალთა კავშირის იმერეთის რეგიონალური ორგანიზაციისა და ქუთაისის მერიის ერთობლივი ლიტერატურული პრემიების მიმნიჭებელი კომისიის სხდომა, რომელმაც განიხილა დავით კლდიაშვილის, ლადო ასათიანისა და ნიკო ნიკოლაძის სახელობის პრემიების მოსაპოვებლად წარმოდგენილი კანდიდატურები.

ლაურეატები გამოვლინდნენ ფარული კენჭისყრით.

კომისიის გადწყვეტილებით, 2005-2006 წლებში გამოქვეყნებული ნაწარმოებებისათვის პრემიები მიენიჭათ:

პროზაში, დავით კლდიაშვილის სახელობისა – ავთანდილ ყურაშვილს;

პოეზიაში, ლადო ასათიანის სახელობისა – ზაალ ებანოძეს; კრიტიკასა და პუბლიცისტიკაში, ნიკო ნიკოლაძის სახელობისა – თემურ ამყოლაძეს.

სამზაოს დასაფიცარი

*

საუბარი მარინა რჩულიშვილთან

– ქალბატონო მარინე, წლების წინათ, 1992 წელს, ჟურნალ „ცისკრის“ მეორე ნომერში დაიწყო და ნანილ-ნანილ იბეჭდებოდა მხატვრულ-ბიოგრაფიული მოთხრობა „გურამ რჩულიშვილის ცხოვრება-შემოქმედებისათვის“. სხვას ვერაფერს ვუნოდებთ ამ პუბლიკაციას, რადგან ეს არ იყო ნარკვევი, არ იყო მონოგრაფია და მით უფრო, არც მხოლოდ გახსენება.

ჩემი აზრით, ერთი მწერალი მეორე მწერლის შესახებ გვიამბობდა ძალზე ექსპრესიულად და საინტერესოდ. ეს არის, ალბათ, დოკუმენტურ-მხატვრული პროზა, ამჟამად ძალზე პოპულარული ჟანრი დასავლეთში.

ვეებერთელა საარქივო მასალის პირისპირ მარტო დარჩენილხართ: „გაქცევა მომინდა, მაგრამ რაღაც საოცრად შეიკრა უგზობის განცდამდე ყველა გზა და დარჩა მხოლოდ ერთი – ჩემი ძმის ცხოვრება-შემოქმედების, მისი სულიერი ბიოგრაფიის გზა“

ვცდილობდი ჩაწვდომოდი თვითნებულ სიტყვას, სიტყვათა კავშირს, წინადადებას, აბზაცს, თავს, მოთხრობას, პიესას, ლექსს, დღიურს, ჩანახატს, ხელნერას. ვცდილობდი მივყოლოდი იმ უხილავ წყალქვეშა დინებებს, რაც აერთიანებდა, ამთლიანებდა, ამაგნიტებდა ყველაფერს და წარმოადგენდა გურამის მთელი ცხოვრება-შემოქმედების საფუძველს.“

მას შემდეგ კარგა ხანი გავიდა. თქვენ აგრძელებთ მუშაობას გურამ რჩულიშვილის არქივზე და ხელთ გაქვთ უკვე მისი თხზულებების რამდენიმე ტომი.

მასალა, როგორც ჩანს, ამოუწურავია.

ჩვენი საუბარი ამ ხუთტომეულით დაიწყო. ახალი რა მზადდება გამოსაცემად?

– ამ ტომეულის გამოცემის მიზანი იყო, ნაწარმოები მკითხველს მიეღო ისეთი, როგორც გურამმა დაწერა. ეს იყო საკმაოდ რთული შესასრულებელი რამ.

მისი დალუბვა მოულოდნელი იყო.

გურამის ნაწერები ბედს იყო მინდობილი. ზოგი მეგობრებს მაომიტანეს, ზოგი მუზეუმში აღმოჩნდა; მაგალითად,



გურამ რჩულიშვილი

დაუმთავრებელი რომანი, რომელსაც გურამი იქ წერდა. მთელი არქივი გაფანტული იყო. იმდენად დიდი სამუშაო მქონდა, რომ უნივერსიტეტს თავი დავანებე. თვრამეტი წელია ამაზე ვმუშაობ. ყველაფერი ძნელი დასადგენია: ქრონოლოგია, ტექსტი ახლა მეოთხე ტომი გამოვა – „მარინე“ და იქაც ნახავთ, გამოჩნდება, რა არის ტექსტი და რა არ არის ანუ, რა იყო თვითონ ნაწარმოებების ქსოვილი და რა, ვთქვათ, მინაწერები, მასალები.

აქამდე ეს ყველაფერი იმ სახით არ გამოქვეყნებულა, როგორც დაინერა. რატომ? სხვა ყველაფერთან ერთად არსებობდა „მკითხველის ცენზურაც“. ავიღოთ „ჩემი ლიტერატურული შეხედულებები“ – მასში გაერთიანებულია სამი მოთხრობა: „ირინა და მე“, „ალავერდობა“ და „დღიური“. მათ აერთიანებს საერთო შესავალი. ისინი ცალკეულ მოთხრობებად არ იყო ჩაფიქრებული. თან მწერალი ირინეს ფინალში მართლაც კლავს, რაც გურამის პირველი კრებულის გამოცემისას გიორგი შატბერაშვილმა ისე გადააკეთა, რომ თითქოს გურამი ირინეს მართლა კი არ კლავდა, არამედ წარმოსახვაში აკეთებდა ამას. ასეთი ცვლილება გამოიწვია იმან, რომ მკითხველი მაშინ ვერ მიიღებდა მწერლისგან ასეთ სინამდვილეს. ვახტანგ ჭელიძე, მაგალითად, წერდა, ძალიან სისხლიანი ნოველაა, გურამ, არ გინდა ასეთი რალაცე-ბიო. სინამდვილეში კი გურამის შემოქმედებას მაგისტრალურ

სიუჟეტად მიჰყვება ცხოვრებისა და ხელოვნების ურთიერთდამოკიდებულება. ირინე აქ იყო ცხოვრების სიმბოლო და გურამი მისი მკვლევლობით უარს ამბობდა ცხოვრებაზე ხელოვნების სასარგებლოდ.

– ანუ, გურამს გამოგონილი რეალობა ერჩივნა არსებულ სინამდვილეს

– დიახ, ასეა, მაგრამ, ამასთან ერთად, ისიც მინდა ვთქვა, რომ გურამის შემოქმედება ციკლური ხასიათისაა. მაგალითად, „ირინა და მე“ გურამმა მოსკოვში დაწერა და შეინახა, არც დაბეჭდა, არც გადაათეთრა, არც არავის მისცა წასაკითხად – მეც კი. თუმცა ყოველთვის მაკითხებდა, როდესაც რაიმეს დაწერდა. მხოლოდ წელიწადნახევრის შემდეგ, როდესაც „ალავერდობა“ და „დღიური“ დაწერა, მხოლოდ მაშინ „გამოაჩინა“, „ირინა და მე“ და ის აქცია ციკლის პირველი ნაწარმოებად.

ეს იყო გარკვეული ევოლუცია მწერლისა, რომელიც გადის გზას ხელოვნების აღიარებიდან მის სხვა ხარისხში აყვანამდე. ხელოვნებისა და ცხოვრების რთული ურთიერთდამოკიდებულება გრძელდება გურამის სიცოცხლის ბოლო დღემდე. მის შემოქმედებაში ძალიან დიდი მნიშვნელობა აქვს დღიურს და შემდეგ უკვე დღიურისა და გამოწავლის ურთიერთდამოკიდებულებას. ასე იქმნება მთლიანობა, მაგრამ არქივზე მუშაობისას ძალიან ძნელდება გამოწავლისა და მინაწერების გამიჯვნა. გარკვევა, რა არის ნაწარ-

მოების ნაწილი და რა - დღიურების მინაწერები. რომელია ტექსტის გარეთ არსებული ტექსტი, ამის გაგება ძალზე რთულდება. ხშირად ისინი ერთმანეთს ერწყმის. სხვადასხვა ფორმით ცხოვრება იჭრება გურამის შემოქმედებაში. ეს ჩანს მის პიესებშიც.

ძალიან რთული იყო მიხვედრა, რა როგორ იყო, როგორ დაწერა გურამმა.

- რა გამოსავალი იპოვეთ?!

- შევეცადე მკითხველისთვის ისეთი შთაბეჭდილება შემექმნა, თითქოს თვითონ ზის პირველად ამ მასალასთან და მუშაობს. რედაქტორის გაშალაშინებულსა და გალამაზებულს კი არა, „ცოცხალ არქივს“ ამუშავებს.

პირველად მე თვითონ ძალიან დავიბენი პუნქტუაციასთან დაკავშირებით, იმიტომ, რომ გურამი პუნქტუაციას თითქმის არ ხმარობს. ხანდახან კი ისე გამოდის, რომ პუნქტუაცია სემანტიკურ მნიშვნელობას იძენს. ეს აღდგენილი მაქვს. მართალია, ხშირ შემთხვევაში პუნქტუაცია აღვადგინე, როგორც წესია, მაგრამ ფუნქციურ-სემანტიკური მნიშვნელობა შევინარჩუნე.

მაგალითად, „მონადირეში“ წერტილის ნაცვლად უწერია ორწერტილი. თითქოს გაგრძელება მკითხველზეა

ერთი ფილმი მაგონდება: გელა კანდელაკი თამაშობს სულ ცდილობს რაღაც დაწეროს. არადა, მელოდია ესმის და ვერ წერს. მოკლედ, კომპოზიტორია, რომელმაც ვერ დაწერა, ვერ შექმნა. თუმცა მუსიკა ესმოდა, მაგრამ ის ვერ შეიკრა ნაწარმოებად. აი, მსგავსი განცდაა „ნადირობაში“ და ეს გურამს ორწერტილით აქვს მიღწეული.

- კიდევ რა სირთულეების დაძლევა მოგიხდათ არქივზე მუშაობისას?

- ქრონოლოგიის დადგენა ძალიან რთული საქმე. თითქმის ყველა ნაწარმოები უთარილოა. მე ისინი ჟანრულ-ქრონოლოგიურად დავალაგე.

მივაგენი გურამის შემოქმედების მაგისტრალურ სიუჟეტს. ეს არის ცხოვრებისა და ხელოვნების ურთიერთდამოკიდებულება და ის პირველივე ნაწარმოებში ჩანს. რაკი ამას მივაგენი, მერე უკვე ამ გზას მივყევი. რაკი ეს ადლო გამიჩნდა და მივხვდი ამას, ასევე ავანსე მთელი მისი შემოქმედება.

დაუმთავრებელ ნაწარმოებებშიც ჩანს ეს ხაზი და ამიტომ ისინი დასრულებულ თხზულებებთან შევიტანე. იმ დაუმთავრებლობასაც თავისი ფუნქციური დატვირთვა აქვს.

ამ გამოცემაში მოტანილია და შედარებული თეთრი და შავი ხელნაწერები და ამ შედარების დროს, თუ დავაკვირდებით, ბევრი რამ არის ამოტივტივებული, ანუ ის, რაც ქვეტექსტში გადავიდა.

გურამს პროტოტიპებზეც დიდი ყურადღება აქვს გამახვილებული.

ასევე მიხდება უკვე გამოქვეყნებულ მოთხრობებში გამოტოვებულ-ამოღებული წინადადებებისა და ადგილების აღდგენა. მაგალითად, „ალავერდობა“. ის ძალიან მნიშვნელოვანი ნაწარმოებია, რომელშიც გურამი გადის ინიციაციის საფეხურებს. ამ მოთხრობაში ამოღებულია ისეთი წინადადებები, რომლებიც ძალიან მნიშვნელოვანია მწერლის მთელი შემოქმედების გასააზრებლად. „ალავერდობაში“ ბევრი რამ გადაწყდა.

- კერძოდ, რა არის ამოღებული ისეთი, რასაც თქვენ ასეთ დიდ მნიშვნელობას ანიჭებთ?

- აი, თუნდაც ეს: „ეს ისტორიულადაც ბოლო დღეა“. რას ნიშნავს: ეს ისტორიულადაც ბოლო დღეა?! ანდა, „ჩვენ ორი დღით დავიბენით!“

- და თქვენ ურთავთ კომენტარს?

- რასაკვირველია. და ამასთან, ეს ყველაფერი თავს მოიყრის მონოგრაფიაში, რომელსაც ვწერ და ახლა არ მინდა ამაზე საუბარი. თუმცა, მაქვს მინიშნებები. თვითონ გურამს „ირინა და მესთვის“ ცალკე ჩანაწერები აქვს. მათში სამყაროს ესქატოლოგიური ხედვაა. გურამი სულ სხვანაირად ხედავს მთელ სამყაროს და წინასწარმეტყველსა და მწერალს აერთიანებს.

მოკლედ, ძალიან დიდი შრომის შედეგად შევალნიე გურამის ტექსტში. მას არ უყვარდა აშკარა სიმბოლიკა. არადა, მთელი მისი შემოქმედება სიმბოლურია ისევე, როგორც სამყაროა სიმბოლური. ამ სიტყვას სიმბოლიზმის მნიშვნელობით არ ვხმარობ. მზის ამოსვლა რაღაცას ნიშნავს და ჩასვლაც რაღაცას ნიშნავს. ჩიტის ჭიკჭიკი სიმბოლოებით არის სავსე. ჩემთვის სიმბოლო არის გზა სხვა სამყაროებისკენ, რომლებიც ირეალურია და რომელიც მატერიალურში გამოვლინდა გარკვეული ფორმების სახით. ცხოვრებისეული სიმბოლოებზე ვამბობ და არა, ვთქვით, მეტაფორულზე, რომელიც სიმბოლიზმისთვის არის დამახასიათებელი. შესაძლოა, ჭეშმარიტი ხელოვნება ყოველთვის სიმბოლური იყოს. ის სცილდება ზედაპირს და სამყაროს არსის წვდომისაკენ მიდის. სიტყვაში ვლინდება არსი და, ამგვარად, მიღმა სამყაროს ძალიან მნიშვნელოვანი შრეები იხსნება.

- ლექსებს თუ წერდა გურამი?

ახლა იბეჭდება ხუთტომეულის მეოთხე ტომი, რომელშიც შედის ლექსებიც.

ერთი მინიატურაა:

ისევ მომიტაცა ურჯუკა სულანმა,
ისევ დაუჭირე თავი
ცხენი შფოთავდა,
მე გული დამწყდა.

თითქოს არაფერია ისეთი, მაგრამ აქ იმოდენა შინაგანი ძაბვაა, გურამის ბუნება იშლება.

- დღიურები, ჩანაწერები, ეს კიდევ სხვა თემაა. ალბათ, არც მათი გაგება და გაშიფრვაა იოლი საქმე

- საერთოდ, პუბლიცისტურ სიტყვის გაგება ძალიან რთულია.

დღიურები კიდევ უფრო სხვა რამაა. მათში ის მიჰყვებოდა თავის შინაგან ხმას. ჩემთვის უფრო რთული იყო დღიურის ტექსტის გაგება, ვიდრე მხატვრული ნაწარმოებისა. აქ მთლიანობაში იქმნება აზრი, ხოლო დღიურებში სხვაგვარადაა. თუმცა ერთი ჟანრი მეხმარებოდა მეორეს გაგებაში. გურამთან, მართალია, მნიშვნელოვანია შემოქმედება, მაგრამ უფრო მნიშვნელოვანია პიროვნება. გურამის დაწერილი თითოეული სიტყვა იყო მოწმობა მისი პიროვნებისა.

- გურამს თქვენსავით არავინ იცნობდა, და მაინც, არქივმა სხვანაირი გურამი აღმოგაჩენინათ?

- გურამის არქივზე მუშაობას არ ვაპირებდი. ვფიქრობდი, რომ გამოჩნდებოდა ვიღაც ჭკვიანი ადამიანი, ვინც ამ საქმეს იღებდა თავს. ერლომ ახვლედიანიმა „შემაბა“. ერ-

თხელ მითხრა, მოდი გურამის არქივზე ერთად ვიმუშაოთ. მერე წავიდა და დაიკარგა. ძალიან ვლელავდი. როგორ უნდა დამეწყოს? რა მექმნა, არ ვიცოდი. ვკითხულობდი, ვჩხრეკდი, ვინერდი და უცებ მივხვდი, რომ აქ არის რაღაც – მონობა ადამიანის ცხოვრებისა, რომელიც თავის თავში შეიცავს რაღაც მნიშვნელოვანს ელდასავით მეცა. ასეთი უცაბედი განცდა დამეფულა. ეს, ალბათ, ადამიანის ბუნებრივი მდგომარეობაა, რადგან მსგავს განცდაზე სხვასთანაც წამიკითხავს. იმ დღიდან დაიწყო ჩემი წვალეზა. ღმერთი მაძლევს მოთმინებას, რომ ნაბიჯ-ნაბიჯ გამომძიებელივით მივყვე გურამის სიტყვას. ხანდახან მიჩნდება კითხვა: ვინ დამნიშნა გამომძიებლად? რატომ უნდა ვიძიო? ალბათ, იმიტომ, რომ მნიშვნელოვნად მიმანია გურამის სამყარო, მისი ფენომენი. მან ბევრი გააერთიანა თავისი სახელის ირგვლივ და ეს მხოლოდ მწერლური ნიჭის წყალობა არა მგონია. ასე ვფიქრობ: არცერთი სიტყვა ტყუილად არ არის დანერვილი. ის რაღაც განსაკუთრებული მუხტი ყველაფერში დევს: სიტყვაში, კომპოზიციისაში, სათაურში, პუნქტუაციაშიც კი. ის წარმმართავს. როდესაც რაღაც არ მესმის, იმას კი არ ვამბობ, რომ გურამს რა ბუნდოვნად დაუწერია, ანდა, ეს არაფერია-მეთქი. მაშინვე ძალას ვიკრებ და ვინყებ გაგებას.

არაფერი ისე არ დამეხმარა გაგებაში, როგორც თვითონ არქივზე მუშაობა. ეს იქცა ჩემს ცხოვრებად.

– თქვენ წერთ: „1956 წლის იანვრამდე, იმ მომენტამდე, სანამ დაიწყებოდა გურამის მისიის აღსრულების ოთხი ცეცხლოვანი წელი, მთელი 22 წელიწადი იყო; იყო ნიჟარაძე-კიკნაძე-ხიდიბერგიშვილ-რჩეულიშვილ-ვახვახიშვილ-ჯავახიშვილების უზარმაზარი სამყარო, რომელიც აღმოჩნდა „ქუყყანა კეთილი“ ღვთის სიტყვის აღმოსაცენებლად.“ ანუ აღიზარდეთ ტრადიციულ ოჯახში და ამაცობდით ყველაფრით, რაც მართლაც, საამაყო იყო – ბებიებით და პაპა-ბაბუებით, მშობლებით, მათი ურთიერთობებით, მათი განათლებით და ზნე-საქციელით

და მაინც, მინდა გკითხოთ, რა არის თქვენთვის ტრადიცია და ტრადიციული ოჯახი?

– შეიძლება სანიმუშოდ ჩაითვალოს გურამის დამოკიდებულება დედისადმი. ცალკე თემააა საერთოდ, დედას წერილები გურამისადმი. საოცრებაა! დედა ძალიან მომთხოვნია. ერთი და იგივე თემა შეუძლია ათასჯერ შეახსენოს, სანამ გურამი არ გააკეთებს ისე, როგორც დედა ურჩევს. უნდა ჩაიცვას ასე, უნდა დანეროს დიპლომი... დედას ყველაფერზე ჰქონდა ნაფიქრი – როგორ უნდა მოიქცეს მისი შვილი და როდის რა გააკეთოს. გაუთავებლად შეახსენებს ერთსა და იმავეს! მიუხედავად ამისა, არ მახსოვს გურამს ერთი საყვედური დასცდენოდეს. სხვა დედამ ასე ჩაცვიბილი შვილი ერთი და იგივე რომ ასჯერ უთხრას და უმეოროს, ის უსათუოდ ეტყვის, რა გამიწყალებ გულიო. გურამისთვის კი ძალიან მნიშვნელოვანი იყო დედაშვილური იერარქია. ასევე იყო მამას მიმართ. ცნობილია, გურამი ჩხუბშიც რომ ყოფილიყო, მამის დანახვისთანავე თავს ჩაქინდრავდა და წამოყვებოდა. მისგან უზრდელური სიტყვა არ მახსოვს. მშობლებს არასოდეს შეკამათებია. ჩემს შვილს რამდენჯერმე ვერ ვეტყვი ერთსა და იმავეს და ისიც ვერ გაუძლებს, თუმცა ძალიან კარგი შვილია. გურამი უძლებდა ასეთ დატვირთვას, რადგან ეს იერარქიული დამოკიდებულება მისთვის ძალიან მნიშვნელოვანი იყო.

ჩვენს ოჯახში ასეთი ურთიერთობა მყარად იყო დამკვიდრებული. დღესაც ასეა, მიუხედავად იმისა, რომ რამდენიმე თაობა ყოველთვის ერთად ვართ. წვეულებებზე სულ ერთად ვიყრიტ თავს, არ არის გაყოფილი დიდი და პატარა, თუმცა უმცროსებმა ყოველთვის იციან თავისი ადგილი და უფროსებთან არ არიან ათქვეფილები. როგორც ჩანს, ეს ტრადიცია სულ უნდა იყოს.

მაგალითი ბევრს ნიშნავს. დედა, მაგალითად, მამამისს, ბაბუაჩემს თქვენობით ელაპარაკებოდა.

ჩემი მეუღლეც ასეა. მამაჩემი რომ შემოვიდოდა, გეიდარი ფეხზე წამოდგებოდა ხოლმე. მახსოვს, ახალი გათხოვილი ვიყავი და ჩემი დაბადების დღე იყო. გავიხედე და, მამა მოვიდა თავისი მეგობრებით. ცოტა არ იყოს გაგებრაზდი, ამათ ჩემს დაბადების დღეზე რა უნდათ-მეთქი, და დედას ვთხოვე, მათთვის სუფრა ცალკე გაეშალა. გეიდარმა საშინლად იწყინა ჩემი საქციელი, გვერდზე მოისვა მამაჩემის მეგობრები და მთელი სუფრა წარმართა ამ უფროსი ხალხის პატივისცემით; ჯერ ისინი იყვნენ და მერე სხვები – ახალგაზრდები. მამა მანამდეც დიდ პატივს სცემდა ჩემს მეუღლეს გეიდარმა დაიცვა და შეინარჩუნა ტრადიცია.

ჩვენთვის ყოველთვის მნიშვნელოვანი იყო ურთიერთპატივისცემა.

გურამს უწერია ერთგან: ვილაც ეუბნება, დედა ყველაფერს გაპატივებო. ამაზე გურამი პასუხობს: დედა ერთადერთია, ვინც არაფერს არ გაპატივებო.

საერთოდ, გურამისა და დედას ურთიერთობა ძალიან მნიშვნელოვანი თემაა. მისი ბოლო ორი წერილი დედისადმი იყო მიწერილი, ბოლო ლექსი ეძღვნებოდა დედას საზოგადოდ, აქედან, ამ ურთიერთობის გაანალიზებით ძალიან მნიშვნელოვან შრეებში შეიძლება შეღწევა.

– ახლა კი თელავზე ვისაუბროთ! თხრობისას არაერთხელ ახსენებთ ამ არაჩვეულებრივ ქალაქს: „ნადიკვარი ჩვენი ეზოა. დღისით დავრბივართ ფეხშიშველები.

რაც ამ მწვანე-ბალახ-ხალიჩა-გადაკრულ გორაზე ხდება, ყველაფერი ჩვენ გვეხება. საღამოთი ჩვენს ეზოში მთელი თელავი იკრიბება. ჩვენც, მასპინძლები, ნადიკვრობისათვის საგანგებოდ დაბანილ-დავარცხნილები, ვიღებთ სტუმრებს“ დღესაც ასეთი განწყობა და განცდა გაქვთ?

– თელავი ჩვენი ოჯახისთვის ყოველთვის განსაკუთრებული ადგილი იყო. როგორ შეიძლება თელავი არ გიყვარდეს?! მითუმეტეს, თუ ყველაფერი გიყვარს, რასაც შენი ჰქვია?! ჩემს შვილიშვილებსაც ძალიან უყვართ იქ ყოფნა.

გურამს ყოველთვის მიუხაროდა თელავში უსაყვარლეს ბებოსთან

– გურამის არქივზე მუშაობა რაც დაიწყეთ, დროის მსვლელობაც „სხვანაირი“ გახდა თქვენთვის - „თითო მომატებულ წელს უკან მივყავარ ჩემი ძმისკენ, და ველოდები იმ დღეს, როდესაც ჩემი ანმყო მთლიანად დაემთხვევა ჩემს წარსულს, რაც ქრონოლოგიურად რომ მივყვით, მომავალში უნდა იყოს!“ დროის მთლიანობის ასეთი განცდა არ გიიღებთ საქმეს? არქივის რა ნაწილი დაგრჩათ დასამუშავებელი?

– მე მგონი, ჯერ მხოლოდ გზის დასაწყისში ვარ. ვნახოთ, თუ გავალ ბოლომდე

ესაუბრა
თამარ ღონდაძე

ირაკლი ბათიაშვილი

პირველსაწყისის შემოტევა

„ახალი და ძველი ღმერთები უკვე
აღლევებენ მომავლის ოკეანეს“

მ. ფუკო „სიტყვები და საგნები“

ჩვენ ვილაპარაკებთ თანამედროვე კატაკლიზმების ფენომენოლოგიაზე. ვფიქრობთ, რომ ეს უაღრესად საინტერესო და აქტუალური სფეროა ფილოსოფიური კვლევების. საქმე ეხება იმ გლობალურად შექმნილი სპეციფიკური სიტუაციის ანალიზს, რომელიც გარკვეულწილად საბედისწერო აღმოჩნდა ჩვენი დღევანდელი ყოფიერებისათვის. ტერორიზმი, სტიქიური კატასტროფები, პანეპიდემიები – აი, უახლესი ეპოქის დიდი ისტორიული ხდომილება და ამჟამად გვანტერესებს, თუ როგორ კონსტიტუირდება იგი, ანუ გვანტერესებს, თუ ობიექტურად როგორ განიცდის და რა საზრისს დებს ამ ხდომილებაში თანამედროვე ცნობიერება. მაშასადამე, მოცემულ კვლევებს არც აპოკალიპტურ-მეტაფიზიკური და არც ფსიქოლოგიური ხასიათი არ აქვთ, ვინაიდან ისინი არ სცილდებიან ფენომენოლოგიური მეთოდით ნაკარნახევ საზღვრებს. სწორედ ამ მეთოდით განვრთინილი სუფთა მზერით უნდა განვიხილოთ ფენომენი, რომელიც ამჟამად საყოველთაო ყურადღების ცენტრშია. მაგრამ რამდენად მართებულია ასეთი საუბარი? რამდენად, მართლაც, გამოკვეთილია წინა პლანზე ეს ფენომენი?

ჩემს კომპიუტერში რეგულარულად ვინახავ ხოლმე ინფორმაციებს მსოფლიოს მნიშვნელოვანი მოვლენების შესახებ. ამასწინ გადავწყვიტე ერთიანად გადამეთვალყურებინა ეს საკმაოდ გრძელი სია და ჩემთვის ერთბაშად თვალშისაცემი შეიქნა შემდეგი რამ: ამ ჭრელ მოზაიკაში იკვეთებოდა ერთი მთავარი ფიგურა, ხოლო დანარჩენი უფრო მეტად ფონს შეადგენდა. სახელდობრ, ეს იყო ფიგურა, რომელსაც შემოხაზავდნენ ინფორმაციები ტერორიზმის, სტიქიური უბედურებებისა და პანეპიდემიების შესახებ. მსურს რა ჩემი შთაბეჭდილება გავიზიაროთ, კიდევ ერთხელ თქვენთან ერთად მიმოვიხილავ მათ მცირედ ნაწილს: 2001 წლის 11 სექტემბერი – იგი, ალბათ, მალე შეფასდება, როგორც ახალი ათეულის წერტილი ისტორიის მსვლელობაში.

– 2002 წლის აპრილი: ცნობილ კურორტზე ინდონეზიაში, კერძოდ კუნძულ ბალიზე მოხდა საშინელი აფეთქება, რომელმაც იმსხვერპლა 187 ადამიანი.

– 2004 წლის მარტში ათი აფეთქება განხორციელდა მატარებლებზე მადრიდში, რის შედეგადაც დაიღუპა 190 ადამიანი, დაშავდა ათასორასი.

– 2004 წლის ივნისში ჩრდილოეთკავკასიელმა ბოევიკებმა ფართომასშტაბიანი თავდასხმა მოაწყვეს ინგუშეთზე.

– 2004 წლის ივლისი: ოცდასამი ადამიანი დაიღუპა ფილიპინებზე ტაიფუნის შედეგად.

– წყალდიდობები სამხრეთ აზიაში (ინდოეთი, ნეპალი, ბანგლადეში): დაზარალებულნი მილიონები, დაიღუპა ასორმოცდაათი ადამიანი.

– მძლავრმა აფეთქებამ ერაყის ქალაქ ბააკუბაში იმსხვერპლა სამოცდარვა ადამიანი.

– 2004 წლის აგვისტო: ერაყში ტერორისტებმა სიკვდილით დასაჯეს კიდევ ორი თურქი მძევალი.

– ქალაქ ბესლანში ბოევიკებმა ასობით მძევალი აიყვანეს ერთ-ერთი საშუალო სკოლის შენობაში.

– ჯაკარტაში ავსტრალიის საელჩოსთან აფეთქება დანაღმული ავტომანქანა: დაიღუპა ცხრა, დაშავდა ასოთხმოცდაცხრა.

– აღმოსავლეთ ჩინეთში ტაიფუნ „რანანის“ მსხვერპლი გახდა ასოთხმოცდაათი მოქალაქე.

– გრიგალი „ივანე“ თავს დაატყდა ამერიკის შეერთებული შტატების შტატ ალაბამას. კარიბის აუზში უკვე დაიღუპა სამოცი ადამიანი, ფლორიდასა და ლუიზიანაში – თორმეტი. ორ მილიონ მოსახლეზე მეტი ევაკუირებულია.

– გრიგალი ჰაიტიზე: მსხვერპლის რაოდენობამ ორი-ათასს მიაღწია.

– 2004 წლის ოქტომბერი: ეგვიპტეში ტერაქტის შედეგად დაღუპულთა რაოდენობამ ოცდაექვსს მიაღწია.

– პაკისტანის ცენტრალურ რეგიონში, ქალაქ მულტანში მოხდა ღამით მძლავრი აფეთქება, რის შედეგადაც დაიღუპა ოცდაათი ადამიანი და მრავალი დაშავდა.

– 2004 წლის დეკემბერი: გრანდიოზული ცუნამი ინდოეთის ოკეანეში, რომელმაც გამოიწვია უზარმაზარი მსხვერპლი (დაახლოებით ორასიათასამდე ადამიანი) და ნგრევა ინდონეზიაში, ინდოეთში, შრი-ლანკაში, ტაილანდში.

– 2005 წლის თებერვალი: აფეთქების შედეგად გარდაიცვალა ლიბანის ექს-პრემიერი რაფიკ-ჰარირი.

– 2005 წლის მარტი: წყალდიდობებმა ავღანეთში იმსხვერპლა ორასი ადამიანი და დაანგრია ათასობით სახლი.

– რვანახევარ ბალიანი მიწისძვრა ინდონეზიაში, რის შედეგადაც დაიღუპა ორიათასი ადამიანი, დაშავდა მრავალი და მასიურად დაინგრა შენობები.

– 2005 წლის აპრილი: დიდი წყალდიდობები საქართველოში.

– აფეთქებათა სერია ბალდადში, რომლის შედეგად დაიღუპა ოცდასამი ადამიანი.

– ერაყის ჩრდილოეთით მდებარე ქალაქ ერბილში დაიღუპა სულ მცირე ორმოცდაათი ადამიანი და დაშავდა ასორმოცდაათი აფეთქების გამო, რომელიც მოაწყო თვითმკვლელობა ტერორისტმა.

– 2005 წლის ივნისი: ბალდადში უკანასკნელი თორმეტი საათის განმავლობაში განხორციელდა ტერაქტების სერია: დაიღუპა ორმოცი, დაიჭრა – დაახლოებით ასამდე.

– 2005 წლის ივლისი: მძლავრ აფეთქებათა სერია ლონდონში. ბომბები ამუშავდნენ ქალაქის მეტროპოლიტენის სამ საკვანძო სადგურსა და ავტობუსში. დაიღუპა ორმოცდაათექვსმეტი ადამიანი.

– აფეთქებები განხორციელდა ღამით ეგვიპტის ცნობილ კურორტზე შარმ-ელ-შეიჰ-ზე, რომელიც მდებარეობს სინაის ნახევარკუნძულზე: გარდაიცვალა ორმოცდარვა ადამიანი, დაიჭრა ორასზე მეტი.

– ბაღდადში კვირას სულ მცირე ოცდახუთი კაცი დაიღუპა და ოცდაათი დაიჭრა პოლიციის განყოფილებასთან სატირით მანქანის აფეთქების შედეგად.

– უზარმაზარი წყალდიდობები ინდოეთში.

– 2005 წლის აგვისტო: დიდი წყალდიდობები ევროპაში (გერმანია, შვეიცარია, რუმინეთი).

– 2005 წლის სექტემბერი: ამერიკის შეერთებული შტატების სამხრეთ-დასავლეთ სანაპიროს თავს დაატყდა არნახული სიძლიერის გრიგალი – „კატრინა“. ახალ ორლენში ასი ათასობით მაცხოვრებელი საჩქაროდ ტოვებს თავის სახლ-კარს. მსხვერპლის რაოდენობამ ექვსასოთხმოცდათორმეტს მიაღწია.

– ხოცვა-ჟლეტა ბაღდადში: აფეთქდა ცხრა დანაღმული ავტომანქანა – დაიღუპა ასორმოცდაათი ადამიანი, დაახლოებით ორასი დაშავდა.

– 2005 წლის ოქტომბერი: აფეთქებები დელიში, რომლის დროსაც დაიღუპა სამოცდაორი ადამიანი.

– პაკისტანში მოხდა 7,6 ბალის სიმძლავრის მიწისძვრა (ეპიცენტრი მდებარეობდა ქვეყნის ჩრდილოეთში). მსხვერპლის რაოდენობამ უკვე ოციასას გადააჭარბა.

– სულ მცირე ორასორმოცდაათი ადამიანი დაიღუპა ცენტრალურ ამერიკასა და მექსიკაში წყალდიდობებისა და ტალახის ნაკადების გამო. მხოლოდ გვატემალაში ექვსასი კაცი ითვლება დაკარგულად, ხოლო ასსამოცდაათის სიკვდილი უკვე დადასტურებულია.

– ოთხმოცი ქვეყნისა და რვა საერთაშორისო ორგანიზაციის წარმომადგენლები შეიკრიბნენ ვაშინგტონში მოლაპარაკებებზე დახურულ კარს მიღმა, რათა განიხილონ ფრინველის გრიპის მსოფლიო პანდემიის თავიდან აცილების სტრატეგია. ჯერჯერობით ამ შტამისაგან (51) დაიღუპა სამოცი ადამიანი.

– რუმინეთის ხელისუფლებამ განაცხადა, რომ დუნაის დელტაში აღმოჩენილი ფრინველის გრიპის შტამი არის მომაკვდინებელი 51. ეს დაავადება გამოჩნდა აზიაში და იმსხვერპლა სამოცი ადამიანი. იგი უკვე გავრცელდა თურქეთშიც.

– 2005 წლის ნოემბერი: ამერიკის შეერთებული შტატების კენტუკისა და ინდიანას შტატებს თავს დაატყდა ტორნადო, რომლის შედეგად დაიღუპა ოცდაერთი ადამიანი, დაზარალდა არანაკლებ ორასისა. ტორნადომ კვალის სახით დატოვა ოცდათორმეტი კილომეტრის სიგრძისა და ერთნახევარი კილომეტრის სიგანის ნანგრევების ზოლი.

– 2006 წლის აპრილი: დიდი წყალდიდობები ევროპაში (ჩეხეთი, უნგრეთი, გერმანია). დაიბორა სერბეთის დედაქალაქი - ბელგრადი.

– ერაყის ქალაქ ბაჰუბაში მოხდა აფეთქება შიიტურ მენეთში. დაიღუპა ოცდახუთი ადამიანი.

– სულ მცირე ოცდასამი კაცი დაიღუპა და ათობით დაშავდა სამი აფეთქების შედეგად, რომელიც განხორციელდა წითელი ზღვის სანაპიროზე მდებარე ეგვიპტის კურორტ დაჰაბში.

აი, ჩვენს წინაშეა დღევანდელი კატაკლიზმების, მართლაც, მლეღარე ოკეანე! როგორ აღვიქვამთ მას? განა, მხოლოდ, როგორც მოშველ ფიზიკურ, ბიოლოგიურ და სოციალურ-პოლიტიკურ მოვლენებს, რომლებიც თავის თავში არავითარ სხვა საზრისს არ ატარებენ?! თუ პირიქით, ისინი რაღაცას გვამცნობენ, გვატყობინებენ? რა არის ის, რაზედაც ისინი „ფრთხილად“ მიგვანიშნებენ? და როგორია არსებითად თანამედროვე ცნობიერება ამ კატაკლიზმებისა, რომლებიც ამგვარი ფარული საზრისის მქონე მოვლენების სახით გვეცხადებიან?

ჩემს წინაშეა ბოდრიარის ეგზოტიკურ-ფილოსოფიური ესსე – „ბოროტების გამჭვირვალეობა“, რომელიც ეძღვნება სწორედ, რომ ე.წ. ექსტრემალურ მოვლენებს. თუკი მას კარგად ჩავუღრმავდებით, უთუოდ დავინახავთ შემდეგს: იგი რეფლექტურ დონეზე გამოხატავს იმ ინტენციონალობას (ანუ მიმართულობას), რითაც ხასიათდება საერთოდ თანამედროვე ცნობიერება აღნიშნულ მოვლენათა მიმართ. სხვა სიტყვებით რომ ვთქვათ, ეს რეფლექსიები თავისებური ეგზემპლარია, რომელშიც კარგად გამოსჭვივის ამ კატაკლიზმების ეპოქალური აღქმის არსი. ამიტომაც ჩვენი მოკლე ანალიზი ეყრდნობა ბოდრიარის აზრის არაორდინარულ მოძრაობას და შევეცდებით წარმოვაჩინოთ მისი ცალკეული მნიშვნელოვანი შტრიხები.

„შიდსი, კრახი, კომპიუტერული ვირუსები, ტერორიზმი (და ამას ემატება სტიქიური კატასტროფები – ი. ბ.) ისინი დაკავშირებული არიან ნათესაური კავშირებით“.* (* თარგმანი – ი. ბ.). „არცერთს ამ მოვლენათაგან არა აქვს პრივილეგია სხვათა წინაშე – ისინი წარმოქმნიან ერთიან თანავარსკვლავედს“. დიახ, ბოდრიარის მიხედვით ეს განსხვავებული სახეობის ექსტრემალური მოვლენები, რითაც აღბეჭდილია თანამედროვე სამყარო, საერთო ძირიდან მოდიან. რამ განაპირობა მათი ექსპანსია? არის თუ არა იგი „პასუხი“, „რეაქცია“ რაღაც პროცესზე, რომელიც პოსტინდუსტრიულ ცივილიზაციაში მიმდინარეობს? რა არის ეს პროცესი? ბოდრიარი მასთან დაკავშირებით სარგებლობს უცნაური ტერმინით: „ოპერაციული სითეთრე“. „ჩვენს საზოგადოებას დაეუფლა სისხლის გათეთრების რალაცნაირი სახესხვაობა“ გლობალურად მკვიდრდება ჰომოგენური და გამჭვირვალე სასიცოცხლო გარემო ანუ ის უნივერსალური სივრცე, სადაც გაფანტულია, განზავებულია რადიკალური განსხვავებები, წინააღმდეგობები. აქ ჭარბობს შუქი და ძალზედ მცირდება ჩრდილი. „ჩვენ თითქოსდა ყოველი მხრიდან განათებული ვართ ტექნიკით, ხატებით, ინფორმაციებით“ და ეს იმ გრანდიოზული ქიურ-გიული ოპერაციის შედეგია, რომელიც ტარდება ბუნებაზე, კულტურებზე, ფსიქიკაზე და რომელიც დღესდღეობით გადამწყვეტ ფაზაში შედის. „ყველაფერი უნდა მიქლვანას ნივთთა ამ ოპერაციულ გადაგვარებას“.

აღნიშნული დიდი ექსპერიმენტის გამოისობით ჩვენ აღმოვჩნდით მოქცეული ზეინტეგრირებულ სისტემებში – პოლიტიკურად, ტექნოლოგიურად, ეკონომიკურად ზეინტეგრირებულ სისტემებში, სადაც თითქოსდა თავს მაქსიმალურად საიმედოდ და დაზღვეულად უნდა ვგრძნობდეთ. მაგრამ სწორედ აქ დაგვეუფლა იმუნური

დეფიციტი, რაც სავსებით გასაგებია. „თუკი იმუნური სისტემა სუსტდება, ეს ხდება, რადგანაც ხშირად პროგრესად ნოდებულ შეუქცევად ტენდენციას მივყავართ იმისკენ, რომ ადამიანურ სხეულს და გონებას დააკარგვინოს მისი დამცავი თვისებები, რათა გადაიტანოს ისინი ხელოვნური არსებობის ტექნიკურ სფეროში“. „ყველა ინტეგრირებული და ზეინტეგრირებული სისტემა, ტექნიკური სისტემები, სოციალური სისტემა, თავად აზროვნება ხელოვნურ გონებაში და მის წარმოებულეში მიისწრაფვის იმუნური დეფიციტის ამ ზღვრისაკენ“. და აი, მაშინ ასეთ სისტემებში იწყება ვირუსული გავრცელება სხვადასხვა ანომალური დაავადებების – ტერორიზმის, ავადმყოფობების, სტიქიური კატასტროფების „ექსტრემალური მოვლენების მოსპობის სურვილი აბსოლუტურად ილუზორულია. ისინი გახდებიან სულ უფრო და უფრო ექსტრემალური ჩვენი სისტემის ფალსიფიკაციის დონის ზრდის შესაბამისად“. ეს ახალი, ე.ი. არატრადიციული საფრთხეები ადამიანის მხრიდან მიდგომას, „მოხელთებას“ ანუ მართვას არ ექვემდებარებიან, არა იმიტომ, რომ ჯერჯერობით ამის ინტელექტუალური და ტექნიკური რესურსები არ გაგვაჩნია, არამედ არსებითად – თითქოსდა გაიხსნა „ჰანდორას ყუთი“ რალაცის ნიაღში! და ამიტომ, ადამიანი ცოცხლობს დღევანდელ სამყაროში პერმანენტული და ტოტალური მუქარის ცნობიერებით – ნათელი თუ ლატენტური ცნობიერებით. იგი მუდმივი მოლოდინია ამ მუქარისა. ეს უკანასკნელი პრინციპულად დაუძლეველია, ვინაიდან მოდის ჩვენთვის სრულიად არათანაზომიერი სანყისიდან; დიახ, იქიდან, რასაც უცხო ანუ იდუმალს ვუწოდებთ.

„ჩვენ ეკლექტიკურ კულტურაში, რომელიც შეესაბამება სხვა კულტურების დაშლასა და შექუჩებას, არაფერია მიუღებელი“. დიახ, ვშთანთქმებ და ავითვისებ რა ყოველივე, ახლა ამ „ნაყოფანებისა“ და „ინტოქსიკაციისაგან“ დაგვეწყოს მწვავე ალერგია: გვინდა ყველაფერი ამოვიღოთ, უკუვაგდოთ. „მიუღებლობა, უკუგდება, ალერგია – ენერჯის განსაკუთრებული სახეა“. და სწორედ მას განეკუთვნება ჩვენი დროის უცნაური მოვლენები: ვირუსული პათოლოგიები, ტერორიზმი და ა.შ. „თავად ბუნებრივი კატასტროფები გვეჩვენებინან ალერგის რალაც სახესხვაობად, ბუნების მიერ უკუგდებად ოპერაციული ზემოქმედებისა ადამიანური მოდგმის მხრიდან“.

უნივერსალიზაციის „დასავლური“ ექსპერიმენტი კრახს განიცდის: „ჩვენ კი მოვსპობთ ყველაფერი, რაც გარედან მოდის“ – მოვინდომეთ ყოველივეს აბსორბაცია ერთიან, გლობალურ ვესტერნულ სისტემაში და შედეგად მივიღებთ ტოტალური ვირუსული უკუეფექტი. დიახ, „ჰუმანიტარული უნივერსუმი, განსხვავების უნივერსუმი (ე.ი. რომელიც პოლიფონიურად თავის თავში მოიცავს განსხვავებათა მთელ სპექტრს – ი.ბ.) ყველგან სრულ ჩიხში ექცევა“

ამკარად ვწვდებით, რომ ბოდრიარის ამ აზრთა მსვლელობაში მეტყველებს საერთოდ თანამედროვე ცნობიერების არსი და ამიტომ, ჩვენთვის გასაგები ხდება, თუ როგორ ეცხადებიან ეს ექსტრემალური ხდომილებები ამ ცნობიერებას და რა საზრისს იძენენ ისინი.

სახელდობრ, მათ ჩვენ არ ვისაზრისებთ, როგორც რალაც ღვთის სასჯელს ან როგორც მხოლოდ კონკრეტული მიზეზების და პირობების შედეგებს: დღეს ჩვენ მიერ ამ კატაკლიზმების გაგება არ ატარებს არც აპოკალიპტურ-რელიგიურ და არც სციენტისტურ ხასიათს. ცხადია, აღნიშნულ ხდომილებებს თავისი კონკრეტული მიზეზები აქვთ. ვთქვათ, ტერორიზმს – ცივილიზაციური, სოციალურ-პოლიტიკური, ფსიქოლოგიური მინისცვრებს – გეოფიზიკური კომპიუტერული ვირუსების გავრცელება ხომ გარკვეული ადამიანური მოტივაციითა და ტექნიკური შესაძლებლობებითაა განპირობებული და ა.შ. და რა თქმა უნდა ყოველივე ეს მეცნიერული კვლევის საგანს შეადგენს. მაგრამ ჩვენ გაგებაში „ვირუსული შემოტევა“ არსებითად განპირობებულია უფრო ღრმა და საყოველთაო საფუძველით, რომელიც საერთოდ შესაძლებელს ხდის მათ პროვოცირებას ამა თუ იმ კონკრეტული მიზეზებით. „ის აწყობს აი, ამ აფეთქებას და ეს მორიგი ფაქტი ტერაქტთა უსასრულო ჯაჭვში წარმოადგენს შედეგს მისი მოტივების, გარეშე ფაქტორების, ხელშემწყობი პირობების და ა.შ. მაგრამ ის ამას აკეთებს არა უბრალოდ ზემოთ ჩამოთვლილი ვითარებების გამო, არამედ, რადგანაც „რალაცა“ აკეთებინებს და ე.ი. რადგანაც იგი ჩართულია ტერორიზმის გლობალური გავრცელების ფატალურობაში. მისი ქმედება არის ერთ-ერთი გამოვლინება ამ ფატალურობისა; ის არის გამოვლინება პირველსანყისის ანუ ყოფიერების „რეაქციისა“ ჩვენი ცივილიზაციის ზეინტეგრაციული პროცესის მიმართ. მაშასადამე, თანამედროვე ცნობიერება ამ კატაკლიზმებს ისაზრისებს, როგორც სწორედ ყოფიერების „რეაქციას“: ჩვენ მოვინდომეთ ყოველივეს აბსორბაცია – „უცხო“ დაძლევა და მონელება კულტურებში, ბუნებაში, ფსიქიკაში და სამყაროს ეს ათვისება საოცარი უკუეფექტით შემოგვიბრუნდა. როდესაც ვირნმუნეთ, რომ სამყარო პრინციპულად ხელმისაწვდომი და ხელთმყოფია ჩვენთვის; რომ ჩვენ ყველგან თავდაჯერებულად შინ-ყოფნა შეგვიძლია; რომ ირგვლივ ყოველივე თანმიმდევრულად ექვემდებარება უნივერსალურ ტრანსპარენტულ სისტემაში მოქცევას და რომ არაფერი გაუმჭირვალე და იდუმალი ბუნებაში არ შეიძლება დარჩეს ამ ტრანსპარენტულობის მიღმა, აი, სწორედ მაშინ იფეთქა უცხო და იდუმალმა არსებითად უმართავი გლობალური კატაკლიზმების სახით და ამ ბედისწერამ უცებ დაგვაყენა ჩვენთვის სრულიად არათანაზომიერი სანყისის პირისპირ – ყოფიერების პირისპირ

გრანდიოზული ექსპერიმენტი ბუნებაზე დასასრულს უახლოვდება იგი დაიწყო ინდუსტრიულ ეპოქაში და პოსტინდუსტრიულ ცივილიზაციაში უკვე სულ სხვა მასშტაბი და ფორმა შეიძინა. მისი გამოისობით ჩვენ აღმოვჩნდით „სასიკვდილო დისტანციაზე“ ყოფიერებისგან: ეს არის ზღვარი, უკიდურესი ზღვარი რასაც დავმორდით, იგი თავად მოგვანვა მთელი ძალით! ჩავიკეტეთ რა თითქოსდა საიმედოდ ჰერმეტიზირებულ ხელოვნურ სისტემაში, მან შემოგვიტია და დაგვობობა „ვირუსების“ გრიგალით დიახ, ჩვენ წინაშე თამამდება დიდი ონტოლოგიური ხდომილება: სახეზეა პირველსანყისის შემოტევა!

საბა სულხანიშვილი

„მეუა თუ ვითარ გვინოდებენ მხნეთა ივერთა“

*

გიორგი ერისთავის
ხსოვნის საღამო

ალექსანდრე ორბელიანის საზოგადოების თბილისურ თავყრილობათა ციკლში მეასე საღამოს თეკლა ბატონიშვილის ხსოვნას მივუძღვნიდით.

მომხსენებელი ნინო ვახანია იქნებოდა.

საგანგებოდ შეირჩეოდა თემა.

საგანგებოდ შეირჩეოდა მომხსენებელიც.

საიუბილეო შეკრებას სწორედაც დაამშვენებდა თეკლა ბატონიშვილის სახელიც და იმ პიროვნებისაც, ვინც ჩვენს დროში ასე მიზანდასახულად წამოსწია ალექსანდრე ორბელიანის სახელიც, მისი გარემოცვისაც, და თვალსაჩინო ღვაწლიც დასდო მისი სახელობის საზოგადოების საქმიანობასაც.

ეს შეხვედრა ამ ექვსი წლის წინათ გაიმართება.

წლებანდელ გაზაფხულის სეზონს დამთავრებულად რომ გამოვაცხადებთ და მსმენელებს სექტემბრის ბოლომდე გამოვემშვიდობებით, ისე შეჩოქოლდებიან და აბუზღუნდებიან, ასე ნაადრევად რატომ მოვათავეთ შეხვედრები, შუა ზაფხული კი დაგვიდგა, მაგრამ კიდევ ერთი საღამო რომ გაიმართოს, არაფერი დაშავდებაო, ხალხის ამ მონდომებასა და თხოვნას კანონად მივიღებთ, უკანვე წავიღებთ ჩვენს გამომშვიდობებას და სახელდახელოდ დავთქვამთ, კიდევ ერთ თავყრილობაზე შევიკრიბოთო.

მაგრამ საღამო რას უნდა მიძღვნოდა, რა თემა შერჩეულიყო.

ახალი წიგნის წარდგინება?

თუ განხილვა?

აუდიტორია ყველაფერზე თანახმაა, ოღონდაც ის შეკრება აუცილებლად გაიმართოს.

ხსოვნის საღამო ხომ არა?

რამდენი ხანია 1832 წლის შეთქმულების მონაწილე აღარ გავგისხენებია.

კარგი იქნება... მაგრამ რომელი? აი, თუნდაც... თუნდაც გიორგი ერისთავი.

მაგრამ მოხსენებას ვინ აიღებს თავის თავზე – ასე სასწრაფოდ და თანაც ცოცხლად, მიმზიდველად, ექსპრესიულად ვინ წარმოსახავს მის მღელვარე ბიოგრაფიასა და ღვაწლს?

ნინო ვახანია, უთუოდ ნინო, ვინც ძალიან კი შეცბუნდება: ვაითუ მომზადება ვერ მოვასწროო, – მაგრამ ისე შეჩერდება არჩევანი მასზეც და ქართული დრამატურგიის მამაზეც, რომ, სხვა რა გზა აქვს, დაყაბულდება და კიდევ დაამშვენებს ჩვენი ლიტერატურული შეხვედრების დაუსრულებელ ნაკადს კიდევ ერთი შესანიშნავი გამოსვლით.

გიორგი ერისთავის ხსოვნის საღამომდე ერთი-ორი დღით ადრე რატომღაც ჩავუკვირდებით: ნეტა მერამდენა ეს თავყრილობა თბილისურ ციკლშიო. გადავიანგარიშებთ, გადმოვიანგარიშებთ... დაახლოებით მეორასე უნდა იყოს... თუმც რად გვინდა ეს „დაახლოებით“, ზუსტად დავადგინოთ. აჰა, არცერთი არ გამოგვრჩენია და... ზუსტად მეორასეა – არც ერთით მეტი, არც ერთით ნაკლები.

და ისევ 1832 წლის შეთქმულების მონაწილეზე.

და ისევ ნინო ვახანიამ უნდა წარმოსახოს მისი ბიოგრაფიული ქარგა და ფსიქოლოგიური პორტრეტი.

გინდ საგანგებოდ შეარჩიე, გინდ შემთხვევას მიანდე – მაინც ასე უნდა მოხდეს და ასე.

ამ შინაგან კანონზომიერებასაც აღნიშნავს ამ თავყრილობათა უცვლელი ხელმძღვანელი თავის გამოსვლაში და სიტყვას გადასცემს ნინო ვახანიას, ვისი თხრობის მომხილავი, დარბაისლური, სადა, სულიერად ანთებული კილოს წყალობით მსმენელი თითქოს თვალდათვალ შეჰყურებს გარდასულ ამბებს და ცოცხლად აღიქვამს დრამატულ სცენებსაც და ცალკეულ ფაქიზ ნიუანსებსაც.

შეთქმულების გმირებს სწორედ ასე სჭირდებათ შემოყვანა და დამკვიდრება საზოგადოებრივ ცნობიერებაში, რადგანაც მათი გარდასულობა პირობითია და კვლავაც გრძელდება მათი თავგანწირული სწრაფვა ძლიერი ქართული სახელმწიფოს დასაფუძნებლად, სახელმწიფოსი – თავისი ზნეობრივი საფუძვლებით, ეროვნული ცნობიერებით, თვითმყოფადი კულტურის შენარჩუნება-გაღრმავებით და სხვა სახელმწიფოებრივი ატრიბუტებით, რაც თავისთავად, აღმოცენდება ამ საძირკველზე.

17 წლის ყმანვილკაცი გახლდათ გიორგი ერისთავი, ელიზბარ ერისთავი რომ გაანდობდა საიდუმლო ორგანიზაციის არსებობას და ისიც ისე მონდომებით ჩაებმოდა იატაკქვეშა საქმიანობაში, ცალკე მძაფრ პატრიოტულ თხზულებას შექმნიდა ბახტრიონის აჯანყებაზე, საკმა-



ოდ გამჭვირვალე მინიშნებებით, რუსული უღლის გადაგდებას რომ გულისხმობდა, და ცალკე ფილადელფოს კიკნაძეს დაუკავშირდებოდა თელავში, შუამთის მონასტრის ბერს, წამოიღებდა მისგან „აქტი გონიურს“ – საიდუმლო ორგანიზაციის წესდებს – გააცნობდა სხვა შეთქმულებებს და ყველას მასზე დააფიცებდა.

პოემის – „ზარე და ყანიმათ“ – ნაწყვეტს რომ გამოაქვეყნებდა სოლომონ დოდაშვილის ჟურნალში „სალიტერატურონი ნაწილი ტფილისის უწყებათანი“, რომელიც განზრახული გახლდათ შეთქმულთა იდეების პროპაგანდისათვის, ის ფრაგმენტი დაბოლოვდებოდა სტრიქონებით, პოემის არცერთ გამოცემაში რომ აღარ განმეორდებოდა, რადგანაც მკაფიოდ ამოიკითხავდა ცენზურა, რომ „თათარნი“ გულისხმობდნენ რუსებს და მხოლოდ რუსებს:

**თუ მიეპაძათ ჩვენთა ივერთა,
ვით ვერ განწყრიდნენ თვისგან თათართა.**

ამბოხების მცდელობას ავღაბრის ყაზარმაში გამომწყვდევა, გასამართლება და ვილნოში, პოლონეთის ქალაქში, გადასახლება მოჰყვებოდა („მივალ, გარნა-ლა სული აქ მრჩებისო“, – მისწერდა გადასახლების წინ თავის მეგობარს სვიმონ მაჩაბელს). იქ, თუნდაც შეჭირვებულ, ხშირად სასოწარკვეთილ ყოფას ადვილად არ დაემორჩილებოდა და პოლონურ ენასაც შეისწავლიდა და პოლონურ კულტურასაც ზედმინევენიტ გაეცნობოდა, სამშობლოში დაბრუნებული კი ხორცს შეასხამდა თაობების ოცნებას და ორ ისეთ უმნიშვნელოვანეს საქმეს აღასრულებდა 50-იან წლებში, ერთისთვისაც რომ მოება თავი, მაშინაც დიდების შარავანდით შევიდოდა ქართული კულტურის, საქართველოს ისტორიაში:

ქართული თეატრის შექმნა
და
ჟურნალ „ცისკრის“ დაარსება.

მომხსენებელი სახოვნად მიმოიხილავს მის ამ ღვაწლსაც, დრამატულ ქმნილებებსაც („გაყრა“, „დავა“, „უჩინმარინის ქუდი“, „ყვარყვარე ათაბაგი“...), ლექსებსაც, სამოგზაურო ნარკვევსაც ევროპის გზებზე, და მის გამოსვლას მომხიბლავად შეერევა გიორგი ერისთავის სიყვარულის ისტორიაც – ერთი განზილებული სიყვარული, მეორე...

მკვლევართაგან არავის დატოვებს მოუხსენიებლად ნინო ვახანიას, საგანგებოდ კი გამოაცალკევებს იონა მეუნარგიას, გიორგი ერისთავის პირველ ბიოგრაფოსსა და საერთოდ თვალსაჩინო მოვლენას ქართული მხატვრულ-დოკუმენტური ჟანრისა.

გულგატეხვასაც ვერ გადარჩებოდა გიორგი ერისთავი, რაც არაერთი დიდი მოღვაწის ხვედრი ყოფილა.

ამიტომაც განმსჭვალულა მძაფრი ტკივილით მიხეილ თუმანიშვილის მემუარული პასაჟი:

„რომ ვერ გააწყო თავისი გრძნობა ჩვენზედ, გიორგი ერისთავმა დაანება თავი ჟურნალსაც, თეატრსაც და თითქო ასე გვითხრაო გულ ამოხვრით: „როგორც გინირავთ, ისე სწირეთო!..“ მას აქეთ პოეტი სულ სოფელში ცხოვრობდა, თბილისის ხმაურობას მოშორებული, ათასში ერთხელ თუ ჩამოვიდოდა ქალაქში და გააგონებდა აქ

თავის მოსწრებულ და ტკბილად მოუბარ ენას თავად-აზნაურობის კრებაზე, ან სხვაგან სადმე კერძო საზოგადოებაში.

და ჩვენც გული უნდა დაგვწყედეს, რომ არ შემონახულა გიორგი ერისთავის მჭევრმეტყველების ნიმუშები, ქართული ორატორული ხელოვნების უსათუოდ ერთი სახიერი რკალი.

საღამოზე აღარც გიორგი ერისთავის ცხოვრების უკანასკნელი წლები მიყრუვდება, აქამდე რომ მკვლევართა მხედველობის მიღმა რჩებოდა და ზოგად ფრაზებში მოექცეოდა – ჩამოშორდა სამწერლო და თეატრალურ ასპარეზს და მშობლიურ სოფელ ხიდისთავში გამოიკეტაო. ოთარ ჩხეიძე ვერ იყაბულებდა ამ უკანასკნელი წლების ამგვარ შეფასებას, რადგანაც გიორგი ერისთავის ენერჯისა და მიზანდასახულების კაცი მარტოვან თავის ხელნაწერებსა და ფიქრებს ვერ მიეცემოდა, თუნდაც საზოგადოებაზე გულაყრილი ყოფილიყო, და კიდევ გაარკვევდა, რომ ხიდისთავში „გამოკეტილი“ მწერალი უხელმძღვანელებდა გორში თეატრალური დასის შექმნას და მოამზადებდა პრემიერასაც, თუმც ამ დღეს თვითონ ვეღარ მოესწრებოდა, 1864 წლის 9 სექტემბერს რომ აღესრულებოდა და დაიკრძალებოდა სოფელ იკორთას, ერისთავთა ძვალშესალაგში.

მომხსენებლის შემდეგ მოკლე სიტყვას წარმოთქვამდა ლევან ბრეგაძე შესახებ გიორგი ერისთავის თხზულებათა 1966 წლის გამოცემისა, რომლის ტექსტიც დაადგინა, ბიოგრაფიული მონაცემები, ენობრივი მიმოხილვა, ვარიანტები, შენიშვნები და ლექსიკონი დაურთო ოთარ ურიდიამ.

ეს გამოცემა მიიჩნია სანიმუშოდ, როგორც ნამდვილი პროფესიონალიზმისა და კეთილსინდისიერების გამოვლენა, და თავისებურ ძეგლად არამარტო ქართული დრამატურგიის მამის, არამედ გამომცემლისაც, ვინც კოლორიტული ლექტორი გახლდათ ქართული ენისა თბილისის სახელმწიფო უნივერსიტეტში და მის აღზრდილებს, მათ შორის, ბ-ნ ლევანსაც, არაერთი რამ აქეთ კეთილად მოსაგონარი.

... თქვენ ხართ იგინი, სად სიგიჟით და თავხედობით ჰგონებდით სამნი, რომ სპარსეთსა სრულ დაამზობდით? – ბობოქრობდა შაჰი გიორგი ერისთავის პოემაში და მის მრისხანებასა და მუქარაში რუსეთის იმპერატორის ბობოქრობა გამოხვეულიყო, ბიძინა ჩოლოყაშვილის, შალვა და ელიზბარ ერისთავების პასუხში კი 1832 წლის შეთქმულთა სულისკვეთება:

– ივერსა შინა აღარ გეგონათ ძენი მამულის?

ეს ის სტრიქონია, რომელიც დაშვენდება ყველა ამბოხს, ყველა შეთქმულებას რუსეთის იმპერიის კაბალი-საგან თავდასალწვევად და საერთოდ მთელ ჩვენს ეროვნულ-განმათავისუფლებელ მოძრაობას.

„მაშა თუ ვითარ გვინოდებენ მხნეთა ივერთა, თუ ვერ განვდეგენით ჩვენის საზღვრით მამულის მტერთა“ – უკვირდა გიორგი ერისთავს და ამ სიამაყეს უნერგავდა თანამედროვეთაც და შთამომავალთაც, რაკილა საკუთარ თავზე ეწვინია, რომ მთლად ერთბაშად და ადვილდაც ვერ მოხერხდებოდა საქართველოს დამოუკიდებელი სახელმწიფოს ამოგება.

მაია ჯალიაშვილი

MEMENTO MORI

**ღირდა თუ არა სხვა სიცოცხლეზე
ოცნება ჩუმი და ფერმიხდილი?
მე გზა არ ვიცი უახლოესი:
ერთადერთი გზა არის სიკვდილი**

– წერს გალაკტიონი. ხშირად პოეტები ინტუიციით გრძნობენ და მხატვრული სახე – სიმბოლოებით გადმოსცემენ „სხვა სიცოცხლეს“, რომელიც მხოლოდ სიკვდილის კარიბჭის გავლით მოიპოვება. მემენტო მორი – პოეტებს ყველაზე ფხიზლად ახსოვთ და სიკვდილს ერთგვარად უშინაურდებიან კიდევ. სწორედ ისინი აღწერენ ყველაზე შთამბეჭდავად უხილავი, მიღმა სამყაროს სანახებს. ზოგნი შიშითა და კრძალვით, ზოგნი თამაშითა და ირონიით (მაგალითად, დავით გურამიშვილი), მაგრამ ყველანი მაინც ერთგვარი იდუმალებით მიისწრაფვიან იმ მისტიკური ფარდის ასახდელად, რომლის მიღმა იმალება გამოუცნობი. მრავალმა აღწერა სამოთხისეული ნეტარებანი თუ ჯოჯოხეთის ტანჯვანი, მათ შორის ყველაზე სახიერად დანტე ალიგიერმა, მაგრამ სიკვდილი მაინც დარჩა, როგორც უცხო და მიუღებელი.

**და ეცემოდნენ სადღაც წვიმები,
შორეულ ღრუბლის სანაპიროდან.
კუბოსთან იდგნენ სერაფიმები,
და ღვთისმშობელი ჩემზე ტიროდა**

– ასე წარმოუდგებოდა გარდაცვალება ტერენტი გრანელს, რომელსაც არც სიცოცხლე უნდოდა, არც სიკვდილი, არამედ რაღაც სხვა.

სულხან-საბა სიკვდილს განმარტავს, როგორც სულისა და ხორცის გაყრას და ასე ესმის ის მთელ ქრისტიანულ სამყაროს. სული სიცოცხლეს აგრძელებს სიკვდილის შემდეგაც, რადგან ის ღვთაებრივია, უკვდავი ღმერთის ნაწილია, მაგრამ როგორია ის სხვა სიცოცხლე? რა ემართება სულს გარდაცვალების შემდეგ? სწორედ ამის შესახებ მოგვითხრობს XX საუკუნის ერთ-ერთი გამოჩენილი მართლმადიდებელი მოღვაწე, მღვდელმონაზონი სერაფიმ როუზი, რომლის ნიგნები „სულიერ კლასიკადაა“ აღიარებული. „სული გარდაცვალების შემდეგ“ (თანამედროვე „სიკვდილშემდგომი“ გამოცდილებანი მართლმადიდებელი ეკლესიის სწავლების შუქზე) – ასე ეწოდება მის ნიგნს, რომელიც შესანიშნავად თარგმნა მარიამ ნიაურმა. ქართველი მკითხველი აქამდეც იცნობდა ამ მამის ნაწერებს, მათ შორის, „სამეუფო გზასა“ და „ზეციურ სასწაულებს“. ღვთისმეტყველმა მამამ ამ ნიგნით ორი მიზანი დაისახა და შეასრულა კიდევ. პირველ რიგში, თანამედროვე „სიკვდილშემდგომი“ გამოცდილებანი საიქიო ცხოვრებაზე მართლმადიდებლური თვალსაზრისით განმარტა და, მეორე მხრივ, წარმოადგინა საიქიო ცხოვრებაზე მართლმადიდებლური სწავლების ძირითადი წყაროები და ტექსტები. მამა როუზი ნიგნში გადმოგვცემს იმ სწავლებას, რაც, მისივე აზრით, დასაბამითვე მოგვცა ქრისტეს მართლმადიდებელმა ეკლესიამ და ეს სწავლება წმინდა მამათა თხზულებებში,

წმინდანთა ცხოვრებებსა და მართლმადიდებელი ეკლესიის ღვთისმეტყველებაშია გადმოცემული.

საგულისხმოა ამ მოძღვრების ერთგვარი სიმარტივე, რაც, ერთი შეხედვით, გულუბრყვილოდ შეიძლება მოეჩვენოს მავანს, მაგრამ ყოველი ჭეშმარიტი სწავლება ხომ სწორედ ამგვარი უბრალოებით გამოირჩევა. ნიგნის წერისას მამა როუზისთვის შთაგონების ძირითად წყაროდ ქცეულა დიდი რუსი ღვთისმეტყველის, ეპისკოპოს ეგნატეს (ბრიანჩანი-ნოვის) შრომები. სწორედ მან ამხილა ამ საკითხის თაობაზე რომაულ-კათოლიკური და სხვა ყალბი თვალსაზრისები. ასევე, ეპისკოპოს თეოფანე დაყუდებულის, წმ. მთავარეპისკოპოს იოანე მაქსიმოვიჩისა და სხვათა ნაწერები.


მამა სერაფიმე ნიგნში, მართლმადიდებლური წყაროებისა და განმარტებების გარდა, საჭიროებისამებრ, მოიხმობს ამ საკითხზე არსებულ თანამედროვე არამართლმადიდებლურ და ოკულტურ ლიტერატურასაც. იგი ამ ცრუსწავლებებს მიუკერძოებლად გადმოსცემს, რათა ჩვენი დროის მკითხველს, ეჭვებით მოსილს და დაბნეულს, შესაძლებლობა ჰქონდეს თავისუფალი არჩევანისა. თანაც, ეს არამართლმადიდებლური ტექსტები მხოლოდ ფაქტობრივი გამოცდილების თვალსაზრისით, ცალკეულ შემთხვევებში, საოცრად ადასტურებენ მართლმადიდებლურ ჭეშმარიტებებს. ამიტომაც ნიგნში დიდი ადგილი ეთმობა არაქრისტიანული გამოცდილებების განხილვასაც. მამა სერაფიმემ თავისი ინტერპრეტაციები პირობითი ფორმით წარმოადგინა და აღნიშნა, რომ მის ნიგნს საიქიო ცხოვრებაზე მართლმადიდებლური სწავლების ამომწურავად გადმოცემის პრეტენზია არ ჰქონდა. მას ეს შეუძლებლადაც მიაჩნდა ცოცხალი ადამიანისთვის. მისი აზრით, სიკვდილი არის პროცესი, რომელიც ამ ცხოვრებაში იწყება და მარადისობაში სრულდება, სადაც ჩვენ პირისპირ ვიხილავთ იმას, რასაც ახლა „ვითარცა სარკითა და სახითა“ ვხედავთ (1კორ. 13. 12). მამა სერაფიმი საგანგებოდ მიმოიხილავს XX საუკუნეში განსაკუთრებულად მომრავლებულ „მიღმურ სამყაროსთან“ კონტაქტებს და ამ მოვლენას აპოკალიფსის ერთ-ერთ ნიშნად მიიჩნევს. მას რეალურად მიაჩნია არამართლმადიდებლურ ნიგნებში აღწერილი სიკვდილშემდგომი გამოცდილებანი და ფიქრობს, რომ ეს არის დემონურ ძალებთან კონტაქტის ამსახველი გამოცდილება და არა ჰალუცინაცია. ქრისტიანული ცხოვრების მიზანი სასუფეველის მოპოვებაა, „საიქიო უფრო რეალურია და უფრო ახლოა, ვიდრე გვგონია“. ეს ნიგნი დაეხმარება ქრისტიანებს, აირიდონ დემონთა მახეები.

სიკვდილის შემდგომ რომ სიცოცხლე გრძელდება, ეს აღწერილია ცნობილ მეცნიერთა და ექიმთა ნიგნებშიც. მას შემდეგ, რაც შესაძლებელი გახდა „კლინიკურად გარდაცვლილთა“ რეანიმაცია, ბევრი „მკვდარი“ (რომელთაც არ ჰქონდათ პულსი და გულისცემა) დაუფარავად ყვებოდა სიკვდილის შემდგომ განცდებზე. მამა სერაფიმ როუზი იკვლევს, თუ რატომ გახდა ეს თემა ასეთი პოპულარული XX საუკუნის მეორე ნახევარში. ამ მოვლენას „დროის ნიშნად“ მიჩნევს. იგი ვრცელად ჩერდება ამერიკელი ფსიქიატრის დოქტორ რეიმონდ მუდის ნიგნზე „სიცოცხლე სიცოცხლის შემდგომ“ (1975), სადაც მომაკვდავთა გამოცდილებანია აღწერილი. ამ ნიგნს განსაკვიფრებელი წარმატება ხვდა წილად. მუდმა მოპოვებული მასალის აღწერით, ანალიზითა და კლასიფიკაციით შექმნა სიკვდილის შემდეგ სიცოცხლის გარკვეული მოდელები, მაგრამ აღიარა, რომ ამ საკითხის მეცნიერული შესწავლა პრაქტიკულად შეუძლებელი იყო, ამიტომაც ახსნის ძიება დაიწყო ოკულტურ შეხედულებებში, უპირველესად,

სვედენბორგის თხზულებებსა და ტიბეტურ „მკვდრების წიგნში“. მამა სერაფიმე განიხილავს ამ და სხვა მსგავს წიგნებსაც, მათ შორის, ელიზაბეტ კუბლერ-როსის „სიკვდილი არ არსებობს“ და კ. იკსკულის „ბევრისთვის დაუჯერებელი, მაგრამ ნამდვილი ამბავი“. ამ უკანასკნელმა ავტორმა თვითონ განცადა 36 საათიანი სიკვდილი, რის შემდეგაც ურწმუნოებიდან ჭეშმარიტ მართლმადიდებელ აღმსარებლად იქცა და მონაზვნადაც აღიკვეცა.

მამა სერაფიმეს დაკვირვებით, ქრისტიანი წმინდანის სიკვდილშემდგომ გამოცდილებას დანარჩენების გამოცდილებასთან საერთო ნიშნები აქვს, მაგრამ არსებითად განსხვავდება და სხვა განზომილება გააჩნია, რომელიც არ ექვემდებარება მკვლევარ-ფსიქიატრთა ანალიზს. თუ ჩვეულებრივ ადამიანები კლინიკური სიკვდილისას გარდაცვლილ ახლობელთა სულებს ხვდებიან, დოქტორ ოსისისა და ჰარლდსონის გამოკვლევებით, ინდუსები ინდუისტური პანთეონის „ღმერთებს“ ხედავენ (კრიშნას, შივას, კალის და სხვა). მამა სერაფიმეს აზრით, ეს დემონებთან შეხვედრაა, როგორც პავლე ასნავლის, ეს „ღმერთები“ არარაა.

წმინდანები ცოცხლებს შეენევიან და იცავენ, გარდაცვლილ ცოდვილებს კი ცოცხლებთან ურთიერთობა არა აქვთ. ნეტარი ავგუსტინეს განმარტებით, ცოცხლებთან მიცვალებულთა გამოცხადება ან „ანგელოზთა“ საქმეა ან ეშმაკთაგან თავსდატყბილი „მზაკრული ზმანებები“, რომლის მიზანია, ადამიანს საიქიოზე ყალბი წარმოდგენა შეუქმნას. სიკვდილის შემდგომ გამოცდილებათაგან საეულისხმოა „მანათობელ არსებასთან“ შეხვედრა. ვინ ან რა არის ის? არის თუ არა ის ანგელოზი? ამაზე პასუხის გასაცემად მამა სერაფიმე მიმოიხილავს მართლმადიდებლურ მოძღვრებას ანგელოზთა შესახებ. სახარებიდან დასტურდება, რომ გარდაცვალებისას სულს ანგელოზები ეცხადებიან – მბრწყინავი თეთრით მოსილი ჭაბუკების სახით. წმინდა მამათა ნაწერების გულდასმით გაანალიზების შემდეგ გამოტანილია დასკვნა, რომ ანგელოზის ბუნება არსებითად მხოლოდ ღმერთმა უწყის, მაგრამ მათი მოქმედების გაგება ყველას შეუძლია. წიგნში განმარტებულია დემონთა ბუნებაც. მათ აქვთ ჰაეროვანი სხეული, მახვილი ალქა და მოძრაობის სისწრაფე. მხოლოდ სულიერად თვალახელი ადამიანი ხედავს დემონებს. წიგნში საუბარია, თუ როგორ ეცხადებიან ანგელოზები და დემონები ადამიანს სიკვდილის ჟამს. ანგელოზებს სულის დაცვა და საიქიო ცხოვრების გზაზე გაცილება ევალებათ, დემონები კი საზვერებში განიკითხავენ და ცილს სწამებენ. მამა სერაფიმეს აზრით, ეშმაკები ადამიანს სიკვდილის ჟამს მისი რწმენის შესაბამისად ევლინებიან. საზარელი სახით მას – ვისაც ჯოჯოხეთის შიში აქვს, ხოლო ვისაც არ სჯერა – დემონები მას ათასგვარ საცდურს სთავაზობენ და ცხადად არ ააშკარაებენ თავიანთ ბოროტ ზრახვებს. ასე რომ, კლინიკურად გარდაცვლილთა მიერ აღწერილ „მანათობელ არსებას“ მამა როუზი „ნათლის ანგელოზად“ მოჩვენებულ ეშმაკად მიიჩნევს, რომელსაც არა მარტო მოკვდავის ცდუნება სურს, არამედ იმათიც, ვისაც შემდეგ ისინი უამბობენ გადახდენილ ამბავს. სიკვდილშემდგომი გამოცდილებების მიხედვით, ზოგი ადამიანი უჩვეულოდ მშვენიერ მდელიებს, ბალებსა და ქალაქებს ხედავს, ზოგს იქვეყნიური მუსიკა ემისა. მამა სერაფიმე ერ-



თმანეთისგან მიჯნავს სხვა სამყაროს ჭეშმარიტ მადლმოსილ ხილვებს და უბრალო ბუნებრივ გამოცდილებებს, რომლებიც კი სცილდებიან ადამიანური გამოცდილების ნორმალურ ჩარჩოებს, მაგრამ არავითარ შემთხვევაში არ წარმოადგენენ სულიერ გამოცდილებებს და არაფერს გვეუბნებიან არც სამოთხის რეალურ ჭეშმარიტებასა და არც ქრისტიანულ მოძღვრებაზე. ამიტომაც ისინი ამქვეყნიურ ჩვენებებადაც მიჩნეული.

მამა სერაფიმე ეყრდნობა დიდ ღვთისმეტყველებს და მსჯელობს იმის შესახებ, რომ სამოთხეში ცოდვით დაცემით ადამიანის ხორციც შეიცვალა და სულიც. ადამიანი მოკვდა, რადგან განშორდა ჭეშმარიტი სიცოცხლე – ღმერთი. „მარადიულ სიკვდილით ჩვენ უკვე მკვდრად ვიპაძებთ“ (გუ-

რამიშვილი: „ცოცხალი შობენ მკვდართა და მკვდარი ცოცხალთა ბადებენ“). დაცემის შემდეგ ადამიანის სხეული ცხოველისას დაემსგავსა. „სხეული სულის დილეგი და სამარეა“, ამიტომ ადამიანს გულმოდგინე სინანულით მართებს განწმენდა. მას შემდეგ, რაც ღვთისგან განდგომამ გამოიწვია ადამიანის სიკვდილი, მას აღარ შეუძლია წმინდა სულებთან ურთიერთობა. ცოდვილ და დაცემულ ადამიანებთან კი დემონები ცხადდებიან და არა ანგელოზები. ისინი მხოლოდ იმათ ეცხადებიან, რომელთაც წმინდა ცხოვრებით ღმერთთან ურთიერთობა აღადგინეს.

გარდაცვალებისას ადამიანის სული სულთა საუფლოს უერთდება. სადაც იოლად შესვლისთვის აუცილებელია საღვთო მცნებებით დღენიადაგ სრულყოფა, სწორედ ამისთვის აქვს მინიჭებული ადამიანს მინიერი ცხოვრება. წმინდა წერილზე დაყრდნობით, მამა სერაფიმე მსჯელობს იმის თაობაზე, რომ სხეულის გრძნობები ერთგვარი კარიბჭეა სულის შინაგანი სამყოფლისა. ეს კარი ღვთის მინიშნებით იღება და იხურება. დაცემულ ადამიანებში იგი მუდმივად დაკეტილია, რათა ადამიანთან მისი დაუძინებელი მტრები – დემონები არ შეიჭრან. ადამიანები ბოროტი სულების ტყვეობაში არიან. დემონები ცოდვილი აზრებითა და ოცნებებით გარედან ცდილობენ მათ ცდუნებას. დაუშვებელია ღვთის ნების გარეშე, საკუთარი ძალებით გახსნას კაცმა თავისი გრძნობები და სულებთან იურთიერთოს, თუმცა ეს მხოლოდ დაცემულ ძალებთან მიიღწევა და სწორედ ამას ახერხებენ ათასგვარი ჯურის მედიუმები და სპირიტისტები.

ახლადგარდაცვლილი სულები აწყდებიან ეშმაკებს, რომელთა სამკვიდრებელი „ჰაერია“. ადამიანის ცოდვითდაცემისა და სამოთხის კარის ჩაკეტვის შემდეგ სატანა თვისი ურდოებით სამოთხისკენ მიმავალ გზაზე დადგა. ბნელი ძალების მიერ საჰაერო სივრცეში მიმავალი სულების განსასაჯვრად სამსჯავროები და მცველებია დადგენილი. დედამინიდან ზეცამდე შრეებში დაცემულ სულთა მოდარაჯე ლეგიონები დგანან, თითოეული ცოდვის განსაკუთრებულ სახეს განაგებს და იქ მისულ სულს განსჯის. მამათა ნაწერებში ეს სამსჯავროები „საზვერებად“ იწოდება, ხოლო იქ მსახური სულები – მეზვერებად. მამა სერაფიმეს აზრით, ადამიანურ ენაზე აღწერილი საზვერებები უნდა გავიგოთ ფიგურალურად. სხეულიდან გასულ სულს ანგელოზები მაიცილებენ, ხოლო ბნელი ძალები აბრკოლებენ. წიგნში ამის ამსახველი უამრავი მაგალითია წმინდანთა ცხოვრებლად. წმინდანები ამ საზვერებს სიცოცხლეშივე მოიხილავენ.

2005 წელს მართლმადიდებლური ბიბლიოთეკის სერით პეტრე-პავლეს ეკლესიის დეკანოზმა არჩილ მინდიაშვილმა თარგმნა და გამოსცა უაღრესად საგულისხმო ნიგნი „როგორ ატარებს სული პირველ ორმოც დღეს სხეულის დატოვების შემდეგ“, რომელშიც წარმოდგენილია საზვერეთა არსებობის შესახებ წმინდა მამათა (წმინდა ეფრემ ასურის, მაკარი ეგვიპტელის, წმინდა იოანე ოქროპირის, წმინდა კირილე ალექსანდრიელის) თხზულებებიდან და წმინდანთა (ანტონი დიდის, ნეტარი იოანე მონყალის) ცხოვრებებიდან გამოკრებილი მონუმბანი. აქვეა საზვერებზე ღირსი თეოდორას მონათხრობი, რომელიც მან ვასილი ახლის მონაფეს – გრიგოლს გამოუცხადა. ღირსმა თეოდორამ აღწერა 20 სხვადასხვა საზვერე, რომელიც მისმა სულმა გარდაცვალების შემდეგ გაიარა. როგორც აღვნიშნეთ, ეკლესია საზვერეებს უწოდებს სამსჯავროებს, ჰაერის სივრცეში დროებით გასაჩერებელ ადგილებს, სადაც ბოროტი სულები ახალგარდაცვლილთა სულებს აკავებენ და ამხილებენ მინიერ ცხოვრებაში ჩადენილი ცოდვებისთვის. საზვერეები, რა თქმა უნდა, ადამიანმა უნდა გაიაროს არა უხეში, გრძნობისმიერი, არამედ სულიერი თვალსაზრისით. ღირსი თეოდორა აღწერს, როგორ შლიდნენ ბოროტი სულები გრაგნილებს, რომლებშიც ყველა მისი ბოროტება, სიტყვით, გულისხმისყოფით თუ საქმით ჩადენილი, იყო ჩანერილი და პასუხს სთხოვდნენ. ორი ნათლით მოსილი ანგელოზი კი მის კეთილ საქმეებს იხსენებდა და სასწორის პინაზე დებდა ბოროტ საქმეთა პირისპირ, მათ გასაბათილებლად.

მამა სერაფიმეს აზრით, გარდაცვალების შემდეგ საზვერეების გავლა – ეს არის მხოლოდ თავისებური და საბოლოო ფორმა იმ საერთო ბრძოლისა, რომელსაც ყოველი ქრისტიანის სული ეწევა მთელი თავისი ცხოვრების მანძილზე. თუ რატომ არ მოიხსენიება სულის მიერ საზვერეთა გავლა თანამედროვე სიკვდილშემდგომ გამოცდილებებში, ამას მამა სერაფიმე იმით ხსნის, რომ ისინი ქარაფშუტულია და მოკლებულია სიღრმეს, ან მხოლოდ სულის მოგზაურობის დასაწყისს შეიცვენენ

ნიგნში გაანალიზებულია და ერთმანეთთანაა შედარებული ეგვიპტური და ტიბეტური „მკვდრების ნიგნები“, მიჩნეულია, რომ ორივე ნიგნი ილუზორული ხილვებითაა სავსე. აგრეთვე, სხვა ოკულტურ ტექსტებთან ერთად საგანგებო ყურადღებაა გამახვილებული შვედი მისტიკოსის ემანუილ სვედენბორგის თხზულებებზე, რომლებშიც იმქვეყნიური ხილვებია აღწერილი. მამა სერაფიმე თეოსოფიის „ასტრალურ სიბრტყეებსაც“ მიმოიხილავს, აღწერს, როგორ აღწევს ადამიანი „სხეულგარეშე ყოფნას“ გარკვეული მეთოდებისა და ვარჯიშების საშუალებით და ასკვნის, რომ ამ გზებით მიღწეული სამყარო არის არა ზეცა, არამედ ცისქვეშეთის საჰაერო სივრცე, რომელიც დაცემული სულებითაა სავსე. მამა სერაფიმე სხეულგარეშე ყოფნისა და სიკვდილშემდგომ გამოცდილებათა მსგავსება – განსხვავებებსაც აანალიზებს.

რით შეიძლება ცოცხალი ადამიანი შეენიოს მიცვალებულის სულს? ლოცვითა და ნირვაზე მოხსენიებით. მოვა დრო, როდესაც ეს ხრწნადი სამყარო დასრულდება და დადგება მარადიული სასუფეველი ღვთისა. ადამიანები აღდგებიან უკვდავი და უხრწნელი სხეულით. მამა სერაფიმე როუზის ნიგნში საუბარია იმ თვალსაზრისთა შესახებაც, რომლებიც სამოთხისა და ჯოჯოხეთის არსებობას ან უარყოფენ, ან ადასტურებენ. მისი აზრით, ისინი ჩვენს „სივრცობრივ-დროით“ სისტემაში არ აღიქმება. იოანე ოქროპირი ურჩევდა მრევლს:

„შენ ის უნდა იცოდე, რომ ჯოჯოხეთი არსებობს და არა ის, სად მდებარეობს იგი. იმისთვის უნდა ზრუნავდე, როგორ აიცილო იგი“

წმინდანთა ცხოვრებაში აღწერილი ამბების მიხედვით, მამა სერაფიმე ზეცის ჭეშმარიტი ქრისტიანული გამოცდილების შემდეგ თავისებურებებს გამოყოფს: ზეცის სულია, ანგელოზთა მიერ სულის თანხლება, ზეცის მკვიდრ სულთა მიგებება, ზეციური ნათლის ბრწყინვალება, ღვთის უხილავი თანაყოფა, ღვთის წინაშე წმინდანთა კრძალვა და შიში, ღვთაებრივი მადლის განცდა, აღუწერელი კეთილსურნელება, ზეცაში შეხვედრა მონამეთა და წმინდანთა სულებთან.

მამა სერაფიმეს აზრით, თანამედროვე სიკვდილშემდგომი გამოცდილებანი ზედაპირული და გრძნობადია. ქრისტიანულ გამოცდილებათა სიღრმე კი მტკიცდება ჭეშმარიტი სასწაულებრივი შემთხვევებით. მართლმადიდებლურ ლიტურჯურაში ჯოჯოხეთის ხილვა ისევე ჩვეულებრივია, როგორც ზეცისა და სამოთხისა.

მამა სერაფიმე სიკვდილშემდგომი გამოცდილებაზე მკვლევართა სწავლებას რამდენიმე პუნქტად აჯამებს: 1. სიკვდილისა არ უნდა გვეშინოდეს. 2. არც სამსჯავრო, არც ჯოჯოხეთი არ იქნება. 3. სიკვდილი უმტკივნეულო გადასვლაა „ცნობიერების უფრო მაღალ მდგომარეობაში“. 4. სიკვდილის შემდგომ ცხოვრების მიზანი „სიყვარულში ზრდის“, „შემეცნებისა“ და „თვითრეალიზაციის“ უსაზღვრო პროცესია. 5. „სიკვდილშემდგომი“ და „სხეულგარეშე“ გამოცდილებანი სიკვდილის შემდეგ სიცოცხლისთვის მზადებაა. ამგვარ სწავლებებს მამა სერაფიმე ემშაკისეულად მიიჩნევს. მათი მიზანია საიქიო ცხოვრებაზე ტრადიციული ქრისტიანული სწავლების შერყევა და ეს არის „დროის სულის“ ნაწილი. მართლმადიდებლური სწავლებით, სიკვდილი ღმერთს არ შეუქმნია და მან ადამის მიერ ჩადენილი ცოდვის შემდეგ შეაღწია ქმნილებაში. გარდაცვალების შემდეგ შეუძლებელია როგორც სინანული, ასევე, ცხოვრების გამოსწორება, ეს კარგად განმარტა მაცხოვარმა მდიდრისა და ლაზარეს შესახებ იგავით. სიკვდილი ის რეალობაა, რომელიც ადამიანს აცნობიერებინებს ამქვეყნიურ და მომავალ სამყაროს შორის სხვაობას და სინანულითა და სინმინდით ცხოვრებას შთააგონებს.

ყოვლადუსამღვდელოესი ეგნატე ურჩევდა ადამიანებს: „სამოთხიდან განდევნილი! ჩვენ დედამიწაზე არც სამხიარულოდ, არც სადღესასწაულოდ, არც სათამაშოდ არ ვიმყოფებით, არამედ – რათა რწმენით, სინანულითა და ჯვრით მოვკლათ ჩვენი მკვლელი სიკვდილი და დავიბრუნოთ დაკარგული სამოთხე“. ნიგნში ჩართულია მთავარეპისკოპოს იოანე (მაქსიმოვიჩის) ჩანაწერები, რომლებშიც საუბარია სიკვდილის შემდეგ სიცოცხლის რაობაზე, სულიერი ხედვის დასაწყისზე, სულებთან შეხვედრაზე. აღწერილია, გარდაცვალების შემდეგ პირველ ორ დღეს როგორ ტკბება სული თავისუფლებით, საყვარელ ადგილებს მოინახულებს, მესამე დღეს კი სხვა სფეროებში გადაინაცვლებს საზვერეების გასავლელად და მხოლოდ მეორმოცე დღეს დაიშვებინებს ღვთისგან მისთვის განკუთვნილ ადგილს.

ჭეშმარიტ რწმენას ადამიანი სიკვდილიდან სიცოცხლისკენ მიჰყავს: „გარდაიცვალოს იგი სიკუდილისაგან ცხოვრებად“ (იოანე, 5, 24). როდესაც ქრისტეს ფარისევლები ჩაეკითხნენ, როდის მოვა ღვთის სასუფეველი, მან უპასუხა: „სასუფეველი ღვთისა შორის თქვენსა არს“ (ლუკა, 17, 21). სული სიყვარულით იშვებს საიქიოშიც და სააქიოშიც.

ნუგზარ მუზაშვილი

არჩევანი

1.

როგორც ძველად ამბობდნენ, ყოველი მწერალი, თუნდაც გოეთესავით მსცოვან ასაკს მიაღწიოს ანდა ბაირონივით ნაადრევად გამოესალმოს წუთისოფელს, სინამდვილეში, მხოლოდ ერთ წიგნს წერს.

ერთი მწერლის შემოქმედება, სინამდვილეში, ყოველთვის ერთი წიგნი, ერთი სამყარო, ერთი ნაგებობაა.

შეიძლება ეს ნაგებობა ძველი მეფეების სასახლეებზე ვიდრე გრანდიოზული ქმნილება იყოს, როგორც, ვთქვათ, ბალზაკის შემოქმედება. ანდა პატარა, მაგრამ იტალიური ვილა-პალაცოსავით თვალწარმტაცი, როგორც, ვთქვათ, სტენდალის შემოქმედება, ერთხელ რომ ნახავ და ველარ დაივინყებ, სადაც არ უნდა ნახვიდე, რამდენი წელიც არ უნდა გავიდეს, სულ რომ თავისკენ გიზიდავს და იმედს არასოდეს გიცრუებს, არც 16 და არც 40 წლის ასაკში...

2.

მიუხედავად იმისა, რომ ჩვენი თაობის მწერალთა შორის როსტომ ჩხეიძე ყველაზე ნაყოფიერია და უკვე ბევრის გაკეთებაც მოასწრო, ისიც ერთ წიგნს წერს, ერთ ნაგებობას აშენებს. შენობის გასრულებას ჯერ ბევრი უკლია, ჯერ არც ხარაჩოები ჩამოხსნილა და არც დაუცხრომელი შრომა წყდება წუთით, მაგრამ ეს დაუმთავრებელი ქმნილებაც კი უკვე ძალზე შთაბეჭედავია ჩვენი კულტურული ლანდშაფტისთვის უჩვეულოდ დიდი სილუეტით.

სხვაგან ალბათ ეს არავის გაუკვირდებოდა, მაგრამ ჩვენში, სადაც ყველაფერს ტრადიციული არასისტემატურობისა და სიზარმაცის კვალი ატყვია, ნამდვილად გასაკვირია ქმნილების ასეთი მასშტაბურობა, ჩანაფიქრის სიღრმე და მოცულობა. ამგვარი შედეგის მიღწევა, რასაკვირველია, მხოლოდ ნამდვილი დასავლური ტიპის სისტემატურობით, შრომისმოყვარეობითა და ადამიანისათვის გამოყოფილი დროის მსწრაფლწარმავლობის მწვავე შეგრძნებითაა შესაძლებელი.

მაგრამ სწორედ ასეთ ფონზე განსაკუთრებით უცნაური და პარადოქსულიც კი გამოჩნდა როსტომ ჩხეიძის დიდი წიგნის ახალი ფურცელი, სახელწოდებით „ქება სიზარმაცისა“.

3.

ქება სიზარმაცისა?!

რა თქმა უნდა, კაცს მაშინვე განთქმული „ქება სისულელისა“ მოგაგონდება, მაგრამ საკმარისია სულ რამდენიმე გვერდის ნაკითხვა, რათა გასაგები გახდეს – „ქება სიზარმაცისა“ არ არის თავისი სახელოვანი წინამორბედით ირონიული წიგნი ირონიული სათაურით.

პირიქით.

ჩემი აზრით, უფრო დრამატული წიგნი, ვიდრე „ქება სიზარმაცისა“, ჩვენში, საერთოდ, ნაკლებად იწერება.

მაშ, რაშია საქმე?

ცხადია, არ უნდა ვიფიქროთ, თითქოს როსტომ ჩხეიძემ სათაურის შერჩევაში დაუშვა შეცდომა. ან თითქოს „ქება სიზარმაცისა“ რაღაც დასანანი გაუგებრობაა, მთლიანად რომ ვარდება მწერლის მიერ აქამდე შექმნილი სამყაროს შინაგანი კანონზომიერებიდან.

ცხადია, არა.

„ქება სიზარმაცისა“ შეიძლება განვიხილოთ როგორც მწერლის შემოქმედების, მთელი მისი მოღვაწეობის ძირითადი მიმართულების დასაბუთება-დაფუძნების სრულიად ახლებური და მიზანმიმართული ცდა. იმდენად რაციონალიზებული და მიზანმიმართული, რომ თვით წიგნის სახელწოდებით გამოწვეული გაკვირვების გრძობაც კი მწერლის ჩანაფიქრის ნაწილია და არცთუ უმნიშვნელო ნაწილი.

ეს ყველაფერი იმას მოასწავებს, რომ როგორც ყველა კარგი წიგნი, „ქება სიზარმაცისა“ გარკვეულ საიდუმლოს შეიცავს, რაც მისი სხვადასხვანაირი ინტერპრეტაციის საშუალებას იძლევა. საამისოდ ძალზე ზოგად, მაგრამ ნათლად ჩამოყალიბებულ მიმართულებას გვთავაზობს წიგნის რედაქტორი ლევან ბრეგაძე მცირე, მაგრამ მაქსიმალურად ინფორმაციულ ნარკვევში, რომელიც ტექსტს ბოლოში აქვს დართული.

4.

ლევან ბრეგაძის აზრით, წიგნის ასეთი მოულოდნელი სახელწოდებაცა და შინაარსიც გამოწვეულია როსტომ ჩხეიძის მიერ დეკონსტრუქციის მეთოდის მომარჯვებით, რომლის არსიც სხვა არაფერია, თუ არა ტრადიციულ ბინარულ ოპოზიციებს შორის (სინათლე და სიბნელე, სიკეთე და ბოროტება, სიმართლე და სიცრუე... ზოგადად პლუსი და მინუსი) წინააღმდეგობის მოშლა და მათი დაპირისპირების ფარდობითი ხასიათის წარმოჩენა.

დღეს უკვე დეკონსტრუქციის რამდენიმე ვერსია არსებობს, მაგრამ ამ მეთოდის ავტორის ჟაკ დერიდას, ასე ვთქვათ, კლასიკური დეკონსტრუქციის არსს, მართლაც ბინარულ ოპოზიციებს შორის წინააღმდეგობის გაუქმება წარმოადგენს.

მაშ, თუკი როსტომ ჩხეიძე თავის წიგნში სიბეჯითისა და სიზარმაცის ოპოზიციური წყვილის დეკონსტრუქციას ახდენს, შესაბამისად, ყველაფერი თითქოს თავის ადგილზე დადგება – წიგნის სათაურიც, მისი შინაარსიც და დანიშნულებაც. რაც შეეხება ამ უკანასკნელს, ცხადია, ჩვენი ფოლკლორისა და ლიტერატურის კარგად ცნობილი პერსონაჟებისა და პასაჟების ყოველი ახლებური და მათ შორის დეკონსტრუქციის მეთოდით შესრულებული ინტერპრეტაცია, არა მარტო საინტერესო საკითხავი იქნება, კლასიკოსაც დაიცავს „კულინარიულ“ (გასართობ) ლიტერატურად გადაქცევის საფრთხისაგან.

მაგრამ...

ჩვენში ხომ ლიტერატურა და ხელოვნება არასოდეს ყოფილა იმდენად თვითკმარი მოვლენა, რომ წმინდა ესთეტიკური ფორმების შექმნით ან მათი თამაშითა და

ჭვრეტით დაკმაყოფილებულიყო? პრინციპი „ხელოვნება ხელოვნებისათვის“ ჩვენში ყოველთვის მეტისმეტად უადგილოდ გამოიყურებოდა და, ვფიქრობ, დღესაც დიდი ფუფუნებაა. უკიდურესად მოუგვარებელი, პრობლემატური ყოფა ის რეალობა არ არის, იოლად რომ დაუსხლტე ხელიდან. ჩვენ ყველანი ამ რეალობიდან გამოვდევართ. ყველა ჩვენი ნააზრევი, ცნობიერება და გაუცნობიერებელიც ამ რეალობის გააზრებას, მის ინტერპრეტირებას და იდეაში მის გაუმჯობესებას ისახავს მიზნად. მით უფრო ეს ითქმის ისეთ მწერალზე, როგორცაა როსტომ ჩხეიძე, რომელსაც თავისი შემოქმედების ასეთი პოლიტიკური თუ პრაქტიკული საფანელი არც არასოდეს მიუჩქმალავს.

ამიტომ, მე მგონი, ლევან ბრეგაძის მსჯელობა გაგრძელებასა და ზოგიერთ არსებითი ხასიათის დაზუსტებას მოითხოვს.


5.

ძალიან უცნაური იქნებოდა, როსტომ ჩხეიძეს დეკონსტრუქციის მეთოდი მხოლოდ კლასიკის გასართობ ლიტერატურად გადაქცევის საფრთხის თავიდან ასაცილებლად გამოეყენებინა და არ ეფიქრა ამ მეთოდის მეორე, გაცილებით მნიშვნელოვან თვისებაზე. ვის შეუძლია ჩვენი კულტურის, როგორც ასეთის, პოზიციიდან ყველაფრის თავდაყირა დაყენების, ფუნდამენტური ფასეულობების გაუფასურებისა და სრული დეზორიენტაციის უკეთესი ხერხი და საშუალება მოიფიქროს, ვიდრე დერდასეული დეკონსტრუქციაა?

გარდა იმისა, რომ 1990 წელს მოსკოვში ჩასული დერიდა თავადვე აღნიშნავდა დეკონსტრუქციის ფრანგული მოდელის პოსტსაბჭოთა სივრცეში გამოყენების დაუშვებლობას, არც როსტომ ჩხეიძეა იმდენად წინდაუხედავი მწერალი, რომ ამგვარი ნაბიჯი დაუფიქრებლად გადადგას.

მათთვის, ვისაც შეუძლია დააფასოს არა მარტო იდეათა შინაარსი, არამედ ფორმაც, წინასწარ მხოლოდ იმას ვიტყვი, რომ როსტომ ჩხეიძე იმიტომ კი არ ახდენს სიბეჯითე-სიზარმაცე ოპოზიციური წყვილის დეკონსტრუქციას, რათა მიღებული შედეგითა და ამგვარი წმინდა წყლის თვითკმარი ლიტერატურული თამაშით დატკბეს, არამედ იმიტომ, რომ გვაჩვენოს – რატომ და როგორ არ შეუძლია მისი მიღება.

მოკლედ, როსტომ ჩხეიძის ტექსტი უშუალოდ უკავშირდება დღეს უკვე ისეთ სამკვდრო-სასიცოცხლო პრობლემას, როგორცაა ქართული კულტურის დამოკიდებულება დასავლურ ცივილიზაციასთან. „ქება სიზარმაცისას“ ანალიზი პოსტმოდერნისტულ-პოსტსტრუქტურალისტურ-დეკონსტრუქტივისტურ განწყობილებათა თუ იდეათა ჭრილში ნათლად დაგვანახებს ტექსტის ავ-



ტორის, როგორც კონკრეტული კულტურის წარმომადგენლის, მრავალი თვალსაზრისით ყურადღების ღირს დამოკიდებულებას ზოგადად დასავლურ და კერძოდ, მის ისეთ სპეციფიკურ და რთულ სიტუაციასთან, როგორშიაც დღეს იმყოფება დასავლური ცივილიზაცია.

სწორედ ეს მომენტი უაღრესად მნიშვნელოვანი და ყურადსაღები, ერთდროულად ფორმით ორიგინალური და შინაარსით ალბათ საეტაპო, როგორც თავად როსტომ ჩხეიძის, ასევე, უადგილო პათეტიკის გარეშე შეიძლება ითქვას, ზოგადად ქართული აზროვნებისთვისაც.

6.

თავის დროზე ე. ისტჰოუპმა დეკონსტრუქციის ხუთი ტიპი გამოყო. შეიძლება დღეს მათი რაოდენობა გაიზარდა კიდევ, მაგრამ მუდამ უნდა გვახსოვდეს, რომ არც ერთი მათგანი არსად და არასოდეს არ შეიძლება მოგვევლინოს როგორც ტექსტის ანალიზის წმინდა ტექნიკური ხერხი თუ საშუალება.

დეკონსტრუქციის ნებისმიერი ტიპი ყოველთვის წარმოადგენს ე. წ. პოსტმოდერნისტული მგრძნობიარობიდან ამოზრდილ ძალზე სპეციფიკურ შემეცნებით მეთოდს. ეს იმას ნიშნავს, რომ თუ არა ის უაღრესად თავისებური განცდა კრიზისისა, რომელმაც დასავლურ საზოგადოებაში გასული საუკუნის 60-იანი წლებიდან მოიკიდა ფეხი და მალე ყველაფერი მოიცვა, დეკონსტრუქციის არავითარი საჭიროება არ იარსებებდა.

ჩვეულებრივ, პოსტმოდერნისტული მგრძნობიარობის უმთავრეს ნიშნად მიჩნეულია სამყაროს როგორც ქაოსის განცდა. იმისათვის, რომ მივხვდეთ ეს რას ნიშნავს, უნდა წარმოვიდგინოთ საზოგადოება, რომელიც თავისი განვითარების შინაგანმა კანონზომიერებამ ყველა ტრადიციული ფასეულობის გაუფასურებამდე მიიყვანა. გახუნდა ყველა ავტორიტეტი. აღარ დარჩა აღარავითარი ხელშეუხებელი ფასეულობითი ან აზრობრივი კრიტერიუმი სამყაროში ორიენტაციისათვის. ქვა ქვაზე აღარ დარჩა ისეთი ცნებებისაგან, როგორებიცაა ღმერთი, რელიგია, მეფე, ადამიანი, ლოგიკა... რომლებიც გარდასულ ეპოქებში მთლიანად განსაზღვრავდნენ, აზრითა და მნიშვნელობით ავსებდნენ ადამიანის ცხოვრებას.

ასეთი კომპარული სიტუაციიდან გამოსვლას ისახავს მიზნად დერიდასეული დეკონსტრუქცია, რომლის არსიც მართლაც სხვა არაფერია, თუ არა ტრადიციული ბინარული ოპოზიციების კრიტიკული ანალიზი, მის წევრებს შორის არსებული წინააღმდეგობის გაუქმებისა და განადგურების მიზნით.

მაგრამ როგორ შეიძლება ადამიანს სამყაროში ორიენტაციის უნარი დაუბრუნოს, ვთქვათ, სიკეთესა და ბოროტებას, სიმართლესა და სიცრუეს, სინათლესა და სიბნელეს შორის არსებული წინააღმდეგობის გაუქმებამ?

7.

საინტერესოა, რომ დასავლელმა ინტელექტუალებმა კრიზისიდან გამოსავალი რომელიმე ძველი რელიგიური ან ფილოსოფიური სისტემის რეანიმაციაში კი არა, ისევე წინსვლაში დაინახეს.

ერთ-ერთი უმთავრესი დასკვნა, რომელიც მე-20 საუკუნის დასავლურმა აზროვნებამ გააკეთა, ის გახლავთ, რომ ადამიანს პრინციპულად არ შეუძლია ობიექტური ქვეყნობა შეიმეცნოს, რითაც, ფაქტობრივად, ყოველგვარი უკან დახევა გამოირიცხა, რადგან ნარსულში დიდი ძალისა და გავლენის მქონე და ან გაუფასურებული ყველა სისტემა სწორედ ობიექტური ქვეყნობის ფლობაზე აცხადებდა პრეტენზიას.

პოსტსტრუქტურალისტებისთვის თითქმის მთავრად ქვეყნობა იქცა იდეა, რომლის თანახმადაც ის, რასაც ადამიანი რეალობად აღიქვამს ანუ ის ფორმა, რომელითაც იგი რეალობას მოსაგვს, სინამდვილეში მხოლოდ მისი წარმოდგენაა რეალობაზე. აქედან გამომდინარეობდა დერიდას სისტემატური მცდელობანი წაეშალა საზღვარი რეალურ სამყაროსა და იმ სამყაროს შორის, რომელიც ადამიანთა ცნობიერებაში აირეკლება.

ადამიანს, განსხვავებით დანარჩენი არსებებისგან, არ შეუძლია უფორმო, არაინტერპრეტირებულ სამყაროში არსებობა. გარკვეული გავებით ისიც კი შეიძლება ითქვას, რომ ზოგადად ადამიანის, როგორც ასეთის, ისტორია იმ დროიდან იწყება, როცა პირველად მოხდა სამყაროს თუნდაც ძალზე პრიმიტიული, უმარტივესი ინტერპრეტაცია. ამ ოპერაციით მანამდე გაურკვეველი, უფორმო, ქაოტური და მტრული გარემომცველი რეალობა ადამიანური გონებისთვის გასაგებ და მისაღებ ფორმას იძენს. პირველად ალბათ სწორედ ამ დროს იწყება სამყაროს დაქუცმაცება ზოგადად პლუსისა და მინუსის უსასრულო რიგად, რაც მე-20 საუკუნის დასაწყისში სტრუქტურალისტების მიერ ბინარულ ოპოზიციებად მოინათლება და ნებისმიერი სტრუქტურის ქვაკუთხედად გამოცხადდება.

მაგრამ ბინარიზმის ნამდვილი ისტორია დასავლურ აზროვნებაში, ისევე როგორც სხვა ბევრი რამისა, ძველ საბერძნეთში იწყება. კერძოდ, ჩვენს წელთაღრიცხვამდე VI საუკუნეში ჯერ ელეატელთა სკოლაში და მოგვიანებით ლევიპეზა და დემოკრიტეს ნააზრევში. სამყაროს ასეთი ხედვა ბოლოს და ბოლოს სულს გამოაცალკევებს მატერიისაგან და წარმოშობს დუალიზმს, მთელი დასავლური აზროვნების ერთ-ერთ ფუნდამენტურ თვისებას, რომელიც ადამიანური შემოქმედების სხვადასხვა სფეროებში სხვადასხვა ფორმებით იმოსება. რელიგიაში ეს იყო დამკვიდრება იმისა, რომ არსებობს სამყარო და არსებობს მის მიღმა მდგარი სუპერგონიერი და პერსონიფიცირებული ღვთაება, რომელიც გარედან მართავს მას.

ბინარიზმის ახალი სიცოცხლე იწყება აღორძინების ეპოქაში. თუკი მანამდე ყველაზე მნიშვნელოვანი სულიერი რეალობისა და ღმერთის დიდებულების შემეცნება იყო, ახალი ევროპული მეცნიერების ფუძემდებლების განსაკუთრებულ ყურადღებას მატერია და მატერიალური სამყარო მიიპყრობს.

დასავლეთში იწყება პროცესი, რომელიც მანამდე არსად მომხდარა. ეს არის სამყაროს რელიგიური ინტერპრე-

ტაციის ჩანაცვლება მისი მეცნიერული მოდელით, თუმცა დუალიზმი ხელუხლებელი რჩება.

უფრო მეტიც, რენე დეკარტის მიერ ბუნების ფუნდამენტური გაყოფა ორ დამოუკიდებელ სფეროდ – ცნობიერებად და მატერიად, ხელს უწყობს სამყაროს ახალი მოდელის ჩამოყალიბებას, რომლის თანახმადაც მატერია რაღაც არაცოცხალი და ადამიანისაგან განცალკევებული სუბსტანციაა, ხოლო მატერიალური სამყარო – რაღაც გიგანტური და რთული აგრეგატი, რომლის შესწავლა და საკუთარ სამსახურში ჩაყენება ადამიანური ინტელექტისთვის სრულიადაც არ არის შეუძლებელი.

ეს ის გზაა, რომელიც ბოლოს და ბოლოს „კლავს ღმერთს“, ახდენს სამყაროს მეცნიერული ინტერპრეტაციის სრულ ლეგიტიმაციას და მართლაც გამოაგნებელი ტექნოლოგიური რევოლუციების მთელი კასკადით ქმნის თანამედროვე დასავლური კაცობრიობის სახეს – მასობრივი კეთილდღეობის, სუპერკომფორტულ, სუპერსისტემატიზირებულ, უზარმაზარი მატერიალური ძალმოსილების მქონე საზოგადოებას.

მაგრამ მე-20 საუკუნის პირველ სამ ათეულ წელიწადში ატომური ფიზიკის შემქმნელები ისეთი რეალობის წინაშე აღმოჩნდნენ, რომელმაც საბოლოოდ დაასამარა დასავლურ აზროვნებაში გაბატონებული სამყაროს კლასიკური მეცნიერული ინტერპრეტაცია. აღმოჩნდა, რომ ჩვეულებრივი რაციონალისტური ლოგიკა სრულიად უძლეურია გაიგოს და აღწეროს ის ატომური და სუბატომური რეალობა, რომელიც მთელი სამყაროს ფუნდამენტშია ჩადებული. დასავლურ კულტურაში სამყარო ფორმას კარგავს და ქაოსში იძირება.

8.

სუპერკომფორტულ დასავლეთში ასე თავისებურად მეორდება პრეისტორიული უფორმოება, რომელიც გარეგნულად ბევრს არაფერს ეტყობა, მაგრამ რომელიც თავის კვალს აჩნევს ადამიანური შემოქმედების ყველა სფეროს.

სინამდვილეში მართლაც გასაოცარი რამ მოხდა. დასავლურმა მეცნიერებამ გადალახა საკუთარი მსოფლმხედველობრივი საზღვრები და კვლავ იმ საწყის წერტილს უბრუნდება, საიდანაც ოდესღაც დაიწყო მოძრაობა. გასული საუკუნის 70-იან წლებში ცნობილი ფრიტოფ კაპრა ძალზე დამაჯერებლად გვაჩვენებს იმ ანალოგიებს, რომლებიც ასე უხვად არსებობს, ერთი მხრივ, ატომური ფიზიკის გასაოცარ აღმოჩენებსა და თეორიებს და, მეორე მხრივ, ყველა დროისა და ეპოქის მისტიკურ წარმოდგენებს შორის. ეს არის ხედვა, რომლის თანახმადაც მთელი სამყარო ერთიანი გიგანტური ორგანიზმია, რომლის ორგანულ ნაწილსაც წარმოადგენს თავად ადამიანიც და რომლის შემეცნებაც ტრადიციული ლოგიკით, რომელიც განასხვავებს, გამოყოფს, უპირისპირებს, ადარებს, ზომავს და ირჩევს, ყოველად შეუძლებელია.

შეიძლება ითქვას, რომ პოსტსტრუქტურალისტების მიერ ჩატარებული უზარმაზარი სამუშაო და კერძოდ, დერიდასეული დეკონსტრუქციაც სხვა არაფერია, თუ არა სამყაროს – როგორც ერთი მთლიანობის – გაცნობიერებისაკენ გადადგმული ნაბიჯი. დეკონსტრუქცია ააშკარა-

ვებს დასავლური რაციონალიზმის, დერიდას ტერმინოლოგიით ლოგოცენტრიზმის, მიერ ინტერპრეტირებული სამყაროს უკიდურესად ცალმხრივ, მცდარ და მანკიერ ბუნებას. შეტევის ობიექტადაც ამიტომ შეირჩევა მანამდე სტრუქტურალისტების მიერ გაფეტიშებული ბინარული ოპოზიციები და მის წევრებს შორის არსებული წინააღმდეგობის რელატიურობის ჩვენებაც იმისთვისაა საჭირო, რომ ლოგოცენტრიზმის მიერ ყველაფერში სისტემისა და აზრის დანახვის ან თავსმოხვევის ფიქტიურობა ამხილოს.

ანუ დეკონსტრუქცია არის მეთოდი, რომლის გამოყენებისას ინტელექტი კვლავ განასხვავებს, გამოყოფს, ადარებს და ზომავს, მაგრამ აღარ აპირისპირებს და აღარ ირჩევს.

დეკონსტრუქცია იღებს.

და ამ მიღებით ცდილობს სიკეთისა და ბოროტების, სინათლისა და სიბნელის, სამართლიანობისა და უსამართლობის, ზოგადად პლუსისა და მინუსის ერთიანობა გაიზაროს და მის მიღმა არსებულ ზერეალობას მისწვდეს.

ამავს ცდილობდნენ და ცდილობენ, ოღონდ სულ სხვა მეთოდებითა და საშუალებებით, ყველა დროისა და ეპოქის მისტიკოსებიც.

9.

იმ კულტურულ სივრცეში, სადაც არც ატომურ ფიზიკას შეუქმნია მსოფლმხედველობრივი პრობლემები, არც ლოგოცენტრიზმი გაჭაჭანებულა და არც მისი რკინისებური კანონებით სტრუქტურირებული საზოგადოება, რომ მერე უსტამოდერნისტულ მგრძნობიარობას შევენუხებინეთ, ვოიქრობ, დამეთანხმებით, რომ ისეთ მოვლენას, როგორცაა დეკონსტრუქცია, ფრთხილად მოპყრობა სჭირდება. სიფრთხილე საჭიროა იმისათვის, რათა სხვისთვის ნამალი ჩვენთვის სანამლავად არ იქცეს. თუმცა უნდა ითქვას, რომ სამყაროს ერთგვარი უფორმოება უკანასკნელი 15 წელია ჩვენშიაც იგრძნობა. ცნობილმა ტრაგიკულმა პოლიტიკურმა მოვლენებმა ჩვენს კულტურულ სივრცეში მანამდე ერთპიროვნულად გაბატონებული პატრიოტული დისკურსის გაკოტრება და ნიჰილიზმის მომძლავრება გამოიწვია ანუ კრიზისშია ქართული კულტურაც, მაგრამ ეს კრიზისი არ გახლავთ იმდენად ფუნდამენტური ხასიათისა, რომ საერთოდ ადამიანური არსებობის ფუძემდებლური პრინციპების გადასინჯვამდე მივიდეს საქმე. მოკლედ, სპეციფიკურად ქართული კრიზისი ჯერჯერობით ბინარული ოპოზიციების წევრებს შორის არსებული წინააღმდეგობის გაუქმების არავითარ აუცილებლობას არ ქმნის. ეს იქიდანაც ჩანს, რომ ჩვენში ირჩევს ყველა – პატრიოტიცა და ნიჰილისტიც. როგორც ჩანს, ასეც უნდა იყოს, მაგრამ პრობლემა ის არის, რომ ყველა ირჩევს როგორღაც გაუცნობიერებლად, ემოციურად, ირაციონალურად, რაც მნიშვნელობას უკარგავს არჩევანს და მხარეებს შორის ნამდვილი დისკუსიის შესაძლებლობას გამოირიცხავს.

ირჩევს როსტომ ჩხეიძეც, მაგრამ „ქება სიზარმაცისას“ ერთ-ერთი უმთავრესი ღირსება ის გახლავთ, რომ არჩევანი აქ ბოლომდე გაცნობიერებული და დასაბუთებული ანუ რაციონალიზებულია. ეს სწორედ ის არის, რაც

ასე აკლია ჩვენს სააზროვნო სივრცეს და რომლის სწორად გააზრების შემთხვევაშიც ბუნებრივად იქმნება ნორმალური სადისკუსიო ველი.

მაგრამ კარგ მოქმელს კარგი გამგონი სჭირდება, ხოლო კარგ წიგნს – კარგი მკითხველი. თუმცა გარკვეული პრობლემები შეიძლება ამ თვალსაზრისითაც შეიქმნას.

10.

ის, რასაც ვ. ლეიჩი ამბობდა პოლ დე მანის არგუმენტაციის მანერაზე, გარკვეულწილად იმ სტილზეც შეგვიძლია გავიმეოროთ, რომლითაც როსტომ ჩხეიძემ დაწერა თავისი „ქება სიზარმაცისა“.

ისევე როგორც ამერიკელი დეკონსტრუქტივისტი, ჩვენი მწერალიც თავისი იდეებისა და პოზიციის ფორმულირებას ძირითადად სხვადასხვა ტექსტების ანალიზის პროცესში ახდენს. ის არ აკეთებს არავითარ საპროგრამო განცხადებას თავის დეკონსტრუქტივისტურ პროექტზე ან ჩანაფიქრზე. შესაბამისად, მისი ლიტერატურულ-კრიტიკული პოზიციაც ღრმად არის შეფარული მისსავე ნაშრომში. უყურადღებო ან ლიტონი მკითხველის ზოგჯერ შეგნებულად დამაბნეველი, გამჭრიახი და ფრთხილი როსტომ ჩხეიძე, ანალიზის მისთვის დამახასიათებელი სკრუპულოზური მანერით კანონიკური ტექსტებისა და ჩვენში გავრცელებული სააზროვნო კლიშეების მართლაც ძალზე საინტერესო გააზრებას გვთავაზობს.

მაგრამ რატომ შეირჩა მაინცდამაინც სიბეჯითე-სიზარმაცის ოპოზიციური წყვილი?

იქნებ იმიტომ, რომ სწორედ ეს ოპოზიცია გამოხატავს ყველაზე უკეთ ამნუთიერისა და მარადიულის ბრძოლას ადამიანის ცნობიერებაში?

ალბათ იმიტომაც, რომ სიბეჯითე-სიზარმაცის ოპოზიციური წყვილის ისტორია ერთგვარად დასავლური კაცობრიობის განვითარების ისტორიაცაა აღორძინებიდან დღემდე.

აღორძინების ხანის ქალაქში შემთხვევით ხომ არ შეეცილა ტაძარს პირველობაში საათიანი რატუშა? შემთხვევით ხომ არ დაჯაბნა თანდათანობით და შემთხვევით ხომ არ დაიპყრო მთლიანად ევროპელთა გული, გონება და ყოფა?

საათი მართლაც კარგი სიმბოლოა იმ ფასეულობებისა, რომელთაც დასავლური კაცობრიობა აღორძინების ხანიდან იღებს, იმ ქანცისგამწყვეტი ცხოვრების წესისა, რომელიც დღენიადაგ ჩაგძახის, რომ დრო ფულია და ერთი წუთი სულის მოთქმის უფლებას არ გაძლევს, სულ წინდანნი მიგერეკება.

ცხადია, შემთხვევით არ გადაუნაცვლებია ტაძარს უკანა პლანზე. არც ღმერთის მეშვიდე დღეს დასვენების სიმბოლიკის არსის გაფერმკრთალება მომხდარა რალაც გაუგებრობის გამოისობით. ჩვენსავით არც სახარება ჰქონიათ ოდესმე სანთლით საძებარი, რომ იესოს სიტყვები დავინწყებოდათ: იცხოვრეთ ველის შროშანებივით და ცის ფრთოსნებივით, რომელნიც არც თესენ, არც მკიან, და არც საუნჯეს აგროვებენო.

მაინც დაივინყეს.

კიდევ თესეს, კიდევ მკეს, თან ისეთი დაჟინებითა და ენერგიით, რომ საუნჯეც აურაცხელი დააგროვებს და დი-

დი და ძლევამოსილი სახელმწიფოებიც შექმნეს. მაგრამ ეს ყველაფერი ადამიანსა და ბუნებას და ადამიანსა და ადამიანს შორის დაკარგული ჰარმონიის ხარჯზე მოხდა. თუმცა ისიც უნდა ითქვას, რომ სხვადასხვა ფორმებითა და საშუალებებით არც დაკარგული ჰარმონიის ძიება შეუწყვეტიათ ოდესმე. როსტომ ჩხეიძის თქმით, დიდი და ძლევამოსილი სახელმწიფოების შვილებს დროც თავზე-საყრელი ჰქონდათ და არც არანაირ გატაცებაში არ ეშლებოდათ ხელი ჩვენსავით.

რომანტიკოსებიც ამას ეძებდნენ და ნაწილობრივ მოდერნისტებიც. მაგრამ ამაოდ. სანამ თავად სიბუჯითემ არ მიაღწია მაქსიმალურ სისავსეს, მანამდე ვერავინ გაიხსენა ამ იდუმალი სამყაროს უანგარო ჭვრეტის, ღვთაებრივი მოცალებობის, მედიტაციის, როსტომ ჩხეიძის თქმით – სიზარმაცის, ფასი და მნიშვნელობა ადამიანის ცხოვრებაში.

ბოლოს მაინც გაიხსენეს. გაიხსენეს კი არა, ბუნებრივად მივიდნენ აქამდე. სხვა გზა აღარ დარჩათ და მივიდნენ.

დიდი და ძლევამოსილი სახელმწიფოების შვილებს დროც თავზე-საყრელი ჰქონდათ და აქვთ და არც არანაირ გატაცებაში არ ეშლებოდათ და არ ეშლებათ ხელი ჩვენსავით.

11.

უკანასკნელი რვა საუკუნეა ჩვენი ქვეყანა დიდი და ძლევამოსილი სახელმწიფო აღარასოდეს ყოფილა. შესაბამისად, არც მოგვარებული ყოფა გვქონია, არც თავზე-საყრელი დრო და ვერც ვერანაირ გატაცებას ვერ მივყოლილვართ ბოლომდე, მაგრამ...

მაგრამ რაღაც კანონზომიერების გამოისობით სიბუჯითე-სიზარმაცის ოპოზიციური წყვილი ჩვენთვისაც ძალზე აქტუალური და საჭიროოტო გამხდარა, განსაკუთრებით მე-19 საუკუნიდან, როცა ისედაც სუსტი სახელმწიფოებრიობა საერთოდ გაქრა და საქართველო რუსეთის იმპერიის მიყრუებულ გუბერნიად გადაიქცა.

რა თქმა უნდა, პირველ რიგში, სწორედ ამიტომ იქცევს როსტომ ჩხეიძის ყურადღებას სიბუჯითე-სიზარმაცის ოპოზიციური წყვილი.

12.

„მორბის არაგვი არაგვიანი, თან მოსძახიან მთანი ტყიანნი...“

ვის არ ახსოვს ნიკოლოზ ბარათაშვილის „ბედი ქართლისას“ მეორე კარის დასაწყისი?

ბავშობაში ხომ გაგვიზვიანებია და ეჭვი არ არის, მერეც არაერთხელ მოგვადგებოდა ენაზე, სადმე ბუნების ფერწერულ სურათს თუ გადავანყებოდით.

და რა უცნაურია.

მაინც ვერ შეგვიმჩნევია ის, რაც როსტომ ჩხეიძემ შეამჩნია – როგორაა ამოვარდნილი ეს ლირიკული გადახვევა პოემის საერთო სულისკვეთებიდან.

გახსოვთ?

კრწანისის კატასტროფას ქართლის ბედი, ვინ იცის მერამდენედ, მაგრამ ამჯერად საბოლოოდ, სასწორზე შეუგდება. სასწორკვეთილი მოხუცი მეფე საბედისწერო ნაბი-

ჯის გადასადგმელად ემზადება. მოკლედ, თვით საქართველოს ისტორიაშიც კი გამორჩეულად შავბნელი ვითარებაა.

„ის ქართველი კი, ხაზს უსვამს როსტომ ჩხეიძე, არაგვისა და მისი ჭალების მშვენივით მოხიბლული, ერთბაშად ჩამოხტებოდა ცხენიდან. არ შეეძლო არ ჩამოქვეითებულიყო, რაგინდ საშური საქმე ჰქონოდა. როგორ იქნებოდა არ განესვენა.“

სამჯერ მაინც უნდა გადაეკრა ღვინო.

ცხენი მოეძოვებინა.

თვალი მოეტყუებინა.

გამოღვიძებულს შუბლი გაეგრილებინა.

ერთი ქართველურად კიდევ შეეძახა: არაგვო, მაგ შენს ამწვანებულ მთებსო.

და მერე თუნდაც დაგვიანებოდა, ამისთვის აღარ დალონდებოდა“.

მართლა საკვირველია.

იმდენად, რომ კაცმა შეიძლება იფიქროს, ინტერპოლაცია იქნება, ბარათაშვილი ასეთ ლაფსუსს არ დაუშვებდაო. მაგრამ რაკი ინტერპოლაციაზე ლაპარაკიც ზედმეტია და სტილიც აშკარად ბარათაშვილისეულია, ამიტომ ახსნა სხვაგან უნდა ვეძებოთ.

ვინ იცის, სხვამ შეიძლება სხვა თქვას, მაგრამ როსტომ ჩხეიძისთვის ამგვარი უცნაური არხეინობა, თან ყველაზე შეუფერებელ მომენტში, რაც თავისთავად ზოგადდება საერთო ქართველურ თვისებად, სხვა არაფერია, თუ არა იმ იდუმალი ნოტის ახმიანება ბარათაშვილში, დიდი და ძლევამოსილი სახელმწიფოს შვილს რომ შეჰფერის და მთელი სამყაროს მემკვიდრედ აგრძნობინებს თავს. იმ ხანის გამომძახილია, როდესაც ქართული მოდგმა ორ ზღვას შორის ჯერ არ მომწყვედეულიყო და ვეება ტერიტორიაზე განფენილიყო.

ასე უკავშირდება „ქება სიზარმაცისა“ „ქაღდეას მონატრებას“.

ასე შეიძლება აიხსნას იმ უსახელო ქართველის უცნაური თავდავინყება, რეალური ჟამიდან რომ ამოვარდნილა და, მშვენიერების ჭვრეტაში ჩაძირული, დროის შეგრძნებას საერთოდ კარგავს. აღარც კრწანისის ბრძოლა აღელვებს და აღარც დამხობილი დამოუკიდებლობა.

როსტომ ჩხეიძისთვის ეს არის მონატრება იმ ჟამისა, ხელშესახები შეგრძნება იმ ნაკადისა, შენს სახელმწიფოებრიობას ანუ შენს ღირსეულ ყოფა-ცხოვრებას არაფერი რომ არ ემუქრება და როცა მშვიდი სინდისით, სავსებით ბუნებრივად იძირები თვითჭვრეტაში, როცა მშვენიერების შეგრძნება თავისთავად გაგდებს ამწუთიერი რეალობიდან და შანსი გექლევა, ეს იდუმალი სამყარო იმ სიმაღლიდან შეიგრძნო, საიდანაც სიბუჯითე-სიზარმაცის დაპირისპირებულობის მოჩვენობითობისა და ამაოების დალანდვა და იქნებ მათ მიღმა გადახედვაც მოხერხდეს...

იქნებ...

რა შეიძლება კაცისთვის ამაზე მნიშვნელოვანი იყოს? სხვა ყველაფერი ნამდვილად ამაოება ამაოებათა და ყოველივე ამაოა.

მაგრამ...

მაგრამ თუკი სახელმწიფოებრიობა საერთოდ დაგიკარგავს, დიდ პოლიტიკურ დაპირისპირებებში გამოქყლებილხარ ანუ ღირსეული ადამიანური ყოფა-ცხოვრე-

ბა სანატრელი გაგხდომია და გადარჩენა-არგადარჩენის ტკივილიან ფიქრებსა თუ მიწყდომ-მოწყდომას შეუპყრიხარ, მაშინ?

მაშინ გინდა თუ არ გინდა ყველაფერი ამას დაუკავშირდება.

მაშინ ამნუთიერი მარადიულს შეეტოქება და უკანა პლანზე გადასწევს.

მაშინ პოლიტიკა შეიჭრება მხატვრულ წარმოსახვებსა და სამეცნიერო ძიებებში და ყველაფერს თავის დალს დაასვამს.

მაშინ რაც არ უნდა კარგად გესმოდეს მარადიულის ფასი და მნიშვნელობა, ბარათაშვილის უსახელო და „რომანტიკულად ზარმაცი“ პერსონაჟი ილია ჭავჭავაძის ბედოვლათ ლუარსაბ თათქარიძედ გარდაქმნილი მოგვევლინება.

მიხელო ჯავახიშვილიც ამიტომ მოახდენს თავის „გივი შადურში“ ბარათაშვილის პოემის ხსენებული პასაჟის პაროდირებას.

კოტე მაყაშვილისა და სხვებისთვისაც ამიტომ გახდება ცრუპენტელა და ზარმაცი, მაგრამ დევების რისხვა ნაცარქექია უმნიშვნელოვანესი პერსონაჟი...

13.

ეს წარსულში, მაგრამ დღეს?

ვითომ დღესაც ისევე იჭრება პოლიტიკა მხატვრულ წარმოსახვებსა და სამეცნიერო ძიებებში, როგორც მე-19 საუკუნის 60-იანი წლებიდან იჭრებოდა და თავის კვალს ამჩნევდა ქართულ სულიერ კულტურას?

ვითომ ახლა კი შეგვიძლია თამამად ვამჯობინოთ მარადიული ამნუთიერს?

ვითომ ახლა კი გვაქვს თავზეხსაყრელი დრო და აღარც არანაირ გატაცებაში აღარ გვეშლება ხელი?

მაშ რატომ რჩება აუხდენელ ოცნებად როსტომ ჩხეიძეს, სადმე ბექობზე ნახევრად წამოწოლილი გადაჰყურებდეს მდინარის დენას?

არც რომ მოსწყინდებოდა.

არც რომ გაბეზრდებოდა.

მაშ რატომ ვერ მიუტოვებია, ხელიდან რატომ ვერ გაუგდია უთვალავი საქმე, ზვავით რომ დასწოლია თავზე და... გასრესით ჯერ არ ესრესინება?

„ქება სიზარმაცისასაც“ ხომ იმიტომ წერს, რომ მშვენივრად მოეხსენება მისი ფასი და ისიც კარგად იცის, რომ დროის ამაზრუნენ, წელში გამტეხ ძალმომრეობას მხოლოდ იმ შემთხვევაში შეიძლება დაუსხლტე ხელიდან, თუკი აღარ იბრძოლებ, თუკი ყველაფერს მიიღებ, თუკი წამოწვები სადმე ბექობზე და ამნუთიერი საზრუნავისგან დაცლილი თვალს მიადევნებ მდინარის დენას.

მაგრამ როსტომ ჩხეიძე „ქება სიზარმაცისას“ იმიტომაც წერს, რომ ამ ოცნების განუხორციელებლობაზე მიგვანიშნოს.

მისთვის განუხორციელებლობაზე.

უფრო მეტიც. მე მგონი, ძირითადად სწორედ ამიტომ წერს.

ანუ როსტომ ჩხეიძეც ირჩევს და ირჩევს კვლავ ამნუთიერს. მარადიული კვლავ განუხორციელებელ ოცნებად რჩება.

მისთვის რჩება.

და მიუხედავად იმისა, რომ არავის არაფრისკენ არ მოუნოდებს, არც არავის ჰგმობს, არც არავის აღმერთებს, უბრალოდ, თავის განუხორციელებელ ოცნებაზე გვესაუბრება, როგორც ვგრძნობთ, რომ ეს ოცნება ჩვენიც ყოფილა და ჩვენთვისაც განუხორციელებელი რჩება.

რა მნიშვნელობა აქვს ვინა ხარ, პატრიოტი თუ ნიჰილისტი? თუ „ქება სიზარმაცისას“ გაიგებ, იმასაც გაიცნობიერებ, რომ შენც ამქვეყნის შვილი ხარ, ეს ოცნება შენიც ყოფილა და შენთვისაც განუხორციელებელი დარჩენილა, რადგან კვლავ პოლიტიკა იჭრება ჩვენს მხატვრულ წარმოსახვებსა და სამეცნიერო ძიებებში და ამნუთიერი კვლავ უკანა პლანზე სწევს მარადიულს...

მე მგონი, „ქება სიზარმაცისას“ უმთავრესი ღირსება სწორედ ეს გახლავთ.

14.

სხვამხრივ კი...

სხვამხრივ მეც და, დარწმუნებული ვარ, თქვენც სიამოვნებით შეუერთდებით როსტომ ჩხეიძის ნატვრას.

იქნებ ოდესმე, ხანი რომ გაივლის, ბოლოს და ბოლოს ჩვენშიაც მიდიოდეს ვინმე დაღლილი კაცი სადმე ბექობის მოსაძებნად და იქ ნახევრად წამოწოლილი გადაჰყურებდეს მდინარის დენას.

იქნებ მას მაინც გაუჩნდეს საკუთარ თავში ჩაძირვისა და რელიგიური აქტის შეგრძნება, დაღანდოს უსასრულობაში გაჭრილი ბილიკი და... ცხოვრების დანიშნულეზაც ამოიცნოს.

ინვეს ასე ბექობზე და გადაჰყურებდეს მდინარის დენას.

სხვა მართლაც რა უნდა სთხოვოს კაცმა საქართველოს?

ჩვენი ფოსტა

გამარჯობა!

განუხებთ ვადიკ ამიროვი მოსკოვიდან, რუსეთიდან.

ძალიან მინდა განმარტებათა მოსმენა იმ სიახლის შესახებ, რაზეც თქვენი სააგენტო იტყობინებოდა. თვითონვე გესმით, ლობჯანიძის მოძებნა მოსკოვიდან გამიძნელებდა, ამიტომაც გთხოვთ, მას რამდენიმე შეკითხვა დაუსვათ: 1. რამ უზიძგა ქართულად ყურანის თარგმნა წამოეწყო 2. და რას ფიქრობს ლობჯანიძე მუსლიმთა საღვთო წიგნის შესახებ. ბუნებრივია, მოვისხენიებთ თქვენს სააგენტოს. იმედი გვაქვს, ჩვენი თანამშრომლობა საქართველო-რუსეთის ურთიერთობაზე ნეგატიურად არ აისახება. ვფიქრობ, უკეთესი იქნება, თუ ეს ურთიერთობა გაუმჯობესდება.

სხვათა შორის, თბილისის „დინამოს“ ძველი გულმემატკივარი ვარ, ოთარ გაბელიას, ალექსანდრე ჩივაძის, რამაზ მენგელიას დროიდან... ღმერთო ჩემო, რა ხანი გასულა!

გვაპატიეთ, რომ ჩვენთან ასეთი ამბავი ტრიალებს, ასეთი ანტიქართული განწყობილება.

გმადლობთ,

ვადიკ ამიროვი
მოსკოვი

შორენა ლებანიძე


„დალოოდის“ დეფილე

მესტიის ხელებისა
და
სვანური ყოფის ფონზე

ლათინოამერიკული რიტმები მესტიის მთებისა და კოშკების ფონზე მოაცილებს პირველი სვანური დეფილეს სიმბოლოდქცულ მოდელს. ღიაციცქვეშა სანახაობის საფინალო კოსტიუმში, სოფელ ლენჯერის ხედებით, დღეს რაიონის კუთვნილებაა. პოდიუმს სტოვებენ სასაჩუქროდ გამიზნული საზამთრო-საშემოდგომო კოლექციის სხვა ნიმუშებიც: წელს ზემოთ სილუეტზე მომდგარი და ბოლოგაშლილი საღამოს კაბები; ბენვის აქსესუარებიანი ნაქსოვი ჟაკეტები და შალის პიჯაკები...

სტილი ხაზგასმულად მკაცრია და დახვეწილი, ტონები – მუქი და მკვეთრი. ნაკლებად იგრძნობა მინიშნება დეტალზე, რომელიც ღია სივრცეში არ ჩანს, მეტად – ფორმების მასშტაბურობა. ნაკლებად – ავანგარდი და სვანური გარემოსთვის შეუსაბამო თამამი ნატურალიზმი, მეტად – კლასიკა: მოდელიორ ნანა შუკვანს სურდა, 50-ივე კოსტიუმ-აქსესუარი ფონად შერჩეულ მთიან ლანდშაფტსა და ადგილობრივთა გემოვნებას მორგებოდა, დიზაინერის ერთგვაროვანი ხელნერა კი ფაქტურის, სამოსის, ფერებისა და სტილის „კოქტილი“ შეეცვალა.

„კოქტილი“ თბილისურ სამოდელო სახლში შეიქმნა. სახლს, რომელსაც ნანა შუკვანი ხელმძღვანელობს, „დალოოდი“ ჰქვია. „დალოოდი“ ლენჯერელი დიზაინერის ბავშვობის სახელია და სვანურად ბროლის თოჯინას ნიშნავს. „ბროლის თოჯინა“, რამდენიმე წელიწადია, არსებობს. აქვს საკუთარი მაღაზია და კონტაქტები ცნობილ სამოდელო სააგენტოებთან. „შარმისა“ და „ნატალის“ მანეკენები, მესტიის ღიაციცქვეშა სანახაობის გარდა, ექვს თბილისურ ჩვენებაში მონაწილეობდნენ.



„სვანური დედოფალს“ „ფეშენმოუებადმე“ ქალაქში იყო ერთი პატარა სამკერვალო ატელიე, რომლის გახსნის იდეა ნანა შუკვანს მარტივმა გარემოებამ უკარნახა: ქალს ხელსაქმე უყვარდა. ბავშვობიდანვე კერავდა, ქსოვდა, ქარგავდა. დაგროვდა კოლექცია. გამოჩნდნენ დამკვეთები, მუდმივი კლიენტურა. შეიქმნა მცირე წარმოება, მერე – „დალოოდი“. ჰობი იქცა პროფესიად. პროფესიონალიზმმა მოითხოვა ხმაურიანი აქცია-სენსაცია – სვანეთის ისტორიაში პირველი დეფილე. ჩვენება სექტემბერის ბოლოს შედგა.

ლურჯმაუდგადაკრულ მომცრო პოდიუმს სასტუმრო „თეთნულდის“ ეზო დაეთმო. სასტუმროს მიმდებარე უბანს „სპარდიში“ ჰქვია. ის მესტიის მხარეთმცოდნეობის მუზეუმს ემიჯნება. დაბლა ხიდია, ხიდს გაღმა – საგვარეულო კოშკების კომპლექსი, მარჯვნივ – ბანგურიანის მწვერვალი, ქედებზე – დაბის უძველესი სამოსახლოები მაჩუბებით, მაჩუბებში – მახვმის საკარცხულები, მარნები...

„თეთნულდის“ სიმალიდან დანახული ხედი „ფეშენ-შოუს“ მხატვრული გაფორმების მთავარ მახასიათებლად იქცა. მოდების ჩვენებისათვის გამიზნული ადგილი ორგანიზატორებს ამინდის ჭირვეულობამაც ვერ შეაცვლევინა. დილიდანვე კოკისპირულად წვიმდა. სანახაობას ჩაშლის საფრთხე ემუქრებოდა. იყო ალტერნატივა: დახურული სივრცე – მესტიის ახალგარემონტებული სკოლის ფოიე. ნანა შუკვანმა, გამოდარების იმედით, ალტერნატივაზე უარი თქვა.

გამოიდარა და ერთსაათიანი შოუს დასრულებისთანავე გაავდრდა. წვიმასა და წვიმას შორის, ოვაციებქვეშ, 5-6-ჯერ ჩაიარეს „შარმისა“ და „ნატალის“ მანეკენებმა. მაყურებელს არ ეთქმოდა ხალხმრავალი. მესტიელთა უმრავლესობა უამინდობის, უგზობის, მოუნესრიგებელი კომუნიკაციებისა თუ დეფილეს არასათანადო რეკლამირების გამო ვერ დაესწრო სანახაობას.

ნანა შუკვანი: „შინმისულს უხუცესები დამხვდნენ. მეზობელი სოფლებიდანაც მირეკავდნენ, ზოგი – მოსალოცად, ზოგი – სასაყვედუროდ, რატომ არ გავგავებინეო. ვწუხვარ, ხმა რომ ვერ მივანვდინე. დრო ცოტა გვექონდა.“

მოდების ჩვენება ზაფხულში დაიგეგმა და, ივლისის დაძაბული პოლიტიკურ-კრიმინოგენული ვითარების ფონზე, რამდენჯერმე გადაიდო. სავარაუდოდ, უსახსრობის გამო ვერ მოხერხდა თავდაპირველი ჩანაფიქრის სრულყოფაც. ღონისძიება, რომელიც უძველესი ხალხური სანახაობებისა და ალპინისტური ილეთების ჩართვას ითვალისწინებდა, „დალოოდის“ კოლექციების წარმოდგენით შემოიფარგლა.

ნანა შუკვანი: „მოდების ჩვენების მთავარი მიზანი ადგილობრივთა ერთფეროვანი ყოფის გამრავალფეროვნება, რეგიონისადმი ყურადღების მიქცევის მცდელობა იყო. მინდოდა, მეთქვა: სვანეთ-

ში არსებობს ყველა პირობა ტურიზმის, სამთო-სათხილამურო და ექსტრემალური სპორტის განვითარებისთვის. ხომ დაათვალიერეთ მესტიის მხარეთმცოდნეობის მუზეუმი? მსგავს სიმდიდრეს, უნიკალურ ხატებს, ტრადიციული ხუროთმოძღვრების ნიმუშებს ნებისმიერ სოფელში ნახავთ. ბუნების სილამაზეზე აღარაფერს ვამბობ – უდავოა. ეჭვსა და უნდობლობას ინვესტორს მხოლოდ სტერეოტიპი, რომელსაც წამოსვლის დღეს ერთხელ კიდევ გადავწყვიტავ: „როგორ, დაცვის გარეშე მიგყავთ მოდელები?“ მიმყავს, რადგან ადგილობრივებისადმი შიშის უსაფუძვლობაში დარწმუნებული ვარ. სვანეთში მოგზაურობა და დასვენება გარდაუვალ ხიფათთან და რისკთან არ არის დაკავშირებული. მხარეს სტუმრები არა მარტო უყვარს, სჭირდება კიდევ. ის ტურისტების ნაკადის ზრდაში შემოსავლის წყაროს, დასაყრდენს, მოსახლეობის შენარჩუნების აზრსა და შანსს ხედავს.“



ნანა შუკვანი მოდელებთან ერთად

* * *

ვარაუდს, რომ თბილისელები რაიმე ფორმით გამოეხმაურებიან „დალოდის“ დიზაინერის მიწვევას, მესიჯს, მყარი საფუძველი აქვს: დღეს ტურიზმის თემა სვანეთში განსაკუთრებულად აქტუალურია. საგვარეულო კომპლექსების კომპლექსიდან არცთუ მოშორებით დგას პატარა სახლი, სადაც საქართველოს მთის მოყვარულთა კავშირი ტურიზმის სასწავლო ცენტრისთვის ოფისს ამზადებს. შენობის შესაძენ-შესაკეთებელი თანხა შვეიცარიის განვითარების სააგენტომ გაიღო. რემონტის დასრულებისთანავე ოფისს ტექნიკით ფრიდრიხ ებერტის ფონდი მოამარაგებს.

ცენტრის შექმნის იდეა ერთბაშად არ მომწიფებულა. ჯერ მესტიაში, ებერტის ფონდისავე დაფინანსებით, ტურიზმის სფეროს მომსახურე პერსონალის სანვრთნელ-მოსამზადებელი ტრენინგები იმართებოდა. ტრენინგებმა საკუთარი მისია ამოწურა. წლების მანძილზე რამდენჯერმე გავლილი ერთკვირიანი სასწავლო კურსები ადგილობრივი კვალიფიციური კადრების ზრდისთვის საკმარისი არ აღმოჩნდა. საჭირო იყო მუდმივმოქმედი ორგანიზაცია.

საქართველოს მთის მოყვარულთა კავშირის წარმომადგენელი მესტიაში ზაურ ჩართოლანი: „ტურიზმის სასწავლო ცენტრი იკისრებს შუამავლის როლს სვანეთში მოგზაურობის მსურველებსა და გესტჰაუზების, ანუ ოჯახური სასტუმროების, მენეჯერებს შორის. ცენტრს ექნება საკუთარი ლოგო, ემბლემა, საიტი. დედამინის ნებისმიერ წერტილში, ნებისმიერი პიროვნების სახელზე, გაიგზავნება გესტჰაუზების დანვრილებითი აღწე-

რილობა. ქართველი და უცხოელი ტრეკერები უშუალოდ დაუკავშირდებიან ადგილობრივ მასპინძელ ორგანიზაციას, რაც გააიფებს ტურისტის მომსახურებას და გაცილებით მეტ შემოსავალს მოუტანს სვანეთს. საქმე დაწყებულია. შესყიდულია შენობა. გაკვალულ-დამუშავებული და მარკირებულია ოთხი საფეხოსნო და ერთი საცხენოსნო მარშრუტი. უკვე მოვიცავთ ტერიტორიას ბეროდან უშგულამდე. ვვარაუდობთ მარშრუტების

გაკვალვას ნაკრისა და ჭუბურის ხეობებში. მთავარია საიმედო პოლიტიკური ფონი. კოდორის მოვლენებმა, იტალიელების გაძარცვამ ტურისტებს ჩამოსვლის სურვილი დააკარგვინა. ერთი თვის მანძილზე აღარავინ გაკარებია სვანეთს.“

უცხოელი ინვესტორების მიერ დაფინანსებული პროექტისაგან განსხვავებით, უიღბლო აღმოჩნდა მაჩუბი-სასტუმროს

გახსნის მცდელობა. მრავალგზის რეკლამირებულ იდეას სატელევიზიო შოუს მონაწილე ბიზნესმენებიდან ერთ-ერთი (თემურ ჭყონია) კი გამოეხმაურა, მაგრამ შემდეგ მესტიას გამგზავრება გაურკვეველი ვადით გადადო. ჩართოლანების საგვარეულო კომპიში სასტუმროს მოსაწყობად დასახელებული თანხა – 50 ათასი ლარი – დღეს უკვე საკმარისი აღარც არის.

ზაურ ჩართოლანი: „ბიზნესმენების ფინანსურ მხარდაჭერას სვანური ყოფის, მაჩუბის ინტერიერისა და თანამედროვე სერვისის შერწყმა უნდა მოჰყოლოდა. ეს იყო ეგზოტიკური გარემოს შესაქმნელად და ძველი უზნების შესანარჩუნებლად გათვლილი კონცეპტუალური მიდგომა. დღეს ბევრი სახლი ინგრევა მესტიაში. ტრადიციული ხუროთმოძღვრების რამდენიმე ნიმუშისგან მხოლოდ ფასადებია დარჩა. მათ აღსადგენად საჭიროა სამი რამ: უკვე ნახსენები კონცეფციის გათვალისწინება, ტურიზმით დაინტერესება და ფული.“

* * *

ტურისტული სერვისი უპირობოდ გულისხმობს უსაფრთხოების გარანტიას. გარანტია შესაბამისმა სამსახურმა უნდა შექმნას. მესტიაში, რამდენიმე წელიწადია, არსებობს სამაშველო ფორმა „მთის ლეგენდა“. მას ცნობილი ალპინისტი ნუგზარ ნიგურაიანი ხელმძღვანელობს. წელს ფორმამ შინაგან საქმეთა სამინისტროს საგანგებო სიტუაციების დეპარტამენტთან თანამშრომლობის შესახებ ხელშეკრულება გააფორმა. თანამშრომლობა, უმთავრესად, „მთის ლეგენდის“ ტრანსპორტით უზრუნველყოფაში გამოიხატება. ვგულისხმობთ არა ძვირადღირებულ და წარმოუდგენელ ფუფუნებას – ვერტმფრენს, არამედ აღ-

გილობრივი პოლიციის კუთვნილ მანქანას, რომელსაც განყოფილება, საფრთხეში ჩავარდნილ ტურისტებამდე ან დაშავებულ ალპინისტებამდე მისალწევად, ათხოვებს მაშველებს. შინაგან საქმეთა სამინისტრო კარვებისა და საძილე ტომრების გადაცემასაც აპირებს. აღჭურვილობაზე საუბარი ჯერ არ არის, მიუხედავად იმისა, რომ ტრავმირებული მთამსვლელების დასაშვებად საჭირო თოკი ფირმის თანამშრომლებს ზოგჯერ მიხეილ ხერგიანის სახლ-მუზეუმიდან გააქვთ. თოკი 1963 წელს არის ჩამოწერილი.

ნუგზარ ნიგურიანი: „ხელშეკრულების მიხედვით, საგანგებო სიტუაციათა დეპარტამენტმა საზაფხულო სეზონის დაწყებისთანავე ტურისტ-ალპინისტების შესახებ დაწვრილებითი ცნობები უნდა მოგვავაზოდოს. „მთის ლეგენდამ“ კი დაადგინოს: ვინ, საიდან, რა მიზნით, რამდენი ხნით მოდის, რომელი მარშრუტის გავლას

აპირებს, სად ბინავდება... ანუ გააკონტროლოს, აღრიცხოს, უპატრონოს ყველა ჩამომსვლელს, გამორიცხოს უსისტემობა და ქაოსი.“

* * *

ვიცი, ტურიზმს სჭირდება შესაბამისი ინფრასტრუქტურა, კვალიფიციური მომსახურე პერსონალი, გაჭიმული ტრასა და კომუნიკაციების მონესრიგებული ქსელი. სვანეთში კადრების მომზადება იწყება. ახალი აეროპორტი დღე-დღეზე ჩადგება მწყობრში. შუქიც არის. მაგრამ... მესტიის გზებზე კვლავინდებურად ჯაყჯაყებს ტრანსპორტი. ცენტრში გახსნილია სასადილო ტიპის ერთადერთი რესტორანი. ძველი უბნები ინგრევა. რაიონის გამგებლის მიერ შეპირებული თანხის გარდა, იტალიელი მთამსვლელის, სილვიო კალვის შემწეობას ელის მიხეილ ხერგიანის სახლ-მუზეუმი.

საქართველო არცთუ მდიდარი ქვეყანაა. ტურიზმს კი სჭირდება...

360 ხანი ამკვენიური

გივი გამრეკელი

„ტუალეტის სტრატეგია“

თუ უსიამოტროპული საშუალებაა?

მატიჩი მსოფლიო პირველობაზე, რომელიც სხვადასხვა წესებითა და პერიოდულობით, საჭადრაკო სამყაროში 1886 წლიდან იმართება, სრულიად განსაკუთრებულ სპორტულ მოვლენად ითვლება. მისთვის საგანგებოდ ემზადებიან არა მარტო თვით მონაწილეები და მათი თანაშემწენი, არამედ, ასე გასინჯეთ, თითოეული გულშემატკივარიც კი, ჭადრაკის მიმომხილველებზე რომ აღარაფერი ვთქვათ. იხსენებენ მეტოქეთა ადრინდელ ანგარიშს, მათ შორის გათამაშებულ პარტიებს. ყოველივე ამას მხოლოდ სტატისტიკისათვის კი არა აქვს მნიშვნელობა.


ამასთან მატიჩიც არის და მატიჩიც. ორი მათგანი მაინც განსაკუთრებული იყო. ჩვენ მხედველობაში გვაქვს ალექსანდრე ალიოხინის გამარჯვება მანამდე აბსოლუტურად უძლეველად მიჩნეულ ხოსე რაულ კაპაბლანკასთან (ბუენოს-აირესი, 1927) და, რა თქმა უნდა, რობერტ ფიშერის დამაჯერებელი მოგება ბორის სპასკისთან (რეიკიავიკი, 1972 წელი).

ჩვენ რომ გვკითხონ, ვლადიმირ კრამნიკისა და ვესელინ ტოპალოვის ორთაბრძოლასაც ამ განსაკუთრებული მნიშვნელობის შეხვედრების რიცხვს მივაკუთვნებდით. რატომ? განა მათი ავტორიტეტი შეედრება იმავე ფიშერისა და გნებავთ ამასწინათ ჭადრაკიდან საკუთარი ნებით ნასულ და პოლიტიკაში „გადავარდნილ“ გარი კასპარო-

ვის სახელსა და ავტორიტეტს? რა თქმა უნდა, არა! საქმე სულ სხვა რამეშია. კრამნიკისა და ტოპალოვის შებრძოლებას უნდა გაეერთიანებინა ორად გახლეჩილი საჭადრაკო სამყარო. ამიერიდან უნდა გამქრალიყო რალაცა უხერხული გამოთქმები: „მსოფლიო ჩემპიონი პროფესიონალთა შორის“, „მსოფლიო ჩემპიონი ფიდეს სისტემით“ და ჭადრაკს ჰყოლოდა, როგორც ეს მრავალი წლის განმავლობაში იყო, ერთი, საყოველთაოდ აღიარებული უძლიერესი დიდოსტატი. სწორედ ამას მოითხოვდა საჭადრაკო სამყარო მთელი უკანასკნელი 13 წლის განმავლობაში, მოითხოვდა და უკანასკნელ მომენტამდე ვერაფერს აღწევდა, სანამ საქმეში ფიდესა და ყალბუხეთის რესპუბლიკის პრეზიდენტი კირსან ილიუმჟინოვი არ ჩაერია. ხომ გახსოვთ ბომარშეს გამოთქმა „გრაფს ჯიბეში ისეთი არგუმენტები აქვს!“ დიახ, ამ ორგზის პრეზიდენტმაც ჩაიყო ხელი ჯიბეში, ამოიღო ერთი მილიონი დოლარი, ორივეს თანაბრად გაუნაწილა და შეხვედრაც თავის მიერ აშენებულ „ჩეს-სიტიში“ მოაწყო, ქალაქ ელისტაში, თორემ თავდაპირველად არც ერთს უნდოდა თამაში და არც მეორეს. ტოპალოვზე იმასაც ამბობდნენ, თითქოს მას კრამნიკზე ეთქვას, „რატომ უნდა ვეთამაშო, ის ხომ ჩემი კლასის მოთამაშე არ არის!“

ვლადიმირ კრამნიკი (დაიბ. 1975 წლის 25 ივნისს) ვესელინ ტოპალოვზე (დაიბ. 1975 წლის 15 მარტს) სულ რამდენიმე თვით უფროსი, თუმცა იგი უკვე განთქმული მოჭადრაკე იყო, როცა ტოპალოვის სახელი, თუ, რა თქმა უნდა, მის ქვეყანას, ბულგარეთს არ გავითვალისწინებთ, არავინ იცოდა. კრამნიკის საჭადრაკო კარიერა ნამდვილად ბრწყინვალეა, თუმცა ზოგიერთ შემთხვევით მომენტსაც ნუ გამოვიცხავთ. შემთხვევითობაა, აბა რაა, რომ როცა კრამნიკი 16 წლისა იყო და მხოლოდდამხოლოდ ოსტატის ნოდებას ატარებდა, იგი მსოფლიოს მაშინდელი ჩემპიონის, გარი კასპაროვის დაჟინებით, საბჭოთა კავშირის ნაკრებში შეიყვანეს, რომელიც საერთაშორისო ოლიმპიადაზე გასამგზავრებლად ემზადებოდა. ეს მაშინ, როცა ყველა დანარჩენი ნამყვანი დიდოსტატი სასტიკი

წინააღმდეგი იყო, ამ ბავშვს ჩვენს რიგებში რა უნდაო! კრამნიკი კი, ადგა და ოლიმპიადაზე ყველა პარტია მოიგო, იქიდან მოყოლებული კი იმარჯვებდა ყველა შეჯიბრებაში, სადაც კი მონაწილეობდა. რა იცოდა მაშინ კასპაროვმა, ვის უქმნიდა „ზურგქარს“, თურმე თავის მომავალ მძლეველს, თუმცა იქამდე ჯერ რამდენიმე წელი რჩებოდა. ბედისწერით, კრამნიკს ერთ მომენტში ძალიან გაუჭირდა, თუმცა აქაც კასპაროვი დაეხმარა (საფლავს ითხრიდა?!) და თანაც როგორ! ჩვენ მხედველობაში გვაქვს მსოფლიო ჩემპიონობის პრეტენდენტების ფინალური მატჩი 1998 წელს, რომელში გა-



პეტერ ლეკო და ვლადიმირ კრამნიკი

მარჯვებულიც მსოფლიო ჩემპიონ კასპაროვს უნდა შეხვედროდა. ერთმანეთს დაუპირისპირდნენ ვლადიმირ კრამნიკი და ალექსეი შიროვი, გენიალური მიხეილ ტალის მოწაფე და თანაქალაქელი. კრამნიკი ფავორიტად კი ითვლებოდა, მაგრამ მოხდა ისე, რომ ორთაბრძოლა მანც ნააგო (3,5:5,5). აი, ამ შეხვედრის ორგანიზატორებმა კი პირდაპირ „სოლომონისებური გადაწყვეტილება“ მიიღეს: დაე, მთელი ჰონორარი, 100 ათასი დოლარი დამარცხებულს, კრამნიკს გადაეცეს, შიროვი ხომ მსოფლიო ჩემპიონს ეთამაშება და თუნდაც წაგების შემთხვევაში გაცილებით მეტ თანხას დაიმსახურებსო. სინამდვილეში კი აი, რა მოხდა: კასპაროვმა შიროვთან შეხვედრაზე უარი თქვა, ასეთ მატჩს (იგი ხომ შიროვს თითქმის ყველა პარტიას უგებდა) არცერთი სპონსორი არ დააფინანსებსო. აქ, რა თქმა უნდა, დიდი როლი ითამაშა კასპაროვისა და შიროვის ძალიან ცუდმა პირადმა ურთიერთობამ. ერთი სიტყვით, კასპაროვის დაჟინების შედეგად შიროვი საერთოდ ცარიელ-ტარიელი დარჩა და მისი შემდგომი მარცხიანი გამოსვლებიც იოლად გასაგები გახდა. რაც შეეხება თვით კრამნიკს, იგი 2000 წელს შეხვდა კასპაროვს, დაამარცხა იგი ორი ქულის უპირატესობით (ისე, რომ ერთი პარტიაც კი არ წაუგია) და მსოფლიოს მეთოთხმეტე ჩემპიონი გახდა. ერთი სიტყვით, რომ იტყვიან, კასპაროვს ენამ უყვილა, რა თქმა უნდა, გულის სიღრმეში მწარედ ინანა, რომ ფაქტობრივად თვით უჩვენა „მწვანე შუქი“ ესოდენ ძლიერ ახალგაზრდა კონკურენტს.

გავიდა დრო. დაწინაურდა დიდოსტატების ახალი თაობა. ერთმა მათგანმა, უნგრელმა პეტერ ლეკომ (დაიბ. 1979 წლის 8 სექტემბერს) იმდენი ქნა, რომ 2004 წელს თვით შეხვდა ახალ მსოფლიო ჩემპიონს. ეს ორთაბრძოლა კრამნიკისათვის მეტად ძნელი გამოდგა. საკმარისია აღინიშნოს, რომ მან მხოლოდ უკანასკნელი პარტიის მოგებით შეძლო ანგარიშის გათანაბრება და მოქმედი წესებით, შეინარჩუნა მსოფლიო ჩემპიონობა. როგორც გამოირკვა საქმე მარტო უნგრელის სიძლიერეში არ იყო. კრამნიკი სერიოზულად დაავადდა (ართრიტი) და მომდევნო ორი წლის მანძილზე ფრიად უფერული შედეგები ჰქონდა.

იგი უკვე აღარ იყო რეიტინგით პირველი, შორს გაუსწრეს ინდოელმა ვიშვან ათან ანანდმა, იმავე პეტერ ლეკომ, გარი კასპაროვზე რომ აღარაფერი ვთქვათ. სისტემატურად მიინევდა წინ ვესელინ ტოპალოვიც, რომელსაც ბულგარეთში პირდაპირ იდეალური პირობები შეუქმნეს. უამრავ ქომაგთან ერთად მას მხარში ედგა სიმონიც. ამ ფრიად საყურადღებო პიროვნებას ჩვენ მხოლოდ სახელით იმიტომ ვახსენებთ, რომ იგი ყმანვილობაში ბულგარეთის მეფე იყო, შემდეგ კომუნისტებმა გააძევეს, ემიგრაციაში მთელი ნახევარი საუკუნე გაატარა, შემდეგ დაბრუნდა, ბრწყინვალედ გაიმარჯვა არჩევნებში და პრემიერ-მინისტრი გახდა, რაც მსოფლიო ისტორიაში არნახული მოვლენაა.

საუკუნის მინურულისათვის ტოპალოვი ერთ-ერთი გამოჩენილი ახალგაზრდა დიდოსტატი კი იყო, მაგრამ მსოფლიო ჩემპიონობის პრეტენდენტად მას არავინ თვლიდა. ასე ფიქრობდა მხოლოდ მისი აღმზრდელი სილვიო დანაილოვი. თვით ტოპალოვი კი თავის დროს ელოდა. მანამდე მას სულაც არ უთავილია უკრაინელ რუსლან პონომარიოვის სეკუნდანტობა, რომელიც კასპაროვთან მატჩისათვის ემზადებოდა. ეს შეხვედრა არ შედგა. ერთი ვერსიით, კასპაროვმა ახალგაზრდა პონომარიოვი თავისთვის შესაფერის მეტოქედ არ ჩათვალა, სულ ცოტა ხნის შემდეგ კი მიიღო გადაწყვეტილება ჭადრაკისათვის თავი დაენებებინა (ათასში ერთხელ სწრაფი ჭადრაკის თამაში სათვალავში ჩასაგდები არ არის). საინტერესოა, რომ ის, ვისთანაც ნააგო კასპაროვმა თავისი უკანასკნელი სატურნირო პარტია, შარშან აპრილში, ლინარესში, სწორედ ტოპალოვი გახლავთ!

ამ დროიდან მოყოლებული ტოპალოვთან თამაში, პირდაპირ რომ ვთქვათ, შეუძლებელი გახდა. იგი პირველადგის იკავებდა ყველგან, სადაც კი თამაშობდა. განსაკუთრებული შთაბეჭდილება დატოვა ბულგარელის გამოსვლამ სან-ლუიში (არგენტინა), ფიდეს ვერსიით მსოფლიო ჩემპიონატზე. აქ 8 დიდოსტატი მონაწილეობდა (ორ წრედ). ჩვენ ვერ დავასახელებთ ბოლო 30 წლის ვერცერთ შეჯიბრებას ფიშერის იმ დაუფინყარი მატჩების შემდეგ (6:0 ლარსენთან, ტაიმანოვთან, სპასკის სასტიკი დამარცხება), როცა ერთ მონაწილეს სხვებზე ესოდენ შთამბეჭდავი უპირატესობა ჰქონდა. სან-ლუიში კი აი რა მოხდა. პირველ წრეში ტოპალოვმა მოიგო თითქმის ყველა პარტია, მეორეში იმავე მეტოქეებს ყაიმზე შეუთანხმდა და საშუალოდ დამაჯერებლად ფიდეს ვერსიით მსოფლიო ჩემპიონი გახდა, დიან, დაუმარცხებელი მსოფლიო ჩემპიონი.

კრამნიკს, რომლის შედეგები სულ უფრო და უფრო უარესდებოდა, შესთავაზეს ტოპალოვთან შეხვედრის უფლებისათვის რიგშიც კი ჩამდგარიყო, ე.ი. ეთამაშა შე-

სარჩევ შეჯიბრებებში. თუმცა პრეზიდენტმა ილიუმინოვმა უფრო სამართლიანად ჩათვალა ამ ორ ჩემპიონს შორის უშუალო ორთაბრძოლის მონაცობა, როგორც მოგახსენეთ, გაიკრა ჯიბეზე ხელი.

დაინიშნა 12 პარტია, რაც, ცხადია, ასეთი დონის შეჯიბრებისათვის ცოტაა, მაგრამ დრო შეიცვალა და ახლა თვეობით თამაში საჭიროდ აღარ ითვლება. იმის გამო, რომ კრამნიკმა უკანასკნელ თვეებში ერთგვარად აღიდგინა თავისი „ფორმა“, დორტმუნდში ბოლო პარტია მოუგო იმავე ლეკოს, გადაასწრო მას და პირველი ადგილი დაიკავა, კომენტატორები თვლიდნენ, რომ ელისტაში ყველაფერი იყო მოსალოდნელი, აქ შეხვედრის ბედი კლასთან ერთად, შეედლო ილბალსაც გადაენწყვიტა. უმეტესობა მეტოქეების შესაძლებლობებს მაინც თანაბრად მიიჩნევდა.

რა თქმა უნდა, ისევე, როგორც მსოფლიო პირველობის ყველა ორთაბრძოლაში, წინასწარი დაძაბულობა დიდი იყო. მოსკოვის ჟურნალმა „64“-მა („საჭადრაკო მიმოხილვა“) გამოაქვეყნა წერილი, სადაც ამტკიცებდნენ, რომ ყველა ადრინდელ შეჯიბრებაში ტოპალოვი თითქოს კომპიუტერს იყენებდა (როგორ? რანაირად?), რაც სასტიკად არის აკრძალული. ეს, რა თქმა უნდა, გარკვეული ფონის შესაქმნელად დაინერა. ამასთან ჟურნალმა ამ მეტოქეების ადრინდელი ანგარიშიც მოიყვანა: 36:26 კრამნიკის სასარგებლოდ. შთამბეჭდავი უპირატესობაა, მაგრამ ამას ახლა არ უნდა ჰქონოდა დიდი მნიშვნელობა – პარტიების დიდი უმეტესობა ხომ იმ საუკუნეში გაიმართა!

პირველი პარტიების შემდეგ ცხადი გახდა, რომ ტოპალოვი, რაც მას საერთოდ არა სჩვევია, ვერ იყენებდა თვალსაჩინო, ზოგჯერ კი გადამწყვეტ უპირატესობას. ზოგი თვლიდა, რომ კრამნიკს აშკარად ბედის წყალობდა, სულ მალე კი მეტოქეებს შორის დიდი უთანხმოება მოხდა. 4 პარტიის შემდეგ, როცა ანგარიში იყო 3:1 კრამნიკის სასარგებლოდ, ტოპალოვის მხარემ გაავრცელა წერილი, რომელსაც ნამდვილად სკანდალური ხასიათი ჰქონდა. აქ მითითებული იყო, რომ ყოველი სვლის შემდეგ კრამნიკი მიაპურებს ხოლმე ჯერ მისთვის განკუთვნილ დასასვენებელ ოთახს, შემდეგ კი შედის ტუალეტში, ერთადერთ ადგილში, სადაც არ არის სათვალთვალ კამერა. ვესელინმა დათვალა, რომ მეოთხე პარტიაში, მე-15 სვლიდან მოყოლებული, კრამნიკი 49-50-ჯერ შევიდა საპირფარეოში (სხვა პარტიებში იგი საშუალოდ 25-ჯერ მაინც იმყოფებოდა ამ ოთახში). დიახ, მაგრამ რას აკეთებდა? რას აკეთებდა და გადაწყვეტილების მიღების წინ, რასხან ვერაჟინ აკონტროლებდა, კომპიუტერს იყენებდა!

ამაზე მძიმე ბრალდების წაყენება დღევანდელ პირობებში, ალბათ, შეუძლებელია. მსოფლიო პირველობაზე ადრინდელ მატჩებშიც ყოფილა სხვადასხვა სახის „მამაძაღლობა“, ერთხელ ფიშერმა მოითხოვა იმ სკამის გაჭრა, სადაც მას სვამდნენ. იქ არაფერი ყოფილიყო დამონტაჟე-



ვესელის ტოპალოვი

ბული, მართლაც გაჭრეს, მაგრამ მკვდარი ბუზის მეტი ვერაფერი აღმოაჩინეს. ახლა მკვდარი ბუზი ყველამ დაივინყა, მაგრამ საპირფარეოში კრამნიკს მართლაც კამერა დაუყენეს. შეურაცხყოფილმა კრამნიკმა განაცხადა, რომ მას უსინდისოდ ცილს სწამებდნენ, მეხუთე პარტიაში სათამაშოდ არ გამოცხადდა, რისთვისაც წაგება ჩაეთვალა. ანგარიში გახდა 3:2. კრამნიკი საერთოდ აპირებდა მატჩის მიტოვებას, მაგრამ შემდეგ მაინც გააგრძელა თამაში. მომდევნო პარტიები ყაიმით დასრულდა (4:3 კრამნიკის სასარგებლოდ 7 პარტიის შემდეგ). შემდეგ ზედიზედ ორჯერ ბულგარელმა გაიმარჯვა და დაწინაურდა, თუმცა მეათეში გამარჯვებით კრამნიკმა კვლავ გაათანაბრა ანგარიში. მეთერთმეტე და მეთორმეტე პარტიების ყაიმით

დასრულების შემდეგ ანგარიში გახდა 6:6 და ამით დასრულდა შეჯიბრების ძირითადი ნაწილი.

აფსუს, სტიინციის და ლასკერის დროინდელი ჯენკლმენური ჭადრაკი!

ტოპალოვი თვლიდა, რომ ასეთ მეტოქესთან ლაპარაკი კი არ ღირდა, მას ხელს აღარ ართმევდა და საერთო პრესკონფერენციებშიც აღარ მონაწილეობდა. უფრო მეტიც, განაცხადა, რომ მის წინააღმდეგ რაღაც ფსიქოტროპულ საშუალებებს იყენებდნენ, თავი მუდამ ბურუსში ჰქონდა, რაღა უნდა ეთამაშა.

ასე იყო თუ ისე, მაინც ბრძოლა გრძელდებოდა. რასხან „ძირითადმა დრომ“ გამარჯვებული არ გამოავლინა, დაინიშნა ოთხი სწრაფი პარტია ერთ დღეს, 13 ოქტომბერს. ამ სწრაფ პარტიაში თითოეულ მეტოქეს სვლების მოსაფიქრებლად სულ 25 წუთი ეძლევა. ხომ ადვილი წარმოსადგენია, როგორი იქნებოდა დაძაბულობა!

პირველი პარტია, რომელშიც ბულგარელი თეთრებით თამაშობდა, ყაიმით დასრულდა, მეორე მოიგო კრამნიკმა, მესამე – ტოპალოვმა. და აი, მეოთხე დამატებით შეხვედრაში გაიმარჯვა კრამნიკმა და ეს მრავალტანჯული მატჩიც დამთავრდა. საბოლოო ანგარიშია 8,5:7,5 კრამნიკის სასარგებლოდ, რომელმაც არა მარტო შეინარჩუნა თავისი წოდება, არამედ ოფიციალურად გააერთიანა საჭადრაკო სამყარო.

ისე კი, ხომ არ ვჩქარობთ, როცა ბრძოლის დამთავრებაზე ვლაპარაკობთ? მატჩი კი დამთავრდა, მაგრამ სკანდალი ხომ სულ უფრო იზრდება და ფართოვდება. როგორ მოხდა, რომ კრამნიკის სვლები ესოდენ გასაოცრად ემთხვეოდა კომპიუტერულ პროგრამა „ფრიც 9“-ის მოქმედებებს? ამაზე დღემდე ვერავინ გასცა პასუხი. რა ფსიქოტროპული საშუალებები იყო, ტოპალოვს რომ თავგზას უბნევდა...

ერთი სიტყვით, მატჩი ელისტაში კი დასრულდა, მაგრამ ახლა კამათში ფსიქოლოგები, კომპიუტერის შემქმნელები და სულ სხვადასხვა დარგის მეცნიერები უნდა ჩაერთონ.

მარტი ლარნი

სოკრატე ჰელსინკში

*

თითქმის საშობაო მოთხრობა

ფინეთის ყოფილი მოქალაქე ვიხტორი ვირტანენი ცაათა სასუფეველს 1944 წლის გაზაფხულზე გაემგზავრა. დასაწყისში თავს კარგად გრძნობდა, მაგრამ თანდათან ანგელოზთა ქოროს გალობა და არფების ჟღარუნის მობეზრდა. უკვე სახლიც მოენატრა და იმასაც ფიქრობდა, ურიგო არ იქნებოდა, ცოლის ჯაჯღანიც გამეგონაო. ისე, მრავალფეროვნებისათვის.

ადგილიდან ადგილზე მოუსვენრად რომ დაფარფატებდა, ერთხელ ტანმორჩილ, სახედაღარულ მოხუცს გადაეყარა, რომელიც ისე უსახური იყო, თითქმის ლამაზადაც მოგეჩვენებოდა. ეს ჩია, გამოფიტული ბერიკაცი მასწავლებლობდა და გასაგებიც იყო, რატომ გამოიფიშკა ასე: ყველას მოეხსენება, რარიც ცუდია მასწავლებლის ანაზღაურება. ის იყო გაკვეთილი დაემთავრებინა და მოჩვენებითი პალმის ძირში მჯდარი მარადისობასა და სიცოცხლის უწყვეტობაზე ფიქრობდა.

– ვაი, დედა, რა საშინელი ხარ, მოხუცო! – თქვა ვიხტორი ვირტანენმა, რომელსაც ბავშვობიდან ჩასჩიჩინებდნენ: ყოველთვის სიმართლე თქვიო.

– უფრო უსახურიც შეიძლება ვყოფილიყავი, – აღერსიანად უპასუხა ბერიკაცმა და კეთილმა ღიმილმა სახე გაუნათა.

– ასეთი ჯოჯოხეთის მამხალა რომ ვყოფილიყავი, პატიოსან სიტყვას გაძლევ, თავს ან ჩამოვიხრჩობდი ან მოვინამლავდი.

– მეც ასე მოვიქეცი, – უპასუხა მოხუცმა, – მაგრამ საკუთარი თავით უკმაყოფილების კი არა, კაცთა უკეთურების გამო.

– ვხედავ, ენაზე ძვალი არა გაქვს! – წამოიძახა ვიხტორი ვირტანენმა, – ამ მხარეში როდის ჩამოხვედი?

– ჩვენს ერამდე ოთხასი წლის წინათ.

– შემთხვევით ცოტა ხომ არ ცრუებენტელობ?

– არა, მე ყოველთვის ჭეშმარიტებისაკენ ვისწრაფოდი.

– საიდან ხარ?

– საბერძნეთიდან. ჩემს მშობლიურ ქალაქ ათენში ახალგაზრდობას ცხოვრების შეცნობას ვასწავლიდი.

– ეჰ, მოხუცო! დაგენებებინა თავი ახალგაზრდობისათვის. ეცეკვათ თავისთვის, ეჯაზათ, ეთვალერებინათ კომიქსები და ეკურკურათ კინოსეანსებზე.

– შენი სიტყვებისა არაფერი მესმის. რა ენაზე მელაპარაკები?

– იმავე ზეციურზე, რაზეც შენ საუბრობ.

– ჰო, რა თქმა უნდა. მაგრამ რას ნიშნავს „ეჯაზათ“, „კომიქსი“, „კინო“?

– ნეტავ ვის რას ასწავლიდი, თვითონ არაფერი იცი!

– ბრძენი ისაა, ვინც თავის უვიცობის შესახებ იცის.

– მოიცა რა, მოხუცო, ნუ ხლართავ. რას ჭკუისკოლოფობ. წერაკითხვა მაინც თუ იცი?

– არა. და არც არის საჭირო. ბევრი არცთუ

სულელი ადამიანი ჭკვიანი წიგნების კითხვით სულელდება. სხვები წერენ წიგნებს, რომლებშიც წვეთი არ არის სიბრძნისა. ესენი სოფისტები არიან. მათი ცრუმეცნიერება ცუდ საქმეს ემსახურება. ფულის გულისათვის, რასაც გინდა, იმის დამტკიცებას მოჰკიდებენ ხელს. მაგალითად, ამბობენ, თუკი ცა ლურჯია, ლურჯი კი – ფერია, ე.ი. ცა სხვა არაფერია, თუ არა ფერიო. აქ კი რაიმე ლურჯი გინახავს? აქ ყველაფერი თეთრია და უფერო. ადამიანმა ჭეშმარიტი და უტყუარი ცოდნისაკენ მისწრაფებით საგანთა არსი უნდა გამოიკვლიოს.

ვიხტორი ვირტანენი მოუსვენრად შეტრიალდა და უთხრა:

– აი, რა ყბედი ხდება ადამიანი, ძალიან დიდხანს რომ გაუტკებება მიწაზე ცხოვრება. რა გქვია, მოხუცო?

– სოკრატე.

– სოკრატე! ოდესღაც მსმენია ეს სახელი. სწორედაც! სკოლაში გვეუბნებოდნენ... ნუთუ სწორედ შენ ხარ ის ბერიკაცი, ჯოჯოხეთურად ავი ცოლი რომ ჰყავდა? მოიცა, რა ერქვა?

– ქსანთიპე. მაგრამ ავი სულაც არ ყოფილა, უბრალოდ, ჩვეულებრივი ცოლი იყო, რომელიც ჯაჯღანებს და ტვინს გიბურღავს. ცოლმა თუ არ გიჩიჩინა, აბა, რაღა ცოლი იქნება.

– აი, ახლა, სრული სიმართლე თქვი! – შესძახა ვიხტორი ვირტანენმა. – მეც ასე ჩამჩიჩინებდა ჩემი ყოველთვის. სულმოუთქმელად: „უნდა გაიპარსო, ვიხტორი, უნდა გაიპარსო, ვიხტორი, გაიპარსო, გაიპარსო – პარსო, პარსო, პარსო... ისევ ჩამოინუნე ლორივით, ისევ ჩამოინუნე ლორივით, ისევ ლორივით, ლორივით – ვით, ვით, ვით... შენ ფულს ფლანგავ, მე კი ძონძებით დავიარები, ძონძებით, ძონძებით – ძებით, ძებით, ძებით, ძებით...“

სოკრატემ, თანხმობის ნიშნად თავს რომ უქნევდა, უთხრა:

– ქსანთიპე ბუზღუნა ცოლის საზოგადო სახელად იქცა.

– ჩემს ცოლს ანა ერქვა, მაგრამ მისი ჟიჟინი ყელში მქონდა ამოსული.

– აქ როდის მოხვდი?



– ათას ცხრაას ორმოცდაოთხის გაზაფხულზე.
 – რომელი წელთაღრიცხვის?
 – რა შუაშია წელთაღრიცხვა. ეს-ესაა ოცდარვა წლი-
 სა გავხდი. ფრონტზე ვიყავი და უეცრად დავიკარგე.
 – უკვალოდ არაფერი ქრება. მხოლოდ ფორმა იც-
 ვლება.
 – გეყო რა ჭკუისკოლოფობა, მეგობარო. რიგითი
 ვიხტორი ვირტანენი უგზო-უკვლოდ დაიკარგა. გულით
 ტყვია შეაკავა და ჭურვის აფეთქებისას მიწამ დამარხა.
 იმავე სანგარში. არც გმირის საფლავი, არც ორდენები.
 აქ კი თანაპოლკელებთან ერთად მომიყვანეს: ჭიშკარ-
 თან ერთი ჯგლეფა იყო, სიის გარეშეც კი უშვებდნენ.
 მხოლოდ იმეორებდნენ: „წინ, წინ გაიწიეთ, იქ თავისუ-
 ფალიაო“. ზუსტად ისე, როგორც ტრამვაიაში.
 – უცნაური სიტყვებია, უცნაური, იდუმალი, – ჩაი-
 ბურტყუნა სოკრატემ. – ტყვია, სანგარი, ტრამვაია? რას
 ნიშნავს „ტყვია“?
 – ტყვია არ იცი, მამილო? ტყვია ისეთი რამაა, აი, აქ
 შევიდა და აქედან გამოვიდა.
 ვიხტორი ვირტანენმა მკერდი აჩვენა, მაგრამ რად-
 განაც იქ არავითარი ნაჭრილობები არ ჩანდა, სოკრატემ
 იფიქრა, ახალგაზრდა რაღაცას ცრუბუნტელობსო.
 – ალბათ გინდა თქვა, რომ შუბმა ან ისარმა განგემი-
 რა? – ჰკითხა ვიხტორის.
 – არც ერთმა და არც მეორემ. ტყვიამფრქვევის შემ-
 თხვევითი ჯერი. შენ, გეტყობა, წვევამდელი მომზადება
 არ გაგივლია. თანამედროვე იარაღიც კი არ იცი. ნეტა
 იქ რას ასწავლიდი?
 – მოკვლა არასოდეს მისწავლება. ამას სიბრძნე არა
 სჭირდება.
 – არაფერი შენ არ გესმის! სწორედ აქ არის საჭირო
 დიდი სიბრძნე. მეც კი საგანგებო სწავლება გავიარე. მე-
 ავტომატე ვიყავი. ავტომატი კი ქვეითთა უმნიშვნელოვა-
 ნესი იარაღია. ქვეითთა გარეშე კი ომი რა ომია. მას შემ-
 დეგ, რაც არტილერია მტრის პოზიციებს დასცხვებს, მოქ-
 მედებას იწყებს ქვეითი. მას კი ქვეყნის საქმე აყრია.
 წმენდს ტერიტორიას, წვავს სოფლებსა და ქალაქებს, ხო-
 ცავს მოხუცებსა და ბავშვებს, აუპატიურებს ქალებს...
 – კმარა, კმარა! – შესძახა სოკრატემ – საიდან ხარ?
 – ფინეთიდან.
 – არ ვიცი ასეთი ქვეყანა. სად არის – აზიაში თუ აფ-
 რიკაში?
 – ევროპაში, ევრეე... ჰელსინკი ჩემი მშობლიური ქა-
 ლაქია. ეჰ, როგორ მინდა ახლა იქ...
 – ცოლს რომ შეხვდე?
 ვიხტორი ვირტანენი წუთით დაფიქრდა და აუჩქა-
 რებლად უპასუხა:
 – რატომაც არა...
 – ისევ ჩიჩინი რომ დაგინყოს?
 – რა თქმა უნდა, ჩიჩინს დაინყებს. „სად დაეთრეოდი
 მთელი ეს ხანი, ხანი, ხანი, ხანი – ნი, ნი, ნი?... ერთხელ
 მაინც მოგენერა უტიფარო, მოგენერა, უტიფარო, უტი-
 ფარო, მოგენერა, უტიფარო, უტიფარო, უტიფარო, უტი-
 ფარო“... რა თქმა უნდა, ტვინს გაბურღავს. ამიტო-
 მაცაა ცოლი. მაგრამ ამ ზეციური მუსიკის მოსმენის

ატანა უბრალოდ აღარ შემიძლია. დილიდან საღამომდე
 არფების სიმღერა და ჟღარუნი, საღამოდან ღამემდე კი
 – არფები და გუნდური გალობა. და სულ ერთი და იგივე.
 ანტრაქტში ტანგო, ფოქსტროტი ან შტრაუსის რომელი-
 მე ვალსი ან გარმონი მაინც გავიგონო. მაგრამ არა! აქ
 მხოლოდ ერთ ფირფიტას ატრიალებენ. თუმცა რაღა
 თქმა უნდა ამისთვისაც არსებობს ის – პროპაგანდა...
 – პროპაგანდა? რას ნიშნავს?
 – მისმინე, სოკრატე. ჩვენთან, ჰელსინკში, მართალს
 ვამბობ, ხალხი შენზე იტყოდა, მთვარიდან ჩამოვარდაო.
 რა მეშველება შენს ხელში. სჯობს ის მითხრა, არ შეიძ-
 ლება როგორმე აქედან მიწაზე ათესვა, თუნდაც შვებუ-
 ლებით? ჰელსინკში მინდოდა გამგზავრება.
 – ეს რა ქალაქები გაქვს?
 – მხოლოდ ჯარისკაცის ამოსაცნობი ჟეტონი მაქვს.
 – რა გერქვა?
 – ვირტანენი.
 – ადრეც მსმენია ეს სახელი.
 – ვირტანენი ფინეთში ასი ათასია.
 – სოკრატე კი მხოლოდ ერთი იყო საბერძნეთში.
 ვიხტორიმ ისე დაიყმუვლა მიწაზე ფიქრით მოწოლი-
 ლი სევდისაგან, როგორც კბილის ტკივილისას. მოვლენ-
 ა სრულიად გასაოცარი – რადგანაც ანგელოზები სა-
 მოთხეში სულაც არ ოხრავენ და არც ტკივილს გრძნო-
 ბენ. მათ გარდა, ვინც ზეცაში უპატიოსნო გზით შეაღ-
 ნია. მაგრამ ვიხტორი ვირტანენი სამოთხეში სრულიად
 კანონიერი გზით ასულიყო.
 ანგელოზი სოკრატე და ანგელოზი ვირტანენი წუ-
 თით დადუმდნენ. ბოლოს სოკრატემ წაილულულა:
 – ე.ი. მიწაზე? მე ხომ იქ ახალგაზრდობის გარყვნისა
 და სახელმწიფო რელიგიის უარყოფისათვის გამასამარ-
 თლეს.
 – ჩვენთან, ფინეთში, სინდისის თავისუფლებაა, –
 შენიშნა ვირტანენმა. – მეც გამოვემშვიდობე ეკლესიას
 და სამოქალაქო რეესტრში ვირიცხებოდი. აი, რაც შეე-
 ხება ახალგაზრდობას, ახლა უკვე საეჭვოა ამაზე მეტად
 მისი გაფუჭება. ესე იგი ახალგაზრდობის გახრწნისათ-
 ვის გაგასამართლეს? რაო, ნარკოტიკებს ჰყიდდი?
 – არ მესმის.
 – მაშინ თავისუფალ სიყვარულს ქადაგებდი თუ ია-
 ტაკქვემ პორნოგრაფიით ვაჭრობდი?
 – ისევ ვერ გავიგე, თუმცა ახლა რაღაც თქვი ბერ-
 ძნულად.
 – რა ჯანდაბაა, მე ხომ ფინელი ვარ.
 – საოცარია. ზოგიერთი შენი სიტყვა ბერძნულს მა-
 გონებს. „პორნოგრაფია“ ჩემს მშობლიურ ენაზე უხამ-
 სობის გამოსახვას ნიშნავს.
 – ფინურადაც სწორედ იმავეს ნიშნავს. არ მეგონა
 ასეთი რამეებისათვის თუ გაგასამართლებდნენ. ალბათ
 ახალგაზრდობაში თავგადაკლული დონ-ჟუანი იყავი?
 – არ ვიცნობ ამ სახელის ადამიანს, – მორიდებით მი-
 უგო სოკრატემ.
 – გულახდილად მითხარი, ცუდი რა გააკეთე მიწაზე?
 – ცუდი? არაფერი ცუდი არ გამიკეთებია. სხვაგვარად
 აქ არ ვიქნებოდი.

– აბა, სად იქნებოდი?

– ძნელი სათქმელია. შესაძლოა ათენში. განვაგარდნობდი ფიქრს და მეგობრებთან ცხოვრების მარადიულ ამოცანებზე საუბარს.

ანგელოზ ვირტანენს ჩაეცინა.

– ეჰ, საცოდავო ბერიკაცო! აქ შენ ვერც კი ამჩნევ, როგორ გადის დრო.

– და რა არის დრო? იქნებ შენ ამიხსნა?

– დრო? ეს ისაა, რასაც საათი აჩვენებს.

– რომელი საათი?

– ოჰ, შენ კიდევ ნერვებს ნუ მიშლი ამ სულელური შეკითხვებით. ხომ იცი, რომ ყველა აქ მოსულს პირველ რიგში საათს ართმევენ. მეც გამომართვეს. დრო, დრო... ისე, სინამდვილეში მეც ხომ არ ვიცი რა არის დრო...

– აი, ხომ ხედავ. თვითონვე აღიარებ, რომ ეს შენთვის შეუცნობელია. ეს ამტკიცებს, რომ შენში სიბრძნის მარცვალია. რად გინდა მინაზე დაბრუნება? იქ ხომ აქაური ჰარმონია არ არის.

– ჰარმონია! ეს ჰარმონია უკვე, აი, აქ მაქვს! რაღაც მრავალფეროვნება მაინც იყოს! წავალ, მიიფრინ-მოფრინდები, იქნებ ნაცნობებს მაინც შევხვდე.

ვირტანენმა ის იყო ფრთები შეისწორა, მაგრამ სოკრატემ შეაჩერა:

– რა გაჩქარებს, თუკი ჩვენს განკარგულებაში მარადისობაა, – იქნებ შენი დახმარება შევძლო. აქ სამოგზაურო ბიუროს თანამშრომელი გავიცანი. მიწასთან კარგი კავშირები აქვთ. სიმართლე გითხრათ, მე თვითონაც მიხდოდა იქ გაფრენა. მსმენია, ჩემი მოძღვრება დაუმახინჯებიათ. ჩემს მონაფეებს ახალი სკოლები შეუქმნიათ და აზროვნების ახალი მიმართულებანი განუვითარებიათ. ამბობენ, ეპიკურელები, ცინიკოსები და სტოიკოსები გაჩნდნენო.

– ასეთები უკვე დიდი ხანია აღარ არიან, – შეანწყვტინა ვირტანენმა. – ყოველ შემთხვევაში ჩემი წამოსვლისას არ ყოფილან. მაგრამ ამას რა მნიშვნელობა აქვს? ოღონდ გაგვიშვან. ეჰ, მინაჲ! როგორ მინდა იქ დაბრუნება. ძალიან ადრე მოვხვდი აქ.

დრო სამოთხეში არ არსებობდა. ამიტომაც ძნელი სათქმელია, როდის მივიდნენ სამოგზაურო ბიუროში და როდის დაიწყეს ცნობების შეგროვება გამგზავრებასთან დაკავშირებით. ჩინოვნიკები აუჩქარებლად იკვლევდნენ დოკუმენტებს, უყამო ყამს თათბირობდნენ და დამატებით განმარტებებს ითხოვდნენ. გამგზავრების მიზანი? ენის ცოდნა? უახლოესი ნათესავები ზეცაში? შევებულების ხანგრძლივობა – მინიერი აღრიცხვით: საათი, დღე-ღამე, კვირა? ნათესავები ან ნაცნობები, რომლებთანაც გაჩერდებით?

ყველა შეკითხვაზე ჩვენი მოგზაურები მშვიდად პასუხობდნენ, როგორც სქესისა და აჩქარების ჩვევადაკარგულ ანგელოზებს შეეფერებათ. სამჯერ უთხრეს უარი განცხადებაზე. უარის საფუძველი: მინაზე არავინაა დაინტერესებული მასწავლებლის, სახელად სოკრატეს, ჩასვლით, თუნდაც ვიზიტად. ვირტანენისა და მის მსგავსთა საფლავზე კი უკვე უცნობი ჯარისკაცის ძეგლი დგასო. მაგრამ ანგელოზები სულთ არ დაცემულან. მათ

შუამდგომლობით პრეზიდენტ პეტრეს მიმართეს და ბოლოსდაბოლოს გამგზავრების ნებართვა მიიღეს. თუმცა გარკვეული შეზღუდვებით. ერთად უნდა გამგზავრებულიყვნენ და დაბრუნებულიყვნენ და ნებართვა მხოლოდ ჰელსინკიში ჩასვლაზე ჰქონდათ. პოლიტიკური მოსაზრებებით სოკრატეს საბერძნეთის ვიზა არ მისცეს, თუმცა პირობა კი დადო, ახალგაზრდობასაც თავს დაევანებებ და სამშობლოში ოფიციალურად აღიარებულ ღმერთებსაც. ტანმორჩილი, სახედაღარული სოკრატე დანაღვლიანდა, მაგრამ ფრთები არ დაუშვია. თავის შინაგან ხმასთან გასაუბრების შემდეგ გადამწყვიტა ანგელოზ ვირტანენს ხლებოდა ჰელსინკიში იმ ფარული იმედით, რომ მეცნიერები იქ ბერძნულად ილაპარაკებდნენ, უბრალო ხალხს კი რაღაც მაინც გაეგებოდა ზეციური ენისა.

ერთ საოცრად ნათელსა და თბილ დღეს, 1966 წლის დეკემბრის მინურულს, დაახლოებით შუადღისას, ჰელსინკის უქნარები ალექსის კივის ძეგლთან შეგროვილიყვნენ. რა თქმა უნდა ფინეთის ეროვნული მწერალი სულაც არ აინტერესებდათ, რომელიც სხვათაშორის ტალიის ტაძრისაკენ ზურგშექცეული იჯდა. მათი მზერა ორმა წმინმა მიიპყრო, ძეგლის ძირში რომ მიყუჟულიყვნენ. ერთ-ერთი მგზავრი, ბებერი და კარგად მოფამფალეული, განიერ, ჭუჭყიან ლაბადაში ეხვეოდა. ფეხზე მოღრეცილი სანდლები ეცვა, ხელში კი როკებიანი სამგზავრო ჯოხი; მეორე, ჩუზით, სამხედრო ფორმაში გამონყობილიყო, მისი ძველი, გაქეჩილი შინელი ჭუჭყითა და სისხლით იყო გათხვრილი. გაბურძღვულმა ნიკაში მოიქექა, საათიანი ქონგურის მხარეს გაიხედა და თქვა:

– დროა დავიძრათ.

– უკან? – ჰკითხა სანდლებიანმა მოხუცმა.

– არა, ჯანდაბა, ჩემთან! ოღონდ რა დღეა დღეს? დღესასწაულია თუ სამუშაო დღე?

– ეს რა ურჩხულია? – შიშით იკითხა მოხუცმა.

– ავტომობილი.

– ავტო?... ისევ სიტყვა ჩემი ენიდან... რა, ცხოველია?

– ავტომობილი ცხოველი? არა, რა თქმა უნდა. ეს მანქანაა. მან-ქა-ნა!

– მახინაც – ჩემი ენიდანაა...

– თუ დღეს კვირაა, ცოლ-შვილი შინ იქნება. მაგრამ თუ სამუშაო დღეა, მაშინ ცოლი სამსახურში იქნება, პატარები კი – ბაღში... უკვე ალბათ მთელი თვე იქნება არ მინახავს... მაგრამ ჩვენთან ხომ ომია... განგაში! საჰაერო განგაში! დაა-ნექ!..

ცა თვითმფრინავის ძრავის გუგუნმა შეარყია, ეტყობოდა მთელი სისწრაფით ახლოვდებოდა. ჯარისკაცმა ხელი სტაცა თავის მეგზურს და ძეგლის ძირას, მინაზე დააგდო, თვითონ კი მის გვერდით განერთხა.

– რა ხმაურია აქ? დაიშალეთ, დაიშალეთ! – გაისმა პოლიციელის შეძახილი. ერთი ხანშიშესული ქალი ამოღერილი უღვაშებით ხელისუფლების წარმომადგენლის დასაცავად გაეშურა:

– აქ ვიღაც ორი მთვრალი საზოგადოებრივ სიმშვიდეს არღვევს. რა თქმა უნდა, არყისთვის ფული აქვთ და

რომ ჩაიცვან – არა. ასეთები დაუყოვნებლივ უნდა აიყვანო და იძულებით სამუშაო ბანაკებში გააგზავნო!

– ალბათ სწორედ იქიდან გამოიქცნენ, – შენიშნა სოლიდურმა მამაკაცმა.

– დაიშალეთ! – იყვირა პოლიციელმა და განმგმირავი სტვენით მოუხმო მაშველ ძალას.

– ვინ ხართ? – უღრიალა პოლიციელმა სამხედრო-ფორმიანს და ფეხზე წამოაგდო.

– რიგითი ვიხტორი ვირტანენი, მესამე ქვეითი პოლიკი.

– ნასვამი ხართ. რას კოტრიალობთ, ფეხები არ გემორჩილებათ?

– არ ვკოტრიალობ. თვითმფრინავის ხმა გავიგე და მიწაზე ვაგნექი. მაგრამ, როგორც ჩანს, თვითმფრინავი ჩვენი იყო.

– ვინ მოგცათ ეს ფორმა?

– სანყოფის გამგემ. და საერთოდ, რა ჯანდაბა დაკითხვას მინდობთ? მე ვალდებული ვარ ანგარიში სამხედრო უფროსობას ჩავაბარო და არა პოლიციას.

– თქვენ მოვალე ხართ ანგარიში მთელს საზოგადოებას ჩააბაროთ. ნუ იქაჩებით, ეს სულელი ვინაა, აი, ის, ძეგლს რომ მიხუტებია და ცახცახებს? რას ბურტყუნებს? რალაც აბდაუბდაა.

– ეს ჩემი მასწავლებელია.

– ადე, ადე, მოხუცო, აბა! რა გვარი ხარ?

– ფინური არ ესმის, – ჩაერია ვიხტორი.

– აბა რა ენაზე ლაპარაკობს?

– ზეციურზე... და ბერძნულზე... სოკრატე ჰქვია.

ბრბოს გაეხარდა. ასეთ ორიგინალურ წარმოდგენას იშვიათად ნახავ უფასოდ ჰელსინკში, სადაც თითოეული ხუმრობა ოქროდ ფასობს. სოკრატემ ხელი ჩაავლო ვირტანენს და დაფეთებული აქეთ-იქით რომ იხედებოდა, ძლივს გასაგონად წაილულღულა:

– ათენში არასოდეს მსგავსი არაფერი მოხდებოდა...

– ახლა იქაც ასევეა, – მიუგო ვირტანენმა.

საიდანაც პოლიციის მანქანა ამოძვრა. სოკრატე ციებიანივით კანკალებდა და ისევ ლაბადაში ეხვეოდა. მის გარშემო გროვდებოდნენ, ღმუოდნენ და აყროლებული ნაორთქლით ჰაერს წამლაგდნენ მითიური ცხოველები, ჰომეროსის სიძველეთა წარმოუდგენელი ურჩხულები. თვალეზე ხელისგულები აიფარა, ვიდაცის ხელეგმა კი ვირტანენთან ერთად პოლიციის მანქანაში ჩატენეს.

– ნუთუ ეს არგუსია, – ჩურჩულით ჰკითხა ვირტანენს, მანქანა რომ დაიძრა.

– რა?

– ეს ურჩხული, რომლის სტომაქშიც ახლა ვიმყოფებით?

– ეს მიკროავტობუსია.

– დარწმუნებული ხარ, რომ არგუსი არ არის? წინაც და უკანაც ისეთი უზარმაზარი თვალეები აქვს. დავინახე.

– სისულელეა. ეს ფარებაა.

– შეწყვიტეთ ჩურჩული! – დაუყვირა პოლიციელმა.

– ეს რა ქურდული ჟარგონია! ჰო მართლა, ვირტანენს, საიდან გაქვთ შინელზე სისხლი?

– ზუსტად არც მახსოვს. დავიჭერი.

– სად?

– ფრონტზე.

– ეს ციდანა ჩამოვარდნილი, – თქვა მეორე პოლიციელმა და თვალით ანიშნა მეგობარს.

– არ ღირს ამათთან ლაპარაკი. როგორც ჩანს, ორივეს უქრის. რამე ისეთი ექნებათ დალეული – პოლიტურა ან ანტიფრიზი.

– სრულ ჭკუაზე ვარ, – გაცხარდა ვირტანენი. – აი, ყველაფერს უფროსობას მოვასხენებ. პოლიკის მეთაურისაგან კარგა მაგრა მოგხვდებათ. კანონები ძალიან კარგად ვიცი.

– ომის? – ჩაიციხა პოლიციელმა. – ახლა ხომ მშვიდობაა.

– მშვიდობა? ნუთუ მშვიდობა? როდის დამყარდა?

– ოცი წელი მაინც იქნება.

მანქანა პოლიციის განყოფილებასთან გაჩერდა და დაკავებულები დაკითხვაზე წაიყვანეს. აქ დადგინდა, რომ ვირტანენი მართლაც დაჭრილა გულში. ტყვიას გულმკერდი გაუვლია და ბეჭებში გამოსულა. ამოსაცნობი ჟეტონი რომ დაათვალიერეს, შეამომნეს მისი ვინაობა და დაადგინეს, რომ ის, ვირტანენი, გარდაცვლილად იქნა გამოცხადებული ამა და ამ დროს. დაკითხვის ოქმში ახალგაზრდა პოლიციელმა შემდეგი აღნიშნა: ა) რიგითი ვიხტორი ვირტანენი ყველა შეკითხვაზე აბნეულად და ძალზედ ძველმოდურად პასუხობდა; ბ) სისხლის ანალიზმა აჩვენა, რომ დაკავებულს არ მიუღია არც ალკოჰოლი, არც სხვა ნარკოტიკი; გ) რადგანაც კანონით დადგენილია ყველა მიცვალებულის დაუყოვნებლივ ან დაკრძალვა ან დანვა, რიგით ვირტანენს დაუნესდა დასაფლავება ან კრემაცია ერთი კვირის ვადაში; დ) დაკავებული თავისუფლდება ორი დღელამით, რათა საგადასახადო სამმართველოს მისცეს შესაბამისი განმარტება ასე ხანგრძლივი დროის განმავლობაში გადასახადების გადაუხდელობის თაობაზე.

ასე რომ, ვირტანენთან დაკავშირებით ყველაფერი გაირკვა. მაგრამ სოკრატეს დაკითხვა უფრო რთული აღმოჩნდა. იგი მხოლოდ ვირტანენისათვის გასაგებ ენაზე ლაპარაკობდა.

– ნუთუ ამ ბებერმა მაიმუნმა არანაირი ადამიანური ენა არ იცის?

– ჩემი მასწავლებელი ბერძნულად საუბრობს, – უპასუხა ვირტანენმა.

– აჰა, ესე იგი ბერძენია?

– ასე ირწმუნება.

– კარგი. ახლავე შევამოწმებთ.

დასახმარებლად დაუყოვნებლივ იხმეს ახალგაზრდა მდივანი საბერძნეთის საკონსულოდან, რომელმაც თვალი შეავლო თანამემამულეს, თავი გადააქნია და ცივად განაცხადა:

– პატივცემულო ბატონებო! ეს შეურაცხყოფელია. ასეთ უსახურ ფიზიონომიას ჩემი ღირსეული ქვეყნის ისტორია არ იცნობს. რა ჰქვია?

– სოკრატე, – თქვა პოლიციის ოფიცერმა. საკონსულოს მდივანი შეკრთა, ლაბადაში გახვეულ ბერიკაცს მიუახლოვდა და ჰკითხა:

– სად დაიბადეთ?

სოკრატემ მხრები აიჩეჩა და არაფერი უპასუხა:

– როგორ ბედავ, თავი ბერძენად წარადგინო? – აგრძელებდა ახალგაზრდა დიპლომატი.

სოკრატემ მოძღვრის კეთილი ღიმილით გაიღიმა და, ახალგაზრდა კაცის სწორ ნაკვეთებს რომ ჩაუკვირდა, თქვა:

– მოქალაქე! შენი მეტყველების ბგერები მეცნობა, მაგრამ არ მესმის, რას ლაპარაკობ.

– მგონი ძველბერძნულად ლაპარაკობს, – გაიღიმა საკონსულოს თანამშრომელმა. – პერიკლეს წვერსა ვფიცავ, ეს ვილაც დარტყმული მეცნიერია, საბერძნეთის ისტორიის ფოლიანტებზე დამკვდარი. როგორც თარჯიმანი არ გამოგადგებით. და მაპატიეთ, საქმეები თავზე მაყრია, მაქვს პატივი, ბატონებო!

საკონსულოს თანამშრომელმა თავი დაუკრა იქ მყოფთ და წავიდა. ახლა თარჯიმნად ჰელსინკის უნივერსიტეტიდან კლასიკური ფილოლოგიის პროფესორი მოიწვიეს. იგი გაჭრილი ვაშლივით ჰგავდა სოკრატეს, ტყუპებით იყვნენ, – ისეთივე სახედალარული, კეთილი და ორიათასსამი წლით ჩამორჩენილი თანამედროვეობას.

– შესანიშნავია, შესანიშნავი! – შესძახა პროფესორმა – ყოველთვის მინდოდა თქვენთან შეხვედრა, ბატონო სოკრატე. პლატონმა თქვენს შესახებ ისე დანერვილებით და არაჩვეულებრივად გვიამბო, მაგრამ მის სიტყვებს ყოველთვის ვერ ენდობი. ესე იგი თქვენ უწინდებურად მიგაჩნიათ, რომ ჭეშმარიტი სიქველე ცოდნაა?

ორი მოხუცი კეთილი მასწავლებელი ლაპარაკში გაერთო და დრო სრულიად მიავიწყდათ. მათთვის აღარც საათი არსებობდა, აღარც კალენდარი. პოლიციელები უნებურად ჰკრავდნენ მუშტებს, რიგითი ვირტანენი საჰაერო განგაშის მოლოდინში მოუსვენრად იცქირებოდა ფანჯარაში, ახალგაზრდა ოფიცერი კი მთელი გულისყურით იჩიქნიდა ყურებს. კლასიკოსთა შესანიშნავი დიალოგი ორ საათს გაგრძელდა. ბოლოს კი პოლიციის ოფიცერი წამოდგა და თავის ხელქვეითებს უღრიალა:

– დაკითხვა დამთავრებულია! გაათრიეთ აქედან!

– ეს დეზერტირი, ეს მესამე შერეკილი?

– გარეთ! ყველა გარეთ გაათრიეთ!

კლასიკური ფილოლოგიის პროფესორი გულითადად გამოემშვიდობა კოლეგას და რამდენჯერმე დაპატიჟა კიდეც თავისთან, მაგრამ დაბნეულობის გამო დაავიწყდა ეთქვა სახელი და მისამართი. წავიდა, თავი არ ახსოვდა დამათრობელ ექსტაზში და სულ ძველბერძნულად ბუტბუტებდა:

– დიახ, სოკრატე მართალი იყო: თუკი ადამიანი სინდისის ხმას მისდევს, არასოდეს მოუნევს მონანიება... ჭეშმარიტ ცოდნას ზნეობრივი ცხოვრებისაკენ მიყვავართ... ეს ყველაფერი კვლავ უნდა ვუამბო კოლეგებსა და ცოლს, ჩემს ბუზლუნა ცოლს...

რიგითმა ვირტანენმა და მასწავლებელმა სოკრატემ ერთმანეთს ხელი ჩაჰკიდეს და ვირტანენის სახლისაკენ გასწვიეს. ქუჩაში ჩვეული რია-რია იდგა. სწორედ იმ დროს ჰელსინკში ერთი უცხოური ცირკი იწყებდა გასტროლებს. ამიტომაც მათ რეკლამასავით უყურებდნენ ანუ არავითარ ყურადღებას არ აქცევდნენ. ჩაიცინებენ, მხრებს აიჩეჩავენ და ჩაივლიან. მეგობრები თითქმის დაუბრკოლებლივ მიიწვედნენ წინ და წინ, სულ უფრო შორს ქალაქის ცენტრიდან.

მოსწავლეს მასწავლებელი ხელჩაკიდებული მიჰყავდა და მორჩილად პასუხობდა მის ყველა შეკითხვას.

– ეს რა არის?

– უნივერსიტეტის ვიტრინა.

– რისთვისაა?

– საქონლის გამოსაფენად.

– შეიძლება შევხებო?

– კი ბატონო.

სოკრატემ ფრთხილად გადაუსვა ხელი გლუვ შუშას. ცხვირი მშვენიერ გამჭვირვალე ზღუდეს მიადო და ცდილობდა მაღაზია დაეთვალიერებინა.

– და ეს რა არის?

– რადიომიმღები.

– რისთვისაა?

– უკანასკნელ ცნობებს, გასართობ მუსიკასა და საინტერესო გადაცემებს რომ უსმინო.

– ამას ადამიანისათვის ვნება მოაქვს?

– კიდევ რა გინდა! თუმც, ვინ იცის.

– ეს რა არის? აი, იქ.

– სარეცხი მანქანა.



მხატვარი თამარ მინაშვილი

– ამით რას აკეთებენ?
 – თეთრეულს რეცხავენ.
 – მანქანით რატომ?
 – დროს ზოგავენ.
 – და ეს დაზოგილი დრო სად მიდის?
 – ჯანდაბას მაგის თავი! ნუ მისვამ ბევრ შეკითხვას.
 ანდა – მიდი, მკითხე. კმარა აქ დგომა, წავიდეთ.
 – სად?
 – რა თქმა უნდა, ჩემთან.
 – შენ ასეთ საშინელ, უზარმაზარ კომპუკი ცხოვრობ?
 – კომპუკი სულაც არ არის. ჩვეულებრივი მრავალსართულიანი სახლია, სწრაფლიფტიანი.
 – ლიფტი რა არის?
 – პატარა კაბინაა, რომელსაც მაცხოვრებლები სართულიდან სართულზე გადაჰყავს.
 – ალბათ მძიმეა ეს კაბინა. მონებს დააქვთ?
 – არა, არა! ელექტრობით მოძრაობს.
 – ელექტრობით? ეს რაღაა?
 – არ ვიცი... მიდი, რა...
 – უფრო პატარა, აი, ასეთ სახლში რატომ არ ცხოვრობ?
 – ეს ხომ ტრამვაია. იქ არ ცხოვრობენ, ამით დადიან. ოთხთვალასავითაა.
 – და ვის აბამენ ასეთ ოთხთვალაში?
 – არავის. თვითონ დადის.
 – როგორ – თვითონ? ნუთუ მუდმივი მოძრაობა ნაპოვნია?.. მოძრაი სახლი!.. უმინაწყო ხალხის შესანიშნავი საცხოვრებელია. მოიცა.
 – რას აპირებ?
 – შარდის ბუშტი უნდა შევიმსუბუქო.
 – შეიშალე! აქ ხომ ხალხი დადის.
 – ზურგით დავდგები.
 – რეგვინი ხარ!.. გაუთლელი... ველური!.. ცოტაც მოითმინე, მალე მივალთ. აი, უკვე ჩემი სახლიც გამოჩნდა.
 – მაგრამ იქ ხომ არ შეიძლება, იქ შენი ბინაა.
 – იქ ტუალეტია.
 – ეს რაღას ნიშნავს? და ადამიანის ჯანმრთელობას არა ვნებს?
 – არანაირად. ეს ცალკე სათავსოა, საგანგებოდ მონყობილი...
 – ვინ წმენდს?
 – წყალი. დიდი ნიჟარიდან სიბინძურე მიღებით ზღვაში გადის.
 – არა, ამას ვერ დავეთანხმები, ადამიანმა თავის ბინა გომურად არ უნდა აქციოს.
 – მისმინე, სოკრატე, მართლა ასწავლიდი ხალხს ოდესღაც ცხოვრების სიბრძნეს?
 – ჰო, ვასწავლიდი. მაგრამ ადამიანებმა, ჩანს, ვერაფერი ისწავლეს... მინდოდა ათენი მენახა. იქ ასეთი რამ არ მოხდება...
 – ახლა იქაც იგივეა. ცივილიზაცია! ყველანაირი პირობაა შექმნილი...
 – პირობები ბედნიერებას არა ქმნის...

– აი, მოვედით... ცოტა ველავ... ვნახოთ, ჩემი ცოლი რას იტყვის. ბავშვები მაშინვე მომვარდებიან, აგვიყვანო. საჩუქრად არაფერი მიმაქვს. მაგრამ ფრონტიდან რა უნდა მიუტანო? ჩემი გულისცემა გესმის? სიგარეტი მაინც მომანევიან... სოკრატე, ეი, სოკრატე! სად წახვედი? ჭიშკარქვეშ ნუ მიძვრები... ჩვენ, აი, აქედან, სადარბაზოდან უნდა შევიდეთ! უჰ, შე ღორო! მაინც როგორ გაბედე? კიდევ კარგი მეეზოვეს არ დაუნახავს, თორემ პოლიციას გამოუძახებდა... რა სირცხვილია! ნუთუ არ შეგიძლია თავი დაიოკო? ხომ გეუბნებოდი...
 – რისთვის მიბრაზდები, მეგობარო?
 – აღშფოთებული ვარ! არ იცი, როგორ მოიქცე.
 – როდესაც ვინმეს ცუდს გავუკეთებ, სინდისის გამციცხავი ხმა მესმის. ახლა კი ჩემი სინდისი მშვიდადაა.
 – კარგი... ნავედით!
 – ახლა სანდლებს გავიხდი.
 – გეყო ბოღვა. შედი ლიფტში. მეექვსე სართულზე ავალთ.
 – ნავალთ. ვინ ნაგვიყვანს?
 – ვირი!
 – სად არის?
 – ჩემს წინ. ახლა არ გეუბნებოდი, ლიფტი ელექტრობას მიჰყავს-მეთქი. ჯოხი არ წამოიღო. მომე ერთი, მე წამოვიღებ. შემოდი. რას ფიქრობ?
 რიგითმა ვირტანენმა სოკრატე ლიფტში შეაგდო და თვითონაც შევიდა. ერთ ნუთში ბინის კარებთან აღმოჩნდნენ და ვირტანენმა ჩვეული მზერა წარწერაზე გადაიტანა.
 – თვალი მატყუებს თუ? ვინ გამოცვალა წარწერა? მეკინენი... რა მეკინენი, რის მეკინენი, ეს ჩემი ბინაა. რა გაეწყობა, დავრეკოთ...
 სოკრატე შეკრთა.
 – რა იყო ეს?
 – ზარი.
 – ვინ უკრავს?
 – მე. ვერ დაინახე, როგორ დავაჭირე თითი ამ ლილავს?
 – საოცრებაა. შეიძლება მეც დავაჭირო? –
 – დააჭირე, დააჭირე... დააჭირე-მეთქი, ნუ გეშინია, არ იკბინება.
 კარს იქით ქალის გაღიზიანებული ხმა მოისმა:
 – მოვდივარ, მოვდივარ!
 კარი ასაკოვანმა, თმაგანენილმა, ნახევრადრაცმულმა ქალმა გააღო. სიგარეტი ტუჩის კუთხეში გაერჭო.
 – რა გნებავთ? – იკითხა გაბრაზებულმა.
 – შინ მოვედი, – უპასუხა ვირტანენმა და შესვლა დააპირა.
 – შესდექ, შე წყეულო! თქვენისთანებს აქ რა ესაქმება.
 – ეს ჩემი სახლია. მე ვისტორი ვირტანენი ვარ. ასე ორი თვის წინათ ფრონტიდან შევბუღებით ჩამოვედი. აქ ცოლი და ორი პატარა მყავს.
 ქალმა შიშისაგან უკან დაიხია, მაგრამ შემდეგ ეჭვითა და დაჟინებით დააკვირდა მომხვედურს და თქვა:

– ჩემს პირველ ქმარს მართლაც ვიხტორი ვირტანენი ერქვა, მაგრამ დიდი ხნის წინათ დაიღუპა ფრონტზე... პირდაპირ გეტყვი: ეგეთები ჩემთან არ გაგივათ.

სოკრატე გაოგნებული უცქერდა სიგარეტს, რომელსაც ქალი ნერვიულად ატრიალებდა ხელში და იკითხა:

– ეს მარადიული ცეცხლია?

– რას ამბობს ეს მაიმუნი? – იკითხა ვირტანენის მემულემ. – არა, თქვენ ორივე გიჟები ხართ! საიდან გაჩნდით?

– ციდან, – უპასუხა ვირტანენმა.

– ღმერთო! ესკო, ეერო! ჩქარა, აქეთ!

ქალს სიგარეტი იატაკზე დაუვარდა. მთლიანად ცახცახებდა. ვირტანენმა სოკრატეს მხარზე წაავლო ხელი და წასჩურჩულა:

– ჩემი ბიჭები არიან! ესკო სამი წლისაა, ეერო კი მალე გახდება ორისა.

მაგრამ სოკრატე არ უსმენდა. ანთებული სიგარეტის წინ მუხლებზე დაჩოქილი ბურტყუნებდა:

– მარადიული ცეცხლი... მარადიული ცეცხლი დაუვარდათ... მისაღებში ორი ზორბა კაცი გამოჩნდა.

– რა უნდათ ამ ტიპებს? – იკითხა ერთმა შემოსულმა. – დე, ფულს განერენ?

– არ ვიცი, არ ვიცი... ალბათ პოლიცია უნდა გამოვიძახოთ.

– უფარაონებოდაც გავალთ. შეხედე, ეერო! ეს მათხოვარი ჩვენს მამილოს როგორა ჰგავს!

– მე თქვენი მამილო ვარ, – ნაღვლიანად თქვა ვირტანენმა. – ეს კი ჩემი ბინაა.

– მიდი! ნავის ქვეშ სანაპიროზე აღარ ცხოვრობ? ჰა? მოდი რა, ნუ გვესიფანდები. ბინძურ ზენარში გახვეული ეს მამა აბრამის ბატკანი ვინლაა? ალბათ შენი მამილოა, არა? და ჩვენი პაპიკო?

– ჩემი მასწავლებელია, სოკრატე.

ვირტანენის შვილებს გაეცინათ. უფროსი ყოფილ ჯარისკაცს თითქმის ცხვირწინ აეტუზა, სახე წვერით გაბურძმვულ სახესთან მიუტანა და უთხრა:

– ისე, მე, პრინციპში, არავის არაფერს ვსესხულობ, მაგრამ შენ რაღაც კაი ბებერი ჩანხარ, ერთი-ორი მარკა უნდა მოგცე დასალევად. აჰა, დაიჭი!

– აი, სიგარეტი და ასანთიც, აჰა, – უთხრა უმცროსმა ბიჭმა. – ოღონდ აღარც იფიქრო აქ კიდევ მობრუნება და დედილოს შეშინება! გაგიმართლა, მამინაცვალი რომ შინ არ არის, თორემ გაცოფდებოდა და ორივეს სიფათს მიგინგრევდათ. გასაგებია?

– არა... არაფერი არ არის გასაგები, – თქვა ვირტანენმა მიმკვდარებული ხმით.

– კიდევ რა გინდა?

– შინ მინდა, ჩემს ოჯახთან.

უფროსმა შვილმა რიგით ვირტანენს საყელოზე ხელი წაავლო, უცებ კი ელდანაკრავმა შესძახა:

– სულ სისხლში ცურავ, დაჭრილი ხარ?

– სისხლი უკვე შედედდა... პირდაპირი მოხვედრება...

– რომელიმე ლოთმა გაგიყარა დანა? ლოთობას გადაყოლილი ყველა ერთნი ხართ. თუმცა, იცი რა, კმარა. ჩართე სიჩქარე და მოუსვი აქედან. აბა, დაახვიე! ჯანდაბის იქით წასულხარ, შენი ფეხი აღარ ვნახო აქ! და შენც, ბებრუხანა, გაქუსლე!

კარი ბრახუნით მოიკეტა. კომედია დამთავრდა. რიგითი ვიხტორი ვირტანენი და მასწავლებელი სოკრატე ერთად იდგნენ კიბეზე. სოკრატემ თქვა:

– მთავარი სასწაული კი ვერ ვნახეთ.

– რომელი?

– საგანგებო სათავსო, საიდანაც ნარჩენები მიღებით ზღვაში ჩაედინება... რა მწირია კაცობრიობის ცოდნა იმისა, რაც ჩვენ არ გვემორჩილება! ფილოსოფოსთა სჯა-ბაასი სამყაროსა და მის შექმნაზე ფუჭი ვარაუდია. ადამიანში სული უნდა ცხოვრობდეს, რომელიც მის ქმედებას წარმართავს, მიანიჭებს მას გამბედაობას იმის მოსამოქმედებლად, რაც სწორია და აუცილებელი, ცუდ საქმეებს აარიდებს...

– კმარა, კმარა! გეყოფა! უკვე აღარ ვიცი, რა არის კარგი და რა – ცუდი. ნამო, ფინჯანი ყავა დავლიოთ. ფული მაქვს.

– ეს ფულია?

– გახლავს.

– ოქროსი რომ არაა?

– ქალაღდისაა, თუმცა ოქროს ფასი აქვს.

– საოცარია, შეიძლება შევეხო?

– ინებე.

– ქალაღდის ფული... მსუბუქი ოქრო... ყალბი ოქრო...

– ნუ კუჭავ! მომეცი. ამით რაიმე საქმელს ვიყიდით...

– იქნებ ზეთისხილი? ეს რა გაქვს?

– სიგარეტი.

– ამას რას უშვებია?

– პირში იდებენ, უკიდებენ და ეწევიან. აი, ასე.

– პირში რატომ უკიდებენ?

– როგორ გითხრა... უბრალოდ ჩვევაა ასეთი, ან მისწრაფება. ერთი, მეც არ ვიცი.

– ეს რა არის? აი, საოცრება!

– არავითარი საოცრება. ჩვეულებრივი ასანთია.

– ასანთი, ჯოხი, რომელშიც ცეცხლი ცხოვრობს! ეს მსოფლიო საოცრებათაგან უდიდესია. ამის შესახებ ათენელებს უნდა ვუამბო. კიდევ მაჩვენე, როგორ ანთებ.

– აი, ასე. მარტივია, არა?

– ყველა საოცრება მარტივია... ასანთი, რომელშიც ცხოვრობს ცეცხლი... თხელი ფურცელი, რომლითაც ზეთისხილი შეგიძლია იყიდო... კარები, რომელიც ხმას გამოსცემს, როცა თითს დააკარებენ... სახლი, რომელიც თავისით მოძრაობს... ჭურჭელი რომლიდანაც წყალს სიბინძურე მიღებით ზღვაში მიაქვს... ეს ყველაფერი უდიდესი საოცრებაა. მაგრამ ყველაზე დიდი საოცრება – ასანთია, რომელშიც ცოცხლობს ცეცხლი!

– ბავშვივით ხარ, სოკრატე! აიღე შენი ლაბადა, ქუჩაში გავდივართ.

– ასანთი. ცეცხლოვანი ასანთი! ხომ მართალია?

– მართალია, მართალი. კარგი, კმარა ერთი და იგივე. რას აიჩემე! აჰა, შენი კოლოფი!

– ამას ათენის მოქალაქეებს ვაჩვენებ. ეს საოცრებაა...

ასანთი საოცრება იყო. მაგრამ საოცრება სულაც არ ყოფილა, რომ ამ ჩვენს მეგზურებს – ერთს, ჯარისკაცის ჭუჭყიან შინელიანსა და მეორეს, შალის თეთრ მანტიანს – არცერთ კაფეში არ უშვებდნენ. ყველა კარიდან აბრუნებდნენ. კაფეები ანმყოსა და მომავალს ემსახურებოდნენ და არა წარსულს. ისინი კი დროს ჩამორჩნენ: ერთი – ორზე მეტი ათასწლეულით, მეორე – ოც წელზე მეტით.

ვირტანენმა მოიხსინა. ვერ მოეაზრებინა, რა მოეხერხებინა დროისათვის, სად წაელო? როგორ გადაეგორებინა მთელი კვირა, რომლის გასვლის შემდეგაც, კანონის თანახმად, იგი, ვირტანენი უნდა დაენვათ ან დაეკრძალათ? სამაგიეროდ, სოკრატე იყო ბედნიერი. მან საოცარი გამოგონება იპოვა, რომელიც გააბედნიერებს მსოფლიოს: ასანთი!

დეკემბრის საღამო უსასრულოდ ინელბოდა. მოგზაურთა წინაშე ყველა კარი იხურებოდა. ვირტანენი უკვე იტანჯებოდა და წვალბოდა. იგი იმ ადამიანთაგანი იყო, მუდამ უკმაყოფილონი რომ არიან – როგორც ზეცაში, ისე მიწაზე. სოკრატე კი – პირიქით, თავს ბედნიერად გრძნობდა საიქიოსაც და სააქაოსაც. სახე პირდაპირ უბრწყინავდა, როდესაც იგი და ვირტანენი, კანონგარეშედ მიჩნეულნი, ღამის გასათევად ზღვის ნაპირზე, უძველეს ფარდულში მივიდნენ, სადაც ძველი ნაგები ინახებოდა და ფინეთის დედაქალაქის ოციოდე უსახლკარო მცხოვრები აფარებდა თავს. ეს გახლდათ უპოვართა და ლატაკთა საერთო საცხოვრისი, რომელთაც არავითარი საკუთრება არ გააჩნდათ, ტანზე იარებისა და საკუთარი აზრების გარდა.

ნავთა ფარდულის მკვიდრთა ძალზე მოეწონათ სოკრატეს გამოსვლა ვირტანენის თარგმანით. არავის აინ-

ტერესებდა პოლიტიკა, ფინანსური კრიზისი, ქალთა ჩაცმულობა, ავტომობილები თუ რადიომიმღებები, საბინაო გადასახადის მომატება თუ აშშ-ს ომი ვიეტნამში. ყველას ყურადღება ერთმა ნივთმა მიიპყრო, რომელიც, როგორც მათ მხოლოდ ახლა შენიშნეს, საოცრებას წარმოადგენდა: ასანთი. ამით დაიწყო ყველაფერი და ამითვე დამთავრდა. ასანთის საოცარ თვისებებში რომ დარწმუნებულიყვნენ, ძველი ნაგებობის ფარდული გადანვეს და შესანიშნავ კოცონს მიეფიცხნენ, ვიდრე პოლიცია და მეხანძრეები დაატყდებოდნენ თავს და უკანონო ილუმინაციებს ჩააქრობდნენ. სარდაფის მკვიდრნი დააკავეს. მათ შორის მხოლოდ ორი მანანწალა არ აღმოჩნდა: დიდი ხნის გაუპარსავი ჯარისკაცი, შვებულებით ჩამოსულ რიგით ვირტანენად რომ წარადგინა თავი, და უცნობი ჩია მოხუცი, რომლის გონებაც – როგორც ყველა დაკავებული ამტკიცებდა – დაახლოებით ექვსი წლის ბავშვის გონებრივი განვითარების დონეს შეესაბამებოდა. ენერგიული ძებნის მიუხედავად, დაკარგულეს ვერ მიაგნეს, თუმცა მათი ნიშნები ჰელსინკის ყველა გაზეთმა გამოაქვეყნა, პოლიციამ კი ყველგან საგანგებო განცხადებები გამოაკრა.

გუშინ საღამოს უნივერსიტეტის სააქტო დარბაზში საინტერესო მოხსენება გაიმართა. კლასიკური ფილოლოგიის პროფესორმა შეკრებილთ აცნობა, ცოტა ხნის წინათ როგორ შეხვდა ჰელსინკიში სოკრატეს. აღსანიშნავია, რომ მოხუც პროფესორს სიტყვაც არ დასცდენია რიგით ვიხტორი ვირტანენზე. იქნებ განუმეზის მიზეზი ის გახლდათ, რომ ვირტანენი კლასიკოსებს თუნდაც ჩაცმულობით არ მიეკუთვნებოდა? სამხედრო ფორმა ხომ ჩვენს დროშიც მოდურია, თუმცა მას უკვე ჩამოერეცხა მეორე მსოფლიო ომის სისხლი.

თარგმანა
მასა ჯაჟარიძე

მარტი ლარნი იოჰანეს

(ნამდვილი გვარი; 1942 წლამდე ლაინე; ფსევდონიმები: ასლაკ ნუორტი, დან ასტერი)

ფინელი მწერალი, პოეტი, ჟურნალისტი. დაიბადა 1909 წლის 22 სექტემბერს, პაკილაში (ჰელსინკი). იყო ფინეთის მწერალთა კავშირის თავმჯდომარე. 1948-1949 და 1951-1954 წლებში ცხოვრობდა აშშ-ში. ლიტერატურული მოღვაწეობა დაიწყო როგორც პოეტმა. ავტორია რომანებისა „პატივცემული ღარიბები და მათი ჭრელი კომპანია“ (1944), „მოუთმენელი ვნება“ (1945), „ცა ფეხად ჩამოდიოდა“ (1948), „მეოთხე მალა, ანუ უნებლედ თაღლითი“ (1957), „მშვენიერი მელორე, ანუ ეკონომიკის მრჩეველის მინა კარლსონ-კანანენის მოგონებანი“ (1964).

გარდაიცვალა 1993 წელს. საკმაოდ პოპულარულია მისი აფორიზმები და მახვილგონივრული თქმები, რომელთაგანაც სანიმუშოდ ზოგიერთს გთავაზობთ:

- * ფართო საზოგადოებას მხოლოდ სამი რამ აინტერესებს: ფული, სიყვარული და სანახაობა.
- * ადამიანობა ბევრს ნიშნავს, ქალობა – უფრო მეტს.
- * რეკლამა – საშუალება, აიძულო ადამიანი დაჭირდეს ის, რაც ადრე არც კი სმენია.
- * ქალმა სიყვარულის აზრი იცის, მამაკაცმა – ფასი.

მთარგმნელისაგან

* – მონღულობა – გადასვლა იმ ასაკში, როდესაც ადამიანი იწყებს თმების, კბილებისა და ილუზიების დაკარგვას.

- * მოაზროვნე ადამიანი არ შეიძლება ჯოგური ცნობიერებისა იყოს.
- * თუკი ქალი დაიღალა მამაკაცის თაყვანისცემით და უნდა გაექცეს, ყველაზე კარგი იქნება, ცოლად წაჰყვეს მას. ასე ყველაზე სწრაფად დააღწევს თავს მობურვებულ გალანტურობას.
- * ბევრს სწამს ღმერთის, მაგრამ ბევრისა ღმერთს არ სჯერა.
- * ქორწინება – ორთა თამაში, რომელშიც ორივე აგებს.
- * – ვაშლს რომ უკბენ, ყოველთვის სასიამოვნოა მასში მთელი მატლის დანახვა, ვიდრე ნახევრისა.
- * აღიმენტი – ჯარიმა, რომლის გადახდა უხდება ერთს ორის შეცდომისათვის.
- * გილიოტინა – ქერტლისაგან გათავისუფლების საუკეთესო საშუალება.
- * სიცოცხლის მიზეზი ადამიანის განვითარების დონეს ამჟღავნებს.
- * სამეცნიერო სამუშაო არ მიესადაგება ადამიანს, რომელიც ორივე ფეხით დგას მიწაზე და ორივე ხელით ინევს დოლარისაკენ.
- * კაცი ქორწინდება ბერტაზე მხოლოდ იმიტომ, რომ ფიქრობს გრეტაზე და ვერაფრით დაუმორჩილებია მარტა.

* * *

„მნათობის“ რედაქციაში კრიტიკოსთა ყველა თაობა მიუწვევიათ.

80-იანი წლების დამდეგია.

არჩილ სულაკაურს რედაქტორად დანიშნავენენ თუ არა, მაშინვე კრიტიკის განყოფილების გაძლიერებასა და, საერთოდ, კრიტიკული აზროვნების გამოცოცხლებასა და განვითარებას ჩაითქვამდა და თანადროული ლიტერატურული პროცესების მკვლევარებს რეალური საუბრისა და გარკვეულ პროექტთა შემუშავებისათვის მოუყრიდა თავს – დისკუსიები რა თემების ირგვლივ წამოწყებულიყო, მიმოხილვითი სტატიების შედგენას ვინ ითავებდა, ცალკეულ წერილებს რას დაპირდებოდნენ უახლოეს ხანში.

თავისი მხრივ აღუთქვამდა დაუბრკოლებელ ბეჭდვას, სიმწვავის შენარჩუნებასა და პოლემიკისას კი ლიტერატურულ-ეთიკური ნორმების დასაცავად რედაქციის ენერგიულ ჩარევას.


მონვეულთა შორის ჯანსუღ ღვინჯილიაც იმყოფებოდა, „ცისკრის“ ახალდანიშნული რედაქტორი; ვინც არ დაფარავდა თავის სკეპტიკურ დამოკიდებულებას „მნათობის“ ამ კეთილი განზრახვის მიმართ: ამ სამი თვის წინათ სწორედ ამ ადამიანებს მე მოვუყარე თავი ჩემს რედაქციაში ზუსტად ამავე მიზნით, შეხვედრა სამ საათზე მეტხანს გაგრძელდა, ოღონდ საუბარი შეეხო ყველასა და ყველაფერს, ლიტერატურის გარდა, და მაშინვე მივხვდი, რომ ჩემი ძვირფასი კოლეგების იმედი არ უნდა მქონოდა, და, მართლაც, ეს სამი თვე ისე გავიდა, მცირე რეცენზიაც არავის მოუტანია, ერთადერთი თეიმურაზ დოიაშვილის იმედი მაქვს, მისი სადისკუსიო წერილისა, ხმაურსა და სტატიების ნაკადს ის თუ გამოიწვევსო.

– ასე არ იყო? – ეკითხებოდა ოტია პაჭკორიას, ვინც იმ სამი თვის წინათ „ცისკრის“ რედაქციის პასუხისმგებელი მდივანი გახლდათ, ახლა კი „მნათობი“ ემჯობინებინა.

ისე კი რაღა „ცისკრის“ ის დღე და რაღა „მნათობის“ ეს დღე.

ეს შეხვედრაც სამ საათზე მეტხანს გასტანდა და საუბარი შეეხებოდა ყველასა და ყველაფერს, ლიტერატურის გარდა. მსოფლიო პოლიტიკას დაალაგებდნენ, საქართველოს საზოგადოებრივ ცხოვრებას დააწყობდნენ, ვილაცებს მოხსნიდნენ, ვილაცებს დანიშნავდნენ, ქვეყნის მომავლის გზებს განსაზღვრავდნენ და... ერთმანეთსაც დაერეოდნენ.

ვის ვისგან რა ახსოვდა ცუდად, ვინ ვისზე განაწყენ-



ბულიყო, ვინ ვისი შურით აბორგებულიყო. საუკეთესო საშუალება მიეცემოდათ და ლამის განევ-გამონევა მდეც მივიდოდა საქმე, თორემ ყვირილი და მუქარა გაბურვით გაბურავდა იქაურობას.

ჰაერში დაფრინავს სიტყვები და ფრაზები, რომელთა შერბილებულ ვარიანტებსაც აღვადგენ:

- შე მედროვე!
- შე მართლა მედროვე!
- შენ ვისზე რა გეთქმის!
- შე არაკაცო, მაშინ რომ...
- ეს ვიგინდარა!
- შენი ნაძირლობა!
- სამარცხვინოა...
- შემაზრზენია...

– მაშინაც რა იკადრე...

– თავს გაგიჩეხავ!

– ვის გაუჩეხავ, შენი...

არჩილ სულაკაური იხვეწება, ივედრება, ყურს ვინ ათხოვებს აყალმაყალსა და გნისაში, ვიდრე გულის ბუხარს არ ამოიყრიან და თვითონვე არ დაშოშმინდებიან.

– შე უნიჭო!

– შენც რომ ვინმეზე უნიჭოს იტყვი!

– ეს გრაფომანი!

– ეს ბერნი ლიტერატორი!

– თავი მოგვჭერი ყველას!

– რაც მოგივა, შენს თავს დააბრალებ!

– ვინც შეგიშინებია...

რევაზ თვარაძე აუღელვებლად ზის, პაექრობაში არ ერევა, არც არავის წამოუხტება, არც არავის არაფერს მიძახებს, შეფასებისგანაც თავს შეიკავებს, ერთადერთხელ გადმოიხრება ჩემკენ და ხმადაბლა გამიზიარებს შთაბეჭდილებას:

– „შემაზრზენი“ არასწორი ფორმაა, ხელოვნურად შერწყმული და ყურსაჭრის, ამიტომ ან „შემზარავი“ უნდა ითქვას, ან „ამაზრზენი“. ყველას ვუბნები, მაგრამ რად გინდა – რატომღაც ისევ „შემაზრზენის“ თქმა ურჩევნიათ.

ეს კი, „მნათობის“ რედაქტორის კაბინეტში, იმ სამ საათში:

ლაგდება მსოფლიო პოლიტიკა.

იხსენებინ და ინიშნებინ სახელმწიფოს მეთაურები, მინისტრები, თავმჯდომარეები...

საქართველოს მომავლის გზებიც იკვეთება...

და ავისმომასწავებლად ტრიალებს ჰაერში ეს ხელოვნური ნაერთიც: შემაზრზენი.

* * *

ოთარ ჩხეიძე იმხანად სტუდენტი და ალექსანდრე ყაზბეგივით მოინდომებს დრამატურგობით შემოაღწიოს სალიტერატურო ასპარეზზე.

მეორე პიესას, ქეთევან წამებულის ბედისწერისადმი მიძღვნილს, თავის ნათესავს წააკითხებს – გიორგი ჟურულს, ვინც მარჯანიშვილის თეატრში მოღვაწეობს და სახელი კი უპირველესად ფრიდრიჰ შილერის პიესის დადგამა გაუთქვა – „ვერაგობა და სიყვარული“.

ოთარ ჩხეიძე კარგა ხნის შემდეგ კვლავ დაუბრუნდებოდა ქეთევან წამებულის თემას და სრულიად ახალ პიესას შექმნიდა – ტრაგედიის ჟანრისას, ის პირველი ცდა დრამა უფრო გახლდათ, თუმც ისიც თეთრი ლექსით დაწერილი, ივანე მაჩაბლის თარგმანების გავლენით.

გიორგი ჟურული მოუნონებდა, თუმც რჩევით ურჩევდა, რუსთაველის თეატრში რომ მიგეტანა, აჯობებდა, იმათ სტილისტიკას უფრო შეეფერება და ისინი ხელიდან არ გაუშვებნო.

ესეც ამოიღოთავებდა თავის პიესას და მიადგებოდა რუსთაველის თეატრის დირექტორს პოპო მურღულიას, ვინც გულისხმიერი პიროვნება იყო და ისედაც კეთილად მოექცეოდა, არა სჭირდებოდა გიორგი ჟურულის შეხმინება: ჩემი ნათესავია და, აბა, შენ იციო.

ის დაიტოვებდა დრამას, გაეცნობოდა, ახალბედას გაამხნევებდა, საქებურ სიტყვებს ეტყოდა, მაგრამ არ დაუმალავდა: აქ დადგმა გაგვიძნელდება, ისეთი ვითარებაა, ტყუილუბრალოდ უნდა იდოს და იდოს, ამიტომ სჯობდა



ბათუმის თეატრისათვის შეგვეთავაზებინა, ჩემი ძმა იქ მთავარ რეჟისორად, თვითონაც მოენონება, ეჭვი არ მეპარება, მაგრამ მეც არ დავაკლებ მონდომებას. შენ გარჯა არ დაგჭირდება, ხვალ-ზეგ თბილისში ველოდები და მე თვითონ გადავცემო.

გადასცემდა, ტყუილი რა საკადრისი გახლდათ. მონონებით იმასაც მოენონებოდა, მაგრამ დასს რომ გააცნობდა, მაინცდამაინც ვერ აიყოლიებდა მსახიობებს. აუგი არავის უთქვამს, მაგრამ რეჟისორის დარწმუნებას შეეცდებოდნენ, მარჯანიშვილის თეატრში აჯობებს დაიდგასო. დაარწმუნეს თუ ვერა, ამ აზრს კი შეაგუეს, რომ ამ თეატრში სპექტაკლად ვერ აქცევდა.

არადა, ძმისაც ერიდება, იმ უცნობი ახალგაზრდა კაცისაც...

ამასობაში გიორგი ჟურული ჩავიდოდა ბათუმში, თავის მშობლიურ ქალაქში, და თეატრალეხსაც რომ შეხვდებოდა, მთავარი რეჟისორი მაშინვე იმ დრამას გამოურბენინებდა: აქ რალაც დაბრკოლებები შეგვექმნა და იქნებ შენ გამოგადგესო.

ის შეატრიალებდა, შემოატრიალებდა, აფურცლავდა.

შეიძლება ისეთი შთაბეჭდილება დაგჩრეთ, ანტონ ჩეხოვის რომელიღაც ნოველის სიუჟეტია გადმოქართულებული, რათა შიშველმა ქარგამ გამოცდილი ლიტერატორის ხელში ხორცი შეისხასო.

ყოფაშიც იკვრის ხოლმე წრე ასეთნაირად – მზამზარეული სიუჟეტია და სესხება არავისგან არა გჭირდება, თუნდაც ჩეხოვის იყოს.

* * *

სხვას ტელეფონის ეს ნომერი რომ მოესმინა, მაშინვე ჩაინერდა: როგორ უნდა დავიმახსოვროო.

მართლაც რალაც უფერული რიცხვია: 12-58.

ისტორიკოსისათვის კი ნაცნობი თარიღი აღმოჩნდებოდა და შოთა ბადრიძესაც ჩანერა არ დასჭირდებოდა:

– მონღოლებმა რომ ბალდადი აიღეს.

გაიხსენებდა ბალდადის ალების თარიღს და ნომერს იოლად აკრეფდა.

რალაც ამგვარი თქვენს მონა-მორჩილსაც შეემთხვეოდა.

ტელეფონის ნომერს რომ ეტყვიან, ბლოკნოტსაც ჯიბეში ჩაიბრუნებს და კალამსაც: რა ჩანერა უნდაო.



მართლაც ზედმეტია, როდესაც ნომერი ასე გამოიყურება:

21-42.

ერთი საქართველოს ოკუპაციის თარიღია, მეორე – 1942 წლის შეთქმულებისა.

ოლონდ დარეკვა რომ დამჭირდება, დაუფიქრებლად აკრეფ... 24-43-ს.

ერთი აგვისტო-სექტემბრის აჯანყების თარიღია, მეორე – სამანელთა განადგურების.

– სხვაგან მოხვდით, – მომიგებენ.

– როგორ თუ... სხვაგან. ეს ნომერი მითხრეს.

ტრაგედიები ერთმანეთს კი ჰგავს, მაგრამ ერთი მაინც არ არის.

ისე ნეტა შოთა ბადრიძესაც თუ დაემართებოდა, რომ მონღოლთა მიერ ალაშუთის ციხის ალების წელი აეკრიფა ციფერბლატზე?

კინოში – ცოლთან ერთად

ეს გახმაურებული წიგნი ეკუთვნოდა ფართო საზოგადოებისათვის სრულიად უცნობი მწერლის მარიო პიუზოს კალამს და სათაურად ჰქონდა „ნათლია“. მისმა ტირაჟმა, სულ მოკლე ხანში, 10 მილიონ ეგზემპლარს გადააჭარბა.

კინოსტუდია „პარამაუნტმა“ რომანის ეკრანიზაციის უფლება 2 მილიონ დოლარად იყიდა, მაგრამ ცნობილმა კინორეჟისორებმა უარი განაცხადეს ფილმის გადაღებაზე, განგსტერთა ცხოვრების ამსახველი რომანი ზნეობას შეგვიღაცავსო, და ბედმა გაუღიმა 32 წლის ფრენსის ფორდ კოპოლას, რომელსაც მანამდე მხოლოდ ორდინარული თრილერები ჰქონდა გადაღებული.

კოპოლას ფილმის წარმატება უპრეცედენტო გამოდგა. უდარებდნენ ჰოლივუდის ისტორიაში ყველაზე წარმატებული ფილმის („ქარნაღებულნი“) შემოსავალს და უპირატესობა, ულაპარაკოდ, „ნათლიას“ მხარეზე იყო.

კინომცოდნენი თავს იმტვრევდნენ იმის ამოსახსნელად, თუ რამ გამოიწვია კოპოლას ფილმის გაუგონარი პოპულარობა.

ირონიის გარკვეული დოზით აღნიშნავენ, რომ ამერიკაში ფილმის წარმატებისათვის ხელშემწყობ მრავალ ფაქტორთა შორის უკანასკნელი ადგილი როდი უჭირავს მხატვრულ ღირსებებს.

„ნათლიას“ უხვად მოუბოვება ისინიო.

ამერიკელ კინომცოდნეთა აზრით, თითზე ჩამოსათვლელია ფილმები, სადაც ასეთი ოსტატობით, ასეთი ფსიქოლოგიური დამაჯერებლობით არის შესრულებული ლამის ყოველი როლი (პერსონაჟები კი არ აკლია ამ ფილმს). განსაკუთრებით გამოყოფენ მთავარი როლების შემსრულებელთ: მარლონ ბრანდოს, ალ პაჩინოს, ჯეიმს კაანს.

შემსრულებელთა ზუსტი შერჩევა მიჩნეულია წარმატების პირველ ნახევრად.

წარმატების მეორე ნახევარი – საკუთრივ რეჟისურა – ასევე მაღალ პროფესიულ დონეზეა „ნათლიაში“.


მაგრამ არც ერთი და არც მეორე არ იყო საკმარისი არნახული პოპულარობის მოსახვეჭად. მსახიობების ბრწყინვალე თამაშითა და უმაღლესი კლასის რეჟისურით ამერიკაში ვერავის გააკვირვებო.

კინომცოდნენი იხსენებენ ათობით ფილმებს, რომლებიც ამ მხრივ არ ჩამოუვარდებიან „ნათლიას“ და მისი წარმატების მეთავედიც არ მოუხვეჭიათ.

მიუთითებენ პრობლემატიკის სიმწვავეს, მაგრამ იქვე დასძინენ, რომ ამერიკაში განგსტერული ფილმების დეფიციტი არ შეიმჩნევაო.

დასმული კითხვა უპასუხოდ რჩება.

„ნათლიამ“ მიიზიდა სხვადასხვა ჯურის მაყურებელი. მიიზიდა ისინი, ვისაც ჯერ არ მოყირჭებია სისასტიკის სცენები და მიიზიდა ისინიც, ვისაც მოზებურდა უხამსი



ფრენსის კოპოლა

ფილმები, რომელთა გმირებს არავითარი ზნეობრივი ფასეულობანი არ გააჩნიათ.

უფრონალ „ენკაუნტერის“

ფურცლებზე გამოქვეყნდა სტატია, რომლის ავტორი იმონებდა თავისი მეგობრის, დარბაისელი კაცის მოსაზრებას. ეს ანონიმი მაყურებელი „ნათლიას“ შესახებ თურმე ამბობდა: „აი, ბოლოს და ბოლოს, ფილმი, რომლის სანახავად ცოლის ნაყვანა არ მოგერიდება“.

ამ დარბაისელი კაცის მსჯავრს ერთგვარად დაემთხვა შეერთებული შტატების მაშინდელი პრეზიდენტის რიჩარდ ნიქსონის გამონათქვამი: „არ ვაპირებ გამოვეკიდო ხელოვნებაში ზოგიერთი ახალი ტენდენციის კრიტიკას, მაგრამ უნდა ვაღიარო, რომ ამჟამად ძალზე ძნელია ამოარჩიო ფილმი ან სპექტაკლი, რომელსაც ნახავდი ოჯახთან ერთად“.

და სასიამოვნო გამონაკლისად მიიჩნევა „ნათლიას“. იქვე ხაზგასმით იყო აღნიშნული, რომ ეს იყო განცხადება რიგითი მაყურებლისა და არა – პრეზიდენტისა.

უხამსი, ბინძური ფილმები, მიუხედავად მნიშვნელოვანი ფინანსური წარმატებისა, ამინდს არ ქმნიან. ისინი პოტენციური აუდიტორიიდან ჰკვეთენ

იმათ, ვისაც კინოში „ცოლთან ერთად ნასვლა“ სურს.

კოპოლა არ გამოჰკიდებია ე.წ. „სექსპლუატაციას“. მან ლიტერატურული პირველწყაროდან მთლიანად ამოაგდო ლუსი მანჩინის ხაზი, რომელიც რომანს პიკანტურობით მოსავდა. დარჩა მხოლოდ და მხოლოდ ათწამიანი სცენა – მდუმარე ეროტიკული ექსტაზი.

კოპოლამ ამოაგდო აგრეთვე მომღერლისა და კინომსახიობის ჯონი ფონტეინის თავგადასავლები – ერთადერთი ეპიზოდი დატოვა.

„ნათლია“ გამოვიდა ეკრანზე 1972 წელს და იმხანად მაყურებელი არ იყო განებივრებული ისეთი სცენებით, როგორც არის, მაგალითად, რომანში აღწერილი სერობა, ჰოლივუდში რომ გაუმართავთ, სადაც ჯონი ფონტეინი მიიყვანს თავისი ყრმობის მეგობარს ნინო ვალენტის და გააცნობს ჰოლივუდის მზეთუნახავ ვარსკვლავს – მისი სიჭაბუკისდროინდელი ოცნების ქალიშვილს, რომელიც ეკრანიდან აჯადოებდა მთელ ამერიკას. და ეს ვარსკვლავი მისი ცოცხლად ნახვით გაოგნებულ იტალიელ მძღოლს, გაცნობიდან ხუთი წუთის შემდეგ, ე.წ. „ფრანგული სიყვარულის“ სეანსს უტარებს.

ეს რომ გაეშვათ ფილმში, ამერიკელი მაყურებელი ხომ გადაირეოდა!

მაგრამ კოპოლას, ჩანს, არ სურდა ამგვარი გზით სიარული. იგი უარს უცხადებდა ბინძური ყაიდის სენსაციუებს, არ ელტვოდა სკანდალურ პოპულარობას.

ერთი სიტყვით, „სექსპლუატაციას“ თავი აარიდა და, როგორც წერენ, ამ მხრივ „ნათლია“ წარმოადგენს სტერილურად სუფთა ფილმს, რაც იშვიათი გამონაკლისია თანამედროვე დასავლურ კინოში.

ბამარჯვება

ამქვეყნად ყველაზე ჰუმანური პროფესიის წარმომადგენელი, რომელსაც ექიმი ჰქვია, თუკი თავისი მაღალი კვალიფიკაციის დასამტკიცებლად ფეხქვეშ ქელავს სულიერად დაცემულსა და ფიზიკურად დაძაბუნებულ ადამიანს, ველარ გაგიგია, რა სჯობს – ცოდნა თუ უცოდინარობა.

დიდებული რუსი მწერალი ვარლამ შალამოვი თავის დოკუმენტურ მოთხრობაში „შოკური თერაპია“, 1956 წელს რომ დაუწერია, გადმოგცემს გასაოცარ ამბავს აღნიშნულ თემაზე – საბჭოთა კონცლაგერის ცხოვრებიდან. აი, ამ მოთხრობის მოკლე სინაარსი:

ტუსალი მერზლიაკოვი მორების თრევისას დალილობისგან ნაიქცევა და გასავათებული უეცრად გადანყვეტს, ამ წყულ ტვირის აღარ შეეჭიდებიო. ბადრაგებსაც და ტუსალებსაც ეჩქარება ბარაკში დაბრუნება. გამძვინვარებულნი დააცხრებიან თოვლში განოლილ მერზლიაკოს და უწყალოდ გალახავენ, თითქოსდა ხერხემალი გადაუმტვირის და თვითონვე მოუწვეთ მისი წაყვანა ლაგერში.

მერზლიაკოს მალე შეუხორცდება გაბზარული ნეკნი, მაგრამ ორად მოლუნული აგრძელებს წოლას და ამტკიცებს, ხერხემალი გადამიტყდაო. წელში ველარ იმართება და რამდენიმე თვეს გაატარებს რაიონულ საავადმყოფოში. შემდეგ ტუსალთა ცენტრალურ საავადმყოფოში გადაიყვანენ და მოათავსებენ ქირურგიულ განყოფილებაში (მოთხრობის ავტორიც ტუსალი იყო და სწორედ იქ მუშაობდა ფერშლად). რენტგენის კაბინეტში მერზლიაკოს დაუყოვნებლივ გადაუღებენ სურათს, მაგრამ ტექნიკურ მიზეზთა გამო სურათი იმდენად უხარისხო გამოვა, რომ ექიმი კი არა, ეშმაკიც ვერ გაიგებს – მართალს ამბობს თუ ცრუობს მერზლიაკოვი. ის მზადაა, ყველაფერი მოითმინოს, ოღონდ არ დააბრუნონ სამუშაოდ ოქროს საბადოებზე, სადაც, ადრე თუ გვიან, გარდუვალი სიკვდილი ელის.

ნევროპათოლოგი გასინჯავს მერზლიაკოს და, სხვათა შორის, აუნყებს, რომ მრავალთვიან არაბუნებრივ მდგომარეობაში ჩავარდნილი ჯანსაღი კუნთებიც კი უძრაობას ეჩვევიან და კაცი თავს ინვალიდად გადაიქცევსო. ექიმი, ჩანს, რაღაცას ხვდება.

შალამოვის სიტყვით, სხენებული ნევროპათოლოგი თავისი სამუშაო დროის ნახევარს ანდომებდა სიმულანტთა გამომყლავენებას. მას მშვენივრად ესმოდა ტუსალთა სიმულაციის გამომწვევი მიზეზები – ცოტა ხნის წინათ თვითონაც ხომ ტუსალი იყო და არ აოცებდა არც სიმულანტთა ბავშვური სიჯიუტე და არც მათი ყალბბანდობის პრიმიტივიზმი. ვერავინ იტყოდა, ავადმყოფები არ ებრალებათ. არა, მხოლოდ თავის ცოდნასა და უნარს ამონებდა, როდესაც ხაფანგს უგებდა დამშეულ, ნახევრად

ჭკუიდან შერყეულ, გაუბედურებულ ადამიანებს.

და აი, ინყება ნევროპათოლოგის ორთაბრძოლა

წელში ორად მოლუნულ მერზლიაკოვთან. მას გაუკეთებენ ე.წ. რაუმ-ნარკოზს. ნევროპათოლოგი წელ-წელა და საზეიმო გამომეტყველებით წელში გამართავს ჩაძინებულ სიმულანტს. როცა ის გაიღვიძებს, უცებ ვერ ხვდება, სიზმარშია თუ ცხადში. მერე ლანძღვა-გინების კორიანტელს დააყენებს და ისევ ორად მოიღუნება. ნევროპათოლოგის დასკვნას, გამომყლავენებული ხარო, არაფრად აგდება. ნევროპათოლოგი გულწრფელად აქებს: ნამდვილი გმირი ხარ, მთელი წელიწადი გვაბითურებდიო.

მაგრამ მერზლიაკოვი არ აღიარებს თავის დამარცხებას.

ერთი კვირის შემდეგ ნევროპათოლოგი შოკური თერაპიის სეანსს ატარებს მთელი მედპერსონალის თანდასწრებით.

მერზლიაკოს ვენაში შეუშხაპუნებენ ქაფურის ზეთის ისეთ დოზას, რომელიც რამდენჯერმე აღემატება ჩვეულებრივს, სნეულის მიღული გულის გამოსაცოცხლებლად რომ იყენებენ. უზარმაზარი დოზა კი ინვევს მოულოდნელ შეტევას. მერზლიაკოვის ვეება სხეული უეცრად მაღლა ავარდება და სანიტართა მკლავებში აფართხალდება. საღია, საღია ხერხემალი!

თავისი გამარჯვებით აღტაცებული ნევროპათოლოგი საავადმყოფოს უფროსს მიმართავს: „დახეთ, როგორ აზვიადებს გოგოლი. გახსოვთ „ტარას ბულბას“ დასასრული? ლამის ოცდაათი კაცი ხელ-ფეხზე ჩამოეკიდაო. ეს გორილა კი ტარას ბულბაზე დიდრონი უნდა იყოს და მხოლოდ რვა კაცი აკავებდა“.

მეორე დილით, ავადმყოფთა შემოვლისას, ნევროპათოლოგი შეჩრდება მერზლიაკოვის საწოლთან და ეკითხება: რას იტყვი, რა გადანყვიტო?

„გამწერეთ“, – მორჩილად პასუხობს დამარცხებული სიმულანტი.

ექიმს დაუნერელი სასიკვდილო განაჩენი გამოაქვს კატორლული შრომით ქანცგანყვეტილი და სასონარკვეთილი ტუსალისათვის. და რაც მთავარია, ამას აკეთებს თავისი „მეობის“ დასამტკიცებლად, კოლეგების წინაშე თავისი მაღალი კვალიფიკაციის გამოსაჩენად.

ამგვარი ამბები მარტოოდენ კონცლაგერში როდი ხდება.

სად არის ზღვარი პროფესიის სიყვარულსა და დანაშაულის შორის? ნუთუ პროფესიული ვალი უნდა სპობდეს ელემენტარულ კაცთმოყვარეობას?

სხვისი ჭირი – ლობეს ჩხირიო. ამ ანდაზას, ჩვენდა სავალალოდ, ყავლი ჯერ არ გასვლია.

ქრონიკა

27 სექტემბერს ეროვნული ბიბლიოთეკის საკონფერენციო დარბაზი ტრადიციულად პოეზიის საღამოს დაეთმო.

ღონისძიებას წარმართავდა კულტურის და მეცნიერების დეპარტამენტის თავმჯდომარის მოადგილე გიორგი კილაძე. ახალგაზრდა პოეტმა აუდიტორია მოხიბლა თავისი წრფელი, ემოციური ლექსებით. უპასუხა შეკითხვებს და აქაური

შეხვედრების წესისამებრ ცოცხალი ლიტერატურული საღამოც შედგა.

სულ მალე ქეთი ხოსიტაშვილი საკუთარი პოეტური კრებული „ფოტოშეგრძნებების“ პრეზენტაციასაც გამართავს. აღსანიშნავია, რომ ახალი წიგნი ავტორისავე ნამუშევრებით იქნება ილუსტრირებული.